

M541H: Herbort von Fritzlar: 'Liet von Troye' (H)

- 0,1 Sû siñ kvnst meist ist
0,2 Ð hat gewalt an siñ list
0,3 Ð kan sie bekeren
0,4 Minren vnd meren
0,5 Witen vnd engen
0,6 Kvirtzen vnd lengen
0,7 Des ist ð tichtere
0,8 Wise vnd gewere
0,9 Der sich so hat behut
0,10 Daz er ane vbermut
0,11 Siner kvnst hat gewalt
0,12 Wēne ð vngelerte ist balt
0,13 Vñ wenet vō der warheit
0,14 Daz er habe wisheit
0,15 Doch ist er vnbereitet
0,16 Swēne in sin kvnst leitet
0,17 Vñ er sich niht bewarē kan
0,18 Daz zvhe ich an dē blindē mā
0,19 Er engriffe da er wec habe
0,20 Ich denke des daz er besnabe
0,21 Ð blinde siht des weges niht
0,22 Ð gesehende dar ane siht
0,23 Beide schadē vnd frumen
0,24 Da er mit sorgē mvz vñkvme
0,25 Ich heizze die vngel̃ten blint
0,26 Die schēden die geleret sint
0,27 Vō dem blindē spreche ich me
0,28 Wendaz ich selbe mvz e
0,29 Daz stuppe vz den augē lesen
0,30 Wē wa ich ivngere solte wesē
0,31 Wil ich da anð leren
0,32 So mvz man mirz vkerē
0,33 Doch lere ich daz ich gelerne
0,34 Sie wonēt entsamēt ġne
0,35 Vñ des vil vngelich
0,36 Swēne ich lere so lerne auch ich
0,37 Getichtes des wil ich nv phlegē

- 0,38 Also han ich seldē gāzen regē
0,39 Ez mvz mir einzeln tropfē in
0,40 Daz mir weichē sol den sin
0,41 Vō flizze wirt ð man gelart
0,42 Ð tropfe ist weich ð stein ist hart
0,43 Doch erholt ð tropfe dē stein
0,44 Vō anðs siñ krefte dehein
0,45 Gewalt er an im stellet
0,46 Wendaz er dicke fellet
0,47 Diz buch ist frāzoys vñ walsch
0,48 Sin fuge ist gantz vñ ane falsch
0,49 Zv kriechen was sin erste stam
0,50 In latin ez dannen quam
0,51 Hīnē ist ez an daz welhishe kvmē
0,52 Daz han ich also vurnvmē
0,53 Tares ð aller beste
0,54 Den sturm vō troygē weste
0,55 Wen er da mit was gewesen
0,56 Ð screip in vñ liz in lesen
0,57 Cornelius den strit las
0,58 Als er in kriechish gescribē was
0,59 Als hat ē in inz latin gekart
0,60 Sit ist ē tutsche zvnge gelart
0,61 Nach ð sol ich wirken
0,62 Wil ich die formē merkē
0,63 So mvz ich drisinnic sin
0,64 Eine ist kriechisch ein latin
0,65 Vñ des welschē buches ein
0,66 Zwischen den lestē sinnē zwein
0,67 Nim ich nv den dritten
0,68 Vñ folge im so mitten
0,69 Daz er min rechte geleite ist
0,70 An des tutschē buches list
0,71 Nv hant ez anð lute
0,72 Gemachet me ze dute
0,73 Den ist ez vil wol gelungē
0,74 Sint ez aß vō drin zvnge
0,75 Mit eime sinne ist her gescribē
0,76 Des bin ich dar zv beschibē
0,77 Daz ich si daz fierde rat
0,78 Daz ist rechte sus bestat
0,79 Sint ich von den drin quam
0,80 Daz mā mich zv dē fierden nam
0,81 Hat ez ein anð follen bracht
0,82 Als ich zv dem fierdē wart gedacht
0,83 So zele man mich zv dē füftē rade
0,84 Vñ frume ich niht ich bin niht schade
0,85 Ich buwe doch die strazzen

- 0,86 Die sie hant gelazzē
0,87 Manigē rat ane bane
0,88 Vñ baniche minē sin dar ane
0,89 Daz ich in bekere destē baz
0,90 Wen ǃ ist herte vnd laz
0,91 Ich wil in bigen ob ich kan
0,92 Daz hiz ǃ furste herman
0,93 ǃ Lantgraue von duringē lat
0,94 Diz buch hat im her gesant
0,95 ǃ graue von Liningē
0,96 Sol mir dar ane gelingē
0,97 So lēge ich ez mit willē niht
0,98 Ich spreche vō troyge daz licht
0,99 Von krichē landen wilē was
0,100 Ein kvnic ǃ hiez peleas
0,101 Edel vñ riche
0,102 Der lebete herliche
0,103 In burgē vñ in landē
0,104 Vō spise vñ vō gewanden
0,105 Was die vulle in sime hofē
0,106 Daz welsche buch vō des ǃrē lobe
0,107 Harte vil gescibē hat
0,108 Daz minem ǃzen wiǃ stat
0,109 Weren alle tugende in ein
0,110 Die die sūne ie beschein
0,111 Oǃ die mensche ie gewan
0,112 Vñ hette sie alle ein man
0,113 ǃ niht truwen hette
0,114 ǃ duchte mich vnstete
0,115 Des enlobe ich sin niht
0,116 Wen mit vntruwē phliht
0,117 Dirre vntruwē was gewon
0,118 Vmb sines brūǃ svñ
0,119 Dem frumē ritǃ sime nefen
0,120 Dem er von rechte solde gebē
0,121 Beide burge vnd lant
0,122 Im neǃ erbe niht was bekāt
0,123 Er hette selbe deheine kint
0,124 Als ir wol gehoret sint
0,125 Der selbe kvnic peleas
0,126 ǃ als vngetruwe was
0,127 Hette einē brūǃ hiz Eson
0,128 ǃ hette einē svñ ǃ hiz Jason
0,129 ǃ was iunc vnd hette tvgēt
0,130 Wer daz iemā in ǃ iugent
0,131 Vō tugendē mochte wesē wis
0,132 So was er gra vñ gris

- 0,133 In sime hertzē binne
0,134 Er was vrum vō sinē
0,135 Er was zv gote reine
0,136 Dem folke gar gemeine
0,137 Den armē zv gebēne
0,138 Sinē gelichen ebēne
0,139 Sinē vn̄dtanē otmvtig
0,140 Sinē vbertⁿgendē hochmvtic
0,141 Kindisch den kinden
0,142 Grimme den swinden
0,143 Ane wort frume zv ǃ tat
0,144 Vnd mit den wortē rat
0,145 Herte zv vngerete
0,146 Zv dem gelubede stete
0,147 Zv rechter gebe milde
0,148 Ge fuge zv dem schilde
0,149 Sinē finden offenbar
0,150 Sinē frundē ane var
0,151 Gruzsam in ǃ strazze
0,152 Vnd vō gutem gelazze
0,153 Einfeltic an ǃ gebere
0,154 Manicfaltic an der lere
0,155 Kvnstic an dem sinne
0,156 Redelich an dem gwīne
0,157 Gebougē zv ǃ wisheit
0,158 Starg zv ǃ erbeit
0,159 In v̄truc dehein sin schonheit
0,160 Im was sin leit niht zv leit
0,161 Noch sin liep zv liep niht
0,162 Daz doch vil seltē geschit
0,163 Mit zvhtē zv iuste v̄n zv spil
0,164 Ob ich in kvrtzlichē wil
0,165 Loben so het im got gegebē
0,166 Vō allen tugende ein edel lebē
0,167 Da dehein last inne was
0,168 Daz hazzete sin vȧt peleas
0,169 Dem kvnige was vil leit
0,170 Daz Jasones lop was breit
0,171 Vō lande zv landen
0,172 Vnd daz man erkande
0,173 Vber al sinē namē
0,174 Auch begonde er sich schamē
0,175 Daz man in lobete mere
0,176 Den in der des riches ere
0,177 Hette gephlogē manigē tag
0,178 V̄n er es nie niht gephlac
0,179 Auch forte er daz er queme
0,180 Daz er im schiere neme

- 0,181 Harte schedeliche
0,182 Sinē gewalt vñ sin riche
0,183 Her vmbe was sin gedanc
0,184 Manigē kvrtzē tag vil lanc
0,185 Wie er daz erdechte
0,186 Daz ern zvme tode brechte
0,187 Peleas gedachte auch mere
0,188 Wie ein lant were
0,189 In eime felse vf dem mer
0,190 Harte veste von gewer
0,191 Ez was ein wol bewart lant
0,192 Colchos was ez genant
0,193 Da was ein stere inne
0,194 E gebreche mir ð sinne
0,195 E ich wol gesagē kvnde
0,196 Wie ez vm den sterē stunde
0,197 Sin schepper was vō golde
0,198 Sŵ es gewinen wolde
0,199 Her hette nie so festē mvt
0,200 So wol was ez behut
0,201 Vō slangē vñ vō wurmē
0,202 Daz er ez kvnde ersturmē
0,203 Swelich tugenthaff man
0,204 Anderswa den pris gewan
0,205 Quam ē dar er lac dar nið
0,206 Vñ quam nīm me wider
0,207 Hie dachte er daz er sinē nefē
0,208 Furratē wolte daz iunge lebē
0,209 Nach disē tagē i kvrʒ zit
0,210 Ð kvnic gebot ein hochzit
0,211 Zv pelopene i siñ stat
0,212 Jasonē er dar kvmē bat
0,213 Ercules mit im dar quam
0,214 Kvne vñ dar zv freissam
0,215 Vō also grozzer fumekeit
0,216 Als ich iv da vor han geseit
0,217 Da ich vō Jasone gesprochē han
0,218 Daz mvget ir alhie vurstan
0,219 So was er ferre baz bekant
0,220 Er hette geuarn durch die lant
0,221 Vñ hette in sinē zitē
0,222 Vil getan in striten
0,223 Vñ vō grozzer maheit
0,224 Daz im nīmā wið streit
0,225 Die furstē dar quamē
0,226 Die die hochzit furnamē
0,227 Die ich genēnē niht enkan
0,228 Frauwē vñ die dinstman

- 0,229 Quamē alle sament dar
0,230 Wol bereitet vñ gar
0,231 Zv behurt vñ zv stritē
0,232 Dar quamē bi ð zitē
0,233 Siben hūdert vñ auch me
0,234 Ane die mit Jasone
0,235 Vñ mit ercule dem frumē
0,236 Zv ð hochzit warē kvmē
0,237 Sie hettē lute vil bracht
0,238 In was bereitet sibē nacht
0,239 Harte vil vō spise
0,240 In aller hande wise
0,241 So ez dem kvnige wol gezam
0,242 Do man die thische abe nam
0,243 Vñ daz folc gestillet was
0,244 Do sprach ð kvnic peleas
0,245 “Ich hore sagē ez si ein lant
0,246 Daz ist Colchos genāt
0,247 Ferre in eiñ mvrē lit
0,248 Wol gefestent an alle sit
0,249 Da ist wūder inne
0,250 Vō aller hande gewīne
0,251 Vñ auch ein ding des ich ger
0,252 Daz ist ein wūdlicher stere
0,253 Sin schepper guldin ist
0,254 Wol behut mit maniĝ list
0,255 Vō maniĝ hande sachē
0,256 Vō slangē vñ vō trachē
0,257 Swa ich mir den funde
0,258 Ğ in gewūnen kvnde
0,259 Dem gebe ich vō golde
0,260 Swaz er des habē wolde”
0,261 Zv hant nach disen wortē
0,262 Du Jason diz gehorte
0,263 Alsus entwurte er des
0,264 “Hort ir diz her Ercules
0,265 Dise not die ist min
0,266 Wolt ir min geselle sin
0,267 So ist ez vnser erbeit”
0,268 Ercules sprach “ich bin bereit
0,269 Wir svln entsament hinē farn
0,270 Got ð mvzze vns bewarn
0,271 Vñ soldē wir den tot dolē
0,272 Wir svllen im dē sterē hole”
0,273 Do sante ð kvnic peleas
0,274 Zv gari da argus was
0,275 Vñ hiz daz man in ime gwan
0,276 Ğ was ein gut zīmerman

- 0,277 Er was auch ð beste
0,278 Den man zv krichē weste
0,279 Argus san zv houe quam
0,280 Als er die botschaft vurnam
0,281 Er ginc vur den kvnic stan
0,282 Ð kvnic enphinc in gruzsam
0,283 Er sprach "sint du nv bist kvmē
0,284 Du mvst mir miñ bete frumē
0,285 Du mvst dich erbeitē
0,286 Vñ ein schif bereiten
0,287 So du aller schrst maht
0,288 Daz es si follen bracht
0,289 Mime nefen Jasane
0,290 In eime mande oð e"
0,291 Do entwurte im argus
0,292 "Wie gebet ir mir den tag sus
0,293 Er ist zv kurtz vf geleit
0,294 Doch sol ez wden iv bereit
0,295 Sint ir ez hat gesprochen
0,296 Inwendic fier wochen"
0,297 Ilen er begonde
0,298 So er meist konde
0,299 Daz er ez geworhte in zit
0,300 Er machte ez lanc vñ wit
0,301 Starc an den enden
0,302 Mit fugē vñ mit bendē
0,303 Allenhalbē harte fast
0,304 Daz im nictes niht brast
0,305 Do daz schif bereit wart
0,306 Do hette sich Iasō zv ð fart
0,307 Vñ ercules ð helt gemeit
0,308 Mit guť geselleschaft bereit
0,309 So sie sie beste fundē
0,310 Vñ erkisen kvnden
0,311 Daz sie waren deheine zagē
0,312 Do hizzen sie zv schiffē tragē
0,313 Mastboume vñ zvgeheil
0,314 Dar zv alles des ein teil
0,315 Daz in schiffē solte sin
0,316 Frisch wazzzer vñ win
0,317 Beide fleisch vñ brot
0,318 Vñ swaz in zv sulch not
0,319 Ieman kvnde gewisen
0,320 Sie namē ir iser vñ isen
0,321 Harte gute sarewerc
0,322 Banir helm vnd halsberg
0,323 Sper phile vnd swert
0,324 Des die rittschaft noch gert

- 0,325 Des hettē sie gefuget ir schar
0,326 Sie warē wol zv strite gar
0,327 Vn wol bereitet zv d̃ wer
0,328 Iason d̃ ginc an daz mer
0,329 Sie folgetē im alle an dē stat
0,330 Balde er in daz schif trat
0,331 Mit den ivngelingen
0,332 Die mit im dar gingē
0,333 Erculi sere liebē began
0,334 Daz dem kindischē man
0,335 Sin mvt was so herte
0,336 Zv sus getań ferte
0,337 Sie riffen den schifmānē
0,338 Vn hizzē sie keren dannē
0,339 Sie namē die ruđ ī die hāt
0,340 Vn kartē hin zv troygē lāt
0,341 In was zv der ferte gach
0,342 In quam ein svzze wint nach
0,343 Irn schiffen harte gut
0,344 D̃ warf sie durch des meres flut
0,345 Harte snelliche
0,346 Zv troyge in daz riche
0,347 Da saz d̃ kvnic Laomedon
0,348 Do hiz Ercules vn Jason
0,349 Ir segele strichē abe
0,350 Sie hettē fundē eine habe
0,351 Bi eime wazzer kleine
0,352 Luť vnd fil reine
0,353 Frisch vn gut in allē wis
0,354 Ez was geheizzē symois
0,355 Do quamē sie zv lande
0,356 Vn hizzē vf deme sande
0,357 Breitē vber al daz felt
0,358 Ir paelun vn ir gezelt
0,359 Vn ruwetē al da vf dem stade
0,360 An des lantfolkes schaden
0,361 Sunđ not vn klage
0,362 Vollecliche zweine tage
0,363 Mit freudē vn mit ioye
0,364 Do wūderde die vō troyge
0,365 Waz folkes daz were
0,366 Do quam in daz mere
0,367 Ez ist ercules vn Jason
0,368 Do dachte d̃ kvnic Laomedon
0,369 Daz sie weren dar kvmē
0,370 Mer zv schadē den zv frumē
0,371 Als er es gedacht hate
0,372 Do ginc er zv rate

0,373 Mit sinē wisen mannē
0,374 Wie er sie brechte dannē
0,375 Vñ sprach zv den er suchte rat
0,376 “Nu set wie diz ding gat
0,377 Die kriechē farnt mit listē
0,378 Sie wenent daz wir iht wistē
0,379 Vñ sint mit rate her gesant
0,380 Daz sie vurratē vnser lant
0,381 In wes geleite sint sie hie
0,382 Wir gesahē diz vnбилde nie
0,383 Noch so grozze kvndekeit
0,384 Daz die herrē ane geleit
0,385 Alsos freuelichē
0,386 Farent in diz riche”
0,387 “Heizzet sie balde hinē farn
0,388 Vnd daz siz anđswa bewarn”
0,389 Der kvnic was des rates fro
0,390 Er dachte dem dinge wer also
0,391 Einē ritter er do nam
0,392 Ď im zv botē wol gezam
0,393 Gespreche vñ mit gutē siten
0,394 Vnd gap im siben knappen
0,395 Er sprach balde vñ gerade
0,396 “Ritet hin zv des meres stade
0,397 Vñ saget den krischēnischē lutē
0,398 Daz ich in enputen
0,399 Daz sie hinnē keren
0,400 Mochte iz getun mit eren
0,401 Ođ vor hubischeite
0,402 Sint sie ane geleite
0,403 Kvmē sint in diz lant
0,404 Des mochtē werden sie geschant
0,405 Vnd quemē es in grozze not”
0,406 Ď bote tet als er gebot
0,407 Er reit hin vf den stat
0,408 Die ģren er alle sament bat
0,409 Daz sie vurnemē sine wort
0,410 Vñ saget in als er hette gehort
0,411 Vō sines ģren mvnde
0,412 So er best kvnde
0,413 Do Ercules die rede vnam
0,414 Ď zorn im an sin ģze kam
0,415 Also vzzet mazzē groz
0,416 Daz im vber sine augē floz
0,417 Vō dem zorne đ sweiz
0,418 Sine zene er zv samne beiz
0,419 Sine ougē er vurkarte
0,420 Do ramph sich sin swarte

- 0,421 Sin stirne sich zv samne las
0,422 Diewile im zo zorne was
0,423 Do sprach er mit ein̄ stime
0,424 Harte heiz grimme
0,425 "Bin ich ǃ wilē bestunt
0,426 Creberū den hellehunt
0,427 Den ich in der helle fant
0,428 Sint ich in do vǃ want
0,429 Daz wil ich mime gote klaugē
0,430 Daz ich vō sus getanē zaugen
0,431 Hore dise mere
0,432 Ich wolte
0,433 Mit mir vf dem felde
0,434 Ez queme wol zv gelde
0,435 Ge sendet mich got wiǃ
0,436 Ich gesetze in also niǃ
0,437 In sin selbes lande
0,438 Daz er es gwinnet schande
0,439 Ez kvmet fil lichte noch ǃ tag
0,440 Daz er es gelockē niht en mag
0,441 So er ez gerne tete
0,442 So wirt ez harte spete
0,443 Daz swere ich im bi mime gote
0,444 Sus saget uwerme h̄rē h̄ bote"
0,445 ǃ bote reit vō dannē
0,446 Sie riffen den schifmānē
0,447 Vñ hubē sich aǃ vf den se
0,448 Ercules mit Iasone
0,449 Vñ ander ir gesinde
0,450 Sie wurdē vō eime winde
0,451 Getribē hin in daz lant
0,452 Da sie hine waren gesant
0,453 Sint sie nv vurnamē
0,454 Daz sie zv dem lande quamē
0,455 Sie begundē deste mer gahen
0,456 Do sahen sie eine stat stan
0,457 Da wonte ǃ kvnic Oertes
0,458 Die stat hiz iaconites
0,459 Feste vnd wol behut
0,460 Tiffe mit des meres flut
0,461 Alvmbe beflozzē
0,462 Mit mvren beslozen
0,463 Geziret mit gezinne
0,464 Da stundē drizzic inne
0,465 Tvrme hoch vñ wit
0,466 Wol feste in alle sit
0,467 Sahen sie ein palas
0,468 Da ǃ kvnic vffe was

- 0,469 schone vñ reine
0,470 Vō edeln mermelsteine
0,471 Gvte kemēnaten
0,472 Vz den schiffē sie do tratē
0,473 Balde sie sich bereittē
0,474 Die ħren sich kleittē
0,475 Von svlchem gewandē
0,476 So sie in krichē landē
0,477 Vunden daz beste
0,478 Do taten an die geste
0,479 Phellil vnd zindat
0,480 Mit golde herte wol genat
0,481 Samit vñ blialt
0,482 Mit gesteine wol bestalt
0,483 Al vmbe die nete
0,484 Guldine drete
0,485 Mit dem silber vnđ britē
0,486 Die kleiđ warē so gesnitē
0,487 So daz iegelichme snite
0,488 Folgete daz golt mite
0,489 Als man an deme schrate
0,490 Daz wappen gesnitē hate
0,491 Also ginc đ borte vm den rant
0,492 Des was daz wappē wol bekāt
0,493 Svlich waren ir kleit
0,494 Do gingē die ħren wol bereit
0,495 Hin gegen dem burctore
0,496 Die junchrē gingē vore
0,497 Die in trugē ir swert
0,498 Do gingē sie zv đ stat wert
0,499 Zv hant do quamē mere
0,500 Daz da komen were
0,501 Ein volc harte wol getan
0,502 Daz mere breitete sich san
0,503 Vber al daz lāt qūa do đ schal
0,504 Sie liffē vz vberal
0,505 Entsament vñ svnđ
0,506 Sie nam groz wunder
0,507 Wer đ ħeren weren
0,508 Die mit svlchē eren
0,509 Warē komē in daz lant
0,510 Sie engesahē nie svlch gewāt
0,511 Wđ an warwe noch an snite
0,512 Des so volgetē sie in mite
0,513 Durch ir grozze schonheit
0,514 Ir glast vñ ir kleit
0,515 Was allez in lobe
0,516 Do kamē sie zv des kvniges houē

- 0,517 Die ritt̃ gegen in gingē
0,518 Wol sie sie enphingen
0,519 Herren vñ die knechte
0,520 Iegelichē nach sime rechte
0,521 Dem kvnige kamē mere
0,522 Daz Iason kvmē were
0,523 Da er an dem rate saz
0,524 Sines rates er vurgaz
0,525 Vñ spranc balde her vur
0,526 Vñ engegent im in ð tur
0,527 Vñ enphinc sie mīnecliche
0,528 Vñ leitte sie hubesliche
0,529 Vf sin schon palas
0,530 Dar nach daz ir wurde was
0,531 Er satzte sie vf die benke
0,532 Vñ hiz den h̃ren schenkē
0,533 Nach sines landes sitte
0,534 Vnd troste sie vñ fragete da mitte
0,535 Waz ir gewerp were
0,536 Vñ saget in sine mere
0,537 Beide vbel vnd gut
0,538 Als man fremden lutē tut
0,539 Daz tet ð h̃re vmbe daz
0,540 Daz ir iegelich deste baz
0,541 Des ezzens erbeitte
0,542 Biz manz im bereitte
0,543 Der kvnic eine tocht̃ hate
0,544 Harte wise an rate
0,545 Als mir daz buch saget
0,546 Sie was ein harte wise maget
0,547 Wen sie wol wiste
0,548 Aller hande liste
0,549 Die vf der erdē
0,550 Immer mochte w̃dē
0,551 Sie kvnde arzedigē
0,552 Vñ von nygromancien
0,553 Daz man heizzet swarze buch
0,554 Da man ane findet fluch
0,555 Vñ beswernisse
0,556 Wie man in vbelnisse
0,557 Die vbeln geiste beswert
0,558 Daz man an in eruert
0,559 Allez daz da ist geschehē
0,560 Vñ wie mā vor kan besehē
0,561 Manic ding daz kvmftic ist
0,562 Noch so lernet man die list
0,563 In eiñ stat zv tolet
0,564 Die in yspanigē stet

- 0,565 Die maget hiz Medea
0,566 Iz were ferre ođ na
0,567 In dem lande vberal
0,568 Swaz vō mēschē wizzē sal
0,569 Daz mochte sie wol wizzē
0,570 Sie hette siz so geflizzē
0,571 Sie beswur daz wazđ daz iz ginc
0,572 Wiđ an sin vrspring
0,573 Vñ zv bge wert schoz
0,574 Daz iz wilen niđ floz
0,575 Des nachtes sie dē manē beswr
0,576 Daz er hindwer vur
0,577 Als er solte vur gan
0,578 Des was niht mā hette es wā
0,579 Daz iz also were
0,580 Daz kvnnē zouberē
0,581 Vnd zouberinnen
0,582 Vō sus getanen sinnē
0,583 Kvnde die frauwe vile
0,584 Beide zv ernste vñ zv spile
0,585 Do medea vurnam
0,586 Daz er Iason dar quam
0,587 Sie was is fro vñ gemeit
0,588 Ir was vō siñ hubisheit
0,589 Harte vil da vor gesaget
0,590 Des hette er ir vil wol behaget
0,591 E sie in ie gesehe
0,592 Des was ir harte gehe
0,593 Sie ginc in ein schone gadem
0,594 Vñ nam ir helfenbeinē ladē
0,595 Da ir zirde inne was
0,596 Vñ streichte ir schonē vaz
0,597 Ir scheiteln sie berichte
0,598 Die szoppe sie slichte
0,599 Siden far was ir har
0,600 Ir ogen luter vñ clar
0,601 Vnd irme antlitze gar
0,602 Was ir farwe wiz rot far
0,603 Noch rechte wiz noch rechte rot
0,604 Wen als zv đ mazze was not
0,605 Noch wiz noch rot dar inne schein
0,606 Daz man zwischē disen zwein
0,607 Rechte da mittē abe nam
0,608 Zv eiñ gemistē warwe ez quam
0,609 Zv rechť lenge zv fuge smal
0,610 Als ein maget wesen sal
0,611 Die zv den bestē ist genant
0,612 Sie satzte vf ein harbant

- 0,613 Da ð karfunkel stein
0,614 Vz dem rotē golde schein
0,615 Mit anderme gesteine
0,616 Sie tet an ein hemde kleine
0,617 Daz was wol gezieret
0,618 Gelesen vñ geriddiret
0,619 Gebleichet vñ geblichē
0,620 Ermel gestrichē
0,621 Mit der siden ane genat
0,622 Dar vber eine phelline wat
0,623 Mit dem golde gewebē
0,624 Solte ich tusement iar lebē
0,625 Vñ werē miner fiere
0,626 Wir enkvndē vō ð gezirde
0,627 Nimer gesagē vollē gnvc
0,628 Die die frauwe ane truc
0,629 Medea her vur ginc
0,630 Iasonē sie wol enpfinc
0,631 Vil gezogenliche
0,632 Dar nach irn iegelichē
0,633 Do Iason sie ane gesach
0,634 Ir varwe in in daz ouge stach
0,635 Ich wene in des duchte
0,636 Daz die svnne luchte
0,637 Mit ir vf daz palas
0,638 Wende sie so schone was
0,639 Auch duchte die frauwē
0,640 Du si begunde schauwen
0,641 Daz da were ein svnen schin
0,642 Da sin varwe solde sin
0,643 Vō disē zwein gedunckē
0,644 Quamē zwene funkē
0,645 Irme itwederme an sinē mvt
0,646 Daz da heizzet mīnen glut
0,647 Daz quam sie beide entsamēt an
0,648 Zv dem erstē ez cleine bran
0,649 Sint bran iz sere
0,650 Daz ist niht ands mere
0,651 Do sie die mīne ane geswanc
0,652 Noch dan was sie so kranc
0,653 Sint quam sie in ī die sinne
0,654 Do sterkete sich die mīne
0,655 Als ir wol gehort her na
0,656 Do satzete sich medea
0,657 Iason bi sie nið gesaz
0,658 Er merkete daz
0,659 Daz sie hette so schone kleit
0,660 Nehete an and schonheit

0,661 Er mvste sie wol lip han
0,662 So wol was ir gewant getan
0,663 Sie was auch so schone
0,664 Enhette sie an giftē noch an lone
0,665 Nirgē eines phēniges wert
0,666 Er hette ir ġne gegert
0,667 Enhette sie schone noch kleit
0,668 So was si sulchſ wisheit
0,669 Vñ vō sulchē sinnē
0,670 Er hette ġne ir miñe
0,671 Enhette sie niht vñđ disē drin
0,672 Noch schone noch cleit noch dē sin
0,673 Svlch was ir geberde
0,674 Daz si im lieb were
0,675 En hette sie dirre nirgē nit
0,676 Ĵ ich itzvnt vch beschit
0,677 Sie was vō sulchem geslechte
0,678 Daz sie im queme rechte
0,679 Do er disses gedachte
0,680 Sin gedanc in brachte
0,681 So ferre in ir minne
0,682 Daz er sine sinne
0,683 Zv đ erstē gift ir sante
0,684 Do er baz genante
0,685 Er sante ir zv đ andn gift mite
0,686 Sine gelezze vñ sine site
0,687 Zv dem dritten sine witze
0,688 Zv dem vierdē sin antlitze
0,689 Zv đ funften hze vñ mvt
0,690 Die sehste gift die was gut
0,691 Beide lip vnd leben
0,692 Daz hette er ir allez gegebē
0,693 Vmb ir steten minne
0,694 Do ging die kvnegine
0,695 Vñ đ kvnic raten
0,696 In eine kemēnaten
0,697 Mit wie getaner wise
0,698 Sie geteten vm die spise
0,699 Wie sie zv houe queme
0,700 Daz iz wol gezeme
0,701 Iason fugete sich du
0,702 Der iuncfrauwē baz zv
0,703 Vñ vursuchte sie mit gruzze
0,704 Vnd als er die mvzze
0,705 Vñ die state an ir fant
0,706 Er greif ir an ir gewant
0,707 Den stoup er ir abe las
0,708 Da gestuppes nie niht was

0,709 Da hette er die geberde
0,710 Als da stoup were
0,711 Daz tet ð herre vmbe daz
0,712 Daz er griffe furbaz
0,713 Er greif ir vnð daz kleit
0,714 Daz was ð iuncfrouwē leit
0,715 Sie sprach “tut hine daz durch got
0,716 Iz ist ernste oder spot
0,717 Ir sit in grozzē vmbatē
0,718 Deheines griffens ich vch statē
0,719 Redet daz vch zv redē geschit
0,720 Ich enkere mich an das griffē niht”
0,721 Sus gwan er antwurte
0,722 Daz ich die rede kvrte
0,723 Da wart rede wið rede gegebē
0,724 Sie begūdē in beið sit sweben
0,725 In der mīne suzzekeit
0,726 Ir herze in vf vñ nið reit
0,727 Die frauwe begūde sich schamē
0,728 Doch vurtreip sie iz mit g^amen
0,729 Vñ wart ouch dicke vil rot
0,730 Dem hīren waz zv sprechē not
0,731 Die mīne twanc in daz ē sprach
0,732 “Herre got wol mich ach
0,733 Waz ist lieb vñ leit
0,734 Hant sie dehein vnðscheit
0,735 Ich wene sie beide sin ein
0,736 Sit sie zwei son weiz ich vnð zwein
0,737 Deheine vnder scheide
0,738 Also han ich sie beide
0,739 Wie ist mir armē so
0,740 Ich bin truric vñ bin fro
0,741 Iedoch entsebe ich wilē daz
0,742 Daz min freude wirt laz
0,743 Vñ min leit fur strebet
0,744 So kvmet daz min hīze swebet
0,745 In eiñ vnsenften senftickeit
0,746 Bi wilen lazzet mir daz leit
0,747 Vñ wirt mir ð freudē me
0,748 So ist mir harte sanfte we
0,749 Wilen sint sie vf ð wage
0,750 gliche snel vñ trage
0,751 So ist mir sanfte vnsanfte
0,752 Vñ vnsanfte sanfte
0,753 Waz ist daz ich geredet han
0,754 Kan daz immā vurstan
0,755 Daz ist harte wundlich
0,756 Ich wene die elb triegēt mich

- 0,757 Machet mīne daz ich reben
0,758 Nein mir ist zouß gegebē
0,759 Ez enist doch dehein zouber nit
0,760 Vō mīnen ez mir geschit
0,761 Daz entsebe ich da bi wole
0,762 Mir ist das h̥ze alsam ein kole
0,763 D̥ minne fuer ist so starg
0,764 Daz mir svdet min marg
0,765 Vn̄ brinnet min gebeine
0,766 Ich han dehein ađn so kleine
0,767 Sie ensi warm vn̄ heiz
0,768 Daz geziehe ich an den sweiz
0,769 D̥ mir rinnet in die schoz
0,770 Mir ist die hitze also groz
0,771 Vzzē vnde innen
0,772 Daz ich gar vurbrīnen
0,773 Mir kvme denne kelde na
0,774 Horet iz vrouwe medea
0,775 Selige maget nv gebet mir rat
0,776 Ich weiz wol daz ir kvnst hat
0,777 Des mir werrēde ist
0,778 Mir enhelfe drabe uwer list
0,779 Mich enkan niemā erner”
0,780 Die frauwe in ir stillē gewer
0,781 Truc die selbē swere
0,782 Sie sprach “wie liep mir were
0,783 Daz ich des iht kvnde
0,784 Daz iv zv stadē stunde
0,785 Vn̄ tetet irs niht durch kv̄dekeit”
0,786 Die wile was d̥ tisz bereit
0,787 Die frauwe zv tishe ginc
0,788 Also tet d̥ iungelinc
0,789 Do man du vur si truc
0,790 Vō spise me danne gnvc
0,791 Vrouwe medea ledic saz
0,792 Si entranc noch enaz
0,793 Vō gedanken wart si manic gefar
0,794 Iason wart des gewar
0,795 Daz sie in gedankē were
0,796 Des entweich im sin h̥ze swere
0,797 Vn̄ entlīz sich sin leit
0,798 Er weich an eine semfickeit
0,799 Die frauwe saz in hute
0,800 Sie sach in mit dem mvte
0,801 Den daz ouge nie gesach
0,802 Ir mvnt sweic ir h̥ze sprach
0,803 “Ouwe kvnst ouwe list
0,804 Hette ich kvnst ich gwūne frist

0,805 Daz ich bliebe in libe
0,806 Nv ich nindn blibe
0,807 Nv far hin armer geist
0,808 Da du Iasonē weist
0,809 Du salt imm̃ vmbe in swebē
0,810 Diewile er hat daz leben
0,811 Swēne er hinnē scheide
0,812 So farent entsamēt beide
0,813 Dar vch got gewise
0,814 Daz svnnen paradise
0,815 Daz ir da imm̃ entsāmēt sit
0,816 Wie han ich vurlorn mine zit
0,817 Daz ich ie in flizze was
0,818 Vn vō arzedigē las
0,819 Vn so wol was gelart
0,820 Daz nieman so sich me enwart
0,821 Er genese miner lere
0,822 Swie sich er were
0,823 An libe vn an der hut
0,824 Ich erkante selben vn alle krut
0,825 Alle wurze vn irn smag
0,826 Sint daz ich arme nv niht mag
0,827 Helfe mir gebieten
0,828 Noch arzedige genietē
0,829 Ouch was ich ṽb manige lāt
0,830 Vō eiñ andn list bekant
0,831 An dem gestirne ich sach
0,832 Waz vō al̃d her geschah
0,833 Vn kvnde wol vor sehen
0,834 Waz an daz ende solde geschehē
0,835 Itzvnt alhie enweiz ich niht
0,836 Waz mir armē icht geschit
0,837 Añd kvnst ich kvnde
0,838 Vz dem helle grunde
0,839 Die tvfel ich alle beswur
0,840 Daz ich an in erfur
0,841 Alsz daz vf̃ d̃ erdē was
0,842 Phfi dich vnreinez gedwas
0,843 Nv mõchte ich l̃te lange sweren
0,844 E du mich kvndes generen
0,845 Añd kvnst ich wiste
0,846 Daz warē zouberliste
0,847 Die kvnst ich also lange treip
0,848 Vnz mir d̃ name bekleip
0,849 Ich were ein zouberinne
0,850 Man wart es auch wol inne
0,851 Swaz ich wolde tribē
0,852 Zwischen m̃anē vn wibē

0,853 Des follē quam ich an dirre list
0,854 Nv enweiz ich waz zouß ist
0,855 Wie ist mir armē geschen
0,856 Man mag wūđ am mir sehē
0,857 Mich dunket daz ich Iasō si
0,858 Vñ eines andern da bi
0,859 Daz Iason si ich
0,860 Daz ist auch wūderlich
0,861 Wen er ist hie ich bin da
0,862 Bin ich medea
0,863 Vnd hat Iason minē sin
0,864 So weiz ich wol daz ich zwei bin
0,865 Daz engeschuf got nie
0,866 Bin ich da vñ er hie
0,867 Wie solde ich danne genesē
0,868 Des mvz ich iedoch Iasō wesen
0,869 Bin ich Iason so bin ich ein mā
0,870 War vmbe quele ich arme dan
0,871 Daz ich selbe werde min
0,872 Die rede mag rvwic sin
0,873 Wie ist mir armer sus
0,874 Weste ich wa frauwe venus
0,875 Ğ minnē frauwe were
0,876 Ich klaugete ir mine swere
0,877 Ich bin is wordē innen
0,878 Ez kvmet mir vō mīnen
0,879 Iasan mir daz leit tut
0,880 Ein ritt hubisz vnd gut
0,881 Ich bin im innēclichē holt
0,882 Daz ist doch ane mine schult
0,883 Ich han in selbe niht erkorn
0,884 Ich wene iz mich an ist geborn
0,885 Vō dem erstē wibe
0,886 Die ie quam zv libe
0,887 Sint iz got geschaffē hat
0,888 Waz solde mir dāne anđ rat
0,889 Wēne got rate mir dar zv
0,890 Swēne ich sinē willē tu
0,891 Daz mirz armē wol erge
0,892 Zv guter mīne zv rechtē e”
0,893 Von diseme wille
0,894 Begunde ir leit stillē
0,895 Ir hze eine semfte gwan
0,896 Do hup man den tisz dan
0,897 Die truchtēzzē azzen
0,898 Die ritt zv dē fruwē sazze
0,899 Vñ vñdredetē sich
0,900 Mit maniğ rede gemelich

- 0,901 Vn vō disses hrē manheit
0,902 Vn vō gener frauwē hubescheit
0,903 Vn anđ rede manicfalt
0,904 Iason hette gutē gewalt
0,905 Zv reden daz er kvnde
0,906 Die frauwe in fragē begūde
0,907 Waz sin gewerp were
0,908 Dannoeh fragete sie mere
0,909 Waz er wolde in daz lant
0,910 “Frauwe ich bin her gesant
0,911 Vmbe einē guldinē steren
0,912 Got đ mvzze mich gewerē
0,913 Daz min wille dar ane erge”
0,914 “Her Iason nv sprechet niht me
0,915 Ir sit gewislich tot
0,916 Đ vch sante in dise not
0,917 Swie die rede dar zv quam
0,918 Er ist iv totlichē gram
0,919 Ir enkvnnet nimm̃ genesē”
0,920 “Frauwe daz mvz also wesen
0,921 Ez enlibet vñsuchet niht
0,922 Swaz auch mir da vō geschit
0,923 Diewile mir got des libes gan”
0,924 “Eya kindisch man
0,925 Ich behilde iv ġne daz leben
0,926 Vn wil es vch minē rat gebē
0,927 Als ich vch bescheidē
0,928 Gefellet er vns beidē
0,929 Daz wir entsament blibē
0,930 So mvzzet ir vurscribē
0,931 Alle wip immer me
0,932 Vn haltet mich zv uwerre e
0,933 Daz mvzzet ir mir bi gote swn
0,934 So wil ich iv den lip nern
0,935 Vn helfen daz uw̃ wille ergat”
0,936 “Frauwe als ir gesprochē hat
0,937 Ich bin zv swerne bereit
0,938 Swar mir vō iv wirt bescheit
0,939 Beide stat vñ zit”
0,940 Da wart niht lenġ gebit
0,941 Die beide sie im vñdschit
0,942 Do hette sie des tages nit
0,943 Des mvstē sie ir rede lan
0,944 Man hiz die geste slaffē gan
0,945 Do ruwetē die geste
0,946 Als Iason die zit weste
0,947 Die ime bescheiden was
0,948 Do sleich er durch daz palas

- 0,949 Vn quam hine an die stat
0,950 Die frouwe gegen ime trat
0,951 Vō ð stat da sie sin beitte
0,952 In daz beth⁹ sie in leite
0,953 Da sie irn got inne fant
0,954 Vn hiz in vf legē die hant
0,955 Als er vf hette geleit
0,956 Sie stabete selbe im dē eit
0,957 “Ich swere dir medea”
0,958 Iason sprach ir allez na
0,959 “Ich wil dich imm̃ zv wibe han”
0,960 Die selbē wort sprach er san
0,961 “Vn dehein anð wip hinnē furt”
0,962 Do sprach er auch die selbē wurt
0,963 “Daz swere ich bi dir Iuppite”
0,964 Daz selbe swur auch er
0,965 “Vn swere bi dir iuno”
0,966 Dānoch swur er also
0,967 “Vn swere bi dir ven⁹”
0,968 Auch so swur er alsus
0,969 “Vn swere bi dir pallas”
0,970 Die selbe rede auch sin was
0,971 Do der eit was getan
0,972 Sie begūdē dānē gan
0,973 Die frouwe do zv dem bette gic
0,974 Also tet der ivngelinc
0,975 Hie enspreche ich niht mere
0,976 Wie in entsament were
0,977 Daz ensage ich deme niht
0,978 Der sihs selbe hat genit
0,979 Sŵ sihs niht genitet hat
0,980 Wil er ez wiszen ane tat
0,981 Der habe tulent iar frist
0,982 Dannoeh en weiz er waz iz ist
0,983 Do ez hin fur dē tag quā
0,984 Zv sime wibe er rat nam
0,985 Wie er sin dinc erwurbe
0,986 So daz er niht vurdurbe
0,987 Sie gap im gutē rat
0,988 Nv merket wie daz ding stat
0,989 Mars ð got ð des wigis phlit
0,990 Ð enwil zv deheiner zit
0,991 Bi dem guldinē steren
0,992 Zweier starkē ohsen enperē
0,993 Den get daz fuer vz dem m̃vde
0,994 Nie dehein man enkvnde
0,995 Sich des behuten
0,996 Er mvste von dē glutē

- 0,997 Gar vurbrinen an den tot
0,998 Da ist vō wurmē michel not
0,999 Da vert vmb ein trache
0,1000 Man saget daz er wache
0,1001 Beide tag vñ nacht
0,1002 Vō den gotē hat er die macht
0,1003 Die hant in gesant dare
0,1004 Daz er den sterē wol beware
0,1005 Vnd anderz daz da bi ist
0,1006 Hie bedurfet ir wol gůt list
0,1007 Wi̊d vurgift vñ den stanc
0,1008 Vñ daz vch daz eitter niht kranc
0,1009 Make mit deme fuere
0,1010 Nv ist die arzedige tuere
0,1011 Die dar zv wesen sol
0,1012 Iedoch wirdet sie vns wol
0,1013 Zv hant sie do genante
0,1014 Ein licht sie enbrante
0,1015 Ein bilde sie l̥ivur tete
0,1016 Besungē mit irme gebete
0,1017 Bezoubert vnd besworn
0,1018 Ez was gut wi̊d den zorn
0,1019 Vñ wi̊d an̄ grimmekeit
0,1020 Sie gabez im er wart gemeit
0,1021 Sie gap im eine salben
0,1022 Vñ hiz daz er sich allen thalbē
0,1023 Gar mite best̥iche
0,1024 Swa in daz fur ane bliche
0,1025 So enkvnde ez im niht geschade
0,1026 Do gap sie im vz ir ladē
0,1027 Ein guldin fingerlin
0,1028 Daz wi̊d den zoubern solte sin
0,1029 Vnd wi̊d eitter vñ fur gift gut
0,1030 Wi̊d dē wurm vñ wi̊d des fures glut
0,1031 Eine tugēt er dar ane fant
0,1032 Swēne er ez besloz in ̊d hant
0,1033 So daz des fin̄glins stein
0,1034 De heinez licht beschein
0,1035 Daz zeichē im geschah
0,1036 Daz in nimma ensach
0,1037 Auch gap sie im einē brieb
0,1038 S̥w in sach ̊d hette in lieb
0,1039 Diewile er den brief las
0,1040 Die funfte gift ein kluwē was
0,1041 Vñ vō beche einē kloz
0,1042 ̊d dem wurme besloz
0,1043 Beide den adem vñ den geist
0,1044 Da ers bedorfte aller meist

- 0,1045 Do dise gabe da geschah
0,1046 Vñ Iason daz gesach
0,1047 Daz ð tag vf ging
0,1048 Die frauwē er vmbe fīnc
0,1049 Vñ kvste sie an irn mvnt
0,1050 Eines zwir dristunt
0,1051 Er hette sie gekust fil baz
0,1052 Wen daz ir ð mvt was naz
0,1053 Do weinte sie vor leidē
0,1054 Wende er dānē solde scheidē
0,1055 Dar vmbe svmete er sich niht
0,1056 Vō ð frauwē er schit
0,1057 Sine ding er do achte
0,1058 Sine gesellen er wahte
0,1059 Vf stunt do Ercules
0,1060 Dar quam ð kvnic Oertes
0,1061 Vñ sprach "Iason mir ist leit
0,1062 Daz ir durch uwer kintheit
0,1063 Sulche ding ane gat
0,1064 Daz ir den lip vurlorn hat
0,1065 Hie in disen landen
0,1066 Auch han ich es schande
0,1067 Ir sullet es vch mazzē"
0,1068 Er sprach "so si ich vurwazzē
0,1069 Vor gotes ougē imñ me
0,1070 Ich wolte daz min wille erge"
0,1071 Er wappente sich wol
0,1072 Ob ich rechte sagē sol
0,1073 Daz nie ritt gemeit
0,1074 Zv strite baz was bereit
0,1075 Er was wol zv fechtē gar
0,1076 Do folget im ein michel schar
0,1077 Vur die stat sie in leittē
0,1078 Sine gesellē hiz er beittē
0,1079 Da bi in eiñ nahen
0,1080 Daz sie hortē vnd sahē
0,1081 Ob sie sine not vurnemē
0,1082 Daz sie im zv helfen quemē
0,1083 Do er Iason hine quam
0,1084 An die lertzē ẽ dē schilt nam
0,1085 In die rechtē hant daz swert
0,1086 Mit dem lertzē fuzze hind̃ wert
0,1087 Mit dem rechtē trat er fort
0,1088 Daz swt bi des schildes ort
0,1089 Zv stiche er ez karte
0,1090 Vñ stunt vñ warte
0,1091 Wa er wolte striten
0,1092 Do enkonde er niht erbitē

- 0,1093 Balde er hin fur trat
0,1094 Vn quam vf die stat
0,1095 Da ð starke trache lac
0,1096 Er gap im slac vß slac
0,1097 Beide stiche vn stoz
0,1098 Daz fur im vz dem mñde schoz
0,1099 Oben an des schildes rant
0,1100 Ð herre was na vurbrant
0,1101 Vö dem fure wart ẽ swartz far
0,1102 Do streich er sine salbẽ dar
0,1103 Sinẽ brief er ouch las
0,1104 Sin bilde ouch dar mite was
0,1105 Vn sin guldẽ finglin
0,1106 Daz kluwen mvste da mite sin
0,1107 Mit dem swte daz er truc
0,1108 Den wurm er in daz houbet sluc
0,1109 So daz iz gar besouf
0,1110 Vö dem orte biz an dẽ knouf
0,1111 Ð wurm sich san vf hup
0,1112 Durch den schilt er in sluc
0,1113 Mit siñ starkẽ clan
0,1114 Als er in nið wolte slan
0,1115 Iason ime wið stunt
0,1116 Er stach im daz swt i dẽ mvt
0,1117 Daz im daz gehilze vor ð hant
0,1118 An den zenẽ wið want
0,1119 Fon des trachẽ funkẽ
0,1120 Sine nagel im stunkẽ
0,1121 Sin hut sich vö ð hitze rampf
0,1122 Waz solde imñ hter kampf
0,1123 Swischẽ wurme vn man
0,1124 Diewil im daz har bran
0,1125 Dannoeh entschont ẽ sin niht
0,1126 Den wurm er allẽ zv scriet
0,1127 Vn sluc die ossen dar nið
0,1128 Vn nam den steren vn kte wið
0,1129 Balde svñð reste
0,1130 Da er die sinẽ weste
0,1131 Do begentẽ sie im alle
0,1132 Vn furtẽ in mit schalle
0,1133 Hin wið in die stat
0,1134 Er hette sin erbeit wol bestat
0,1135 Ez was abüt stunde
0,1136 Bettẽ man in begunde
0,1137 Im vn sinẽ gesellen al
0,1138 Sie gingẽ slaffen in dẽ sal
0,1139 Frauwe medea dar quam
0,1140 Iasonẽ sie an dẽ arm nam

0,1141 Do lagē sie ane leide
0,1142 Des entsliffen sie beide
0,1143 Vor tage er entwachete
0,1144 Balde er sich vf machete
0,1145 Er vñ sine man
0,1146 Vñ hubē sich stille dan
0,1147 Die frouwē er mit im nam
0,1148 Die schone wise medeam
0,1149 Vñ hubē sich vf daz mer
0,1150 D̃ h̃re die frauwe vñ ir her
0,1151 Vñ als iz quam zv dem tage
0,1152 Do was harte grozze klage
0,1153 Suzze rede vñ scheltwurt
0,1154 Daz in die frauwe was enphurt
0,1155 Simelichē liep simelichē leit
0,1156 Die selben gewōheit
0,1157 In disen landē noch hat
0,1158 Swēne ein sulich ding ergat
0,1159 Iason ilte harte
0,1160 Zv lande er wiđ karte
0,1161 Do wart dem kvnege gesaget
0,1162 Daz Iason vn̄zaget
0,1163 Wer zv lande wiđ kvmē
0,1164 Mit grozzē erē vñ mit frumē
0,1165 Sie waren es alle gemeit
0,1166 An d̃ kvnic dem was ez leit
0,1167 Iedoch furte er in i die stat
0,1168 Vñ hiz im machē ein bat
0,1169 Vñ hiz in badē vñ scherē
0,1170 Vñ hiz des guldinē steren
0,1171 Nemē harte gute ware
0,1172 Daz lantfolc quam durch wūđ dare
0,1173 Rit̃ vñ frauwē
0,1174 Quamē dar durch schowē
0,1175 Des quam Iason zv grozme lobe
0,1176 In sines fetern des kvniges houē
0,1177 Hie ensaget nv niht me
0,1178 Daz welsche buch vō Iosane
0,1179 Noch vō sinem wibe
0,1180 Min rede alhie auch blibe
0,1181 Als sie da ist blibē
0,1182 Vō Erculē stat gescriebē
0,1183 Wie leide im were
0,1184 Vñ wie getane swere
0,1185 Im zv troyge geschah
0,1186 Do er mit Iasone lach
0,1187 Den crichen er daz klagete
0,1188 Daz im sin lant vursagete

- 0,1189 Also smeliche
0,1190 Der kvnic vō troygē riche
0,1191 Daz was im inneclichē leit
0,1192 Do saz er vf vñ reit
0,1193 Vñ ilte vil harte
0,1194 Do quam er hin zv parthe
0,1195 Da saz pollux vñ Castor
0,1196 Den leit er dise rede for
0,1197 Daz in ð troygere
0,1198 Mit groz̃ vngebere
0,1199 Wisete vz sime lande
0,1200 “Ir hat es alle schande
0,1201 Irn helfet mir andē min leit
0,1202 Min dinst was v ie bereit
0,1203 Nv lazzet mich uŵ helfe sehē”
0,1204 Sie sprachē “ez sol geschehē
0,1205 Swēne v selber ist liebe
0,1206 So sendet botē vñ brefe
0,1207 Wir kvmē mit ð erstē schare”
0,1208 Er gnadit in vñ neic dare
0,1209 Vñ saz vf vñ reit
0,1210 Beide fro vnd gemeit
0,1211 Zv Salemine furbaz
0,1212 Da er thelamō saz
0,1213 Waz sal vmbe rede gesagit
0,1214 Daz er dort hette geklaget
0,1215 Des envurgaz er hie niht
0,1216 Vñ als er vō ienen schīt
0,1217 Also schīt er hinnē
0,1218 Beiðsit mit minnē
0,1219 Do reit er wið in sin lant
0,1220 Da er peliam vant
0,1221 Vō den schīt er vil fro
0,1222 Dannē quam er zv pilo
0,1223 Da gelobet im Nestor
0,1224 Als die and̃n da vor
0,1225 Also lange er klaugete
0,1226 Vnz daz lant allez waugete
0,1227 Do samente sich vf daz mer
0,1228 Ein fil kreftigez her
0,1229 Starker helde bereitet wol
0,1230 Funfzehē kyele fol
0,1231 Furstē frigen dinstman
0,1232 Do bunden sie die segele an
0,1233 Als iz q̃a an die zit
0,1234 Daz die kelde gelit
0,1235 Vñ die ŵme zv gat
0,1236 So daz iar die suzze hat

0,1237 Noch zv heiz noch zv kalt
0,1238 Swēne saffet der walt
0,1239 Vñ enspringet daz gras
0,1240 Vñ der wint gut was
0,1241 Do schiften vz dem lande
0,1242 Die krichischē wigande
0,1243 Sie furen ir heruart
0,1244 Daz in ruwe niht enwart
0,1245 Inwendic siben nachtē
0,1246 Do ez quam an den achtē
0,1247 Tag vmbe vesper zit
0,1248 Daz sie sahen in alle sit
0,1249 Zv troyge in die geine
0,1250 Do ritē sie alle gemeine
0,1251 Daz sie die segel abe name
0,1252 Vnd zv stade quamē
0,1253 Ein teil hoe vf die nacht
0,1254 Als da was vor gedacht
0,1255 Also vollē quam ḏ rat
0,1256 Sie anckertē vor ḏ hanekrat
0,1257 Zv troyge in dem lande
0,1258 Ḑ kvnic peleus erkande
0,1259 Lant vnd leger stat
0,1260 Die hren er des alle bat
0,1261 Daz sie stille weren
0,1262 Vor den troygeren
0,1263 “Wir svln rechen vnser leit
0,1264 Iegelich ritt sie gereit
0,1265 Ob ez zv strite kvme
0,1266 Daz ez im selbe si frume
0,1267 Sẁ nv vns lezzet in der not
0,1268 Ḑ liget vor vnsern handē tot
0,1269 Wollē wir entsāment bestan
0,1270 So mvzzē wir daz da bi han
0,1271 Daz wir entsament fallen”
0,1272 Die rede behagete in allen
0,1273 Hercules lobete dē rat
0,1274 Als der kvnic gesprochē hat
0,1275 Also mvste iz geschen
0,1276 “Daz mvzzē wir vor sehē
0,1277 Wie wir mit listē gefarn
0,1278 Wir svln vns in fier scharn
0,1279 Peleus blibe in dem mer
0,1280 Pollux da bi mit sime her
0,1281 In daz gebirge kere kastor
0,1282 Zv walde ḏ alde nestor
0,1283 Ich wil mit telamone
0,1284 Slichē harte schone

- 0,1285 Bi die burg in dē hagen
0,1286 Als sie dāne begīnent iagē
0,1287 Vz đ burg zv vnser schare
0,1288 So nem alle samt ware
0,1289 Wie wir sie vmberingen
0,1290 So mvzzē sie dīngen
0,1291 Vnđ vnser baniere”
0,1292 Đ schare wurdē fiere
0,1293 Ir iegelich an siñ fart
0,1294 Als sie ercules hette gelart
0,1295 Des morgēs do ez tagete
0,1296 Đ wechter mere sagete
0,1297 Er rief von đ zinnen
0,1298 “Ich sehe daz lant brinnē
0,1299 Vñ blichende schilde
0,1300 Vber daz gefilde
0,1301 Helm vnd halsberg
0,1302 Vber tal vnd vđ berg”
0,1303 Die vurgultē zoume brünē
0,1304 Gliche đ svnnen
0,1305 Đ spore in gegen đ svinē schein
0,1306 Als sie beide weren ein
0,1307 Daz swert vñ daz schone sper
0,1308 Als đ sterre lucifer
0,1309 Mit andme geziere
0,1310 Schein die baniere
0,1311 Gepriset vñ geziret
0,1312 Vnder schackiret
0,1313 Mit roten vñ mit wizzē
0,1314 Man sach da gele glizzē
0,1315 Daz grune vñ daz blavare
0,1316 Do wart đ wecht gewar
0,1317 Daz iz fremde folc were
0,1318 Dem kvnige quam daz mere
0,1319 Balde er sich kleitte
0,1320 Daz mere sich breite
0,1321 E er were follē gekleit
0,1322 Do was daz mere harte breit
0,1323 Sie doztē vñ riffen
0,1324 An die were sie liffen
0,1325 Đ kvnic quam auch zv gewer
0,1326 Do sach er vnđ dem her
0,1327 Oben vō đ mvre
0,1328 Einē schilt vō lasure
0,1329 Dar inne einē lewē glizen
0,1330 Vō rotē vnd von wizzē
0,1331 Vñ eine baniere damite
0,1332 Harte glich an dem snite

- 0,1333 An dem zindate
0,1334 Als der schilt in varwe hate
0,1335 Hie bi er erkande
0,1336 Daz sie waren vō krichlande
0,1337 Ouch so merkete er daz
0,1338 Daz durch rache vñ durch haz
0,1339 Ercoles sie dar hette bracht
0,1340 Do duchte in daz ir macht
0,1341 Harte kleine were
0,1342 Er sprach "mir ist harte v̄mere
0,1343 Daz diz folc hie lit
0,1344 Sie sint kvmē durch strit
0,1345 Wir wollē ez in brīgē vf daz felt
0,1346 Mittē vñder ir gezelt"
0,1347 Diz ding also geschah
0,1348 Als ð kvnic for sprach
0,1349 Sie rantē hin zv dem stade
0,1350 Den krichē geschah ð erste schade
0,1351 Sie slugē vñ stachē
0,1352 Ir schar sie durch brachē
0,1353 Do was in allēthalbē not
0,1354 Ð kichen bleip da vil tot
0,1355 Nestor quam zv gerant
0,1356 Die krichē er in notē vant
0,1357 Do sluc er sporn zv sitē
0,1358 Vñ begūde hin riten
0,1359 Wēne ð selbe alð degen
0,1360 Die krichē werē gar erlegē
0,1361 Da wart geiustieret
0,1362 Vñ so gepunieret
0,1363 Daz die schefte zv sprūgen
0,1364 Die scharfē sw̄t erklügen
0,1365 Sie schrietē schilde vñ helm
0,1366 Da flouc stoup vñ melm
0,1367 Da was harte groz strit
0,1368 Pollux quam in eine sit
0,1369 In and̄sit quam castor
0,1370 Die vō troyge wichē vor
0,1371 Iedoch sie wol beherten
0,1372 Diewile sie sich wertē
0,1373 Ir kraft begūde merē
0,1374 Ð kvnic hiz sie keren
0,1375 An eine hoe zv ð burg w̄t
0,1376 Do teiltē sich die swert
0,1377 Daz man allenthalbē wut
0,1378 Da vñ hie durch daz blut
0,1379 Da was noch vngestritē
0,1380 Nestor quā do zv geritē

0,1381 Groz alsam ein hune
0,1382 Mit starckem gelune
0,1383 Alt vñ vil ernshaft
0,1384 Er furte einē schaft
0,1385 Groz alsam ein runge
0,1386 Sin ros ginc in sprūge
0,1387 Er warf iz her vñ dar
0,1388 Er rief lute in die schar
0,1389 “Wie nv ir troygēher
0,1390 Ist hie dehein ivstieher
0,1391 Ğ mich turre bestan”
0,1392 Ğ kvnic vō troyge rāte san
0,1393 Al da er in weste
0,1394 Er sprach “ir liebē geste
0,1395 Lazzet vch niht vursman
0,1396 Daz wir vch nv enpfan
0,1397 Als vntare
0,1398 E der wiðkare
0,1399 Ir werdet baz enphangē”
0,1400 Des hup er vf die stangē
0,1401 Die sin sper solde sin
0,1402 Vñ stach in durch dē schilt sin
0,1403 Des schildes buckel zv brach
0,1404 Durch den halsperg er in stach
0,1405 In gein der brust vf die platē
0,1406 Die quam im zv sulchē statē
0,1407 Wen sie da engegen was
0,1408 Daz er des stiches genas
0,1409 Die plate bestunt den sper for
0,1410 Do erholte sich nestor
0,1411 Vñđ den arm sluc ē den schaft
0,1412 Er vazzet in sulch kraft
0,1413 Daz er so sere hurte
0,1414 Daz sich daz ros engurte
0,1415 Er stach wol vber dri schrite
0,1416 Den ħren vnd den satel mite
0,1417 Ğ kunic lac gar dar niđ
0,1418 Do spranc er vf zv fuzzē wiđ
0,1419 Vñ gap im starker slege dri
0,1420 Da hilt vō troyge ein ritt bi
0,1421 Ein vil kindisch man
0,1422 Zv nestor er geran
0,1423 Er was geheizzē Cedar
0,1424 Ez was kvme ein iar
0,1425 Daz er geleit hette swert
0,1426 Er rante faste vurwert
0,1427 Sinē ħrē kvnic er rach
0,1428 Den alden er dar niđ stach

- 0,1429 Sie rantē zv in beið sit
0,1430 Da wart harte groz strit
0,1431 Ð disen vßwant
0,1432 Der vur los sine hant
0,1433 Dirre daz houbet ð dē arm
0,1434 Ienen zotte ð darm
0,1435 Die erde wart vō blute rot
0,1436 Ð krichē lac da vil tot
0,1437 Als ich daz buch hore sagē
0,1438 Ir wurdē sehs vñ drizzic erslagē
0,1439 Leide gedachte im castor
0,1440 Daz erfallē was nestor
0,1441 Vō jeme iungelinge
0,1442 Do kart er vz dem ringe
0,1443 Vñ gurte sime rosse baz
0,1444 Anðwerbe er vf saz
0,1445 Vñ laisirte in den ring
0,1446 Do wið vur im ein jungeling
0,1447 Segudaris geheizzē
0,1448 Sie begundē sich vñdreizzē
0,1449 Vō erst mit den worten
0,1450 Mit den scheften die sie fortē
0,1451 Beiðsit sie so stachē
0,1452 Daz die schefte brachē
0,1453 Castor nam die vberhant
0,1454 Cedar quam zv gerant
0,1455 Segudaris hette sich ergebē
0,1456 Do behilt im daz lebē
0,1457 Cedar ð sin mag was
0,1458 Der half im daz er genas
0,1459 Castorē er vf hilt
0,1460 Sinē schilt er im zv spilt
0,1461 Do enschon er sin niht
0,1462 Mit dem sw̄te er im schrit
0,1463 Durch des halsßges rinc
0,1464 Daz sw̄t im an die hut ginc
0,1465 Er wolde sinē nefen andē
0,1466 Er warf in mit den handen
0,1467 Vñð daz ros an daz gras
0,1468 Daz er kvme genas
0,1469 An dem falle er in begreif
0,1470 Daz er vf die erdē sleif
0,1471 Er sprach “ir sit gefangē”
0,1472 Er begunde wið rangē
0,1473 Do zv ging im ð wer
0,1474 Er furte in vñð sin her
0,1475 Pollux rief die crichen an
0,1476 Daz sie lostē den man

0,1477 Er nam sine baniere an die hāt
0,1478 Sine gesellē quamē nach gerant
0,1479 Sehs hundt ritt wol beut
0,1480 Mit den vō troyge er stret
0,1481 Do wart vf̃ d̃ walstat
0,1482 Manic ritt ertrat
0,1483 Da was die slachte so groz
0,1484 Daz daz blut als ferre floz
0,1485 Swelchē man vō dem rosse dranc
0,1486 Daz er in dem blute ertranc
0,1487 Da wart grozze not gestalt
0,1488 Sie namē Castorē mit gewalt
0,1489 Die von troyge hettē not
0,1490 Da lac Eliacus tot
0,1491 Vō Kartagine des kniges sun
0,1492 Do weinte Laomedum
0,1493 Vn klagete sinē nefen
0,1494 "Ich wil vurliesē daz leben
0,1495 Vn allez daz ich ie gwan
0,1496 Ich engereche disen man
0,1497 Auch habē wir es schande
0,1498 Sint man vz fremdem lande
0,1499 Vns den strit her treit
0,1500 Daz lazzet vch allē wesē leit"
0,1501 Er hup sich aber ī dē strit
0,1502 Noch sint noch bi dirre zit
0,1503 Geschach grozzer strit nie me
0,1504 Die crichē fluhē do in den se
0,1505 Do gesigete Laomedō
0,1506 Ercules vn thelamō
0,1507 Rantē in zv troyge
0,1508 Laomedō wante mit joie
0,1509 Mit sige vn mit eren
0,1510 Zv troyge wider keren
0,1511 Do begeint im ein bote
0,1512 Weinēde vn klagēde gote
0,1513 Blutic vnd sere wunt
0,1514 Daz har im zv berge stūt
0,1515 Als ein tote also bleich
0,1516 Daz houbet im vf̃ die asseln weich
0,1517 Zv samne er sine hende sluc
0,1518 Zv rizzē die er ane trug
0,1519 Warē sine keið
0,1520 Er sprach "auwe leider
0,1521 Waz solde ich arm̃ ie geborn
0,1522 Wir han troyam vlorn
0,1523 Turme vn kemēnatē
0,1524 Die sin vns vurratē"

0,1525 Do ð kvnic die rede vurnam
0,1526 Vil grozze leide in ane quam
0,1527 Im was der sin engangē
0,1528 Im vurblichē sine wangē
0,1529 Sin ougē begūdē im rotē
0,1530 Sin h̄ze im vur toten
0,1531 Sin nase begūde auch bleichē
0,1532 Maniĝ hande zeichē
0,1533 Vn̄d ging im sin blut
0,1534 Bewilē hette er v̄mut
0,1535 Leit vnd swere
0,1536 Vngedult v̄n vngebere
0,1537 Augē crimf
0,1538 Nasen rimf
0,1539 Im was allenthalbē we
0,1540 Iene rantē vz dem se
0,1541 Vnd diese rantē vz ð stat
0,1542 V̄n berantē in v̄f ð walstat
0,1543 Ie doch satz er sich zv wer
0,1544 Ercules reit vn̄d dem her
0,1545 Er sluc v̄n tratte
0,1546 In dem blute er watte
0,1547 Zv jūgest quam er gerant
0,1548 Da er Laomedonē fant
0,1549 Leidic v̄n in vngehabe
0,1550 Daz houbet sluc er im abe
0,1551 Er sprach “diz si din zol
0,1552 Den ich dir gebē sol
0,1553 Du ich durch din lant reit
0,1554 Svn̄d schadē v̄n ane leit
0,1555 Daz du mir do enpute
0,1556 Des gedenke ich dir hute
0,1557 Mit zornigem mvte
0,1558 Des ligis du in dem blute”
0,1559 Er warf daz ros vmbe
0,1560 Durch richte v̄n durch krūbe
0,1561 Reit er vnde rante
0,1562 Vnz er sin leit vol ante
0,1563 Er sluc ir also vil nīd
0,1564 Daz er vor totē kvme hin wīd
0,1565 Geritē mochte in die stat
0,1566 Die er v̄f der walstat
0,1567 Nit mochte han erslagē
0,1568 Die warē gesloffē in die hagē
0,1569 Do ð strit was gestritē
0,1570 Die crichē alle sament ritē
0,1571 V̄n staphetē in zv troyge
0,1572 Mit schalle v̄n mit joie

- 0,1573 Wēne in nie lieḥ geschach
 0,1574 Do schuffē sie ir gemach
 0,1575 Sie quamē mit gelfē vñ mit gamē
 0,1576 Do fundē sie niht wen wibes namē
 0,1577 Vñ arme gesindelehe
 0,1578 Vñfletic vñ vnwehe
 0,1579 Vō krankem geslechte
 0,1580 Vñ bosē kvchenknechte
 0,1581 Die frauwē geflohē ware
 0,1582 Wie soldē sie gebaren
 0,1583 Sie enwistē wie gelazzē
 0,1584 In dem bethuse sie sazzē
 0,1585 Da heime in ellende
 0,1586 Sie lenten zv ḏ wende
 0,1587 Ir wangē neigetē sie vz ḏ hant
 0,1588 Zv fallē was in ir gewant
 0,1589 Ir gebende beroubet
 0,1590 Ir houbet zv stroubet
 0,1591 Vmberichtet ir har
 0,1592 Sie sprachē "owe vnselic iar
 0,1593 Vñ auwe vnselic slag
 0,1594 Ouwe vnselic tag
 0,1595 Ouwe vnselige zit
 0,1596 Wir han ṽlorn in alle sit
 0,1597 Vnse frūt sin vns erslagē
 0,1598 Mochtē wir vn des entsagē
 0,1599 Daz dehein vnrecht gewalt
 0,1600 Mit vns hie wurde gestalt
 0,1601 Wir enclagetē niht me
 0,1602 Nv ist vns allenthalbē we"
 0,1603 Die ḥren do quamē
 0,1604 Mit gewalt si sie namē
 0,1605 Do enwar ir dehein des erlan
 0,1606 Ir enwurde gewalt getan
 0,1607 Thelamō mit im nam
 0,1608 Des kvniges tochtḥ Esionā
 0,1609 Eine jucfrauwē schone
 0,1610 Die wart im zv lone
 0,1611 Wen er zv fordere ran
 0,1612 Do man die burg gwan
 0,1613 Er was ir harte gemeit
 0,1614 Da quam abe sin groz leit
 0,1615 Er wolde sie zv kebese han
 0,1616 Daz begunde irn magē sint ṽsman
 0,1617 Dares hat alsus gscribē
 0,1618 Einē mant sie sint blibē
 0,1619 Zv troyge die geste
 0,1620 Do brachē sie die feste

- 0,1621 Sie *zv furtē* die burg al
0,1622 Kemēnatē vñ sal
0,1623 Hus vñ palas
0,1624 Allez daz dar inne was
0,1625 Groz vñ kleine
0,1626 Da enbleip niht stein vf steine
0,1627 Die grabē wurdē gefolt
0,1628 Sie namē silb vñ golt
0,1629 Gut gesteine schone gewant
0,1630 Vñ kartē wiđ in ir lant
0,1631 Mit grozme richtume
0,1632 Mit gufte vñ mit rume
0,1633 Mit schalle vñ mit wūne
0,1634 Sie machtē alsz ir kvnde
0,1635 Riche vñ mere
0,1636 Zv crichē erschäl daz mere
0,1637 Daz sie werē wiđ kvmē
0,1638 Mit erē vñ mit frumē
0,1639 Vnz her han ich vch gelart
0,1640 Wie troyge *zv furt* wart
0,1641 Ob ich follen wirkē wil
0,1642 So ist es vz đ mazze fil
0,1643 Daz da horet an min werg
0,1644 Hie gen ich erst an den berg
0,1645 Wil man daz ich follē sage
0,1646 Vō đ troygire klauge
0,1647 Vñ vō irme geslechte
0,1648 Vñ auch vō irme fechte
0,1649 Vñ vō irme gebuwe
0,1650 Alt vnd nvwe
0,1651 Beide gemach vñ vngemach
0,1652 Wie in hernach geschah
0,1653 So mvz ich gut gelucke han
0,1654 Sol ich den berg vbergan
0,1655 Daz ich niht ensige
0,1656 Swēne ich in vbstige
0,1657 Iedoch ensvme ich es niet
0,1658 Ich griffe her wiđ an daz liet
0,1659 Man saget daz Laomedon
0,1660 Hette einē einigē son
0,1661 Đ was priamus genant
0,1662 Er hette im burge vñ lant
0,1663 Gelazzē vō dem lande fri
0,1664 Đ hette funf svne vñ toht dri
0,1665 Đ svne hizzē dri alsus
0,1666 Ector paris Elen?
0,1667 Đ fīrde hiz deiphebus
0,1668 Vñ đ funfte troylus

- 0,1669 Si warē alle tugenthaft
0,1670 Ector hette die kraft
0,1671 Die schone hette paris
0,1672 Elenus ð was wis
0,1673 Deiphebus den richtum
0,1674 Troylus den werlt rum
0,1675 Ectoris lob was gebreit
0,1676 Vō sterke vñ vō māheit
0,1677 Do kerte er paris
0,1678 An mīne allen sinē pris
0,1679 Elenus was ein wise man
0,1680 Ð liez sich wissagē an
0,1681 Deiphebus fil anz gemach
0,1682 Dem ð richtum geschah
0,1683 Troylus sich ane liz
0,1684 Daz er ein gut tvrniere hiz
0,1685 Dirre tugent was deheine
0,1686 Sie kvndē sie alle gemeine
0,1687 Irme iegelichme doch ð name bleip
0,1688 An ð er sich allmeist getreip
0,1689 Priamus wip hiz Ecuba
0,1690 Sin grozʒ tochter Creusa
0,1691 Polixena die andra
0,1692 Die dritte hiz Cassandra
0,1693 Creusa hette einē man
0,1694 Crassandra liz sich wizigē an
0,1695 Sie was ein vñdn schone magit
0,1696 Vñ hat herte vil gesaget
0,1697 Wēne sie vil wiste
0,1698 Vō vnserme hren criste
0,1699 Vō siñ kvnft vō siñ gebot
0,1700 Als ir dicke habet gehort
0,1701 Vō siñ gotheit
0,1702 Vñ vō siñ mensheit
0,1703 Aller slachte gute
0,1704 Vñ mit sime blute
0,1705 Sine getruwē solde erlosen
0,1706 Vñ vurdampnē die bosen
0,1707 Vñ vō dem jungestē tage
0,1708 Beide freude vñ clage
0,1709 Nv kerē wir zv ð strazzen
0,1710 Da wir ez han vurlazzē
0,1711 Polixena was envolt
0,1712 Semfte kvsch wol gestalt
0,1713 Ob ich ez rechte vnam
0,1714 Dēnoch hette priam
0,1715 Rechte drizzic kint
0,1716 Ob die wort war sint

0,1717 Die mir daz buch hat gesagit
0,1718 Sie warē helde vnūzaget
0,1719 Vñ hettē alle sw̄t genvmē
0,1720 Sie warn zv irn iarē kvmē
0,1721 Vñ starg an irme libe
0,1722 Sie enwarn vō eime wibe
0,1723 Im alle geborn niht
0,1724 Alsus saget vns daz lit
0,1725 Priamo quamē do mere
0,1726 Daz troyge zv furete were
0,1727 Vñ sin vater wer erslagē
0,1728 Do begonde er sufzen vñ klagē
0,1729 Er enwiste wie gebaren
0,1730 Er fluchte sinē iaren
0,1731 Er weinte sere vñ sprach
0,1732 "Owe waz ich nv kagē mach
0,1733 Owe leit vber leit
0,1734 Owe vnselickeit
0,1735 Owe vnrechter zorn
0,1736 Daz ich die mage han v̄lorn
0,1737 Owe schone geine
0,1738 Owe burg reine
0,1739 Daz da wassen sol daz gras
0,1740 Da die schone troyge was
0,1741 Busche vñ heide
0,1742 Ich solde vor leide
0,1743 Vñ vō grozzer sw̄den
0,1744 Gen vñ die erden
0,1745 Ich enbin des nv niht w̄t
0,1746 Daz ich im̄ gefure sw̄t
0,1747 Ich engereche daz vnrecht"
0,1748 Do sante er knecht v̄ knecht
0,1749 Mit leide vñ mit trurde
0,1750 Vber alle die geburde
0,1751 Daz im rit̄ quemē
0,1752 Vñ da vō im v̄nemē
0,1753 Sine not vñ sin vngemach
0,1754 Daz er gebot daz geschah
0,1755 Priamus reit gegē dem her
0,1756 Hin zv troyge bi daz mer
0,1757 Mit wiben vnd mit kinden
0,1758 Vnd auch mit sime gesinden
0,1759 Vnd mit den lantlutē
0,1760 Vñ hiz abei ruten
0,1761 Mos vnd gestruche
0,1762 Busche vnd vngebruche
0,1763 Vñ hiz die gazzen reinē
0,1764 Vō boumē vñ vō steinē

- 0,1765 Die hofstete vō brendē
0,1766 In ð stat allen endē
0,1767 Vmbe rumē vñ fegē
0,1768 Vñ hiz buwē vñ stegen
0,1769 Vf die hohe vñ in den grunt
0,1770 Vñ hiz legē den fullemṽt
0,1771 Zv eiñ mvrē nvwe
0,1772 Von starckeme gebuwe
0,1773 Sie wart wit vñ groz
0,1774 Daz sie innen ir besloz
0,1775 An wite vñ an breite
0,1776 Recht vñ bereite
0,1777 Zwo grozze tagefart
0,1778 Do die mvre bereit wart
0,1779 Sie machtē kemēnatē
0,1780 Do sie daz getaten
0,1781 Sie hizzē grabē irn grabē
0,1782 Als iz vf was erhaben
0,1783 Vñ do vollen quam die graft
0,1784 Zv hant wart ir kraft
0,1785 So starg vñ ir gebuwe
0,1786 Ez enwere dēne vntruwe
0,1787 Vñ groz vurretēnisse
0,1788 So sazzē sie gewisse
0,1789 Do sie gewisse sazzen
0,1790 Priamvs hiz mazzen
0,1791 Im besvñdn ein werc
0,1792 Vf einē stein an einē berg
0,1793 Vf einen felsechtē schorn
0,1794 Dar vf leget er einē torn
0,1795 Vñ hiz den turm ylion
0,1796 Den worchte eiñ ð hiz donion
0,1797 Wirckē er begūde
0,1798 Vō dem fullemvnde
0,1799 Vnz oben an daz ende
0,1800 Ecken vñ wende
0,1801 Allenthalbē harte vast
0,1802 Daz im nictes gebrast
0,1803 Do er follenkvmē was
0,1804 Ð wercman kvme genas
0,1805 Er hette in geworch so ho
0,1806 Daz er den wolken kvme enphlo
0,1807 Do er gewort was vberal
0,1808 Do hiz er einē schonē sal
0,1809 Bi dem turme wirkē
0,1810 Do begunde er mirken
0,1811 Wie er im getete sin recht
0,1812 Er machte die steine slecht

0,1813 Die fenster groz vnd wit
0,1814 Dar inne sule in alle sit
0,1815 Grune rot wiz bla
0,1816 Brun gel swartz gra
0,1817 Daz gewot was reine
0,1818 Mit dem helfenbeine
0,1819 Vn̄d worcht v̄n auch gevolt
0,1820 Beide silber vnd golt
0,1821 Da bi harte schone glas
0,1822 Do ̄ sal gewort was
0,1823 Mit gezirde v̄n mit gezinne
0,1824 Vzzen vnd inne
0,1825 Mit dem kalke man in bant
0,1826 So man in schonest fant
0,1827 Rechte wiz als ̄ sne
0,1828 Daz geworte schein v̄ se
0,1829 Als iz ein himel were
0,1830 Daz werg was gewere
0,1831 Do die burg vollē quam
0,1832 Do was sie harte lobesam
0,1833 Sie machtē dar vf ir dach
0,1834 V̄ blige daz manz glizzē sach
0,1835 Funfzic mile vf daz mer
0,1836 Do tribē sie vzer gewer
0,1837 Turme michel vnd groz
0,1838 Die mvre in ir besloz
0,1839 Alvmbe die stat
0,1840 ̄ herre im wirkē bat
0,1841 Sehs houbet portē dar in
0,1842 Als ich ez gelart bin
0,1843 Dardanides die eine was
0,1844 Die an̄ antenoridas
0,1845 Timbree die dar na
0,1846 Die firde was ylia
0,1847 Dannocho warē ir zwo
0,1848 Sie schuffen ir hute do
0,1849 Dise stat was schone
0,1850 Die an̄n an dem lone
0,1851 Wī dise niht en mochtē
0,1852 Die hie niht entochte
0,1853 Die kranckeste veste
0,1854 Die were dort die beste
0,1855 Alle tag v̄n alle nacht
0,1856 An gebene v̄n an̄ macht
0,1857 Auch was des ̄ren ere
0,1858 Wol zehenstunt mere
0,1859 Dēne sinen forfarn
0,1860 In warē ir ack̄ gearn

- 0,1861 Vur wūden hette ir lant
0,1862 Beide roup vñ brant
0,1863 Sie warē kvmē zv gelde
0,1864 An walde vñ an gefelde
0,1865 Drizzic tusent marke w̃t
0,1866 Was ir gelt vñ ir wert
0,1867 Tusent burgere
0,1868 Kvne vñ gewere
0,1869 Vñ also manic kaufmā
0,1870 Daz ich ir niht gezelē kan
0,1871 Die in kvrtzē iaren
0,1872 Zv gereche kvmē waren
0,1873 Beide an dem gute
0,1874 An felde vñ an hute
0,1875 Do gedachte þamʹ alle tage
0,1876 Ð alten fede vñ klage
0,1877 Von sinen magen
0,1878 Daz sie erslagen lagen
0,1879 Vnð vnrecht gewalt
0,1880 Ð mit siñ swest was gestalt
0,1881 Dirre gedanc wart vil breit
0,1882 Des wart ernvwet sin leit
0,1883 Er konde es ṽgezzen niht
0,1884 Des ginc er zv rate vñ rit
0,1885 Mit kindē vñ mit frūden
0,1886 Ob sie im geratē kvnden
0,1887 Vmbe daz alde vngemach
0,1888 “Allez daz mir ie geschah
0,1889 Als ich iv sagen sol
0,1890 Des vergezze ich allez wol
0,1891 An daz alleine
0,1892 Daz esiona die reine
0,1893 Die vil liebe swest min
0,1894 Ein kebes wip sol sin
0,1895 Herren thelamone
0,1896 Waz solte mir die crone
0,1897 Vñ des riches ere
0,1898 Ob mir ez niht leit were
0,1899 Hette er sie zv recht e
0,1900 Dānoch tete ez mir we
0,1901 Ich wil zv krichē senden
0,1902 Swie ich ez bewenden
0,1903 Vñ wil den kvnic lazzē biten
0,1904 Daz er gūne vñ mit sitē
0,1905 Mine swest heizze wið geben
0,1906 Ich wil imm̃ mer leben
0,1907 Mit leide vñ mit swerde
0,1908 Ez en si da sie mir w̃de

- 0,1909 Her zv gebet mir uſn rat"
 0,1910 Ector sprach "daz ir hat
 0,1911 Geratē vater daz ist gut
 0,1912 Ez ist vns liep daz ir ez tut
 0,1913 Vnđ dem rate"
 0,1914 Ğ kvnic gedachte drate
 0,1915 Wer im zv đ botschaft gezam
 0,1916 Ez was ein graue lobesam
 0,1917 In sime lande wol gelobet
 0,1918 Wise vnd wol gehobet
 0,1919 Antenor was er genant
 0,1920 Den sante er zv krichē lant
 0,1921 Vn beval im dise erbeit
 0,1922 Do sin schif was bereit
 0,1923 Er begūde ilen vñ iagē
 0,1924 Do quam er in sibē tagē
 0,1925 Anđsit an daz mere
 0,1926 Do wisete in der fere
 0,1927 Rechte vf die fart
 0,1928 Als er do gewiset wart
 0,1929 Also reit antenor
 0,1930 Mit sinē gesellen vf daz spor
 0,1931 Gegē der stat dar inne was
 0,1932 Ir erbe fiant pelias
 0,1933 Dri tage er da lac
 0,1934 Sines gemaches er plac
 0,1935 An dem fierdē er zv houē reit
 0,1936 Do enpfinc mā ī nach đ gewōheit
 0,1937 Als des landes site was
 0,1938 Do dranc er vf daz palas
 0,1939 Vñ ginc vur den kvnic stan
 0,1940 Vñ warp sine botschaft san
 0,1941 "Mich hat đ kvnic vō troygē lant
 0,1942 Priam⁹ zv dir gesant
 0,1943 Vñ hiz dir ħre daz sagē
 0,1944 Daz er niht leng wil vtragē
 0,1945 Daz thelamō esionam
 0,1946 Sine swest mit gewalt nam
 0,1947 Ez mvz im wol vsman
 0,1948 Daz er sie zv kebese wil han
 0,1949 In disme ellende
 0,1950 Daz man sie im wiđ sende
 0,1951 ane gezoc vnd ane strit
 0,1952 Daz ducket mich gut wē des ist zit"
 0,1953 Der kvnic begunde vnsitē
 0,1954 Vmbe sin flehen vñ vm sin bitē
 0,1955 Vmbe sine klage vñ vm sin leit
 0,1956 "Han ich tages niht geleit

- 0,1957 Ich enkere mich an die rede nit
 0,1958 Nv mir zv zvrnen geschit
 0,1959 Vz minē ougē balde
 0,1960 Daz uwer ð tufel walde
 0,1961 Rvmet balde min lant"
 0,1962 Er hup sich dannē zv hant
 0,1963 Er gesach sich hinð nie
 0,1964 Vñ sprach "ich bin vbel hie
 0,1965 Ich leiste ġne diz gebot
 0,1966 Were ich hinnē herre got"
 0,1967 Er rif den schifmānen
 0,1968 Du furtē sie in dānen
 0,1969 Zv salemine in daz lant
 0,1970 Da er thelamonē vant
 0,1971 Antenor sich wisen bat
 0,1972 Vō dem stade in die stat
 0,1973 Da er thelamonē fūde
 0,1974 Durch eine vnkūde
 0,1975 Ð ĥre do gewiset wart
 0,1976 Sehs grozze tagefart
 0,1977 Die saz er vf vnd reit
 0,1978 Vñ quam an ein gefilde breit
 0,1979 In ein gerthe
 0,1980 Schone vñ wehe
 0,1981 Nahē bi der strazzē
 0,1982 Da hette ð kvnic gelazzē
 0,1983 Do horte antenor sagē
 0,1984 Daz im die ađ were geslagē
 0,1985 Do haft er zv eime boume
 0,1986 Sin ros mit dem zoume
 0,1987 Vñ gin fur den kvnic stan
 0,1988 Sine botschaft tet er san
 0,1989 Waz mac ich hie sprechē fort
 0,1990 Die er gesprochē hette dort
 0,1991 Die selben wort er hie sprach
 0,1992 Ouch geschah im hie daz vngemach
 0,1993 Daz im dort geschehen was
 0,1994 Vil kvme er genas
 0,1995 Wer er dānē niht entrant
 0,1996 Er hette in heizzē geblant
 0,1997 Er begūde dānen rinne
 0,1998 "Owe wer ich hinnē
 0,1999 Ich wande dort in notē wesē
 0,2000 Mochte ich hie nv genesen
 0,2001 Ich keme da nach her niht me"
 0,2002 Do kert er wið vf den se
 0,2003 Balde fur er furbaz
 0,2004 Do quam er da pollux saz

- 0,2005 Vn sin bruđ castor
 0,2006 Hie geschah im als da vor
 0,2007 E er diz mere hette gesaget
 0,2008 So wart er dānen vuriaget
 0,2009 An sine alde gewer
 0,2010 Wiđ vf daz mer
 0,2011 Er sprach "owe vnselic man
 0,2012 Daz ich nirgen enkan
 0,2013 Ge sagē mine mere
 0,2014 Ez kvme mir zv swere
 0,2015 Solde ich nv lidē den tot
 0,2016 Daz wil ich ŵbē furbaz"
 0,2017 Do quam er da nestor saz
 0,2018 Vn saget im die selben wort
 0,2019 Die ir dauor hat gehort
 0,2020 Als er sie follē brachte
 0,2021 Nestor sweic vnd dazte
 0,2022 Sin zorn vz sime lizen dranc
 0,2023 Er nam den brant an die hāt
 0,2024 "So mir dirre min bart
 0,2025 Ir mvt̃svn vō schalkes art
 0,2026 Vnseliĝ troygire
 0,2027 Du enkeres hinnē schire
 0,2028 Ich zvfure dich als ein wurmmel
 0,2029 Weđ mvt̃ noch kel
 0,2030 Gesprichet dir nīm̃ wort me
 0,2031 Varet ir her vber
 0,2032 Daz ir geclauget uŵ not"
 0,2033 Antenor wante wesen tot
 0,2034 Iedoch er hind̃wert trat
 0,2035 Bizdaz er quam an die stat
 0,2036 Da er den sprunc mochte han
 0,2037 Do liz faste hine gan
 0,2038 "Ich mag in disen zitē
 0,2039 Hie niht gestriten
 0,2040 Ich wil ein gut kemfe wesē
 0,2041 Mac ich mit fluchtē hie genesē"
 0,2042 Antenor hiz die schifmā
 0,2043 Daz sie balde būden an
 0,2044 Die segele an die masboum
 0,2045 Sie furtē in durch des meres strom
 0,2046 Harte balde er dānen flo
 0,2047 Vn als er wonde wese fro
 0,2048 Vn siñ grozzen swere
 0,2049 Gar enpflohē were
 0,2050 Er ilte im was gach
 0,2051 Do quam im ein weter nach
 0,2052 Starg vñ swinde

- 0,2053 Vō regē vñ von winde
0,2054 Groz vnd dicke
0,2055 Vō regēne vñ vō blicke
0,2056 Do hette er not in alle sit
0,2057 In treip in kvrzer zit
0,2058 Daz er in lang̃ stunde
0,2059 Sich niht erholen kunde
0,2060 Doch erholt er sich
0,2061 Er fur aller tegelich
0,2062 Vnz er sin not vñwant
0,2063 Do quam er wiđ in sin lant
0,2064 In daz bethus er gahete
0,2065 Sin opfer er dar brachte
0,2066 Wen er wol genesen was
0,2067 Do ginc er vf daz palas
0,2068 Sint er quā vf den sal
0,2069 Er sagete den ĥren vberal
0,2070 Wie ez im was ergangē
0,2071 “Daz ich vngefängē
0,2072 Kvmē bin vñ vngeblant
0,2073 Vō crichē dar ich was gesant
0,2074 Des wil ich immer sin gemeit”
0,2075 Do sagete er daz erste leit
0,2076 Vñ daz anđ vngemach
0,2077 Waz im zv dem drittē geschach
0,2078 Vñ zv dem firdē da mite
0,2079 Er sprach “peleas hette vnsite
0,2080 Er hiz mich vz sinē ougē schabē
0,2081 Thelamō wolte mit vz grabē
0,2082 Mine ougē dem enpfloch ich for
0,2083 Pollux vnd castor
0,2084 Hizzē mich dānen vuriagen
0,2085 Do ich diz mere begūde sagē
0,2086 In daz mer ich kvme entran
0,2087 Nestor đ alde man
0,2088 Grein mich an vñ schutte sin bart
0,2089 Wen daz mir đ sprunc wart
0,2090 Vnd daz ich vursuchte
0,2091 Ob ich enpflihē mvchte
0,2092 Ich hette den lip da vurlorn”
0,2093 Priamo wart die rede zorn
0,2094 Er sprach zornliche
0,2095 “Ich sage vch wliche
0,2096 Ich gedencke mir leide
0,2097 Her antenor beide
0,2098 Vm daz uwer leit
0,2099 Vñ vmbe mine smacheit
0,2100 vñ vmbe die alden vehe

0,2101 Nv ist ez also wehe
0,2102 Daz ich mich bereite
0,2103 Als ich leng̃ beite
0,2104 Nacht frist iar frist
0,2105 Daz mir nv geschēhē ist
0,2106 Daz clage ich minē kinde
0,2107 Mit den wil ich ez ṽwindē
0,2108 Mannen vnd frundē
0,2109 Ez kvme denne vō sundē
0,2110 Ez wirt noch gerochē
0,2111 Als ich han gesprochē
0,2112 Beide man vnd kint
0,2113 Vñ die mine frunt sint
0,2114 Die griffē alle dar zv
0,2115 Daz ich den crichē leit getu
0,2116 Miñ svne đ herste
0,2117 Ector đ si der erste
0,2118 An đ helfe vñ an đ schar
0,2119 Vñ anđ mine kint gar
0,2120 Sie sullē mit heldes handē
0,2121 Mir helfen anden
0,2122 Irre voruarn tot”
0,2123 Als đ kvnic da gebot
0,2124 Vñ vō im gebotē wart
0,2125 Also gelobeten sie die fart
0,2126 Ector sprach “nv w̃de al schin
0,2127 Nv ich đ erste sol sin
0,2128 Ich wil ez so erhebe
0,2129 Daz man ez sehe vñ entsebe
0,2130 Hie enwirt niht vor gespart
0,2131 Swelich ritt̃ gabe gart
0,2132 Đ kvme albalde vffē solt
0,2133 Beide silber vñ golt
0,2134 Vñ daz eigē daz ich han
0,2135 Die farnde habe wil ich lan
0,2136 Vñ allez gut immer mere
0,2137 Ez enkvme an vnš ere
0,2138 Do wil ich vns innē
0,2139 Daz wir ez beginnē
0,2140 Als wir ez mvgē geendē
0,2141 Vñ vnrecht gewendē
0,2142 Nv habet deheine gewisheit
0,2143 Wir sin hie heime dēne wol bereit
0,2144 Sullen wir aļ vz farn
0,2145 Wir mochtē ez vns vil baz bewarn
0,2146 Als ich vch bewisen
0,2147 Wir habē noch ysen
0,2148 Noch geschutze noch gewer

0,2149 Noch die schif in dem mer
0,2150 Noch die spise dar inne
0,2151 Ez ist zit daz ma sie gwīne
0,2152 Den crichē gebristet niht
0,2153 Ez ist ein harte riche dit
0,2154 Sie han gelucke vñ heil
0,2155 In dinet ð ŵlde daz dritteil
0,2156 Evropa die riche
0,2157 Sie farent riliche
0,2158 Vñ wol zv gereche
0,2159 Ir wenet daz ich ez spreche
0,2160 Durch mine zageheit
0,2161 Nein ich zware ich bin gereit
0,2162 Swēne ir ands wollet farn
0,2163 Daz ich mich da vor niht sparn”
0,2164 Paris her nach sprach
0,2165 Nv horet wie mir geschah
0,2166 Gemelich geschichte
0,2167 E ich ez vch berichte
0,2168 So sult ir daz vurstan da bi
0,2169 Daz ez vns zv heile kvmē si
0,2170 Ich was bereit vñ solte iagē
0,2171 Gein sv̄m̄zit in heizzē tagē
0,2172 Ich hup mich vz harte fru
0,2173 Do quam mir ein hirtz zv
0,2174 Her vz vō morlande
0,2175 Sine art ich erkande
0,2176 Ich hatzete mine hunde
0,2177 Ir folgē ich in niht kvnde
0,2178 Daz weī was vil heiz
0,2179 Do treip mich hitze vñ sweiz
0,2180 Vñđ einē kaldē boum
0,2181 Ğ kleinē wezzerlin strovm
0,2182 Hette in vmbe gangē
0,2183 Er hette breit befangē
0,2184 Sin schatwe gunde langē
0,2185 Vb̄ der wezzerline ganc
0,2186 Ein brūne da mittē enspranc
0,2187 Beide clar vnd kalt
0,2188 Vber allen den walt
0,2189 Sine adern klungē
0,2190 Da kulte ich mine zvngē
0,2191 Mine augē ich besprewete
0,2192 Den wint ich mir zv wewete
0,2193 Als ich mich kvulte alsus
0,2194 Do quam vrauwe venus
0,2195 Pallas vñ junō
0,2196 Der zirde schein also

0,2197 Ich wande in dem brūnē
 0,2198 Schinē dri svnnen
 0,2199 Sie warē zv mir gesant
 0,2200 Sie trugē einē apfel an ǃ hāt
 0,2201 ǃ was vō golde alrot
 0,2202 Ir iegeliche mir sine gift bot
 0,2203 Daz ich wolde schowē
 0,2204 Welche vnǃ den frauwē
 0,2205 Die aller schonste were
 0,2206 Ivno bot dise ere
 0,2207 "Ich mache daz du im̃ riche bist"
 0,2208 Pallas kvnst vñ list
 0,2209 Venʹ bot zv lone
 0,2210 Ein wib also schone
 0,2211 Daz nirgē were deheine
 0,2212 So schone noch so reine
 0,2213 Zweiger hulde ich ṽlos
 0,2214 Wende ich die drittē erkos
 0,2215 Die mir daz wip gebē sol
 0,2216 Nv wizzet h̃ren alle wol
 0,2217 Sie ist in krichē lande
 0,2218 Vō spise vñ vō gewande
 0,2219 Heizzet balde schif laden
 0,2220 Ich getun da grozzē schaden
 0,2221 Gwinet mir gesellen
 0,2222 Die mit mir farē wollen
 0,2223 Deiphebʹ der bruder ein
 0,2224 Entwurte her engein
 0,2225 "Ich enbin leiǃ nv niht wis
 0,2226 Iedoch daz min bruǃ paris
 0,2227 Itzvnt gesprochē hat
 0,2228 Des folgē wir daz ist min rat"
 0,2229 Da folgetē sis alle gemeine
 0,2230 Do wiǃ rette ez eine
 0,2231 Elenʹ der fierde
 0,2232 "Owe vnserre zirde
 0,2233 Owe vnserme gebuwe
 0,2234 Owe dirre ruwe
 0,2235 ǃ vns armē sol geschen
 0,2236 Ich han ez langens vor gesehē
 0,2237 Wir mvzzē vns ie scheidē
 0,2238 Ez kvmet vō leiden
 0,2239 Daz wir niht wizzē wa blibē
 0,2240 Kindē vnd wiben
 0,2241 Geschit noch vō parise
 0,2242 Maniǃ leit vñ me
 0,2243 Den loubes si an boume
 0,2244 Vñ me dāne in dem stroume

- 0,2245 Vō sande ođ vō grizze
0,2246 Deheines dinges flizze
0,2247 Min houbet setze ich zv pfande
0,2248 Fart ir vz disme lande
0,2249 Ez enkvme als ich gesprochē han
0,2250 Ich spreche gar ane wan
0,2251 Eine rechtē warheit
0,2252 Swem iz si lip ođ leit
0,2253 Vñ als ir ez hie hat gehort”
0,2254 Zv hant du dise wort
0,2255 Vō im gesprochē warē
0,2256 Sie enwistē wie gebarē
0,2257 Iegeliĥ den anđn ane sach
0,2258 Troylus alleine sprach
0,2259 der funfte đ kinde
0,2260 Sine wort warē swinde
0,2261 “Eya bruđ kvne degē
0,2262 Daz uŵ đ tufel mvzze pflegē
0,2263 Waz woldet ir zv strite
0,2264 Ir soltet uwer gezite
0,2265 Da heime singē alle tage
0,2266 Armer bleiche wissage
0,2267 Vnseliġ cappelan
0,2268 Ir soldet zv dem bethus gan
0,2269 We uweru buchē
0,2270 So mir got ich enruchen
0,2271 Sint uwer buch hat gelogē
0,2272 Wie sere ich mit vch vnhogē
0,2273 Ir ŵdet mir nimer mer liep
0,2274 Armman zete brief
0,2275 Ir hat den rechtē brief ŵzat
0,2276 Schribet an ein anđ blat”
0,2277 Die ĥren lachten alle
0,2278 Von ruffe vñ vō schalle
0,2279 Was die burg alle vol
0,2280 In behagete đ spot wol
0,2281 Sie griffen an daz alde
0,2282 Priamvs hiz balde
0,2283 Daz lantfolc zv samne kvmē
0,2284 Vñ sagete in als ir hat ŵnvmē
0,2285 Mit wie getań swere
0,2286 Antenor kvmē were
0,2287 Den rat vñ disen rat
0,2288 Als ir wol vurnvmē hat
0,2289 Do behagete in daz gerete
0,2290 Daz paris getan hette
0,2291 Zv eren vñ zv gefure
0,2292 Sie riten daz er fure

- 0,2293 Panth⁹ sprach do zv þamo
0,2294 “Wie tut ir edel kvnic so
0,2295 Daz ir des sult statē
0,2296 Daz troylus mit vmbatē
0,2297 Vf eleno tribet sinē spot
0,2298 Weiz got ez gerichet noch got
0,2299 Enforbi⁹ min meist⁹ was
0,2300 Vor funfzic iarē er ez las
0,2301 Got gnade im er ist tot
0,2302 Er sprach daz troyge ī groze not
0,2303 Queme noch vō paride
0,2304 Got wolle daz ez wol erge”
0,2305 Hie geschah pantho
0,2306 Als da vor eleno
0,2307 Grozze vmmaze
0,2308 An wortē vñ an gelazze
0,2309 Ir alde rede follen ginc
0,2310 Paris der jungelinc
0,2311 Bereitte sich fāste an die fart
0,2312 Cassandren zv wizzē wart
0,2313 Waz die rede were
0,2314 Do erschrac sie vō dem mere
0,2315 Dise maget konde wissagē
0,2316 Sie begūde weinē vñ klagē
0,2317 “Waz sol ich arme cassandra
0,2318 Ich bin vō leiden itzvnt gra
0,2319 Owe fal vber fal
0,2320 Wir sin vñlorn vberal
0,2321 Lant burg kint man
0,2322 Vñ die dise gehorent an
0,2323 Ð engeniset dehein
0,2324 Ð die sūne ie beschein
0,2325 Swaz zv troyge in dem riche
0,2326 Daz zeget ez allez gliche
0,2327 Mich betroc min buch nie
0,2328 Blibe noch mī bruð hie
0,2329 So wer min gedinge
0,2330 Daz ez vns baz erginge”
0,2331 Do riffē sie alle als e
0,2332 Er solde farē vber se
0,2333 Itzvnt hette paris
0,2334 Sin dinc geschaffet alle wis
0,2335 Als er zv fart was bereit
0,2336 Er hette gute gewisheit
0,2337 An dem gerete
0,2338 Geselleschaft stete
0,2339 Schatz gewant spise
0,2340 Daz liebete parise

- 0,2341 Daz im solde leiden
0,2342 Als da was bescheiden
0,2343 Vō den drin wissagen
0,2344 Do hiz er zv den schiffen tragē
0,2345 Alle sine gereitschaft
0,2346 Do folgete im sine geselleschaft
0,2347 Vater bruð dinstman
0,2348 Do būden sie ir segel an
0,2349 Sānfte wetter licht tag
0,2350 Blumē schin wurze smac
0,2351 Ğ vogel sanc daz grune ris
0,2352 Geschuffen daz paris
0,2353 Gen sumerzit gereche wol
0,2354 Funf vñ zwenzic schiffe fol
0,2355 Harte lieber frunde
0,2356 Furte in vnkvn̄de
0,2357 Als die zit leidet
0,2358 Swēne ð sumer scheidet
0,2359 Also scheidet daz leit
0,2360 Gegen ð zite suzzekeit
0,2361 Disen herrē also geschah
0,2362 Ir iamer vñ ir vngemach
0,2363 Dar zv ellendes klage
0,2364 Vurgazzē sie durch die suzzē tage
0,2365 Do waren mit paride
0,2366 Vier furstē vber se
0,2367 Deiphebus polidamas
0,2368 Antenor vñ eneas
0,2369 Die furtē hin vñ mer
0,2370 Dri tusent ritt
0,2371 Zv strite gar vmmazzē wol
0,2372 Nv ich ez vch sagē sol
0,2373 Sie warē alle wol bereit
0,2374 Vñ wol erkant an manheit
0,2375 Die ħren namē vrloub
0,2376 Vber allen den hob
0,2377 Priam⁹ bewalch parisen
0,2378 Den herren kvnē vñ wisē
0,2379 Den fiern die ich han genant
0,2380 Do furē sie gein crichē lant
0,2381 Mit liebe vñ mit leide
0,2382 Schieden sich do beide
0,2383 Vať bruð vñ kint
0,2384 Als sie da vor genant sint
0,2385 Die edeln troyre
0,2386 Die quamē vil schire
0,2387 Zv crichen in die geine
0,2388 Do zwifeltē sie alle gemeine

0,2389 Wa sie mit erē
0,2390 Zv stade mochtē kerē
0,2391 Vnder des sie sahen
0,2392 Ein michel folc in nahē
0,2393 Sie erkantē ir dehein
0,2394 In fur ein richʃ kvnic engein
0,2395 Menelaus was er genant
0,2396 Nestor hette nach im gesant
0,2397 Daz er zv piro queme
0,2398 Vñ vō im vurneme
0,2399 Ein vil gut mere
0,2400 Ich enweiz waz daz were
0,2401 Dem kvnige was zv pyro ga
0,2402 Sin wip hiz elena
0,2403 Daz was daz wip schone
0,2404 Die parise zv lone
0,2405 Venus gelobet hette
0,2406 Vm daz gerete
0,2407 Wand er ir des apfels iach
0,2408 Als vber dem brünē geschahc
0,2409 Do begeinte mit sime her
0,2410 Paris menelao vf dem mer
0,2411 Ir itweder fur sine fart
0,2412 Ir ǃ weđ gewar wart
0,2413 Wer der anđ were
0,2414 Sie ilten beide sere
0,2415 Ir itweder ein anđ gap
0,2416 Gutē morgē gutē tag
0,2417 Sie iltē faste beiđsit
0,2418 Castor in der selben zit
0,2419 Vnd pollux warē vz gefarn
0,2420 Die daz lant soldē bewarn
0,2421 Irme herren menelao
0,2422 Paris anckerte do
0,2423 Nahe bi crichlant
0,2424 Gegen eime berge dē er fant
0,2425 Den berg hiz cytherus
0,2426 Da hette frauwe venus
0,2427 Ein bethus reine
0,2428 Vō edelme mermelsteine
0,2429 In den selben stundē
0,2430 Die herrē hie funden
0,2431 Daz volc maniĝ hande
0,2432 Witē in den landē
0,2433 Daz volc zv dem bethuse quā
0,2434 Da was ein hochzit lobesam
0,2435 Bi den gezitē
0,2436 Sie sahē dar zv ritē

- 0,2437 Ritt̃ vnd vrauwen
0,2438 Sie mochtē wūder schouwē
0,2439 Die fremde troyre
0,2440 Maniger slachte ciere
0,2441 An gewande vñ an gelazze
0,2442 Sie wunderte vzer mazze
0,2443 Dise vñ gene beide
0,2444 Durch daz vmbescheide
0,2445 Daz gene vō den gestē
0,2446 Diz noch daz westē
0,2447 Noch dise vō dirre hochzit
0,2448 Do quam in auch beider sit
0,2449 Hie vñ da mere
0,2450 Waz diz vñ daz were
0,2451 Dar quamē alle gliche
0,2452 Arm vnd riche
0,2453 Beide zv bete vñ zv clage
0,2454 An dem andern tage
0,2455 Ir opfer sie bereittē
0,2456 In ir bethus sie letten
0,2457 Hern parisen
0,2458 Sie begundē im wisen
0,2459 Ir opfer vñ ir schonheit
0,2460 Zv hant waz daz mere bereit
0,2461 In dem lande vber al
0,2462 Vō parise ez vz schal
0,2463 Daz er mit michelme her
0,2464 Vñ mit zirde vber mer
0,2465 Zr hochzit cumē were
0,2466 Elena vurnam die mere
0,2467 Sie en sumte sich nit
0,2468 Mit irn jūcfrouwē sie rit
0,2469 Wie sie dar queme
0,2470 Daz iz wol gezeme
0,2471 Hin zv dem berg cythero
0,2472 Ir man was zv piro
0,2473 Als gesaget ist da vor
0,2474 Ir bruð castor
0,2475 Vnd pollux warē vz gerittē
0,2476 Sie begundē ir iuncfrauwē bittē
0,2477 Daz sie sich erbeitē
0,2478 Vñ wol bereittē
0,2479 Ir gewant vñ ir kleit
0,2480 "Ez ist allez bereit
0,2481 Vwer zirde vnd uŵ wat
0,2482 Wolt ir varen ir hat
0,2483 Ritter vnd frauwē
0,2484 Man mac vns wol schowē

- 0,2485 Mit so grozzē eren
 0,2486 Wa wir hine kerē”
 0,2487 Die frouwē vf sazzē
 0,2488 Vn furē ir strazze
 0,2489 Helena gar schone was
 0,2490 Als ich ez an dem buche las
 0,2491 Ir stirne was offenbar
 0,2492 Ir ougen luter vnd clar
 0,2493 Rosige wangen roter mvnt
 0,2494 Suzze ademe zene gesunt
 0,2495 Blichende kel arme blanc
 0,2496 Schone hende finḡ lanc
 0,2497 Gland negel slecht hut glat
 0,2498 Rein wiz als ein liligē blat
 0,2499 Werliche vber al irn lip
 0,2500 Vō wibe quam nie schoñ wip
 0,2501 Mam saget vō đ schonē
 0,2502 Sie furte vffe eine kronē
 0,2503 Vō golde gar durch slagen
 0,2504 Waz mag ich mer vō ir sagē
 0,2505 Beide ir lip vn ir kleit
 0,2506 Was vō sulcḥe zirheit
 0,2507 Daz er paris selbe iach
 0,2508 Do sie quam vn er sie sach
 0,2509 Daz nie wip deheine
 0,2510 So schone noch so reine
 0,2511 Muge geworden
 0,2512 Nimmer mer vf erden
 0,2513 Ouch nam die frauwe des hrē war
 0,2514 Do was er also schone gefar
 0,2515 Daz er vz den andn schein
 0,2516 Als ein licht karfunkelstein
 0,2517 Vnd andme gesteine
 0,2518 Auch was er so reine
 0,2519 An den gebere
 0,2520 Als er ein iuncfrauwe were
 0,2521 Ir deweđ sach dē andn an
 0,2522 Er daz wip sie den man
 0,2523 Lange sie sich vndsahen
 0,2524 Do begonden sie sich nahē
 0,2525 Ie baz vnd baz
 0,2526 Ir deweđ sines vurgaz
 0,2527 Al nach đ mvzze
 0,2528 Gruzze gein gruzze
 0,2529 Sie vnd er sie
 0,2530 Beide da vn hie
 0,2531 Was die suzze mine
 0,2532 Ie mittē rechte darinne

- 0,2533 Sie hettē beiðsit not
0,2534 Wilen bleich wilē rot
0,2535 Wilen truric wilē fro
0,2536 Beide sus vñ so
0,2537 Nach ð wandelunge
0,2538 Daz die mīne fert in sprūge
0,2539 Gegen ð abentstunde
0,2540 Daz volc sich abe begūde
0,2541 Riten vnd machen
0,2542 Sie woldē die nacht wachē
0,2543 Vñ in dem bethuse wesen
0,2544 Beide singē vñ lesen
0,2545 Als man in ð zit pflac
0,2546 Paris hette al den tag
0,2547 Gedacht vm sine not
0,2548 Sinen luten er gebot
0,2549 Daz sie zv samne quemē
0,2550 Vñ sine rede vurnemē
0,2551 Sin gebot da geschach
0,2552 Als er selbe vor sprach
0,2553 Dar quam deiphebus v̄ polidamas
0,2554 Antenor vnd eneas
0,2555 Diese houbet furstē viere
0,2556 Vnd anð troygire
0,2557 Grauen frigē dinstman
0,2558 Do paris hup sine rede an
0,2559 Er sprach "ir hat alle wol v̄nvmē
0,2560 Wir sin durch schadē vz kvmē
0,2561 Vns hat min vater vz gesant
0,2562 Die crichen zv furtē vnš lant
0,2563 Mit roube vñ mit brande
0,2564 In vnserme lande
0,2565 Ich enweiz waz sie rachē
0,2566 Vnser bethus sie brachē
0,2567 Thelamon esionam
0,2568 Mine wasen mit gewalt nam
0,2569 Ouch wart vnrecht gewalt
0,2570 Mit vnsern magē gestalt
0,2571 Ich enweiz waz sprechē
0,2572 Woldet ir ez rechen
0,2573 So gesche in hie daz vngemach
0,2574 Daz vnš vorðn dort gescah
0,2575 Saget mir alle uern mvt
0,2576 Ich wil ob ez vch dunket gut
0,2577 Dise kvneginnen
0,2578 Mit mir furē hinnē
0,2579 Des en achte ich niht me
0,2580 Wie ez den andern erge

- 0,2581 Nv saget ir herrē alle
0,2582 Wie vch ǃ rat gefalle”
0,2583 San mit disen wortē
0,2584 Do sie diz gehorten
0,2585 Do quamē sie alle an dē rat
0,2586 Nach ǃ drittē hanecrat
0,2587 Do daz folc begūde stillen
0,2588 Do taten sie irn willen
0,2589 Als sie do gerten
0,2590 Mit den blozzen sw̄ten
0,2591 Mit armbrustē vf gezogenē
0,2592 Mit philen vñ mit bougē
0,2593 Sie hettē auch ir sarwerc
0,2594 Panzir helm halsberg
0,2595 In daz bethus sie liefen
0,2596 Sie dozten vñ rīfen
0,2597 Sie begriffen mit dem harē
0,2598 Die herren die da waren
0,2599 Sie rizzen vñ brachē
0,2600 Sie slugē vnd stachen
0,2601 Vñ zv furtē swaz da was
0,2602 Elena kvme genas
0,2603 Vñ ir ivncfrouwen
0,2604 Sie gingē so houwē
0,2605 Daz fleisch vñ bein
0,2606 ǃ manne ǃ genas dehein
0,2607 Och lac ǃ wibe vil tot
0,2608 Da was allenthalbē not
0,2609 Da was groz vngedolt
0,2610 Sie namē silb vñ golt
0,2611 Zindat pfellel samit
0,2612 Vñ ander gezirde da mit
0,2613 Die frouwē sie namē
0,2614 Swa sie in zv quamē
0,2615 Paris zv im nam
0,2616 Die schonē frauwē elenā
0,2617 Vñ hup sich balde dannē
0,2618 Mit frundē vñ mit māne
0,2619 Vnd karte gegen elee
0,2620 Daz was ein burc vf dem se
0,2621 Diewile daz sie kartē dar
0,2622 Do wurdē sie ir vf ǃ bur gewar
0,2623 Sie fragetē wer ǃ herre
0,2624 Were vñ auch die mere
0,2625 Vñ alse sie selbē sahē
0,2626 Do begunde gahē
0,2627 Vñ schuttē an ir ysen
0,2628 Die tumbē mit den wisen

- 0,2629 Taten in micheln schadē
0,2630 Des roubes des da was geladē
0,2631 Des wart harte vil gerat
0,2632 Sie wichē wið in die stat
0,2633 Vz dem kreftigē here
0,2634 Paris besach die gewer
0,2635 Vñ als er daz weste
0,2636 Daz sie was so feste
0,2637 Als in selbē dochte
0,2638 Daz er sie niht mochte
0,2639 Deheinē wis gwinne
0,2640 Er sprach "wir kerē hinnē
0,2641 Was sol lengē leğ hie
0,2642 Ich gesach so feste burc nie"
0,2643 Daz folc enbeitte niht me
0,2644 Sie kartē vō elee
0,2645 Sie begunde ilen vñ iagē
0,2646 Do quamē sie in sibē tagē
0,2647 Zv einē burg in ir lant
0,2648 Tenedon was sie genant
0,2649 Vō troyge sibē mile
0,2650 Da ruwetē sie eine wile
0,2651 Danne santē er botē priamo
0,2652 Sin vater wart harte fro
0,2653 Als er rechte vurnam
0,2654 Mit welchē vure er wið quam
0,2655 Helena in vnkunden
0,2656 Weinte nach irn frundē
0,2657 Nach den kinden nach dem mā
0,2658 "Daz ich den lip ie gwan
0,2659 Got ez erbarme
0,2660 Waz sol ich vil arme
0,2661 Owe vnselic wip
0,2662 Alhie hant sie minē lip
0,2663 Min herze ist imē me dort
0,2664 We wi bin ich sus geuort
0,2665 Da min erbe finde sint
0,2666 Owe man owe kint
0,2667 Owe min kvnne
0,2668 Owe min liebe wūne
0,2669 Owe riche owe lant
0,2670 Ir sit alle an mir geschant
0,2671 Iedoch ane mine scholt
0,2672 Ich enwde in nimer mer holt
0,2673 Die mir diz leit hant getan
0,2674 Man mac an mir wol began
0,2675 Beide gewalt vñ vnrecht
0,2676 Ez ist mir leit nv seht

- 0,2677 Ez blibz vngerochē niht
0,2678 Swaz mir leides hie geschit”
0,2679 Suzze wort sprach paris
0,2680 “Ir sit zv hubeis vñ zv wis
0,2681 Daz ir des soldet iehen
0,2682 Daz v gewalt si geschehē
0,2683 Ez ist frauwe so nit
0,2684 Iedoch v nīm niht geschit
0,2685 Hie in disen landē
0,2686 Last noch schande
0,2687 Herze frauwe kvnegin
0,2688 Kvndet ir gehabē sin
0,2689 V gesche hie noch ere
0,2690 Tusen stunt mere
0,2691 Den mit menelao
0,2692 Gehabet vch wol vñ weset fro
0,2693 Ir vnd uwer lute
0,2694 Ich gebe iv no hute
0,2695 Allez daz ich ie gwan
0,2696 Lant burge dinstman
0,2697 Ez kvmet allez wol zu baden
0,2698 Uwer iuncfrauwē wil ich bestadē
0,2699 Baz dan nach irme rechte
0,2700 Auch wirt uwer geslechte
0,2701 An mir nimmer geschant
0,2702 Ich han burge vñ lant
0,2703 Ich wil vch zv kebesē niht han
0,2704 Ich ensol auch v niht v̄sman
0,2705 Wolt ir vch versinne
0,2706 Ich bin uwer mīne
0,2707 Alle tage wol wert
0,2708 Min hat manic frauwe gegert
0,2709 Edelre den ich si
0,2710 Ich han noch schoñ swest̃ dri
0,2711 Der en ist deheine
0,2712 So snode noch so kleine
0,2713 Sie si ein kvneginne
0,2714 Ich bit es vch v̄f mīne
0,2715 Vñ v̄f rechte hubischeit
0,2716 Daz ir vurlazzet uwer leit”
0,2717 Die frauwe irs leides vurgaz
0,2718 Vō zite ie baz vnd baz
0,2719 An dem andern tage
0,2720 Was geminret ir klage
0,2721 Rechte dar nach in sibē tagē
0,2722 Horte sie nīman niht klagē
0,2723 Bie eime halbē iare
0,2724 Minnete sie in vffenbare

0,2725 Do daz iar vmbe quam
 0,2726 Do was sie menelao gram
 0,2727 Priam⁹ der kvnic gemeit
 0,2728 Saz vf vñ reit
 0,2729 Gegen ð burge zv thene don
 0,2730 Do begeint im sin svn
 0,2731 Paris vñ elena
 0,2732 Sie vñdgruztē sich da
 0,2733 Mit so getanē worten
 0,2734 Die dar zv gehorten
 0,2735 Iegelich sine wise
 0,2736 Sie dancten parise
 0,2737 Als man danne phligit
 0,2738 Swēne ein man sine zit
 0,2739 In fremdeme lande wol bestat
 0,2740 Sie furtē die frauwē in die stat
 0,2741 Mit micheler wūne
 0,2742 Ð troyge kñne
 0,2743 Liffen ir engeine
 0,2744 Vñ enphingē sie alle gemeine
 0,2745 "Willekvme nv lone v got"
 0,2746 Der in erstn ð in spot
 0,2747 Als ez danne ganc hat
 0,2748 Swēne ein sulich ding ergat
 0,2749 Vñ do daz was ergangē
 0,2750 Daz sie was enphangē
 0,2751 Vñ nið gesazzen
 0,2752 Getrunckē vñ gazē
 0,2753 Beide frauwē vñ rittschaft
 0,2754 Ð kvnic gebot ein rittschaft
 0,2755 Die wirtschaft wte sibē tage
 0,2756 Cassandra hup ir alldē klage
 0,2757 "Owe nv waz suln wir
 0,2758 Min aldez leit daz wirret mir"
 0,2759 Ir gescheige was also groz
 0,2760 Daz ez allez daz folc vdroz
 0,2761 Beide ferre vnd bi
 0,2762 "Owe vnd owi
 0,2763 Owi vnd owe
 0,2764 Waz kvmet noch vō paride
 0,2765 Vñ vō dirre frauwē
 0,2766 Wir sullē beschowē
 0,2767 In vil kvrzen iaren
 0,2768 Daz iz geruwet vnsē haren"
 0,2769 Sie schrei vber al die stat
 0,2770 Ir mṽt sie swigē bat
 0,2771 Swie vil sie es bete
 0,2772 Cassandra irn willē hete

- 0,2773 Sie schrei als si hette geschrit
 0,2774 Do zv ginc die hochzit
 0,2775 Also tet daz geschrei
 0,2776 Vñ klage maniĝ leie
 0,2777 Biz an den selbē tac
 0,2778 Daz ǎ fal vñ der slac
 0,2779 Vñ daz leit also gescah
 0,2780 Als die vrauwe vor sprach
 0,2781 Vñđ des do diz was
 0,2782 Als ich ez an dem buche las
 0,2783 Quamē menelao mere
 0,2784 Wie ez kvmē were
 0,2785 Daz im daz wip was enpfurt
 0,2786 Als iz da vor hat gehort
 0,2787 Vñ vnz her ist kvmē
 0,2788 Also hette er ez vurnvmē
 0,2789 Er sprach "ez ist zv spate
 0,2790 Swie ĝne ich tate
 0,2791 Daz ich gereche den vbmvt
 0,2792 Waz hilfit daz man rede tut
 0,2793 Vñ wort ane tat
 0,2794 Her zv horet frunde rat"
 0,2795 Von piro er do karte
 0,2796 Zv siner stat zv parte
 0,2797 Nestor mit im do reit
 0,2798 Dem was sin vngemach leit
 0,2799 Sime bruđ sante er einē knecht
 0,2800 Vñ hiz im klagē diz vnrecht
 0,2801 Agoṃnon sin bruđ hiz
 0,2802 Dem er ez clagē liz
 0,2803 Er bat in daz er queme
 0,2804 Vñ sin leit vurneme
 0,2805 Daz geschach sin bruđ quam
 0,2806 Vñ als er rechte vurnam
 0,2807 Sin leit vñ sin vngemach
 0,2808 Er erscrac vñ sprach
 0,2809 "Edel kvnic gehabet vch wol
 0,2810 Dehein bederbe man sol
 0,2811 Sin leit im zv leit lazzē
 0,2812 Sŵ sich kan gemazzen
 0,2813 An liebe vñ an leide
 0,2814 Vñ die wege beide
 0,2815 Nach irme rech gegā kan
 0,2816 ǎ ist ein follenkumē man
 0,2817 Hie sult ir nemē bilde bi
 0,2818 Gehabet vch wol swie vch auch si
 0,2819 Ez blibet vngerochē nit
 0,2820 ǎ diz last gerit

- 0,2821 Vn iener der ez hat getan
0,2822 Sie mvzzē es zv buzze stan
0,2823 Min herze wirt nīm fro
0,2824 Ez enkvme noch also
0,2825 Daz đ selbe paris
0,2826 Erhangē wde vf ein ris
0,2827 So daz er gerichtē
0,2828 Zv vnser an gesichte
0,2829 An ein wīt erworge
0,2830 Min leit vn min sorge
0,2831 Die zv gent nīmer me
0,2832 Ez en si daz ez also erge”
0,2833 Sie hizzē diz leit kvndē
0,2834 Mannē vn frundē
0,2835 In diz lant vn in ienez lant
0,2836 Da ma den vn disen fant
0,2837 Zv den kvnigē sie quamē
0,2838 Die auch ir leit vnamē
0,2839 Patroclus vn achilles
0,2840 Vn đ starke dyomedes
0,2841 Vn đ kvnic Evriolus
0,2842 Vn đ kvnic neptolomus
0,2843 Zv rate sie gingē
0,2844 Wie sie ez ane gefingē
0,2845 Als sie ez zv ende mochtē kvmē
0,2846 Beide zv eren vn zv frumē
0,2847 Die hren do gerieten
0,2848 Sie woldē gebieten
0,2849 Vber al in irme rich
0,2850 Dem volke alme gliche
0,2851 Daz sie sworn heruart
0,2852 Als da geratē wart
0,2853 Sie santē nach den besten
0,2854 Die sie in den landen westē
0,2855 Der quam da vil zv geritē
0,2856 Die sie niht mochtē vollē bitē
0,2857 Den hizzē sie dreuwē
0,2858 In mvste vo gezvwē
0,2859 Wen man fil dur si tete
0,2860 Dur dreuwe vnd durch bete
0,2861 Vnd do sie diz getaten
0,2862 Agomēnonem sie batē
0,2863 Daz er des hers gewilde
0,2864 Vnd diz folc an in gehilde
0,2865 Daz er ir haubetman were
0,2866 Vn dar zv ir richē
0,2867 Wen daz ir igelicher rit
0,2868 Do enmochtez wider redē nit

0,2869 Er hiez daz sie sich reittē
 0,2870 Kvme sie erbeitten
 0,2871 Bis sie warē gereit
 0,2872 Da geschach in daz erste leit
 0,2873 An pollux vñ an castore
 0,2874 Wen sie die erstē warn vf dē se
 0,2875 Pollux vñ castor
 0,2876 Die zwene woldē varen for
 0,2877 Ir sewest was elena
 0,2878 Do quam in ein wať na
 0,2879 Als finster als ein nach
 0,2880 Ez bestunt sie mit grozzer macht
 0,2881 Ez was starc vñ groz
 0,2882 So sere ez in daz mer schoz
 0,2883 Daz im niht for bestunt
 0,2884 Ez warf daz schif an dē grūt
 0,2885 Daz ir nie deheĩ genas
 0,2886 Aller der dar inne was
 0,2887 Sie gesach nimer mā me
 0,2888 Vf der erden noch vf dem se
 0,2889 Nv solde ich sprechē furbaz
 0,2890 Wē daz ir merkē sult daz
 0,2891 E sie quemē in den strit
 0,2892 Wer sie werē beidersit
 0,2893 Die crichen vñ die troyre
 0,2894 Mit wie getaner gezirde
 0,2895 Vñ mit wie getań gebere
 0,2896 Ir iegelich zv strite were
 0,2897 Auch sullē wir sie nennē
 0,2898 Daz ir sie kvnnet erkēnen
 0,2899 An sterke vñ an manheit
 0,2900 Wie đ vñ dirre streit
 0,2901 Sol ich vch nv berichtē des
 0,2902 So horet wie mich dares
 0,2903 An sinen buche hat gelart
 0,2904 Zv troyge ein fride gegebē wart
 0,2905 Zv eime halben iare
 0,2906 Bi hute vñ bi hare
 0,2907 Vñ dar zv bi der wide
 0,2908 Dares vnđ dem fride
 0,2909 Vmbe reit aller đ ritt schar
 0,2910 Dar vmbe daz er neme war
 0,2911 Wie ir iegelich were getan
 0,2912 Als ich vō im gelernt han
 0,2913 Also flizze ich mich dar zv
 0,2914 Daz ich ez vch vstan tv
 0,2915 Die da vurturbē in dem mer
 0,2916 Die blibē niewē vberscher

- 0,2917 Ich ensage nit vō irre zierheit
0,2918 Sie heittē de hein vñdscheit
0,2919 Weđ an đ mazze
0,2920 Noch an dem gelazze
0,2921 Weđ an dicke noch an lenge
0,2922 Sie warē starc vñ strengē
0,2923 Ir antlitze offenbar
0,2924 Lanc sidēfar har
0,2925 Harte gliche in stunt
0,2926 Augē nase vñ mvnt
0,2927 Vñ dar zv wange vñ kīne
0,2928 Sie entschiedē danne die sinne
0,2929 Vñ der mvt ir iegēlich
0,2930 Was dem anđn gar glich
0,2931 Hie solde ich ir swest Elenā
0,2932 Loben eine frouwē lobesam
0,2933 Irn lip ich vor gelobet han
0,2934 Nv wil ich an die tugent gan
0,2935 Die da horet zv dem libe
0,2936 Ez gezimet wol wibe
0,2937 Wipliche zvcht vñ ere
0,2938 Elena was gewere
0,2939 Suzze senfte reine frut
0,2940 Kvsche schone milde gut
0,2941 Edel einfalt ersam
0,2942 Hubisch wise lustsam
0,2943 Ane nit vñ an haz
0,2944 Waz sol ich sprechē furbaz
0,2945 Anđ tugent sie hete
0,2946 Sie was getruwe vñ stete
0,2947 Agomēnon was ein helt
0,2948 Den daz her hette erwelt
0,2949 Zv eime richē
0,2950 Man saget daz er were
0,2951 Stille vñ ernsthaft
0,2952 Er het ez mer an đ kraft
0,2953 Den er gespreche
0,2954 Er was lancreche
0,2955 Als daz wol schin wart
0,2956 An đ langē heruart
0,2957 Wiz hutic vñ lide groz
0,2958 Er hette deheinē genoz
0,2959 An kost vñ an spise
0,2960 Wol gewassē vñ wise
0,2961 An sinne vñ an witze
0,2962 Ein gutlich antlitze
0,2963 Minecliche gruzze
0,2964 Kvrze rede suzze

- 0,2965 Hettē den hren geleit
0,2966 An ein reine hubischeit
0,2967 Menelaus sin bruð hete
0,2968 Sterke vñ stete
0,2969 Dem daz wip was enpfurt
0,2970 Der hette harte gut wort
0,2971 Er liz sich manige tugent an
0,2972 Vñ was ein ebenwassen man
0,2973 Zv groz noch zv kleine
0,2974 Sin spise was gemeine
0,2975 Hubisch milde schone gut
0,2976 Blide fro wol gemvt
0,2977 Anchilles glichē nie gwan
0,2978 Er was ein also bederbe man
0,2979 Im gezeme wol die krone
0,2980 Starg kvne schone
0,2981 Gar ein zerere
0,2982 Im was daz gut vmmere
0,2983 Harte liep die geste
0,2984 Grozze lide feste
0,2985 Vzzer mazze wol gelidet
0,2986 Im hette sin waffen gesmidet
0,2987 Volka ð getruwe smit
0,2988 Da beginc er wūds gnuc mit
0,2989 Swēne in sin zorn ane quam
0,2990 Als ein grimer ber er bram
0,2991 So enkonde sinē willen
0,2992 Niemā gestillen
0,2993 Patroclus hette gute site
0,2994 Kvne vñ fro damite
0,2995 Wol bekant vñ ernsthaft
0,2996 Er hette zvcht vñ kraft
0,2997 Volwassē vñ reine
0,2998 An daz alleine
0,2999 Daz er was honsam
0,3000 Anðs was er lobesam
0,3001 Ayax als ich han gehort
0,3002 Hette suzze rede schone wort
0,3003 Ane haz vñ ane nit
0,3004 Wol gekleidet alle zit
0,3005 An manigē endē swinde
0,3006 Gemelich mit dem gesynde
0,3007 Harte michel im schein
0,3008 Arm rippe vñ bein
0,3009 Ein anð ayax was
0,3010 Ð hette vil swarze vas
0,3011 Wizze hut schone
0,3012 Er was vō thelamone

- 0,3013 Dem kvnē degene geborn
0,3014 Er was auch selbe wol erkorn
0,3015 Vzze guť rittŝchaft
0,3016 Ď hette gute geselleschaft
0,3017 Er was groz vñ lanc
0,3018 Als er durch kvrzewile sanc
0,3019 Sin stīme also gelster erschal
0,3020 Daz sie in ġne hortē al
0,3021 Vlixes was kleine
0,3022 Doch was ir deheine
0,3023 Also gefuge in allē wis
0,3024 Er was vzzer mazē wis
0,3025 Wol gehoubet wol erkant
0,3026 Manige not er vbwant
0,3027 Vñ grozze erbeit
0,3028 Mit siñ wisheit
0,3029 Er hette sinnes harte vil
0,3030 Beide zv ernste vñ zv spil
0,3031 Kvnde er wol gebaren
0,3032 Da tusent ritt warē
0,3033 Da hette er alleine den hob
0,3034 Auch gap man im gut lob
0,3035 An der zervnge
0,3036 Auch was sin zvnge
0,3037 Wol gespreche vñ gerade
0,3038 Daz enwas nīmans schade
0,3039 Er sprach ġne an daz recht
0,3040 Des libes was er ein gut knecht
0,3041 Diomedes was wol gestalt
0,3042 An den wortē was er balt
0,3043 An dem willē gehe
0,3044 Hubisch vñ smehe
0,3045 Harte ġne lugēlich
0,3046 An den gelubedē mislich
0,3047 Irre vñ wilde
0,3048 Kvne vnd milde
0,3049 Gut vñ suzze mīnere
0,3050 In enkvnde dehein swere
0,3051 Vbergen noch leit
0,3052 Er enwere allezit gemeit
0,3053 Auch was er starc vñ groz
0,3054 Siñ sterke er genoz
0,3055 Daz man đ erge vurgaz
0,3056 Ez gezimet vil baz
0,3057 Erge vñ manheit
0,3058 Den gute vñ zaugeheit
0,3059 Nestor was dicke vñ bereit
0,3060 Vñ hette grozze wisheit

- 0,3061 Gute hulfe gutē rat
0,3062 An den wortē vñ an ð tat
0,3063 Schone gesichte har wiz
0,3064 Vñ karte allē sinē fliz
0,3065 Wie er getete daz beste
0,3066 Vñ enwas des doch niht feste
0,3067 Sinē frūden er leide sprach
0,3068 Swēne im dehein zorn geschach
0,3069 Man saget vō pthesilao
0,3070 Daz er ġne were fro
0,3071 Wol gewassē vollenkvmē
0,3072 Beide zv hulfe vñ zv frumē
0,3073 Getruwe vñ gewere
0,3074 Vñ gut suzze minere
0,3075 Neptolomus was so wol gelart
0,3076 Daz nie dehin paffe wart
0,3077 Vō bezzerre lere
0,3078 Man saget daz er were
0,3079 Vō edelme geslechte
0,3080 Vñ kvne an ð fechte
0,3081 In v̇durte nie dehein kleit
0,3082 Im warē die buch vil bereit
0,3083 Vzzer mazzze swartz sin har
0,3084 Anðs was sin hut clar
0,3085 Polimedes was smal
0,3086 Wol gelidet vberal
0,3087 Dem folke gemeine
0,3088 Kvne hubisch reine
0,3089 Die hende wiz vñ blanc
0,3090 Finger nach irme rechte lanc
0,3091 Polidarius so feizt was
0,3092 Daz er kvme genas
0,3093 Vor feizzetkeite
0,3094 Doch was er zv erbeite
0,3095 Vñ zv rittschaft gut
0,3096 Vñ hette grozzē v̇bmvt
0,3097 Auch stunt im sin mvt also
0,3098 Daz er selden was fro
0,3099 Machaon was riche
0,3100 Vñ lebete wūðliche
0,3101 Er enpflag deheĩn hubisheit
0,3102 Im was groz gesinde leit
0,3103 Gewassen an ð mazze
0,3104 Er was ġne in frazze
0,3105 Vñ hette zv dē sinē alle zit
0,3106 Beide haz vñ nit
0,3107 Do was frauwe brisis
0,3108 Beide gespreche vñ wis

0,3109 Kvsch reine einwalt
0,3110 Milde vñ wol gestalt
0,3111 Zv eren vñ zv rume
0,3112 Als ein nvwe blume
0,3113 Die den aldē vor schein
0,3114 Sie fant irn glichē dehein
0,3115 Witē in dem lande
0,3116 Swa man sie erkande
0,3117 Vnz her han ich genant
0,3118 Als ich gescribē fant
0,3119 Die crichē vñ ir zirde
0,3120 Wer die troyrde
0,3121 Weren vñ wie getan
0,3122 Daz lere ich als ich gelernt han
0,3123 Von dem ir dicke hat gehort
0,3124 Vō priamo spriche ich vort
0,3125 Wen daz vch des duchte
0,3126 Daz ich dem tage luchte
0,3127 Ob ich den loben wolde
0,3128 Der dem gelutertēme golde
0,3129 So gliche begat
0,3130 Daz er falsches niht enhat
0,3131 Sin tugen was vñdsnitē
0,3132 Mit gutē tugēdē mit gutē sitē
0,3133 Vñ da mittē inne
0,3134 List vñ sinne
0,3135 Vnd dar vber gebreit
0,3136 Milde vñ wisheit
0,3137 Anđsit da engein
0,3138 Gut rat darin schein
0,3139 Des was er luter golt
0,3140 Daz er den frauwē was holt
0,3141 Sin gnade vñ sin hulde
0,3142 Ď anđn vbergulde
0,3143 An disen dingē was schin
0,3144 Er mochte wol ein kvnic sin
0,3145 Gut an dem gerichte
0,3146 Schone gesiche
0,3147 Grozze gelide wizze hut
0,3148 Suzze stimme nit lut
0,3149 Fil gerade vñ snel
0,3150 Fabeln zale vñ spel
0,3151 Hubesche buch mīne brieb
0,3152 Was im vzer mazze lieb
0,3153 Den rittern gehulfic zv alł zit
0,3154 Auch was er zv erst an dē strit
0,3155 Ēctor hette sich gekart
0,3156 Faste an sines fater art

0,3157 Die tugent die ich han da vor
0,3158 Gesaget die hette ector
0,3159 An daz eine
0,3160 Er schilwete ein kleine
0,3161 Daz missestût im niet
0,3162 Also sauket vō im daz liet
0,3163 Auch saget vns die scrift
0,3164 Er gap gift vñ gift
0,3165 Ros gewant silb golt
0,3166 Er hette zv troyge daz v̄scholt
0,3167 Swaz ð h̄re vor sprach
0,3168 Nach sime will ez geschach
0,3169 Er hette ð lute deheinē var
0,3170 Brun krus lanc was im daz har
0,3171 Vf sinē schuldern ez im lac
0,3172 Als man es zv den gezitē pflac
0,3173 Vñ sinē augē gar
0,3174 Ein schone rit̄ brunfar
0,3175 Alsus was her elenus
0,3176 Vñ sin bruð deiphebus
0,3177 Dirre was ir iegelich
0,3178 Dem andern also glich
0,3179 An libe vñ an antlitze
0,3180 Doch schit sie daz gewitze
0,3181 Ambet alder vñ sin
0,3182 Vō disē dingē drin
0,3183 Hettē sie vñdscheide
0,3184 Der erste vñ dise beide
0,3185 Troylus sich ane liez
0,3186 Daz er ein gut rit̄ hiez
0,3187 Als ich da vor gesaget han
0,3188 Doch sult ir daz wol v̄stan
0,3189 Er konde manigē gutē slac
0,3190 ð man zv turneige pflac
0,3191 Dar zv stich vñ stoz
0,3192 Beide gewappēnt vñ bloz
0,3193 Minliche gruzze
0,3194 Gute rede suzze
0,3195 Ge sicht harte frolich
0,3196 Sinē finden engestlich
0,3197 Kyne mvnt nase wange
0,3198 Augē har zopphe lange
0,3199 Lide bein adern blut
0,3200 Daz was allez sament gut
0,3201 Man saget daz er paris
0,3202 Vor den an̄n hette pris
0,3203 An mīne vñ an schonheit
0,3204 Als ir da vor sit bereit

- 0,3205 Waz sol nv des mere
0,3206 Wendaz er schone were
0,3207 Also rechte wol getan
0,3208 Als ich da vor gesaget han
0,3209 Man saget daz Eneas
0,3210 Ein kvrtzer dicke man was
0,3211 Milde vñ lussam
0,3212 Kvne vñ gruzsam
0,3213 Wol gespreche vñ wol gelart
0,3214 Einē valfehsen bart
0,3215 Rotē mvt dicke granen
0,3216 Wol gesunt an den zanen
0,3217 Waz mag ich vō im sprechē me
0,3218 Er kvnde sin recht vñ sine e
0,3219 Vil wol vñ nimman baz
0,3220 Ğ zv troyge inne saz
0,3221 Antenor đ was harte lanc
0,3222 Smal vñ doch niht kranc
0,3223 Wol gelidet wol gestalt
0,3224 Er konde sprache manicfalt
0,3225 Er was auch an sin alđ komē
0,3226 Ir hat auch daz wol vñvmē
0,3227 Zv botschaft er gut was
0,3228 Sin svn polidamas
0,3229 Was wol geleret
0,3230 Vñ dar zv wol geeret
0,3231 Auch so trat er an daz spor
0,3232 Die đ herre antenor
0,3233 Ğ vař beginc in đ iugent
0,3234 Des wus sin kvnst vñ sin tugent
0,3235 Der kvnic mēnon der leste
0,3236 Der was wol đ beste
0,3237 Er hette ir iegeliches ein teil
0,3238 Ienes gelucke disses heil
0,3239 Disses zvcht ienes stete
0,3240 Waz der vñ dirre hete
0,3241 Ich mac also vil zv samne lesen
0,3242 Daz er đ beste mochte wesen
0,3243 Dares sagete her na
0,3244 Daz die frauw Eccuba
0,3245 Des kvniges priames wip
0,3246 Hette einē grozzē lip
0,3247 Menliche gebere
0,3248 Man saget daz sie were
0,3249 Vō vil grozzer wisheit
0,3250 Ir was vnrecht vil leit
0,3251 Creusa ir tocht Ğ eine
0,3252 Was lanc smal vñ kleine

- 0,3253 Wiz vñ clare hut
 0,3254 Die stīme gelster vñ lut
 0,3255 Lanc strup gel har
 0,3256 Ir gesichte licht vñ clar
 0,3257 Roſ mvnt wizze zane
 0,3258 Auch truc sie gute kleider ane
 0,3259 Beide die fraue vñ ir kleit
 0,3260 Warē vō guť zirheit
 0,3261 Cassandra die dritte was
 0,3262 Die an den buchē daz las
 0,3263 Vñ vor kvnde gesehē
 0,3264 Waz den vō troyge solte geschehē
 0,3265 Vō der enspreche ich niht fort
 0,3266 Ir hat vō ir vil gehort
 0,3267 Beide ir weinē vñ ir klagē
 0,3268 Ie doch hore ich daz sagē
 0,3269 Daz sie manige tugent hete
 0,3270 Milde kvsche vñ stete
 0,3271 Sybilla was dise selbe magit
 0,3272 Vō đ ich nv habe gesaget
 0,3273 Vō xpō sie harte vil sprach
 0,3274 Biz an den jungestē tach
 0,3275 Daz hette sie vor gesehen
 0,3276 Swaz da solde geschehen
 0,3277 Polixena was einfalt
 0,3278 Zv đ schonsten gezalt
 0,3279 Vnđ den andern zwein
 0,3280 Ir wangē also schone schein
 0,3281 Als die rose bi daz blat
 0,3282 Swēne sie sich obene entlat
 0,3283 Geziret mit flizze
 0,3284 Đ liligen an đ wizze
 0,3285 Schein ir hut gliche
 0,3286 Ir gescheffede was riche
 0,3287 Beide hie vnd da
 0,3288 Vñ dar zv auch andswa
 0,3289 Vber allē irn lip
 0,3290 Was sie ein wol gemachet wip
 0,3291 Zv troyge quam vil manic mā
 0,3292 Des ich genēnen niht enkan
 0,3293 Waz sol đ rede mere
 0,3294 Wen daz ir vil were
 0,3295 Beide genant vñ vngenant
 0,3296 Daz ich ir gscribē fant
 0,3297 Daz warē furstē wol gezogē
 0,3298 Kvnige grauē vñ h̄zogen
 0,3299 Als der winť abe nam
 0,3300 Vñ ez gein sum̄zit qūa

0,3301 Do erhup sich ein kēftigez her
 0,3302 Zv ein stat bi dem mer
 0,3303 Die stat hiez athene
 0,3304 Dar brachte vō mizene
 0,3305 Agamēnon d̄ kvnic gemeit
 0,3306 Hundert schif wol bereit
 0,3307 Vil wol er sie bewarte
 0,3308 Dar brachte vō parthe
 0,3309 Menelaus sin bruō
 0,3310 Also manic ruder
 0,3311 So sehszic solden han
 0,3312 Do volgete im san
 0,3313 Vō Boeze vñ vō Lenor
 0,3314 Archelaus vñ pthenor
 0,3315 Die brachtē funfzic schif geladē
 0,3316 Vf der troyere schadē
 0,3317 Dar nach quam alim⁹
 0,3318 Vñ der Graue ascalafus
 0,3319 Sie vurtē vō kvmenie
 0,3320 Schoner kvmpanie
 0,3321 Drizzic schif al vol
 0,3322 Dar nach zv gereche wol
 0,3323 Zwene gesellē harte wis
 0,3324 Brachtē die vō focidis
 0,3325 Funfzic schif herzeclius
 0,3326 Vñ sin geselle epistropus
 0,3327 Dar quam vō Salemine
 0,3328 Ajax vnd die sine
 0,3329 Vō thelamone geborn
 0,3330 Funfzic schif vz erkorn
 0,3331 Die brachte er vf daz mer
 0,3332 Dar inne hette er schon her
 0,3333 Vor andere rittschaft
 0,3334 Hette er irwelte geselleschaft
 0,3335 Die quamē mit im dar
 0,3336 Darion vñ polisenar
 0,3337 Teuzer vñ theseus
 0,3338 Vñ her eufimacus
 0,3339 Nestor brachte dar do
 0,3340 Achzic schif vō pyro
 0,3341 Firzic brachte theas
 0,3342 Vō sin stat tholias
 0,3343 Dri vñ drizzic nerius
 0,3344 Sehs vñ firzic caspus
 0,3345 Mit dem and̄n aiace
 0,3346 So brachte er dise vō se
 0,3347 Cantipus vñ filitoas
 0,3348 Ir itweder en graue was

- 0,3349 Vō calzedonie
 0,3350 Ir kvmpanie
 0,3351 Brachtē firzic schif dar
 0,3352 Wol bereit vñ gar
 0,3353 Domerius vō krete
 0,3354 Vnd merion hete
 0,3355 Mit guter gewarheit
 0,3356 Sehszic schiffe wol bereit
 0,3357 Vlixes furte firzic dar
 0,3358 Merius zehene an siñ schar
 0,3359 Der erste was vō achais
 0,3360 Der and vō tygris
 0,3361 Auch brachte funfzic pthacus
 0,3362 Als manigez brachte pthesilaus
 0,3363 Machaon vñ polidarius
 0,3364 Ir vater hiz ascalosius
 0,3365 Diese knige zwene
 0,3366 Vurē auch zv athene
 0,3367 In quamē vō tracia
 0,3368 Zwei vñ drizzic schif na
 0,3369 Anchilles brachte vf daz mer
 0,3370 Funfzic schif mit sime her
 0,3371 Theophilus ein knic gemeit
 0,3372 Hette zehene dar geleit
 0,3373 Schif mit spisen wol gefolt
 0,3374 Im warē die crichē vil holt
 0,3375 In dem mer lac sin lant
 0,3376 Ez was tosdon genant
 0,3377 Ð dritte ayax gebetē wart
 0,3378 Daz er in die heruart
 0,3379 Furte zwenzic schif fol
 0,3380 Euripilus zv gereche wol
 0,3381 Mit funfzigē da vor
 0,3382 Als er zv ð herfart geswur
 0,3383 Vō lize brachte cantipus
 0,3384 Drizehene vñ anfimac⁹
 0,3385 Lyochin mit polipite
 0,3386 Brachtē firzic vf den se
 0,3387 Mit geselleschaft gewisse
 0,3388 Der herre vō arysse
 0,3389 Dyomedes vñ stelenus
 0,3390 Vñ ð schone evriolus
 0,3391 Furtē firzic schiffe starke
 0,3392 Mit also manig barke
 0,3393 Polidarius der hete
 0,3394 Mit gutem gerete
 0,3395 Als iz was vor bedacht
 0,3396 Funf vñ zwenzic dar brach

0,3397 Auch quamē mit politete
0,3398 Sibene vō melibete
0,3399 Vō kypre quamē auch do
0,3400 Zehene mit heleo
0,3401 Patroclus dar gahte
0,3402 Funfzic sch er brachte
0,3403 Tenedon vō frisca
0,3404 Hette zwe vñ drizzic da
0,3405 Fenesteus im bereitē bat
0,3406 Firzic schif des was die stat
0,3407 Da sie in warē zv samne komē
0,3408 Die herrē als ir hat vurnvmē-
0,3409 Funf vñ zwenzic wol getan
0,3410 Furstē ich genant han
0,3411 Die da quamē in die h̄fart
0,3412 Alse sie gesworn wart
0,3413 Tusent hundt schif fol
0,3414 Ob ich sie vollen zelen sol
0,3415 Drizzic waren ir noch dan
0,3416 Vñ ane furstē so manic man
0,3417 Die mit in kvmē warē
0,3418 Dannoeh in dise iaren
0,3419 Deweder nach noch e
0,3420 Quam ir zv samne nie me
0,3421 Da was ruf vber ruf
0,3422 Iegelic h̄ sin dinc schuf
0,3423 Hie doz dort schal
0,3424 Daz lant er bibete vber al
0,3425 Hie dreuwe da bete
0,3426 Ir iegelic h̄ nach d̄ zit tete
0,3427 Hie recht da gewalt
0,3428 Dirre flehete der schalt
0,3429 Dirre gebot der bat
0,3430 Vnz sie die schif hettē bestat
0,3431 Sint ir erbeit gelac
0,3432 Vf den and̄n tag
0,3433 Daz sie hetten ir gemach
0,3434 Agomēnon d̄ kvnic sprach
0,3435 "Ich bit vch herren alle
0,3436 Ob ich vch gefalle
0,3437 Zv eime richtere
0,3438 Gestatet miner lere
0,3439 Vñ auch minen wortē"
0,3440 Sie quamē vñ horten
0,3441 Sine rede vñ sine wort
0,3442 Alsus sprach der kvnic for
0,3443 "Wir sullen sech vñ schar
0,3444 Vñ phluc ysen gar

- 0,3445 Zv philen vñ zv sw̃tē smidē
0,3446 Vñ sullē des niht ṽmiden
0,3447 Ez en geschach vnsen foruarn niet
0,3448 Daz ein fremde diet
0,3449 In disen landen
0,3450 Leit oder schande
0,3451 Ie imman getete
0,3452 Fru ođ spete
0,3453 Ich engeruwe nimer mere
0,3454 Ez enkvme an vnser ere
0,3455 Auch gnade ich vch allē glichē
0,3456 Armē vnd richē
0,3457 Alden vñ iungen
0,3458 Dirre samēvngen
0,3459 Daz ir kvmē sit bereit
0,3460 Zv rechē mines bruđ leit
0,3461 Auch geben ich disen rat
0,3462 Apollo vnser got hat
0,3463 Ein bethus reine
0,3464 Nv ratet alle gemeine
0,3465 Wie wir vns vurendē
0,3466 Vñ wen wir dare sendē
0,3467 Ð vnš opfer dar bringe
0,3468 Vf so getan gedinge
0,3469 Daz vnser got vor se
0,3470 Waz vns zv troyge sulle gesche”
0,3471 Achilles sprach “ich sie đ bote
0,3472 Wiset mich rechte nach dem gote
0,3473 Wie heizzet sin lant”
0,3474 “Ez ist delfos genant
0,3475 Da đ got inne ist”
0,3476 An raste vñ ane frist
0,3477 Hup sich achilles an die fart
0,3478 Patroclus sin geselle wart
0,3479 Vñ do er zv delfos quam
0,3480 Sin opfer er an sine hant nam
0,3481 Appollen er ez brachte
0,3482 Vñ als er im nahte
0,3483 Do bet er vñ las
0,3484 Als do site was
0,3485 In eiñ kvrzen stunde
0,3486 Ð got sprechē begunde
0,3487 “Ich sage dir kvrtzliche
0,3488 Die vō troygē riche
0,3489 Geschit als in vor geschach
0,3490 Do Ercules in zv brach
0,3491 Beide burge vñ lant”
0,3492 Ð got gesweic do zv hant

- 0,3493 Vñ alsoschiere er gesweic
0,3494 Achilles dar neic
0,3495 Sine wort er wol enpfinc
0,3496 Alzhāt er dannē ginc
0,3497 Daz ð got were
0,3498 Daz ist and̃s niht mere
0,3499 Wen daz ð tufel sathanas
0,3500 Sin gespenste vñ sin getwas
0,3501 Vz eime bilde sprach
0,3502 Vñ sagete in swaz in geschach
0,3503 Stille vñ vffenbare
0,3504 Zv wane vnd zv ware
0,3505 Beide in ernste vñ in spot
0,3506 Des hettē sie in vur einē got
0,3507 Ez was ein heidēnische diet
0,3508 Sie achtē anders geloubē niet
0,3509 Diz was lange vor gotes geburt
0,3510 Nv spreche wir vnse rede furt
0,3511 Vñđ des daz diz was
0,3512 Do quam vō troyg kalcas
0,3513 Ein wissage wis
0,3514 In sante dare paris
0,3515 Daz er da vurneme
0,3516 Wie ez im dar vmbe bequeme
0,3517 Daz er die schonē elenam
0,3518 Zv crichē mit gewalt nam
0,3519 Kalcas leiste sin gebot
0,3520 Do sagete im der got
0,3521 Der da hiz appollo
0,3522 “Beide sus vñ so
0,3523 Die crichē gerechē ir leit
0,3524 Aber gwinnē sṽs erbeit
0,3525 Iedoch bi disen zehen iarē
0,3526 Alse uwer vorfarn warē
0,3527 Beide erslagē vñ ertrat
0,3528 Vñ zv furt wart uwer stat
0,3529 Michels wirs uch geschiet
0,3530 Kalkas nv ensume dich niet
0,3531 Tu als ich dich leren
0,3532 Du salt zvn krichē keren
0,3533 Vñ salt ir wissage wesen
0,3534 Du salt in sagē vñ lesen
0,3535 Singē vñ scriben
0,3536 Vñ immer mit in blibē
0,3537 Tust du ez niet du bist ṽlorn
0,3538 Vñ vnselic geboren”
0,3539 Do die entwurte ṽnam
0,3540 Ð wissage do karte er dan

- 0,3541 Ilende in richte
0,3542 Do geschach im vō geschichte
0,3543 Daz im begegente vn̄ des
0,3544 Patroclus vn̄ anchilles
0,3545 Do vn̄ gruztē sie sich
0,3546 “Gutē tag got mīne dich”
0,3547 Anchilles fragete in mere
0,3548 Wen vn̄ wer er were
0,3549 Do saget im kalcas
0,3550 Als ez dar kvmē was
0,3551 Beide rede vn̄ rete
0,3552 Was im geheizzē hete
0,3553 Sin abgot appollo
0,3554 Anchilles wart ǃ rede fro
0,3555 Zv herbergē er in leitte
0,3556 Sere er sich erbeitte
0,3557 Wie er im liebe getete
0,3558 Mit alme daz er hete
0,3559 Vil wol er sin pflac
0,3560 Vf den and̄n tag
0,3561 Rietē die herren zwene
0,3562 Hin zv athene
0,3563 Zv ǃ stat bi dem mer
0,3564 Da vunde sie daz her
0,3565 Vn̄ wurden wol enphangē
0,3566 Als ez in was ergangē
0,3567 Daz ich die rede kvrtze
0,3568 Des abgotes entwurte
0,3569 Sin gebot vn̄ sinē rat
0,3570 Als ir hie gehort hat
0,3571 Also sagete ez anchilles
0,3572 Die krichē freutē sich des
0,3573 Auch sagete in calcas
0,3574 Wie er dar kvmē was
0,3575 Vngesaget er niht enliez
0,3576 Daz in appollo dar hiez
0,3577 Daz er dare kerte
0,3578 Vn̄ sie auch alle lerte
0,3579 Vn̄ ir wissage were
0,3580 Den crichē behagete daz mere
0,3581 Calcas sprach do vurbaz
0,3582 “Sie sullē zv troyge sprechē daz
0,3583 Ich habe vntruweliche began
0,3584 Des en habe ich niht getan
0,3585 Ir wizzet ez alle wol
0,3586 Daz ich billich̄ leistē sol
0,3587 Daz mich geheizzē hat ǃ got
0,3588 Den ich leiste ir gebot”

0,3589 An susgetanē wortē
0,3590 Die criche du hortē
0,3591 Daz sin rede recht was
0,3592 Do begūde calcas
0,3593 Vben sine wisheit
0,3594 Er was gegerwet vñ bereit
0,3595 Als man ez do bi zitē pflac
0,3596 Daz er vor sagete den tac
0,3597 Beide stunde vñ zit
0,3598 Wēne sie furē in dē strit
0,3599 An dem gestirne er do sach
0,3600 Daz daz was vil vngemach
0,3601 Dianen ǃ gotinnen
0,3602 Daz mit deheinē mīnen
0,3603 Noch mit opfer noch mit bete
0,3604 Daz her ir erē niht entete
0,3605 Do sprach er “ich han vor gesehē
0,3606 Vns kan gutes niht geschehē
0,3607 Swēne wir hinnē keren
0,3608 Ez ensi daz wir geeren
0,3609 Dianen di gotinne
0,3610 Nv sehet wes ich vch inne
0,3611 Keret in den walt z yda
0,3612 Vñ klaget uwer not da
0,3613 Die hersten vnǃ ǃ schare
0,3614 Die bringē ir opfer dare
0,3615 Vñ swēne daz geschiet
0,3616 So kan vns geschadē niet”
0,3617 Diz gebot also geschach
0,3618 Als ez calcas vor sprach
0,3619 Do daz opfer wart gereit
0,3620 Agomennō selbe reit
0,3621 Hin zv yda in den walt
0,3622 Vñ brachte dar gift manicfalt
0,3623 Do er die hulde dar gwan
0,3624 Do saz er vf vñ quam
0,3625 Zv hant vz dem walde
0,3626 Vñ quam wiǃ balde
0,3627 Do er daz her solde bewaren
0,3628 Vñ hiez daz folc dānen farē
0,3629 Daz her sich bereitte
0,3630 Filitos ez leitte
0,3631 Dem was wol kvnt vf dem mer
0,3632 Dem folgete daz her
0,3633 Vō athene in ein anǃ lant
0,3634 Biz er eine habe fant
0,3635 Gegen troyrer riche
0,3636 Da anckertē sie alle gliche

0,3637 Bie ein burg zv dem stade
0,3638 Des nam die burg groz schade
0,3639 Die nacht sie da lagē
0,3640 Irs gemaches sie phlagē
0,3641 An dem andn tage fru
0,3642 Gingē sie d burg mit stme zv
0,3643 Die iene woltē dingen
0,3644 Vn do sie zv gingen
0,3645 Daz sie zv huldē quemē
0,3646 E die crichē vurnemē
0,3647 Ir gedinge vn ir wort
0,3648 Do was die burg gar zv stort
0,3649 Waz da iamers geschēe
0,3650 Daz ist also wehe
0,3651 Daz ich swige als ich ez sage
0,3652 Ich weiz wol da was michel klage
0,3653 Auch weiz ich daz dar abe
0,3654 Sie vurlurn ir habe
0,3655 Auch bleip ir harte vil tot
0,3656 Als in d kvnic do gebot
0,3657 Ir richt agomēnon
0,3658 Do kartē sie zv thenedon
0,3659 Do sie begūden nahē
0,3660 Vn die in d stat gesahē
0,3661 Sie besluzzē tor vn tur
0,3662 Vn hingē ir schilde her vur
0,3663 Oben an die zinnen
0,3664 Daz her wart des innen
0,3665 Daz sie zv gewer gingen
0,3666 Die burg sie vmbe fingē
0,3667 Mit grozme nidē
0,3668 Gegen den berffriden
0,3669 Schuzzē sie ir phfile
0,3670 In ein kvrze wile
0,3671 Quam schar vber schar
0,3672 Sie triben ir hantwerke dar
0,3673 In d stat sie sich wten
0,3674 Mit den steinē rertē
0,3675 Wurfen sie vber den grabē
0,3676 Alsus wart d strit erhabē
0,3677 Ein sit vn auch andsit
0,3678 Was strit vber strit
0,3679 Al vmbe die gewere
0,3680 Doch gesigete daz here
0,3681 Manig da die bruc brach
0,3682 Wizzet ir wie daz geschach
0,3683 Gegen ein man hundt man
0,3684 Daz gwan in die burc an

0,3685 Man nam in swaz mā da fāt
0,3686 Spise silb vñ gewant
0,3687 Vnd edel gesteine
0,3688 Ir genas auch deheine
0,3689 Ez weren kint ođ wip
0,3690 Der behilt keinez den lip
0,3691 Sie wurdē erdrungē ođ irtrat
0,3692 Do man rante in die stat
0,3693 Do dise not geschach
0,3694 Die herrē schuffen ir gemach
0,3695 In đ stat zv tenedon
0,3696 Der kvnic agomēnon
0,3697 Die furstē er besante
0,3698 Swaz er ir benante
0,3699 Die quamē mit einzeln scharē
0,3700 Er sprach "ir sult vch bewarē
0,3701 Vnśn willē habē wir hie getan
0,3702 Nv sehet waz wir ane gan
0,3703 Menlich sinē rat tu
0,3704 Och rate ich dar zv
0,3705 Daz wir an vber mvt
0,3706 Faren daz ist harte gut
0,3707 Als ich vch bewisen
0,3708 Schuldegē wir parisen
0,3709 Daz er gewalt habe getan
0,3710 So sullen wir daz da bi vstan
0,3711 Daz michel grozzer gewalt
0,3712 Mit siner wasen wart gestalt
0,3713 Ich meine esionam
0,3714 Die thelamō hie nam
0,3715 Durch daz selbe vngemach
0,3716 Vns diz leit auch geschach
0,3717 Wir wollen boten sendē dar
0,3718 Daz man an in erfar
0,3719 Wollen sie elenā wiđ gebē
0,3720 So sullen wir mit gnadē lebē
0,3721 Wollent sie ađ des niht
0,3722 Was ob in lichte wirs geschit
0,3723 So wirt auch vnś rede recht
0,3724 Ir herren nv seht
0,3725 Ob ich rechte gesprochen ha
0,3726 Nv sprechet nein ođ ia"
0,3727 Die furstē duchte đ rat gut
0,3728 Die andern glich sinē mvt
0,3729 Redetē sus vñ so
0,3730 Do santē sie zv priamo
0,3731 Vmbe daz gerete
0,3732 Als đ kvnic geredet hete

- 0,3733 Vf saz vlixes
0,3734 Vñ auch diomedes
0,3735 Vñ ir ritter mit in
0,3736 Vñ ritē zv troyge in
0,3737 Sie ritē vf vñ nider
0,3738 Die strazze vort vñ wiđ
0,3739 In đ stat vberal
0,3740 Do quamē sie fur den sal
0,3741 Einen guldinē boum sie ersahē
0,3742 Die herren do iahen
0,3743 Sie sehen da wund's gnvc
0,3744 Obene er vil zelgen truc
0,3745 Vndene was er cleine
0,3746 Des wūderde sie gemeine
0,3747 Wan abe daz were
0,3748 Daz er von đ swere
0,3749 Vñ vō der vberlestē last
0,3750 Bi đ erden niht enbrast
0,3751 Er was obēne vil breit
0,3752 Sine zelgen waren geleit
0,3753 Vber al die strazzen
0,3754 Die herren nider sazzē
0,3755 Vñ haften zv dem boume
0,3756 Ir ros mit dē zoume
0,3757 Sie gingen vur dē kvnic stan
0,3758 Vñ wurben ir botschaft san
0,3759 Vlixes zv aller erst sprach
0,3760 Daz da zv sprechene geschach
0,3761 "Agomēnon dir sagē tut
0,3762 Holde mīne vñ allez gut
0,3763 Vñ heizzet dich des bitē
0,3764 Daz du im heizzes mit sitē
0,3765 Wiđ geben Elenam
0,3766 Die paris sinē bruđ nam
0,3767 Daz tu kvrzliche
0,3768 Ez frumet dime riche
0,3769 Vñ auch dime lande
0,3770 Du enhast es keine schande
0,3771 Ob sin bete hie geschiet
0,3772 Ist daz aber im niet
0,3773 Gefrumē mac sin bete
0,3774 Er tut als ercules tete
0,3775 Đ her reit mit gewalt
0,3776 Du weist wol waz du tun salt
0,3777 Ich enweiz waz sprechē me
0,3778 Tu daz dir wol ste"
0,3779 Priamus sere des erscharc
0,3780 Do dise rede gelac

0,3781 Vñ enpfinc grozze swere
0,3782 Niewen durch die mere
0,3783 Die er hette gehort
0,3784 Doch enpfinc er die wort
0,3785 Senfter vñ vil baz
0,3786 Den im wisete ð alde haz
0,3787 Er sprach “des wirt gut rat
0,3788 Daz ir hie geworbē hat
0,3789 Des ensol ich vch niht wizzē
0,3790 Sullen mich die crichē bizzē
0,3791 So mvzzē sie mir naher kumē
0,3792 Ich enhan hie des niht vñvmē
0,3793 Daz ich wolle crowen
0,3794 Min houbet vō disen drowē
0,3795 Oð von leiden
0,3796 Ir mvzzet hinnē scheidē
0,3797 Vō troyge an ende
0,3798 Ez ensi daz man mir sende
0,3799 Mine swest̃ esionam
0,3800 Ir engesehet nīmer elenā
0,3801 Daz mir die mage sint erslagē
0,3802 Daz wil ich vch hie niht klagē
0,3803 Wen daz ir hie botē sit
0,3804 Die alde fehe vñ nit
0,3805 Die solde vch zv vnstatē komē
0,3806 Ich wene ir habet wol vñnomē
0,3807 Vñ wizzet wol daz vngemach
0,3808 Daz antenori gescah
0,3809 In uwerme lande
0,3810 Ich geswige ioch ð schande
0,3811 Mir wirret daz mere
0,3812 Daz ez vnrecht were
0,3813 Daz ð bote engulde
0,3814 Sines h̃ren schulde”
0,3815 Nach dirre rede vnð des
0,3816 Sprach diomedes
0,3817 “Ez engezimet niht wol
0,3818 Daz man vns glichē sol
0,3819 Hundē wern wir hūde
0,3820 Ez queme in kvrzer stūde
0,3821 Soltē wir vch bizzē
0,3822 Wir woltē vch zvrizzē
0,3823 Daz uwer dehein teil
0,3824 Blibe ganz noch noch geheil
0,3825 Wir sin deheine hūde niet
0,3826 Waz ob vch lichte wirs geschiet
0,3827 Den wir vch bizzē
0,3828 Waz solde got wizzē

- 0,3829 Den edeln crichischē furtē
 0,3830 Daz sie vechtē niht enturstē
 0,3831 Des wirt diz lant noch ṽhert
 0,3832 Wir bringē hie schilde ṽn sw̃t
 0,3833 Ez sol noch also geschē
 0,3834 Ir sult hie ritt̃schaft noch sehē
 0,3835 Hūdert tusent ṽn noch me
 0,3836 In disen iarē ṽn ouch e”
 0,3837 Daz er hette gesprochē
 0,3838 Daz was na gerochē
 0,3839 An ougen ṽn an zvngē
 0,3840 Hundert zv sprügen
 0,3841 Den priamus werte
 0,3842 Ṽn in den lip nerte
 0,3843 “Waz sol dise rede sin
 0,3844 Ich wande diz hus were min
 0,3845 Ṽn daz ich wirt were
 0,3846 Nv tut es niht mere
 0,3847 Ez gezimet wol miñ kronē
 0,3848 Daz ich boten schone”
 0,3849 Her zv sprach eneas
 0,3850 Ğ da nahe bi was
 0,3851 “Sint sie wurdē her gesant
 0,3852 Die vns zv furtē vñs lant
 0,3853 Ṽn wollen vns leide sprechē
 0,3854 Man sol ez an in rechē
 0,3855 In ist andere rede not
 0,3856 Daz in ir kvnic gebot
 0,3857 Zv werbene in disme riche
 0,3858 Daz werben gezogenliche
 0,3859 Ṽn leistē irs ħren gebot
 0,3860 Ṽn getete ich ez sam mir got
 0,3861 Ez koste mir vil ture
 0,3862 Man brēte mich ī eime fure
 0,3863 Aber sluge mich mit brendē
 0,3864 Oder man hizze mich blendē
 0,3865 Ez ist vil vbel getan
 0,3866 Man sol ez vns mer erlan”
 0,3867 Vlixes die rede vñđnam
 0,3868 Mit wortē als ez wol gezam
 0,3869 Ṽn hup sich vō dannē
 0,3870 Mit den sinē mannen
 0,3871 Balde sie vf sazzen
 0,3872 Ṽn riten ir strazzen
 0,3873 Do sie quamē hin wiđ
 0,3874 Sie sazzē vō den rossen niđ
 0,3875 Ṽn sagetē zv mere
 0,3876 Wie ez in kvmen were

- 0,3877 Beide sus vñ so
 0,3878 Vō herren priamo
 0,3879 Vñ vō enea
 0,3880 Beide verre vñ na
 0,3881 Die sint dort hie da
 0,3882 Beide nein vñ ia
 0,3883 In dem her vñal
 0,3884 Biz ez follen vz schal
 0,3885 Vñ sie ez wol hettē vñvmē
 0,3886 Wie ez zv troigē was kvmē
 0,3887 Den botē was d̄ tisch gereit
 0,3888 Do vclagetē sie ir leit
 0,3889 Ie baz vnd baz
 0,3890 Ir iegelich vur gaz
 0,3891 Durch die gutē spise
 0,3892 D̄ zornlicher wise
 0,3893 Do diz geschach vñd̄ des
 0,3894 Bereitte sich anchilles
 0,3895 Vñ der kvne theseus
 0,3896 Vñ dar zv thelefus
 0,3897 Dri tusent mit in
 0,3898 Die folgetē den drin
 0,3899 Zv messin in ein gut lant
 0,3900 Dar wurdē sie gesant
 0,3901 Nach spise vñ nach gwīne
 0,3902 Des was da vil inne
 0,3903 Sie roubetē vnd branten
 0,3904 Allez daz sie beranten
 0,3905 Daz lant in gluten allez schein
 0,3906 Theucer reit in engein
 0,3907 Der kvnic vō den landē
 0,3908 Sin leit er do ande
 0,3909 Mit den crichen er do streit
 0,3910 Bizdaz er si gar vber reit
 0,3911 Er zv furte ir schar
 0,3912 Achilles d̄ nam sin war
 0,3913 Vñ tet im einē slac so groz
 0,3914 Daz er vf die erden schoz
 0,3915 Eine totliche wūden
 0,3916 Zv den selbē stunden
 0,3917 Thelafus vf d̄ walstat
 0,3918 Anchillen des bat
 0,3919 Daz er thucrum lizze lebē
 0,3920 Wen er im wilē hette gegebē
 0,3921 Herberge in sime lande
 0,3922 "Ich hette es grozze schande
 0,3923 Sint er mir hie ere bot
 0,3924 Enhulfe ich im niht vz d̄ not"

- 0,3925 Des er in gebetē hete
0,3926 Daz geschach do zv spete
0,3927 Theucer so sere gewunt was
0,3928 Daz er des slages niht genas
0,3929 Theucer lac an der not
0,3930 Nicht wol lebende noch tot
0,3931 Do sante er nach thelefo
0,3932 Vñ sprach zv im also
0,3933 “Ich enhan des libes niht me frist
0,3934 Nv du ercules sun bist
0,3935 Nv hore vnd sich
0,3936 Wie er wilē troste mich
0,3937 Mir was ein kvnic in mī lant
0,3938 Als ez nv ist gerant
0,3939 Sine helfe ich vurkos
0,3940 Daz ich daz lant niht v̄los
0,3941 Des genoz ich do sin
0,3942 Also solde ich hute din
0,3943 Ob ich den lip solde han
0,3944 Ir hat mir beide wol getan
0,3945 Des gebe ich dir hute
0,3946 Mīn lant vñ mine lute
0,3947 Man vñ dinstman
0,3948 Vñ allez daz ich ie gwan
0,3949 Du solt mich lazzē begrabē
0,3950 Ich mac des libes niht gehabē
0,3951 Bestate mich mit eren
0,3952 Ich mvz hinnē keren”
0,3953 Als er do vor sprach
0,3954 Daz dinc allez also gescāh
0,3955 Er wart mit erē bestat
0,3956 Thelafus lant burge vñ stat
0,3957 Eidete er in sine gewalt
0,3958 Vñ anđ ere manicfalt
0,3959 Achilles đ helt gemeit
0,3960 Wiđ zv dem her reit
0,3961 Vñ hiz thelafum da blibē
0,3962 Daz er hizzē scriben
0,3963 Sine burge vñ sine feste
0,3964 Vñ sin gelt weste
0,3965 Vñ besetzete sin lant
0,3966 Biz im ein bote wurde gesāt
0,3967 Daz er dēne queme
0,3968 Swa er daz vurneme
0,3969 Daz geschach also
0,3970 Achilles sagete do
0,3971 Als er quam in richte
0,3972 Thelafis geschichte

- 0,3973 E ich spreche vurbaz
0,3974 So sult ir rechte merkē daz
0,3975 Daz ich vch leren
0,3976 Wer die zv troyge werē
0,3977 Mit irme harnasche vf die gewer
0,3978 Gegen den crichischem her
0,3979 Vō sicilien pyndarus
0,3980 Arpon vñ adrastus
0,3981 Zv gewere da sazzen
0,3982 An ein̄ an̄n strazzen
0,3983 Zv colophon gein dem mer
0,3984 Sazzen sie mit irre gewer
0,3985 Saras vñ marsius
0,3986 Nesteus vñ phimacus
0,3987 Dise herrē fiere
0,3988 Hettē da grozze ziere
0,3989 Der kvnic vō syze glaucon
0,3990 Vñ sin bruð sarpedon
0,3991 Priamis mage
0,3992 Die hettē an irre plage
0,3993 Dri tusent ritt̄ wol bekant
0,3994 Vber al troygē lant
0,3995 Da was vō Lauconie
0,3996 Mit siñ massēnie
0,3997 Eufemes ein kvne helt
0,3998 Mit tusent ritt̄n vz erwelt
0,3999 Auch was da hupus
0,4000 Vñ der grozze cupesus
0,4001 Mit gūt geselleschaft
0,4002 Man saget daz ir ritt̄schaft
0,4003 Were harte nvtze
0,4004 Mit maniġ hande geschutze
0,4005 Ouch was h̄ remus da
0,4006 Ğ kvnic vō sytenenia
0,4007 Sine gesellē warē wol gezogē
0,4008 Siben grafen vier h̄zogē
0,4009 Manic ritt̄ milde
0,4010 Glich warē ir schilde
0,4011 Ir wappen vñ ir banire
0,4012 Vō einer hande ziere
0,4013 Da was ouch vō traze
0,4014 Vō schonē gelazze
0,4015 Der kvnic p̄temisus
0,4016 Vñ sin nefē crepeus
0,4017 Tusent ritt̄ mit in
0,4018 Die hettē zv rosse gute gwin
0,4019 Da was vō frisce centipus
0,4020 Milceres vñ alchamus

- 0,4021 Dise hettē gereit
0,4022 Siben hundt rit̃ gemeit
0,4023 Funas vō philistea
0,4024 Was mit tusent rit̃n da
0,4025 Mit also manigē da was
0,4026 Fortinus vñ sanias
0,4027 Sie warē kvne alle dri
0,4028 Des gutes vñ đ spise vri
0,4029 Mir saget ouch daz buch sus
0,4030 Daz boetes vñ epistropus
0,4031 Warē da vō eime lande
0,4032 Daz man kvme erkande
0,4033 Also verre was daz lant
0,4034 Ez was botina genant
0,4035 Ouch was zv troyge
0,4036 Đ kvnic vō pafagoye
0,4037 Philemenis genant
0,4038 So ferre was sin lant
0,4039 Daz er mit grozzer erbeit
0,4040 In eime mande dar gereit
0,4041 Dar zv in drin wochen
0,4042 Also hat dares gesprochē
0,4043 Die wappē an sime schillde
0,4044 Warē gegrabē bilde
0,4045 Vō edelme gesteine
0,4046 Die man in den wazzern reine
0,4047 Bi dem paradise vant
0,4048 Eufrates vñ tygris sint sie genāt
0,4049 Da was đ kvnic vō morlāt
0,4050 Als ich ez gescribē fant
0,4051 Nente ich in daz were schande
0,4052 Auch hie in disen landē
0,4053 Die frauwē ṽdechtē mich des
0,4054 Ob ich in nente xerses
0,4055 War vmb solte ich in niht nēnē
0,4056 Mā mochte harte wol erkēne
0,4057 An siñ manheit
0,4058 Mit geschutze ě zv allē zitē streit
0,4059 Er hette anđs deheine gewer
0,4060 Also enhette auch sin her
0,4061 Mit im was mēnon
0,4062 Der was siñ swest̃ son
0,4063 Da was vō therasche theseus
0,4064 Vñ sin svn archilogus
0,4065 Priamis mage
0,4066 An warte vñ an lage
0,4067 Beidesamt vil wis
0,4068 Sie hettē ouch zv strite pris

0,4069 Von greste da was
0,4070 Fion vñ esdras
0,4071 Zwene kvnige riche
0,4072 Die waren da hubischliche
0,4073 Ouch hette da hof vñ hus
0,4074 Der kvnic pistropleus
0,4075 Sin lant hiz ezenie
0,4076 Man vant dar inne arzedie
0,4077 Gute selbē gute krut
0,4078 In den lip vñ an die hut
0,4079 Vnd ands gute wurze
0,4080 Daz ich die rede kvrze
0,4081 Die herrē warē alle da
0,4082 Baz dāne hie gescribē sta
0,4083 Iegelich durch daz rechte
0,4084 Etlicher durch sin geslechte
0,4085 Ettelich durch frutschaft
0,4086 Etlich durch rittschaft
0,4087 Etlich durch mīne
0,4088 Warenn sie zv troyge inne
0,4089 Daz ich ir hie gesaget han
0,4090 Die wurdē ectori vn̄tan
0,4091 Daz er nv were
0,4092 Ir gut richtē
0,4093 Ector sine frunt bat
0,4094 Daz sie alvmbe die stat
0,4095 Zv den erkeren
0,4096 Wol bereitet werē
0,4097 Vñ daz sie bewartē die tor
0,4098 Einēthalbē saz antenor
0,4099 In andthalp troylus
0,4100 Andsit deiphebus
0,4101 Einsit polidamas
0,4102 Andsit eneas
0,4103 Alsus teiltē sie sich
0,4104 Da hutte ir iegelich
0,4105 Mit libe vñ mit gute
0,4106 An siner wart hute
0,4107 Als ez im zv erē gezam
0,4108 Vñ zv geuort wol quam
0,4109 Dannocho was agomēnon
0,4110 Mit den crichē zv thenedon
0,4111 Vñ freuwetē sich des
0,4112 Daz kvmē was polimesdes
0,4113 Wen er quam harte wol
0,4114 Mit drizzic schiffē vol
0,4115 Da heime er selb blibē was
0,4116 Wenne er kvme genas

0,4117 Des libes wuwene
0,4118 Daz sie zv athene
0,4119 Sine vart hettē vf geleit
0,4120 Des warē sie sin vngemeit
0,4121 Beide durch in vñ durch sich
0,4122 Daz was harte billich
0,4123 Zv rate sie do gingē
0,4124 Wie sie ez ane gefingē
0,4125 Daz sie mochtē gesigē
0,4126 Ob sie sie woldē beligē
0,4127 Ođ mit schiffen bestan
0,4128 Ir iegeliĥ sprach vf wan
0,4129 Als in larte sin mvt
0,4130 Disen duchte die rede gut
0,4131 Daz ez mit schiffē wurde erhabē
0,4132 Iener daz leg̃ vf den grabē
0,4133 Dirre den sturm đ den strit
0,4134 Als man dāne in rat pflit
0,4135 Manic rat da geschach
0,4136 Polimedes do sprach
0,4137 “Maniĝ git gutē rat
0,4138 Đ selb rates niht enhat
0,4139 Allein kvme ich zv dem rate
0,4140 Ein teil alzv spate
0,4141 Waz sol lenger hie gelegē
0,4142 Ob ir gemaches wollet phlegē
0,4143 So ensoldet ir her kvmē sin nie
0,4144 Woldir aber ligē hie
0,4145 Vñ vch nirgen zv bereitē
0,4146 Vñ alhie ir beiten
0,4147 Vnz sie mit vch stritē
0,4148 Nv zv disen ziten
0,4149 Die werld zv get e
0,4150 Den uwer wille follē ge
0,4151 Heizzet griffen dar zv
0,4152 Daz vwer schif morgē fru
0,4153 Zv troyge sin an dem stade
0,4154 Ia ist ez uwer schade
0,4155 Daz in zv grozzē statē stat
0,4156 Daz ir hie gelegē hat
0,4157 An đ warnvnge
0,4158 Mit vwer samēnvnge
0,4159 Ob ich vch rechtes innen
0,4160 So faret balde hinnē
0,4161 Ir liget als vnwise
0,4162 Vñ zeret uwer spise”
0,4163 Der rat behagete i allē
0,4164 Er mochte in wol gefallē

- 0,4165 Wen er wislichē riet
0,4166 Do ensumtē sie sich niet
0,4167 Sie hizzē schaffē vñ bewarē
0,4168 Wer da vor solte faren
0,4169 Wer verre wer na
0,4170 Wer hie vñ wer da
0,4171 Reitē sie sich begūdē
0,4172 Ir segel sie vf būdē
0,4173 Vñ bereitte sich alle die nacht
0,4174 Als ez vor was gedacht
0,4175 Des morgens fil fru
0,4176 Segeltē sie zv troyge zv
0,4177 Ie baz vnd baz
0,4178 Ð wecht̃ vf ð zinnē saz
0,4179 Sine tageliet er sanc
0,4180 Daz im sin stimme erklanc
0,4181 Vō grozme done
0,4182 Er sanc "ez taget schone
0,4183 Ð tag ð schinet in den sal
0,4184 Wol vf ritt̃ vber al
0,4185 Wol vf ez ist tag"
0,4186 Do er gesanc sin h̃ze erscrac
0,4187 Sere vñ harte
0,4188 Er gesach vf ð warte
0,4189 Blicken gegen dem mer wert
0,4190 Halsberg schilt helm s̃wt
0,4191 Vñ die banirē manicfare
0,4192 Er en wiste wānē oð ware
0,4193 Sie warē oder soldē
0,4194 Oð waz sie tun wolden
0,4195 Er schrei also sere
0,4196 Daz alle die wechtere
0,4197 Die vf den zinnē stūden
0,4198 Schrigē begūden
0,4199 Er rief vñ klagete
0,4200 Daz die burc alle waugete
0,4201 Furstē frigē dinstmā
0,4202 Schuttē ir wappē an
0,4203 Vf die ros sper an die hant
0,4204 Sporn vmb iegelic̃ sinē helm bāt
0,4205 Swert vñ schilt zv sitē
0,4206 Do begundē sie fintliche ritē
0,4207 Vil balde vñ gerade
0,4208 Hin zv des mers stade
0,4209 Rechte an ð selbē zīt
0,4210 Als die krichē añsiet
0,4211 Ir habe hettē fundē
0,4212 Alda sie sie bestundē

- 0,4213 Vn wten in die habe
 0,4214 Die crichen woldē niht dar abe
 0,4215 Vn en mochten mit erē
 0,4216 Dannē niht gekerē
 0,4217 Ouch vursmahet ez in gare
 0,4218 Da hette an der erstē schare
 0,4219 Prothesilaus đ arge
 0,4220 Đ kvnic vō plarge
 0,4221 Hundt schif mit rittern da
 0,4222 Im was zv dem lande vil ga
 0,4223 Do er ilete an den stat
 0,4224 Do wart im furt vñ pfat
 0,4225 Gewer^t da vil schiere
 0,4226 Die kvnen troygiere
 0,4227 Beide fort vnd wider
 0,4228 Daz mer vf vñ nider
 0,4229 Wol dri mile
 0,4230 Schuzzē sie die phile
 0,4231 In die schif so dicke
 0,4232 Glich eime ougē blicke
 0,4233 Sluc slac vñ slac
 0,4234 Daz ir senewe nie gelac
 0,4235 Sie slugē vñ stachē
 0,4236 Die mastboume sie in zv brachē
 0,4237 So daz ir segel all zv stoup
 0,4238 Da geschach mort vñ roup
 0,4239 Also vzzet mazzē groz
 0,4240 Daz mer rot vō blute floz
 0,4241 Als ez wer daz rote mer
 0,4242 Sie namē in lip vñ gewer
 0,4243 Die her vz kvmē waren
 0,4244 Die zvgen sie mit den harē
 0,4245 Her vñ dar durch dē sant
 0,4246 Da liezzē die krichē ein phant
 0,4247 An đ selbē heruart
 0,4248 Als ez da geachtet wart
 0,4249 Siben hundt ođ me
 0,4250 An die ertrunckē in dem se
 0,4251 Sie sigeltē einzzelein zo
 0,4252 Prothesilaus quam do
 0,4253 Vf daz roz an den griez
 0,4254 Er schriet sper vñ spiez
 0,4255 Er rante vñ tratte
 0,4256 Siner er vil beratte
 0,4257 Der geuangē er vil loste
 0,4258 In dem mer er sie troste
 0,4259 Beide er gebot vñ bat
 0,4260 Daz sie drungē vf den stat

- 0,4261 Da was vō gedrenge grozze not
0,4262 Als dirre ieme die hant bot
0,4263 Daz er in zvge vf den sant
0,4264 So swebete im die hant
0,4265 Daz er es niht wart gewar
0,4266 E er im bot den stump dare
0,4267 Da was dranc vß gedranc
0,4268 Ð crichē vil zv stade spranc
0,4269 Mit den spiezzē mit dē bogē
0,4270 Mit den armbrustē vf gezogē
0,4271 Entlazzē vñ gespannē
0,4272 Mit den schifmannē
0,4273 Mit den sariantē
0,4274 Die crichen genantē
0,4275 Daz ir vil zv stade quam
0,4276 Ettislich vz swam
0,4277 Ettislich ginc vñ wut
0,4278 Als man zv sulcher not tut
0,4279 Prothesilaus do gwan
0,4280 Bi im siben hundt man
0,4281 Drizzic tusent ritt da mite
0,4282 Man saget daz er do strite
0,4283 So rechte
0,4284 Daz in deheime riche
0,4285 Nie ritt baz gestreit
0,4286 Niewen sin eines erbeit
0,4287 Die crichē werē alle begrabē
0,4288 Sus wart ð strit da erst erhabē
0,4289 Man saget daz da enwere
0,4290 Dehein ritt so swere
0,4291 Noch so feizt noch so groz
0,4292 So vngekleidet noch so bloz
0,4293 So kranc noch so blode
0,4294 So kvne noch so snode
0,4295 Er en mvste in dem strite wesē
0,4296 Ð da kvme was genesen
0,4297 Ð hup sich wið in den strit
0,4298 Da wart ð alde nit
0,4299 Vñ die alde ruwe
0,4300 So vnsamfte nvwe
0,4301 Daz ez ands niht en koste
0,4302 Den ioste wið ioste
0,4303 Mit dem sper durch dē mā
0,4304 Sẁ den andn quam an
0,4305 Der enliez sin niet
0,4306 E er in gar zv schriet
0,4307 Da was fal vber fal
0,4308 Daz folk strebete vberal

- 0,4309 Iegelich den anđn ane grein
0,4310 Sie schrietē fuzze vñ bein
0,4311 Houbet arme hende
0,4312 In dem ellende
0,4313 Die vō crichen dar quamē
0,4314 Den schadē sie da namē
0,4315 Auch geschach da michel schade
0,4316 Ir quam ouch vil zv dem stade
0,4317 Die des niht hettē vñvmē
0,4318 Wie ez den fordern was kvmē
0,4319 Wēne sie mit einzeling schare
0,4320 Furē alle do dare
0,4321 Archelaus vñ prothenor
0,4322 Furē mit irn schiffen for
0,4323 Nach prothesilao
0,4324 Do si gesahē daz er so
0,4325 Mit den troyeren facht
0,4326 Do vursuchtē sie ir macht
0,4327 Wie sie den stat begriffen
0,4328 Mit funfzic schiffen
0,4329 Do floc in engeine
0,4330 Schutze vñ gesteine
0,4331 So dicke sie fielen
0,4332 E denne iene vz den kielē
0,4333 Geblicketē mit đ ougbra
0,4334 So stackete đ phil da
0,4335 Ođ in dem houbete đ stein
0,4336 Zv brochē houbet ođ bein
0,4337 Zv wart sie doch hilden
0,4338 Die schief sie do schieldē
0,4339 Mit gewalt an den stat
0,4340 Da wart geslagen vñ getat
0,4341 Vō findē vñ vō frundē
0,4342 Daz des meres vnden
0,4343 Vō gemenge wart trube
0,4344 E sich daz folc erhubē
0,4345 Daz ez queme vz dem mer
0,4346 Nestor quam mit sime her
0,4347 Mit sehzie schiffē zv getribē
0,4348 Die erde mochte erbibē
0,4349 Vō rinnen vñ vō falle
0,4350 Nestor brachte sine alle
0,4351 Vf den stat mit gewalt
0,4352 Da wart wūder gestalt
0,4353 Vf dem gefilde
0,4354 Mit spiezzē vñ mit schilde
0,4355 Sich wa werē furstē
0,4356 Die baz gefechtē turstē

0,4357 Wið die troyre
0,4358 Den dise fiere
0,4359 Prothenor vñ archilaus
0,4360 Nestor vñ prothesilaus
0,4361 Zv hant quam aschalafus
0,4362 Vñ der herre alinvs
0,4363 Mit drizzic schiffē zv geiaget
0,4364 Als vō den andern ist gesaget
0,4365 E sie quemē zv dem stade
0,4366 Gwūnen sie grozzē schadē
0,4367 Stich hie vñ slac da
0,4368 E er gefēgete wa
0,4369 Vnd den slac dare bot
0,4370 So lac er vf ð erdē tot
0,4371 Den crichē merte ir schare
0,4372 Des wurdē die troyere geware
0,4373 Vnd wichē hindwert
0,4374 In waren sper vñ swert
0,4375 An den ecken wiðleit
0,4376 Daz daz swt niht ensneit
0,4377 Vñ daz sper niht enstach
0,4378 Leides in doch niht geschach
0,4379 Sie tribē die crichen in daz mer
0,4380 Alleine hettē sie deheine wer
0,4381 Ir was da so vil entsamē
0,4382 Daz sie sich mvstē habe geschamē
0,4383 Vzzer mazzē sere
0,4384 Ob in missegangē were
0,4385 Vlixes zv rurte
0,4386 Firzic schif er furte
0,4387 Do gesach er vf dem se
0,4388 Tusent crichē vñ me
0,4389 Tot tuchē vñ swebē
0,4390 Do begunde er zv stade strebē
0,4391 Daz er queme vf daz lant
0,4392 Do wert im mit heldes hant
0,4393 Philomenis den fōrt
0,4394 Vlixes trat vf des schiffes bort
0,4395 Vñ sluc vnd dranc
0,4396 Vnz er vf den stat spranc
0,4397 Do er vf dem stade stunt
0,4398 Philomenis in bestunt
0,4399 Mit starkē slegen ane gruz
0,4400 Er was zv rosse vñ dirre zv fuz
0,4401 Er sluc slac vber slac
0,4402 Daz im ð arm nie gelac
0,4403 Schone stunt vlixes
0,4404 Vñ gestatte im des

0,4405 Biz er mvden began
0,4406 Do sluc er den man
0,4407 Durch daz kinne in den munt
0,4408 Daz da niht vor bestunt
0,4409 Joch fleisch noch bein
0,4410 Waz daz sw̃t ie berein
0,4411 Do er wiđ zvcte daz swert
0,4412 Iener viel zv đ erden wert
0,4413 Als er tot were
0,4414 Man clagete in harte sere
0,4415 Vnđ sinē mannen
0,4416 Sie wolten in furē dannē
0,4417 Vlixes enstatte des niet
0,4418 Er sluc vñ schriet
0,4419 Vnđ der ritterschaf
0,4420 Swaz er mit dem sw̃te traf
0,4421 Daz fur allez enzwei
0,4422 Ir iegelich sin zeichē schrei
0,4423 Sie zvgē i her vñ dare
0,4424 Bleich vñ misseuare
0,4425 Den kvnic vō segōtoie
0,4426 Doch hulfen im die vō troyge
0,4427 Daz er des libes genas
0,4428 Wen ir drizzic stunt mer was
0,4429 Der die in da nertē
0,4430 Den der die in da uerten
0,4431 Do hette thoas
0,4432 Vñ ayax der sin geselle was
0,4433 Hern thelamonis svn
0,4434 Vñ đ kvnic agomēnum
0,4435 Vñ menolaus sin bruđ
0,4436 Ir segel vñ ir ruđ
0,4437 Mit gewalt an den stat bracht
0,4438 Ir ros warē wole bedacht
0,4439 Vf die coūture
0,4440 Riche vnd ture
0,4441 Phellil vñ cindat
0,4442 Arne Lewen dar in genat
0,4443 Vñ anđ zeichē da mite
0,4444 Als ez noch ist site
0,4445 Irn lip sie behuttē
0,4446 Ir wapen sie an schutē
0,4447 Beide die herrē vnd ir man
0,4448 Sie zvgē ir halsberge an
0,4449 Dar vf vñ dar vnđe
0,4450 So man best kvnde
0,4451 Die wapenrocke finden
0,4452 Sie hiezen ir helm vf bindē

- 0,4453 Schilt sper vnd sw̃t
0,4454 Gap man in darwert
0,4455 Daz was als ez solde
0,4456 Vō silber vñ von golde
0,4457 Wol gezimieret
0,4458 Sie quamē gelasieret
0,4459 Al mittē vf den kreiz
0,4460 Ioste pointe poneiz
0,4461 Vil manicfalt da was
0,4462 Durch den sant durch daz gras
0,4463 Sie slugē da vñ hie
0,4464 Vnd gewerten nie
0,4465 Dewēd herre noch knecht
0,4466 E sie gwūnen halsbercht
0,4467 Zv glichē wiđ gelde
0,4468 In wazzer vñ in felde
0,4469 Prothefisaus was erlegē
0,4470 Er hette strites fil geplegē
0,4471 Ie doch er es noch vil faste pflac
0,4472 Biz er von krancheit erlac
0,4473 Beide genant vñ vngenant
0,4474 Die fursten vō kriclant
0,4475 Waren vor troyge alle
0,4476 Leidic von d̃ valle
0,4477 Vō frundē vñ vō magē
0,4478 Die in erslagē lagen
0,4479 Sie rantē alle in den strit
0,4480 Eine sit vñ and̃sit
0,4481 Hie engegen da engein
0,4482 Da was glich vñ ein
0,4483 Beide lip vnde tot
0,4484 Hie not da not
0,4485 Vnd hette ich zehen mvnde
0,4486 Ich wene ich niht enkunde
0,4487 Vch zv rechte gesagen
0,4488 Waz d̃ von troyge wart erslagē
0,4489 Vz d̃ burg quam do gerant
0,4490 D̃ kvnic da von morlant
0,4491 Mit den araboisen
0,4492 Vñ mit den turkoisen
0,4493 Die warē da vil nvtze
0,4494 Mit irme geschutze
0,4495 Sie konden beide harte wol
0,4496 Dewēd man tun sol
0,4497 Iagen oder fliehen
0,4498 Vñ irn bogen zihen
0,4499 Swa die senewe hine sluc
0,4500 Swaz der ritter ane truc

- 0,4501 Ez fur durch in san
0,4502 Alſ nicht enhette an
0,4503 Beide ferre oder bi
0,4504 Mit eime phfile durch dri
0,4505 Sie rantē vñ lieffen
0,4506 Sie schuzzē vñ rieffen
0,4507 Daz beide berge vñ tal
0,4508 Mit glichme lute wider schal
0,4509 Sie schuzzē so sere
0,4510 Daz die crichē mere
0,4511 Fluhen wiđ in daz mer
0,4512 Dan sie sich karten zv wer
0,4513 Do rief polimedes
0,4514 “En schamet vch helde niht des
0,4515 Daz vch diz morfolc iaget
0,4516 Ich sehe wol ir siet vurzaget
0,4517 Die mit mir hie sit
0,4518 Keret wiđ in den strit
0,4519 Swelcher uwer nv keret
0,4520 Ğ sol ez sin geeret
0,4521 An wibe vñ an kindē
0,4522 Er sol ez niht vwindē
0,4523 In mime kvnicriche
0,4524 Swer so zegeliche
0,4525 Disen strit schuhit
0,4526 Ođ hinnen fluhet”
0,4527 Vnđ des gesach er einen mor
0,4528 Einē furstē der hiez sicamor
0,4529 An dem erkvlte er sinē zorn
0,4530 Er nam daz ros mit den sporn
0,4531 Vñ begunde in ane ritē
0,4532 Vñ stach in durch die sitē
0,4533 So sere daz im die hant
0,4534 An đ wūden widerwant
0,4535 Polimedes reit furbaz
0,4536 Vñ rach sinē haz
0,4537 Die sine volgetē im mite
0,4538 Ğ enwas deheiñ er strite
0,4539 Mit sogetañ manheit
0,4540 Als ir herre for streit
0,4541 Vnđ siner baniere
0,4542 Wart đ troygiere
0,4543 Dri hundet erslagē
0,4544 Daz begunde ector klagē
0,4545 Wen ez im was vil leit
0,4546 Wol zv gereche vñ breit
0,4547 Vf sin ros er spranc
0,4548 Er sluc vnd dranc

0,4549 Vn hurte vn stiez
0,4550 Sin ros in sprügen er geliez
0,4551 Als ez flucke were
0,4552 Ector der gewere
0,4553 Do er quam zv gerant
0,4554 Prothesilanvm er fant
0,4555 Vf dem gefilde
0,4556 Er ramte im gegen schilde
0,4557 Den schaft er also sere treip
0,4558 Daz da niht vor bleip
0,4559 Durch daz h̄ze er in stach
0,4560 Daz er nimer mer wort gesprach
0,4561 Do begūden die crichē klagē
0,4562 Daz d̄ degen was erslagen
0,4563 Do begunden schrigē
0,4564 Furstē vnd frigen
0,4565 Da was leit vber leit
0,4566 Ector rante vnd reit
0,4567 Vō ende zv ende
0,4568 Arme vn hende
0,4569 Liez er so vmb gan
0,4570 Im en mochte niht wiđstan
0,4571 Swaz er berurte
0,4572 Vil gar er daz zvfurte
0,4573 Anchilles sporn zv sitē sluc
0,4574 Sin ros in in den strit truc
0,4575 Er gram vnd bram
0,4576 Swaz im zv quam
0,4577 Sint erhaben was d̄ zorn
0,4578 Daz was allez vurlorn
0,4579 Zv dirre hant zv d̄ hant
0,4580 Im quamē sine rit̄ nach gerant
0,4581 Dri hūdert vn me
0,4582 Vn stritē mit ectore
0,4583 Sie begunden zv strichē
0,4584 Ez mvste allez wichē
0,4585 Ir gedrenge vn ir geschurge
0,4586 Vnz an daz vurburge
0,4587 Rechte mitten durch den hagen
0,4588 Begundē sie sich wiđ iagen
0,4589 a^vch wart gei aget Ector
0,4590 Biz an daz burge tor
0,4591 Wēne troylus vn paris
0,4592 Achilles hette grozzē pris
0,4593 Alda begangen
0,4594 Er hette sie gefangen
0,4595 Alle daz ir da was
0,4596 Wendaz ir glich des genas

0,4597 Daz iene dort inne
0,4598 Sich wertē von ǃ zinne
0,4599 Die crichen schogeten do
0,4600 Allenthalbē vaste zo
0,4601 Ez was abunt stunde
0,4602 Ector begunde
0,4603 Mit den sinē keren in die stat
0,4604 Agamennon die crichē bat
0,4605 Daz sie breiten vf daz felt
0,4606 Ir pafilune vñ ir gezelt
0,4607 Vñ hiez sie huttē stelle
0,4608 Vñ boume fellen
0,4609 Vñ machē hamiden
0,4610 Sie entorsten ez niet ǃmidē
0,4611 Daz er gebot daz geschach
0,4612 Sie machtē wende vñ dach
0,4613 Von deme walde
0,4614 Zv dem ersten einfalde
0,4615 Sint baz vnd baz
0,4616 Biz man troyam so besaz
0,4617 E dēne sie sich liezzē ǃtribē
0,4618 Wolten sie gefangē bliben
0,4619 Oǃ lazzē da daz leben
0,4620 Oǃ man mvste in die burc gebē
0,4621 Oǃ sie gwūnen sie mit craft
0,4622 Da sie wart sezhaft
0,4623 Da wart sie wol besezzē
0,4624 Des enwart ouch niht ǃgezzē
0,4625 Sie enschuffen ir hute
0,4626 Zv libe vñ auch zv gute
0,4627 In aller hande sache
0,4628 Zv ruwe vñ zv gemache
0,4629 Als ergangē was die nacht
0,4630 Ector wart vf gewacht
0,4631 Vñ die troyere
0,4632 Sie hizzen ir banire
0,4633 Vñ ir schilte bringē
0,4634 Die schilde sie vz hingē
0,4635 Die baniere sie vf stacten
0,4636 Daz folc sie vf wacten
0,4637 In ǃ stat vber al
0,4638 Da wart harte groz schal
0,4639 ǃ tac begūde schinē
0,4640 Sie bliesen ir businē
0,4641 Vñ aller hande her horn
0,4642 Ich wene daz nirgē ein torn
0,4643 In ǃ stat enwere
0,4644 Da bliese ein turnere

- 0,4645 Sie quamē alle gemeine
0,4646 Vur der houbet portē eine
0,4647 Die da hiez dardanides
0,4648 Vñ vureintē sich des
0,4649 Sie woltē die crichē bestan
0,4650 Ğ kvne ector nam san
0,4651 Vnđ den furstē ware
0,4652 Weilcher mit siñ schare
0,4653 Vor faren mochte
0,4654 Daz đ da zv tochte
0,4655 Do riet đ kvnic selbe daz
0,4656 In đ werlde niemā fugete baz
0,4657 Den đ kvnic glaucon
0,4658 Vñ sin bruđ sarpedon
0,4659 Sie warē beide vō Lizelant
0,4660 Sie schartē ir folc alda zv hant
0,4661 Vater halbē hette ector
0,4662 Einē buđ hiz cicillanor
0,4663 Den hiez man wē er was ein degē
0,4664 Ğ ersten baniere phlegen
0,4665 Vō therasce theseus
0,4666 Vñ sin svn archilogus
0,4667 Dar nach sich scharte
0,4668 Miceres ir schar bewarte
0,4669 Dar nach đ kvne cantipus
0,4670 Vnd der kvnic alcham⁹
0,4671 Dirre vor gesagetē schare
0,4672 Nam her troyilus ware
0,4673 Ğ hette harte gut wort
0,4674 Vō ritterschaft vñ geurbort
0,4675 Sinē schilt mit grozzē eren
0,4676 Den bat man leren
0,4677 Vñ wisen daz her
0,4678 Beide zv strite vñ zv gewer
0,4679 Er sprach wie ġne er tete
0,4680 Swes in ector bete
0,4681 “Waz sol din bete sem mir got
0,4682 Ich leiste ġne din gebot”
0,4683 Ector scharte sich der helt
0,4684 Den daz volc hette erwelt
0,4685 Zv eime richtere
0,4686 Vnd cupesus der gewere
0,4687 Vñ hup⁹ đ grozze
0,4688 Vñ alle sine genozze
0,4689 Remus sin folc vñ sine diet
0,4690 Enliez ouch vngescharet niet
0,4691 Noch đ kvne polidamas
0,4692 Ğ von penoie dar was

- 0,4693 $\dot{D}$ kvnic pretemisus
0,4694 Dise bewarte deiphebus
0,4695 Hern priames sun
0,4696 Also tet $\dot{d}$ kvnic phivn
0,4697 Vñ $\dot{d}$ kvnic esdras
0,4698 Ir itweder vō agreste was
0,4699 Als ich daz buch hore sagen
0,4700 Fion hette einē waugē
0,4701 Vō silber vñ vō golde
0,4702 Da er mite stritē wolde
0,4703 Gepriset vñ gezieret
0,4704 Vñ so gezmieret
0,4705 Daz allez daz dar abe sprach
0,4706 Swaz in mit den ougen sach
0,4707 Von elfinbeine
0,4708 Mit gutme gesteine
0,4709 Obene vnd vnde
0,4710 Er was w̃t tusement pfunde
0,4711 Ector satzete pytagoram
0,4712 Vber phionem vñ esdram
0,4713 Daz er were ir geleite
0,4714 Zv strite vñ zv erbeite
0,4715 Ector bat eneam
0,4716 Daz er an siñ schar nam
0,4717 Evfemē den alden
0,4718 Vñ siñ schare wolde waldē
0,4719 “Gerne” sprach eneas
0,4720 Tun ich daz du geredet hast
0,4721 Wilt du faren zv strite
0,4722 So reite dich bezite
0,4723 Da enhort deheine beite zv
0,4724 Ector bereitt sich dv
0,4725 Also tet ouch paris
0,4726 $\dot{D}$ bereitte sich in alle wis
0,4727 Mit rosse vñ mit gewande
0,4728 $\dot{D}$ kvnic vō morlande
0,4729 Gesellete sich zv siñ schare
0,4730 Ir deweđ nam des anđn ware
0,4731 Als ich sie vor han gesaget
0,4732 Die vō troyge vnūzaget
0,4733 Hettē sich alle geschart
0,4734 Vñ vzzmazzē wol bewart
0,4735 Sie hettē pancir kollir
0,4736 Krocanir testir
0,4737 Arm ysen vñ platē
0,4738 Geschutze in gutē batē
0,4739 Armbrust vf gezogen
0,4740 Kocher phile vñ bogen

- 0,4741 Stralen vñ bolzen
0,4742 Yserinē kolzen
0,4743 Dar zv guldine sporn
0,4744 Vñ halsberge vz erkorn
0,4745 Schilde sper helm swt
0,4746 Ros vñ zeldende phert
0,4747 Satel zoum nach irme site
0,4748 Vñ kouūturen da mite
0,4749 Vf die ros vber sich
0,4750 Sinē wappēroc ir iegelich
0,4751 Vō maniġ hande gescrate
0,4752 Vō schōme zindate
0,4753 Vō phellil vō samite
0,4754 Lanc vñ wite
0,4755 Wol zv gereche
0,4756 Wil man daz ich spreche
0,4757 Mit kvrtzlichē wortē
0,4758 Sie offentē ir phorten
0,4759 Vnd riten vz fil wol bereit
0,4760 Mit sogetaner gewisheit
0,4761 Vnd mit sulcher gereitschaft
0,4762 Daz da niht zv entraft
0,4763 Dardanides die phorte hiez
0,4764 Da man daz volc vz liez
0,4765 Do sie quamē fur daz tor
0,4766 Do begunde ector
0,4767 Vmb sich zv sehen
0,4768 Vaterhalbē zehēne
0,4769 Siñ bruđ er gesach
0,4770 Zv den zehenē er sprach
0,4771 Daz sie sin war nemē
0,4772 Wen sie zv strite quemē
0,4773 Ritter sie alle waren
0,4774 Vñ kvnden wol gebaren
0,4775 Ğ eine hiez odinias
0,4776 Vñ der ander esdras
0,4777 Der dritte hiez anthom⁹
0,4778 Ğ fierde rodomerius
0,4779 Der funfte hiez delon
0,4780 Der seste hiez quintilⁱon
0,4781 Der sibende sylilous
0,4782 Der achte kassibilaus
0,4783 Ğ nvnde hiez dayron
0,4784 Ğ zehende was mahtinē son
0,4785 Ğ hiez do roscalcus
0,4786 Mir saget daz welsche buch sus
0,4787 Sie name ectors alle ware
0,4788 Vñ hetten an irre schare

- 0,4789 Zwenzic tusement vz erkorn
0,4790 Ritter vō troyge geborn
0,4791 Ector vf ein ros saz
0,4792 Harte gut man saget daz
0,4793 Ez hieze galathea
0,4794 Ez sante im pentesilea
0,4795 Ein hubische iuncfrovwe
0,4796 Mit slegē noch mit drouwe
0,4797 Mochte man ez betwingē
0,4798 Swa ez quam zv springen
0,4799 Da enkvnde niht vor bestan
0,4800 Ez enwolde follen sprunc han
0,4801 Ez enwart nie dehein noz
0,4802 Daz phert were so groz
0,4803 So hoch noch so wol getan
0,4804 So daz selbe kastellan
0,4805 Ector do priamū bat
0,4806 Sinen vať farn vf die walstat
0,4807 Daz er đ leste wer mit siñ schar
0,4808 Siñ svne namē sin zwenzic war
0,4809 Vnd den
0,4810 Zehen ectorem bewartē
0,4811 Ir waren drizzic đ kebeskint
0,4812 Zehene ir genant sint
0,4813 Noch dan ich ir gescribē vant
0,4814 Sibenzehene genant
0,4815 Dri sint ir vber bliben
0,4816 Vngenant vñ vngescribē
0,4817 Ich enweiz niht vm die dri
0,4818 Wie ez dar vmb kvmē si
0,4819 Die sibenzehene wil ich nēnen
0,4820 Daz ir sie kvnnet erkēnen
0,4821 Der erste hiez menalus
0,4822 Vñ der ander cirrus
0,4823 Der dritte celidomas
0,4824 Der fierde ermagoras
0,4825 der funfte clareanus
0,4826 Der sehste sardineus
0,4827 Ysdor hiez đ sibende son
0,4828 Đ achte margariton
0,4829 Der nvnde fanianus
0,4830 Đ zehende gymean⁹
0,4831 Der elfte mathan
0,4832 Der zwelfte almadian
0,4833 Đ drizehende dolodageles
0,4834 Đ virzehende godeles
0,4835 Đ funfzehende duglas

- 0,4836 Ð sehszehende geheizzē was
0,4837 Damor ð leste thare
0,4838 Were er mir gesaget me
0,4839 Ich hette ir namē hie gewagē
0,4840 Sie waren deheine zagen
0,4841 Sie waren hubisch kvne fro
0,4842 Mit irme vater priamo
0,4843 Do bi der selben zite
0,4844 Riten sie zv strite
0,4845 Do scharten sich gein colofon
0,4846 Pyndarus vnd arpō
0,4847 Vñ die von philiste
0,4848 Vñ die von arbee
0,4849 Vñ die von botine
0,4850 Svriane vñ ermine
0,4851 Vñ die von bionie
0,4852 Vnd die von pafagonie
0,4853 Vñ anders harte manic man
0,4854 Des ich genēnen niht enkan
0,4855 Ouch schartē sich anðsiet
0,4856 Die crichishen furstē in dē strit
0,4857 Ir richtʰ agomennon
0,4858 Vñ achilles peleus son
0,4859 Irre baniere sich vnðwant
0,4860 Ouch so scharte sich zv hant
0,4861 Sin geselle patroclus
0,4862 Merion vñ ydomeneus
0,4863 Dise kvnige zwene
0,4864 Vñ menesteus vō athene
0,4865 Vñ ð kvnic aschalophus
0,4866 Vñ sin svn alinus
0,4867 Die herrē von torconie
0,4868 Vñ dise kvnige drie
0,4869 Prothenor vñ archelaus
0,4870 Vñ ð kvnic menelaus
0,4871 Vm den diz leit allez quam
0,4872 Durch sin wip elenam
0,4873 Ouch schartē sich vō focidis
0,4874 Epistropus von celidis
0,4875 Ayax vñ die sine
0,4876 Thelamonis sun vō salemine
0,4877 Theucer vnd teseus
0,4878 Vnd dormus vñ eufimacus
0,4879 Diese herren fiere
0,4880 Furen vnð einʰ baniere
0,4881 Polixenus reit vnð ir schare
0,4882 Vñ nam irre baniere ware
0,4883 Ouch scharte sich thoas

- 0,4884 Vnd er filithoas
0,4885 Ajax von calcedonien lant
0,4886 Nam ir baniere an die hant
0,4887 Auch scharte sich balde
0,4888 Nestor der alde
0,4889 Ouch scharte sich vñđ des
0,4890 Mabonē svn hunes
0,4891 Der kvnic mit im hete
0,4892 Die von massagete
0,4893 Vñ die araboise
0,4894 Vñ die turcoise
0,4895 Vlixes sich scharte
0,4896 Menelaus mit im karte
0,4897 Der kvnic da von tygris
0,4898 Sie waren beide vil wis
0,4899 Ouch scharten sich do
0,4900 Dī von prelargen vnfro
0,4901 Sie begunde harte sere klagē
0,4902 Daz in đ herre was erslagen
0,4903 Prothesilian⁹ vō ectore
0,4904 Dar vmbe iltē sie destē me
0,4905 Daz sie wurdē bereit
0,4906 Zv rechene irs ĥren leit
0,4907 Als ez was vil billich
0,4908 Ouch schartē sich
0,4909 Ein vater vñ sin son
0,4910 Daz was đ kvnic machaon
0,4911 Vñ sin vater ascalofius
0,4912 Mit in đ kvnic polidius
0,4913 Do scharte sich theophilus
0,4914 Der so vñ dirre sus
0,4915 Vnd der kvnic euripilus
0,4916 Mit siner massennige
0,4917 Er was von yrcanige
0,4918 Ouch schartē sich mit nide
0,4919 Zwene kvnige da von lide
0,4920 Đ eine daz was antipus
0,4921 Vnd der anđ eufimacus
0,4922 Auch scharte sich vō amise
0,4923 Mit harte grozzen prise
0,4924 Der herre polibetes
0,4925 Vnd der kvnic politetes
0,4926 Geborn vō melibe
0,4927 Vñ mit diomede
0,4928 Der herzoge stelenus
0,4929 Vñ der schone eurialus
0,4930 Ouch scharte sich da me
0,4931 Đ kvnic vō manesse

- 0,4932 Vn der vil schone prothoilus
 0,4933 Vn von kypre eunvchus
 0,4934 Ouch hup sich vf ir spor
 0,4935 Vō capadie capador
 0,4936 Agomēnon der gewere
 0,4937 Ğ crichen richtere
 0,4938 Der bewarte sine schare
 0,4939 Ouch so nam sin ware
 0,4940 Vō micene ein starke diet
 0,4941 Sie liezē en vmbewart niet
 0,4942 Weder er ginge ođ rīte
 0,4943 So warē sie im faste mite
 0,4944 Manic hundt tusent man
 0,4945 Liez sich da strietē an
 0,4946 Dem eines riemē niht gebrach
 0,4947 Do in zv stritene geschach
 0,4948 Siben vnzweinzic was đ schar
 0,4949 Die zv strite quamē dar
 0,4950 Manic tusent baniere
 0,4951 Rechte vn also schiere
 0,4952 So sie sich geschartē beiđ sit
 0,4953 Sie begunden so in den stit
 0,4954 Beide ilen vn streben
 0,4955 Als sie da solten leben
 0,4956 Immer mere ane not
 0,4957 Sie enachtē niht vf den tot
 0,4958 Ođ waz tot were
 0,4959 Daz was in vmere
 0,4960 Sie begūden sich vndgrazzē
 0,4961 Zv erst mit gelazzen
 0,4962 Dar nach mit wortē
 0,4963 Die schafte die sie fortē
 0,4964 Fazzen sie die begundē
 0,4965 Sie en mochtē noch enkvndē
 0,4966 Nichtes er bīten
 0,4967 Sie wolten sament stritē
 0,4968 Hector sporn zv sitē sluc
 0,4969 Sin ros in gegē den crichē truc
 0,4970 Als ez flucke were
 0,4971 Pat^oclus so sere
 0,4972 Daz ros mit sporn rurte
 0,4973 Daz ez in furte
 0,4974 Hectori so balde engein
 0,4975 Als vō einē bogen ein zein
 0,4976 Ođ ein phil da were gesant
 0,4977 Also quamē sie gerant
 0,4978 Zv samne snelliche
 0,4979 Beide sament gliche

- 0,4980 Sie zv brachē die sper
0,4981 Beide dirre vnd auch ǃ
0,4982 Die schefte stubē vf w̃t
0,4983 Die herrē griffen an die sw̃t
0,4984 Do begundē die recken
0,4985 Mit den brunē ecken
0,4986 Howen schrotē snidē
0,4987 Den wapenroc vō sidē
0,4988 Vñ den halsberc dar vnde
0,4989 Patroclo wart ein wūde
0,4990 In daz h̃ze so groz
0,4991 Daz er tot zv ǃ erden schoz
0,4992 Der geist vur sine vart
0,4993 Patroclus wart also hart
0,4994 Vnd also kalt als ein stein
0,4995 Im starten arm vnd bein
0,4996 Hector zoch in tot fare
0,4997 Beide her vnd dare
0,4998 Vber tal vnd vber berg
0,4999 Biz er im den halsberg
0,5000 Vñ and̃ sine wapen genam
0,5001 Merion dar zv quam
0,5002 Vñ begunde slahen vñ tretē
0,5003 Vñ wolte daz harnasch beretē
0,5004 Vñ begreif sich mit ectore
0,5005 Do enmochte er niht me
0,5006 Wēne er harte mvde was
0,5007 Merion hurte in vf daz gras
0,5008 Vnd sluc im slac vber slac
0,5009 Daz er vf der erden lac
0,5010 Gefangen hette in merion
0,5011 Wēn der kvne glaucon
0,5012 Vñ vō therasche theseus
0,5013 Vñ sin svn archilogus
0,5014 Diese starken helde dri
0,5015 Quamē zv hulfe hectori
0,5016 Glaucon von sice
0,5017 Bestunt da vō lice
0,5018 Den kvnen merionem
0,5019 Er wolde sin niht schonē
0,5020 Sie slugē sich vm den creiz
0,5021 So sere daz in ǃ sweiz
0,5022 Durch die sarewat dranc
0,5023 Daz fur in vñ die ougē spranc
0,5024 Do sie hiewen vñ snieten
0,5025 Ir diener quamē zv gerietē
0,5026 Zv den selben stunden
0,5027 Sere sie begunden

- 0,5028 Houwē vñ scrotē
0,5029 Vñ zvgen den toten
0,5030 Vf vñ nið durch den sant
0,5031 Hector sich sin do vñdwāt
0,5032 Vber den toten er schreit
0,5033 Er sluc vnd sneit
0,5034 Vmbe sich mit deme sŵte
0,5035 Manigē er des gewēte
0,5036 Swelcher im zv quam
0,5037 Daz er bleip tot oð lam
0,5038 Biz er einē rum gwan
0,5039 Do nam er den man
0,5040 Allez daz er hete
0,5041 An daz gewete
0,5042 Daz zv wer niht gehorte
0,5043 Sin ysen er dannē forte
0,5044 Merion niht enbeite
0,5045 Hectori er nach leite
0,5046 Mit siñ baniere
0,5047 Vnd sluc ð troyre
0,5048 Me dēne zehene dar nið
0,5049 Hector karte sich wið
0,5050 Sinē schilt er vur schilt
0,5051 Vñ schriet vñ spilt
0,5052 Coûture ros gewant
0,5053 Houbet bein arm hant
0,5054 Er begunde sie faste wið iagē
0,5055 Biz er vîrzehene hette erslagē
0,5056 Merion vf ð walstat
0,5057 Hectori faste zv trat
0,5058 Sie gingē sich vñðhouwē
0,5059 Man mochte da wūder schouwē
0,5060 Merion also sere facht
0,5061 Bizdaz ectori die macht
0,5062 Sere was engangen
0,5063 Merion hette in gefangē
0,5064 Wen daz cicillanor
0,5065 Gesach daz her hector
0,5066 Nicht me mvchte
0,5067 Sin sŵt er vz zuchte
0,5068 So sere er in ŵte
0,5069 Daz er in generte
0,5070 Biz ð vō troyge so vil quam
0,5071 Daz man in mit gewalt nam
0,5072 Als hector genas
0,5073 Vnd im die hulfe kvmē was
0,5074 Vnd wið gwan die craft
0,5075 Er clenete sinē schaft

0,5076 In den strit er wið reit
 0,5077 Daz er gereche sin leit
 0,5078 An merione
 0,5079 Eine wile hielt er schone
 0,5080 Ob er sin wurde gewar
 0,5081 Do quam dar zv mit siñ schar
 0,5082 Menesteus von athene
 0,5083 Gegen disme dise zwene
 0,5084 Cantipus vnd miceres
 0,5085 Mit disen quam ouch vnðdes
 0,5086 Hectoris bruð troylus
 0,5087 Vnd von falede alcamus
 0,5088 Gegen disen fiere
 0,5089 Mit siñ baniere
 0,5090 Rante manesteus
 0,5091 Do begeinte im troylus
 0,5092 Maneste⁹ liez dar gan
 0,5093 Im kvnde niht for bestan
 0,5094 Vf die erden er in stach
 0,5095 Daz er enhorte noch ensprach
 0,5096 Er finc in an dem falle
 0,5097 Sie rantē zv alle
 0,5098 Dise daz sie in bereten
 0,5099 Iene daz sie in beheten
 0,5100 Ez was ein harte lanc zit
 0,5101 E sie in behilden weðsit
 0,5102 Myceres nam die banier
 0,5103 Er schrei "ritter schyvalier"
 0,5104 Er rief alcamū an
 0,5105 Daz er loste disen man
 0,5106 Vñ herren cantipum
 0,5107 "Vurlisen wir troylum
 0,5108 So han wir zv fil vlorn"
 0,5109 Er nam daz ros mit dē sporn
 0,5110 Also tatē iene zwene
 0,5111 Vnd bestundē den vō athene
 0,5112 Vnd slugē faste vf in
 0,5113 Menesteus disen drin
 0,5114 Sich satzete zv wer
 0,5115 Doch warē die dri eines her
 0,5116 Sie namē troylū mit gewalt
 0,5117 Doch wte sich ð degen balt
 0,5118 Mit fil grozzē wið slegen
 0,5119 Sie begundē beiðsit zv legen
 0,5120 Finde vnd frunde
 0,5121 E troylus kunde
 0,5122 Wið vf daz ros comen
 0,5123 Do hettē die sinē genomē

- 0,5124 Vil bittern schadē leit groz
0,5125 Hectoren des sere v̄droz
0,5126 Daz die sinē warn erladē
0,5127 Beide mit last̄ v̄n mit schadē
0,5128 Vn̄ die an̄n er treip
0,5129 Nieman hin̄ im bleip
0,5130 Vō siñ massenie
0,5131 Von torcomenie
0,5132 Ein h̄re aschalafer genant
0,5133 Quam gegen im gerant
0,5134 Dirre hie iener dort
0,5135 Beide wī v̄nd fort
0,5136 Rantē sie v̄f den rinc
0,5137 Ir iegeliĥ den an̄n enphien̄c
0,5138 V̄n gap im for den gutē tac
0,5139 Mit dem s̄wte einē slac
0,5140 Daz iz gar besouf
0,5141 V̄n daz blut dar vz trouf
0,5142 Beide zv leide v̄n zv lobe
0,5143 Wilen lagen die crichē obe
0,5144 Bewilen lagen sie v̄nde
0,5145 Hector do begunde
0,5146 Sine sterke wisen
0,5147 V̄n teilte daz ysen
0,5148 Mit groz̄ grimekeit
0,5149 Swas er ̄l finde bereit
0,5150 Die mvsten wichen alle
0,5151 Ane flucht ōl an falle
0,5152 Daz was da bi wol schin
0,5153 Troylū den brūl sin
0,5154 Furter an daz burc tor
0,5155 Menesteus sach daz hector
0,5156 Die sinē iagete v̄n falte
0,5157 V̄nd in strite wū̄l stalte
0,5158 Er karte im faste zv vn̄des
0,5159 Gesach er daz miceres
0,5160 An eime ende da hilt
0,5161 Sinē schilt er vur sich schielt
0,5162 Mit sime sper quam er gerant
0,5163 V̄n stach in v̄f des schildes rant
0,5164 So vzzermazzē sere
0,5165 Daz er gefallē were
0,5166 V̄n komē zv gezoge
0,5167 Wēne ̄l hin̄ satelboge
0,5168 Da er ane behafte
0,5169 V̄nd entsaz dem schafte
0,5170 Diewile daz dise stritē
0,5171 Quamē dise zv geritē

- 0,5172 Mit schalle vnd mit dozze
0,5173 Hupus ð grozze
0,5174 Vnd cupesus vō arise
0,5175 Mit harte grozzē prise
0,5176 Mit einer micheln schare
0,5177 Gegen disen quamē vō crichē dare
0,5178 Archelaus vñ prothenor
0,5179 Grozze not was da vor
0,5180 Hie wart daz leit zwifalt
0,5181 Die crichē furē mit gewalt
0,5182 In ginc zv an ð macht
0,5183 Ir folc den sic erfach
0,5184 Daz ersach rem⁹ vñ polidamas
0,5185 Ir itweder vō zizonien was
0,5186 Sie quamē mit gesprēge
0,5187 In daz grozze gedrenge
0,5188 Mit drin tusentē vnd me
0,5189 Zwifalt was ir not e
0,5190 Nv wart sie drifalt erhabē
0,5191 Sie begunde stapfen vñ drabē
0,5192 Vñ auch zv rinnē
0,5193 Al mit vminnen
0,5194 Mit leide vnd mit sŵde
0,5195 Gemalet wart die erde
0,5196 Mit dem blute alrot
0,5197 Ð crichen lac da vil tot
0,5198 Menelaus die not gesach
0,5199 Vō den daz leit allez geschach
0,5200 Er sprach “mir ist leide
0,5201 So mir got beide
0,5202 Daz wir die vnsē han v̄lorn
0,5203 Vnd auch vm den aldē zorn
0,5204 Daz ich daz wip v̄lorn han
0,5205 Nv mvz ich vn̄ die erden gan
0,5206 Oð ich gereche minen haz
0,5207 Ich sage vch herrē allē daz
0,5208 E dēne ich daz len̄g lide
0,5209 Ich lieze e bein vnd lide
0,5210 Gar an mir zv snide
0,5211 Ich wil ez niht lidē
0,5212 Ich en sol noch enmac
0,5213 Hute si min lester tac
0,5214 Ob ich ez len̄g gespern
0,5215 Sŵ miner eren nv gere
0,5216 Ð folge mir mit eren”
0,5217 Do begūde er zv keren
0,5218 Vñ als er zv karte
0,5219 Rem⁹ im gewarte

- 0,5220 Vnd stoub im engein
0,5221 Da geschach vñđ in zwein
0,5222 Stiche vnd slege so groz
0,5223 Daz daz fur dar abe schoz
0,5224 Diewile đ strit vñđ in was
0,5225 Do begreif sich polidamas
0,5226 Mit merione
0,5227 Ir schilde schinen schone
0,5228 Ir swt wol blichē
0,5229 Swaz sie bestrichē
0,5230 Daz zv fur allez gar
0,5231 Polidamas sluc dar
0,5232 So sere daz daz swt ginc
0,5233 Durch des halsberges rinc
0,5234 Durch fleisch durch bein
0,5235 Als da niht were engein
0,5236 Durch buch durch rucke
0,5237 Da vilen zwe stucke
0,5238 Einez zv đ rechtē hant
0,5239 Daz andđ zv đ linkē in den sant
0,5240 Da was allenthalben klage
0,5241 Menelaus quam zv slage
0,5242 Mit hren remo
0,5243 Sie vñđhiewē sich do
0,5244 Daz remus wirs dar abe geschiet
0,5245 Sinē helm er im zv schriet
0,5246 Vñ sluc im die stirn enzwei
0,5247 Polidamas sin zeichē schrei
0,5248 Lute vnd grimme
0,5249 Dar quam zv siñ stimme
0,5250 Von zizonie sin h
0,5251 Sie triben die crichē biz an daz mer
0,5252 An der wiđkare
0,5253 Bestunt sie mit fare
0,5254 Đ kvnic da vō focidis
0,5255 Der da hiez celidis
0,5256 Der benote vō minen
0,5257 Durch eine kvneginen
0,5258 Vō femenie
0,5259 Die was sin amie
0,5260 Durch der frouē ere
0,5261 Liez er sich so sere
0,5262 An manig hande hubischeit
0,5263 In dem strite im wiđreit
0,5264 Đ kvne polidamas
0,5265 Er sprach "daz du getan hast
0,5266 Vf diseme velde
0,5267 Daz kvmet zv wiđgelde"

- 0,5268 Zv hant do er gesprach daz wort
 0,5269 Polidamas sines sw̄tes ort
 0,5270 Durch den halsberg im stach
 0,5271 Daz daz ysen vor brach
 0,5272 Vnd daz sw̄t im durch die bukelen wut
 0,5273 Vn̄ in sines selbes blut
 0,5274 An ð erden lac tot
 0,5275 Wen da wart not v̄b not
 0,5276 Sie schrigetē v̄b celide
 0,5277 "Owi vnd owe"
 0,5278 Do sie lange hetten geschrit
 0,5279 Hector kvrzete in die zit
 0,5280 Mit dem sw̄te vmbe sich
 0,5281 So daz ir iegelich
 0,5282 Ð zit gar vurgaz
 0,5283 Wie sollte er in die zit kvrzē baz
 0,5284 Swa sin sw̄t hine quam
 0,5285 Daz er in beide nam
 0,5286 Die zit vn̄ den lip dar mite
 0,5287 E er die schar durch rite
 0,5288 Do sluc er im nahe bi
 0,5289 Mit eime slage ritter dri
 0,5290 Ð von salemine
 0,5291 Thelamon sach sine
 0,5292 Harte lestliche ligē
 0,5293 Daz begūde er hohe wigē
 0,5294 Beide er vn̄ er theucer
 0,5295 Sie fazzē beide ir sper
 0,5296 Vnd and̄ ir geselleschaft
 0,5297 Theucer hectorē traf
 0,5298 Do vurwūdet er sin niet
 0,5299 Thelamō mit sime sw̄te schriet
 0,5300 Daz da niet vor bestunt
 0,5301 Ez enlege tot oð wunt
 0,5302 Hector iagete theucrū
 0,5303 Do begegente im doriū
 0,5304 Dem stiz er den mvt enzwei
 0,5305 Daz er daz blut vz spei
 0,5306 Theseus von crichlant
 0,5307 Der quam do zv gerant
 0,5308 Mit den sinē vf den rinc
 0,5309 Man saget daz ð iugelinc
 0,5310 Dru iar vnd niht vurt
 0,5311 Hette sinē schilt gevrurt
 0,5312 Herren hectori er zv sprach
 0,5313 Da er in in dem strite sach
 0,5314 "Ir mochtet wol mit eren
 0,5315 Vz disme strite keren

- 0,5316 Ich weiz wol daz ir ein helt sit
0,5317 Ir keret danne hinnē in zit
0,5318 Ir hat uwer lip vurlorn”
0,5319 Hectori was die rede zorn
0,5320 Er ilte mit dem sw̄te dar
0,5321 Die wile wart er gewar
0,5322 Daz im abe geuangē was
0,5323 Ð kvne degen polidamas
0,5324 Thelamō hette polidamā
0,5325 Gefangen biz im zv quam
0,5326 Menelaus zv helfe
0,5327 Sie furtē in mit gelfe
0,5328 Hin zv irme gezelde
0,5329 Do begente im vf dem felde
0,5330 Hector vil vnūzaget
0,5331 Er quam mit sinē geiaget
0,5332 Sin sw̄t furte er albare
0,5333 Vnd durch reit ir schare
0,5334 Drizzic er zv tode sluc
0,5335 Sin ros in also v̄re truc
0,5336 Daz ers vil grozzē schadē nam
0,5337 Thelamō im zv quam
0,5338 Vn̄ er epistropus
0,5339 Vn̄ đ kvnic menelaus
0,5340 Vnd and̄ ir gesinde
0,5341 Ð strit đ wart swinde
0,5342 Er wiðstunt in allē drin
0,5343 Doch slugen sie faste vf in
0,5344 Wen daz er gar was ein degē
0,5345 Er mvste da tot sin gelegen
0,5346 Ð sinen iedoch wenic was
0,5347 Sie hettē daz grune gras
0,5348 Mit blute berotet
0,5349 Hector was benotet
0,5350 Sie slugē im sin ros darniđ
0,5351 Doch quam er zv fuzzē wiđ
0,5352 Lange er sich w̄te
0,5353 Iedoch in daz generte
0,5354 Daz die zehene bruder quamē
0,5355 Die sin war namem
0,5356 Die quamē im zv helfe alle
0,5357 Mit gufte vn̄ mit schalle
0,5358 Do wart ir ector vil fro
0,5359 Er sluc h̄rē amphimaco
0,5360 Daz houbet abe mit eime slage
0,5361 Des hettē die crichē grozze klage
0,5362 Do quam dar zv odinias
0,5363 Ð der bruđ einre was

- 0,5364 Der stach dar nið theseū
0,5365 Also tet epistropū
0,5366 Anthonius ð bruð ein
0,5367 Esdras quam thelamone engein
0,5368 Do erviel thelamon
0,5369 Polixenū stach delon
0,5370 Daz er vf die erden sleif
0,5371 Delon sin ros begreif
0,5372 Hector vf daz ros saz
0,5373 Do mochtē sie vil baz
0,5374 Sysileus einē furstē stach
0,5375 Daz sin schilt aller zv brach
0,5376 Do quam quintilion zv gerant
0,5377 Vñ stach ir einē vf den sant
0,5378 Also tet Rodomeri?
0,5379 Vñ sin bruð cassibilaus
0,5380 Ouch stach ir einē odinias
0,5381 Daz er kvme genas
0,5382 Doroschalcus ð leste
0,5383 Des schaft vas so feste
0,5384 Do er vf einē stach
0,5385 Sin schaft da niht zv brach
0,5386 Er stach vber dri schrite
0,5387 Den ritter vnd daz ros darmite
0,5388 Do griffen sie zv den sw̄ten
0,5389 Diewile daz die w̄ten
0,5390 Da enkonde niht vor bestan
0,5391 Ouch quamē in zv helfe san
0,5392 Zwene kvnige vō peone
0,5393 Gezieret harte schone
0,5394 E was drifalt ir leit
0,5395 Nv wart ez fierfalt gebreit
0,5396 Deiphebus ð quam dare
0,5397 Do gesach er vnð ð schare
0,5398 Daz theucer da vil sere facht
0,5399 In dem strite mit grozʒ macht
0,5400 Er quam vf in gerant
0,5401 Vñ sluc daz sin sw̄t zv spranc
0,5402 Therefeus zv dranc
0,5403 Gegen im pretemisus
0,5404 Gegen p̄temiso theseus
0,5405 Ir quam ie me vnd me
0,5406 Da was ach vnd we
0,5407 Man sach daz blut flizzē
0,5408 Sie slugē vnd stizzen
0,5409 Mit des schildes borte
0,5410 Vñ mit des speres orte
0,5411 Mit des sw̄tes knoufe

0,5412 Ir lac an eime houfe
0,5413 Tot bleich vñ fal
0,5414 Daz ich bin ane zal
0,5415 Quintilion vñ rodomerius
0,5416 Sahē daz er theseus
0,5417 Groz wūder beginc
0,5418 Do fingē sie den jungelinc
0,5419 Hector bat daz er genas
0,5420 Weñe er ein kindisch ritt was
0,5421 Vñ iedoch ein kvne degen
0,5422 Er were anđs tot gelegen
0,5423 Ouch quam da anthenor
0,5424 Von siner orbor
0,5425 Harte hubisliche
0,5426 Er begunde stoltzliche
0,5427 Wenken vnd grazzē
0,5428 Du wart er sin niht erlazzē
0,5429 Gegen im quam thoas
0,5430 Vñ auch filithoas
0,5431 Vnd ayax von agreste
0,5432 Dri crichē vurn vber se
0,5433 Die bederbitten ir hende
0,5434 In dem ellende
0,5435 Beide swēte vnd schaft
0,5436 Mit grozē sterke vnd kraft
0,5437 Swa sie hine karten
0,5438 Von den bastharten
0,5439 Herrē priamis svne ein
0,5440 Quam im in dem strite engein
0,5441 Cassibilaus der quam
0,5442 Gegen herrē thoam
0,5443 Thoas baz geritē was
0,5444 Des sluc im thoas
0,5445 Dē schilt enzwei zvm anđn slage
0,5446 Daz im erviel der phage
0,5447 Als đ phage dar nider lac
0,5448 Do sluc er auch einē slac
0,5449 Daz swt im biz an daz gehiltze
0,5450 Durch hze vnd durch milze
0,5451 Anđsit gegen dem rucke vz wut
0,5452 Vz pheif im daz blut
0,5453 Einsit vnd anđsit
0,5454 Ector hette des nit
0,5455 Daz im đ buđ was vlorn
0,5456 Do wus sin alđ zorn
0,5457 Er begunde wutē vñ tobē
0,5458 Vñ quam vñder sie gestrobē
0,5459 Als ein lewe tete

- 0,5460 Swēne er hunĝ hete
 0,5461 Ob man in vnđ schaf liezze
 0,5462 Mit sulcheme riezze
 0,5463 Vur her hector
 0,5464 Daz im niht bestunt vor
 0,5465 Zv eiñ hant zv đ anđn hant
 0,5466 Ez wart allez geschant
 0,5467 Swaz sin swt ie bestreich
 0,5468 Ez were hart ođ weich
 0,5469 Hector vur mit vnsitē
 0,5470 Im ritē sine sine nvn bruđ mite
 0,5471 Ğ zehende lac im tot
 0,5472 Vm den was die grozze not
 0,5473 Vf đ selbē walstat
 0,5474 Hector als ein mvlen rat
 0,5475 Treip sin ros vmbe
 0,5476 Man saget daz er swme
 0,5477 In dem blute so vil er was
 0,5478 Die er falte vf daz gras
 0,5479 Do gesahen die von crete
 0,5480 Daz her hector hete
 0,5481 Ğ crieche vil dar niđ geualt
 0,5482 E was die not vierfalt
 0,5483 Funffaltic sie nv wart
 0,5484 Die von crete wol bewart
 0,5485 Rantē zv balde
 0,5486 Nestor der alde
 0,5487 Vō pyere mit in zv treip
 0,5488 Vor im nicht enbleip
 0,5489 Vnz zv slagen vñ vnz zvfurt
 0,5490 Er quam so zv gerurt
 0,5491 Daz man in vnsamfte entsub
 0,5492 Swa er sin swt vf erhub
 0,5493 Esdras vñ fion
 0,5494 Ĥren glancones son
 0,5495 Begundē do zv iagen
 0,5496 Daz was đ den wougē
 0,5497 Mit ime forte
 0,5498 Swaz er berurte
 0,5499 Ebēne er ez abe schriet
 0,5500 Als an dem grase geschiet
 0,5501 Swa die sense vber get
 0,5502 Daz vberiste sie obene ane net
 0,5503 Da was groz geschelle
 0,5504 Fionis geselle
 0,5505 Stalte wnder esdras
 0,5506 Im quam zv helfe pytagoras
 0,5507 Priam⁹ kebisich svne ein

- 0,5508 Er half harte wol in zwein
 0,5509 Fion ǎ vf den waugē saz
 0,5510 Ǧ tet ez harte vil baz
 0,5511 Ettewēne her niǎ spranc
 0,5512 Vnd sluc vnd dranc
 0,5513 Zv etlich wile
 0,5514 Schoz er sine phile
 0,5515 Sin rame im nie gelouc
 0,5516 Swa sin phil hin geflouc
 0,5517 Doch gerou in die fart
 0,5518 Wēne er gefangē wart
 0,5519 Do folgete im esdras
 0,5520 Vñ auch pytagoras
 0,5521 Sie hettē in ġne gelost
 0,5522 Do vant er an dewedme trost
 0,5523 Zv rantē die vō messie
 0,5524 Funffalt was daz leit e
 0,5525 Sehsualt wart ez do
 0,5526 Hector rante aber zo
 0,5527 Also tet polidamas
 0,5528 Mit in auch da was
 0,5529 Hectoris bruǎ deiphebus
 0,5530 Gegen in menelaus
 0,5531 Quam mit thelamone
 0,5532 Ez en wart nie so schone
 0,5533 Strit noch vrlouge
 0,5534 Da en was dehein getouge
 0,5535 Vñ irre baniere
 0,5536 Lac ǎ troyre
 0,5537 Fil tot vnd gewunt
 0,5538 Eneas do ouch bestunt
 0,5539 Mit siñ massēnige
 0,5540 Mit im von Lauconie
 0,5541 Ǧ kvnic eufemes
 0,5542 Hector stalte vñǎdes
 0,5543 Vf dem felde grozzē mort
 0,5544 Ajax quam zv gehort
 0,5545 Ĥren thelamonis kint
 0,5546 Also snel als ein wint
 0,5547 Quam sin ors zv geflogē
 0,5548 Oǎ als ein phil vō einē bogē
 0,5549 Her sprach "wie ist vns nv geschehē
 0,5550 Ich han selden gesehen
 0,5551 Vnser volc vñǎ ligen
 0,5552 Vnd die von troyge gesigē
 0,5553 Wie we ez mir tete
 0,5554 SǗ ez mir gesaget hete
 0,5555 Vor eime ganzen iare

0,5556 Swie ich nv gebare
0,5557 Nv mvz ez also wesen
0,5558 Allein solte ich nimer genesen
0,5559 Ob ez noch hute wesen sal
0,5560 Min tot vnd min fal
0,5561 Vnd solde man mich schindē
0,5562 Ich wil es niht erwindē
0,5563 Ich vursuche ob ich l̥ze ha”
0,5564 Do er ez sprach do was er da
0,5565 Da er ez vursuchē mochte
0,5566 Ob er zv māne tochte
0,5567 Er vursuchte ez ouch mit truwē
0,5568 Ez mochte in allen gruwē
0,5569 In deme ringe
0,5570 Wen er da vinge
0,5571 Wen er da felte
0,5572 Wen er da zv swelte
0,5573 Wen er da zv breche
0,5574 Wen er da nið steche
0,5575 Weme er den lip neme
0,5576 Weme er zv helfe queme
0,5577 Eine wis vnd anð wis
0,5578 So hette er einē sulchē pris
0,5579 Ob ich ez gesagē kvnde
0,5580 Die zit mir wiðstunde
0,5581 Wolde ich die zit dar zv han
0,5582 So mvste ich anð rede lan
0,5583 Als ez von im erhabē was
0,5584 Vō calcedonie philithoas
0,5585 Mit den sinē zv rante
0,5586 Als ayax do erkante
0,5587 Daz er im zv helfe quam
0,5588 Daz swt er mit beidē handē nam
0,5589 Vnd sluc ir vz ð mazze vil
0,5590 Vō der swartē biz an daz swil
0,5591 Beide cleine vñ grozze
0,5592 Wol bedecket vnd bloz
0,5593 Adern bein vñ lide
0,5594 Er gap in deheinē fride
0,5595 Er gin so schrotē
0,5596 Daz vō den totē
0,5597 Die erde was bedacht
0,5598 Do vursuchte sine kraft
0,5599 Filithoas an hector
0,5600 Do beitte ector niht me
0,5601 Er hette sin swt so erzogē
0,5602 Daz er im dē hiðn satelbogē
0,5603 Schriet in zwei stücke

0,5604 Vnd traf in in den rucke
0,5605 So sere daz ez zwifel was
0,5606 Ob er der wūdē genas
0,5607 Da hup sich leit vber leit
0,5608 Sŵ da vor im gestreit
0,5609 Ğ hup sich zv strite
0,5610 Bi đ selbē gezite
0,5611 Not vnd quale
0,5612 Hup sich zv dem male
0,5613 Zv rante ouch vnderdes
0,5614 Frouwē machtmī sun hunes
0,5615 Gegen im vō grozzē prise
0,5616 Vlixes đ wise
0,5617 Gegē im emilius
0,5618 Beide so vnd svs
0,5619 Sanfte vnd sere
0,5620 Hup sich die vnere
0,5621 Mit schilde vnd mit sŵte
0,5622 Die lange verte
0,5623 Ioch also lange
0,5624 Biz vō đ crichē getwange
0,5625 Die von tro^vge wichē vor
0,5626 Wiđ an daz burc tor
0,5627 Da waren sie wß wunde
0,5628 Wen daz sie helfe fundē
0,5629 Vō den von persia
0,5630 Die hettē gut geschutze da
0,5631 Die ŵten in die grabē
0,5632 Itzvnt hette sich erhabē
0,5633 Harte rittliche gar
0,5634 Paris mit siñ schar
0,5635 Helena die kvnegine
0,5636 Saz vf der zinne
0,5637 Vñ ander die frouwē
0,5638 Daz sie mochtē schouwē
0,5639 Wie ez im erginge
0,5640 Vnd wie er ez ane finge
0,5641 Da đ herre vffe reit
0,5642 Sin zeldende phert sanfte schreit
0,5643 Daz er ez niewē entsup
0,5644 Wen ez den fuz vf hup
0,5645 So wol ginc ez in zelde
0,5646 Do begente vf dem felde
0,5647 Dem edeln paryse
0,5648 Der kvnic da von pyse
0,5649 Do was paris
0,5650 Zv schirmeslegē vil wis
0,5651 Er sluc einē slac dar

0,5652 Des wart genre wol gewar
0,5653 Do sluc er zwene aſt ein
0,5654 Also tet er da engein
0,5655 Do sluc er dri mit dem drittē
0,5656 Spiel er im daz houbet mittē
0,5657 Daz er die bein vf karte
0,5658 Vlixes des gewarte
0,5659 Daz parys sime nebē
0,5660 Hette genvmē daz lebē
0,5661 Zv im er rurte
0,5662 Eine banier er furte
0,5663 Von swarme zindate
0,5664 Sime rosse erz vil drate
0,5665 Zv dem buche einsit in stach
0,5666 Daz ez and̄siet vz brach
0,5667 Daz banier rote varwe fiēg
0,5668 Daz ez durch daz ros gieng
0,5669 Vō dem rotē blute
0,5670 Troylū ez mvte
0,5671 Daz sin bruđ zv fuz stunt
0,5672 Des zv bletzete er im den mvnt
0,5673 Vñ die nasen so sere
0,5674 Als đ mvnt vorne were
0,5675 Weđ helm noch nasebant
0,5676 Mit hectorē quam zv gerant
0,5677 Deiphebus vñ polimas
0,5678 Sehsualt e diz leit was
0,5679 Nv mochte ez sibenfalt wesē
0,5680 Ir enkonde deheīn genesen
0,5681 Swelcherme vnđ disen zwein
0,5682 Ayax ođ ectori quam engein
0,5683 Die von troyge erholtē sich do
0,5684 Sie tratē den crichē faste zv
0,5685 Vñ tribē sie mit gewalt
0,5686 An ir gezelt vñ an ir behalt
0,5687 E daz geschee
0,5688 So wart da manic spee
0,5689 Beide wort vñ slac
0,5690 Ez was ein vnsenfte tag
0,5691 Der uaft der vaft
0,5692 Beide sterke vnd macht
0,5693 Sere sich vursuchtē
0,5694 Sie en achtē noch enruchtē
0,5695 Wie ez in erginge
0,5696 Weđ sie vf dem ringe
0,5697 Worden erslagē ođ ertrat
0,5698 Sus behilden sie ir stat
0,5699 Diewile diz wte

0,5700 Vnd nieman des ġte
0,5701 Zv redene zv sune noch zv tage
0,5702 Hector hup sin alde klage
0,5703 Er sprach "ir herrē gebet mir rat
0,5704 Sint ir mich erkorn hat
0,5705 Zv eime richtere
0,5706 Vmbe vnser swere
0,5707 Wie wir die gerechē
0,5708 Da sult ir zv sprechen
0,5709 Ich sihe wol wir sin bestan
0,5710 Mit volcke des ich angest han
0,5711 Waz rates mag ich anđs geben
0,5712 Wir mvzzē lip vnd leben
0,5713 Lazzē ane gezucke
0,5714 Ez ensi dan vngelucke
0,5715 Wollen wir haldē in hart
0,5716 Sie geruwet die vart
0,5717 Hie ist nieman er wizze wol
0,5718 Daz er eines todes sol
0,5719 Sterben vnd deheines mere
0,5720 Weret lant vnd ere
0,5721 Vch hilfet got destē baz"
0,5722 Daz ors da er vffe saz
0,5723 Daz sporte er zv den sitē
0,5724 Sie liezen hine riten
0,5725 Daz ir mit im da was
0,5726 Do begonde her thoas
0,5727 Anđsit zv iagen
0,5728 Ĵ ectoris bruđ hette erslagē
0,5729 Ĵ da cassibilaus hiz
0,5730 Quintilion sich gegē im liz
0,5731 Zv helfe er mit im nam
0,5732 Sinē bruđ odiniam
0,5733 Vñ rodomeriū da mite
0,5734 Dise dri mit vnsite
0,5735 Hurtē sere vf in
0,5736 Do gescah im vō in drin
0,5737 Dehein anđ leit
0,5738 Wen daz in ir ein im ein kleit sneit
0,5739 Mit dem sŵte in die hant
0,5740 Menesteus quam zv gerant
0,5741 Vō athene đ herzoge
0,5742 Ĵ brachte đ bruđ einē zv gezoge
0,5743 Er stach odiniam
0,5744 Daz er vf die erden quam
0,5745 Des wart paris gewar
0,5746 Vnd sluc einē phil dar
0,5747 In daz rippe er in schoz

0,5748 Hie hup sich ein strit groz
 0,5749 Vn̄ den crichē vnd ectore
 0,5750 Sibenfalt was daz leit e
 0,5751 Nv mvste ez acht falt sin
 0,5752 Daz wart vil vnsamfte schin
 0,5753 Hector liez vmbe gan
 0,5754 Des er da vor hette getan
 0,5755 Des tet er nv mere
 0,5756 Man saget daz da were
 0,5757 Beiðsit groz haz
 0,5758 Hector sin niht vurgaz
 0,5759 Er ginc mit beidē handē
 0,5760 Sin leit faste anden
 0,5761 Do schoz im ð kvnic hunes
 0,5762 Bi dem ougē in vn̄ddes
 0,5763 Vñ wūte in ein kleine
 0,5764 Vf dem ouge beine
 0,5765 Daz rach zv hant ector
 0,5766 Er sluc daz daz houbet enbor
 0,5767 Flouc vf die erden
 0,5768 Nie mer dorfe werden
 0,5769 So grozze not so da geschach
 0,5770 Sie raffen "stich vnd slach"
 0,5771 Ir iegelich gap vmbe sich
 0,5772 Beide slac vnd stich
 0,5773 Do rantē vf die walstat
 0,5774 Achte tulent vz ð stat
 0,5775 Man mochte wūder da sehen
 0,5776 Daz da vor was geschehen
 0,5777 Vnd geschehen solte sint
 0,5778 Daz was allez ein wint
 0,5779 Wið daz vngemach
 0,5780 Daz itzvnt da geschach
 0,5781 Da was ands niet me
 0,5782 Wēne ach vnd we
 0,5783 Da reit ayax vn̄ð
 0,5784 Vñ stalte manic wund
 0,5785 Also tet hector
 0,5786 Vnd ein sin bruð hiz ysdor
 0,5787 Vnd ein ð hiz curus
 0,5788 Ð dritte bruð cedius
 0,5789 Vnd ð fierde celidonias
 0,5790 Vnd ð funfte ermagoras
 0,5791 Sardineus vñ margoriton
 0,5792 Gegen disen quam thelamō
 0,5793 Prothenor vnd vlixes
 0,5794 Gegen im godeles
 0,5795 Almadian vnd emelc⁹

0,5796 Gegen disen archilogus
 0,5797 Theucer mit im was
 0,5798 Gein disen duglas
 0,5799 Der treip gegen theuc^ro sin sper
 0,5800 Do entweich im theucer
 0,5801 Sin ros er an die stirn stach
 0,5802 Nvnfalt wart daz vngemach
 0,5803 Daz e achtfalt was
 0,5804 Daz geschuf er dluglas
 0,5805 Ez wer im vbel ergangē
 0,5806 Wēne er wer gefangen
 0,5807 Mit menesteo vō athene
 0,5808 Wen daz siñ bruđ zwene
 0,5809 Im zv helfe quamē
 0,5810 Vñ in im benamē
 0,5811 Hector reit durch die schare
 0,5812 Mit sime sŵte albare
 0,5813 Mit im reit auch da
 0,5814 Ď kvnic von persia
 0,5815 Mit herrē parise
 0,5816 Manger hande wise
 0,5817 Ir zeichen sie schriten
 0,5818 Sie begundē zv samne ritē
 0,5819 Mit ir baniere
 0,5820 Crichē vnd troyre
 0,5821 Sin zeichē schrei paris
 0,5822 Also tet andsit rodois
 0,5823 Gegen hern parise
 0,5824 Vñ die vō anise
 0,5825 Vñ die von torcomenie
 0,5826 Mit siñ massenie
 0,5827 Do hup den strit vnđdes
 0,5828 Ď kvnic bilibetes
 0,5829 Hector sprach den sinē zv
 0,5830 "Ez ist mir also mere fru
 0,5831 Als vil spete
 0,5832 Leiđ vngerete"
 0,5833 Als er sprach daz wort
 0,5834 Vurt ritt̃ nv fort
 0,5835 Folget helde alle
 0,5836 Vō klauge vñ vō falle
 0,5837 Vō ruffe vnd vō dozze
 0,5838 Von hurte vñ vō stozze
 0,5839 Vō stiche vnd vō slage
 0,5840 Geschach an dem tage
 0,5841 Daz man ez immer clagē mag
 0,5842 Iener ane houbet lac
 0,5843 Dirre an hant đ ane bein

0,5844 Ienē vz dem buche schein
 0,5845 Herze vnd lunge
 0,5846 Ieneme die zvnge
 0,5847 Halp vf den zanen
 0,5848 Die nase lac disem vf dē granē
 0,5849 Dem lac die swarte
 0,5850 Vf dem buche bi dem barte
 0,5851 Dem wappete ð bart
 0,5852 Ieme waren die ougē vurkart
 0,5853 Disme blutte die stirne
 0,5854 Schedel vnd hirne
 0,5855 Har vnd ore
 0,5856 Lagē im in dem trore
 0,5857 Mit blute beflozzē
 0,5858 Ð lac erschozzē
 0,5859 Der lac erstochen
 0,5860 Dirre zv broch
 0,5861 Dirre zv bletzet
 0,5862 Ienre zv quexet
 0,5863 Dirre ertrunckē ð ertrat
 0,5864 Iedoch iene vō ð stat
 0,5865 Die crichen in not brachtē
 0,5866 Wēde sie sige vachtē
 0,5867 Als ich ez bis her han gezalt
 0,5868 Itzvnt was ez zehenfält
 0,5869 Daz nvnvalt hiez
 0,5870 Durch sant durch griez
 0,5871 Durch felt durch gras
 0,5872 So vil leides da was
 0,5873 Vnd ioch so vz der mazze vil
 0,5874 Ob ich rechte zelen wil
 0,5875 So leitet mich leit vß leit
 0,5876 An die manicfaltikeit
 0,5877 Manicfalt was ir not
 0,5878 Hectoris swt was alrot
 0,5879 Vō siñ vinde blute
 0,5880 Mit grozme vmmvte
 0,5881 Lange er vmbe creizte
 0,5882 Merion gegen im erbeizte
 0,5883 Vñ begunde sere clagē
 0,5884 Daz er im hette erslagē
 0,5885 Patroclum den kvnē degē
 0,5886 Do sin klage was gelegen
 0,5887 Er sluc in vō dem rosse nið
 0,5888 Hector quam zv fuz wið
 0,5889 Merion hette es wiðgelt genomē
 0,5890 Wen daz dar zv was komē
 0,5891 Von athene menesteus

0,5892 Do er zv fuz stunt alsus
0,5893 Do bestundē sie in beide
0,5894 Mit nide vnd mit leide
0,5895 Menesteus hup vf sin sw̃t
0,5896 Vnd sluc zv ime wert
0,5897 So er meist kvnde
0,5898 Do wart im ein wūde
0,5899 Als im die wūde geschach
0,5900 Vō dem kleide er ein tuch brach
0,5901 In dri falden er ez vielt
0,5902 In die wundē er ez schielt
0,5903 Do beitte er niht me
0,5904 Alleine tete im sin wūde we
0,5905 Er sluc vaste vmbsich
0,5906 Biz ir iegelich
0,5907 Im rume mvste geben
0,5908 Do begunde er ilen vnd strebē
0,5909 Biz er vf daz ros quam
0,5910 Manigē er den lip nam
0,5911 Also gewunt so er was
0,5912 Er falte ir fil vf daz gras
0,5913 Do quam im ajax engein
0,5914 Waz da vō in zwein
0,5915 Mit wortē geschehe
0,5916 Daz ist also wehe
0,5917 Daz ich es vch bereite
0,5918 Als ich lang̃ beite
0,5919 Ir hat vil wol gehoret
0,5920 Wie troyge wart zv storet
0,5921 Do sie ercules wilent brach
0,5922 Vnd waz in dem bethuse geschach
0,5923 Daz thelamō esionam
0,5924 Des kvniges tochter nam
0,5925 Vmbe daz auch dise herfart
0,5926 Añdwerbe erhabē wart
0,5927 Vō frowen esionen
0,5928 Der iuncfrouwē schonē
0,5929 Gwan er thelamon
0,5930 Einen harte schonē son
0,5931 Als ich in biz her han genant
0,5932 Daz was ajax den vant
0,5933 Hector bi ð zite
0,5934 Vor troyge in dem strite
0,5935 Vn quam mit im zv worte
0,5936 So vil daz er gehorte
0,5937 Daz er sin naher mag was
0,5938 An sime ving̃ er do las
0,5939 Vnd zalte vil rechte

0,5940 Ir beið geslechte
0,5941 Eer sprach "mir ist wol kv̄tlich
0,5942 Zv troyge was ein kv̄nic rich
0,5943 Min alder fater laomedon
0,5944 Ĵam? min vať was sin son
0,5945 Laomedōtis tocht̃ hiez esiona
0,5946 Din mvť vñ min vater also na
0,5947 Vnđ in gesippe sint
0,5948 Sie sint beide eins mānes kint
0,5949 Esiona vñ priamus
0,5950 Vō zwein geswesterē sin wir sus
0,5951 Die erstē kint her kvmē"
0,5952 Ajax hette vurnvmē
0,5953 Wie gesippe sie warē
0,5954 Do enwiste er wie gebarē
0,5955 Vō grozzer liebe
0,5956 An buche vnd an briebe
0,5957 Gescribē ich niht en kv̄nde
0,5958 Do sie gerechēten zv kv̄nde
0,5959 Wie liep in was beidē
0,5960 Daz sie sich soltē scheidē
0,5961 Daz leidet in mere
0,5962 Dan ir lip in liep were
0,5963 Hector ayaxen do bat
0,5964 Daz er rite in die stat
0,5965 Mit im schowē
0,5966 Sin wip vnd anđ frouwē
0,5967 Sine nifteln vñ sine nebē
0,5968 "Ich wil dir gut geleite gebē
0,5969 Beide dar vnd here
0,5970 Nv tv vnd gewere
0,5971 Mich des ich gebetē han
0,5972 So hast du liebe getan
0,5973 Allen dinē magē"
0,5974 Do sine wort gelagē
0,5975 Ajax sine rede tete
0,5976 "Ich leiste ĝne dine bete
0,5977 Ich wil dare ritē
0,5978 Nicht in disen zitē
0,5979 Ich tvn her nach vil baz
0,5980 Daz folc spreche lichte daz
0,5981 Gesche im vngerete
0,5982 Daz ich ez geratē hette
0,5983 Owe vnselicheit
0,5984 Was solde imrñ grozż leit
0,5985 Daz ich zv schadē bin kvmē
0,5986 Den ich vō rechte solde frumē
0,5987 Vnd da niht solde wesen

0,5988 Mit den ich solde genesen”
0,5989 Als er sprechē wolde fort
0,5990 Hector nam im die wort
0,5991 Vz dem mvnde
0,5992 “Owe dirre stunde
0,5993 We dem tage we ǃ zit
0,5994 Do sich ane hup dirre nit
0,5995 Min klage ist din klage
0,5996 Ich enweiz waz me sage
0,5997 Swaz du wilt daz tun ich”
0,5998 Ajax sprach “got behute dich”
0,5999 Do was ez abuntstunde
0,6000 Daz folc daz enkvnde
0,6001 Swie ġne so ez tete
0,6002 Gestriten also spete
0,6003 Ouch hettē sie vbel zit gehat
0,6004 Dise furē in ir stat
0,6005 Iene in ir hamidē
0,6006 Vnd schuffe irn runcidē
0,6007 Vñ in selben ir gemach
0,6008 Als in zv tune do geschach
0,6009 Als hector zv troyge in reit
0,6010 Sie wurdē sin alle gemeit
0,6011 Groz vnd kleine
0,6012 Vnd gingen im engeine
0,6013 Muter swest̃ wip magit
0,6014 Alse sie e hettē geklaget
0,6015 Klagē sie begundē
0,6016 Vō erst sine wūden
0,6017 “Wir weren vnselic geborn
0,6018 Hetten wir dich einē ǃlorn
0,6019 Got ǃ hat dich erlost
0,6020 Du bist alleine vñs trost
0,6021 Wir hettē vurlorn hute
0,6022 Lant vnd lute
0,6023 Vñ weren alle ein tan
0,6024 Wen daz wir dich einē han”
0,6025 Sie zvgen im vz die sarwat
0,6026 Sin arzat sprach “des wirdet rat
0,6027 Er sol schiere wesen heil”
0,6028 Sie waren des trostes alle geil
0,6029 Im was sin bette gereit
0,6030 Mit sulcher zierheit
0,6031 Als ez knige gezam
0,6032 Vñ als er in daz bette quam
0,6033 Die da ezze solden
0,6034 Oǃ mochtē oǃ wolden
0,6035 Zv tische sie sazzen

- 0,6036 Vñ als sie gazzen
0,6037 Die frouwē hettē einē strit
0,6038 Da mite kvrzeten sie die zit
0,6039 Sie retten vō manheit
0,6040 Wi der ritt da Streit
0,6041 Wer da nest Ectore
0,6042 Hette prises gwūnen me
0,6043 Igeliche sprach daz paris
0,6044 Nehest im hette den pris
0,6045 Etliche daz troylus
0,6046 Etliche daz deiphebus
0,6047 Etliche polidamas
0,6048 Ð in deme mvte was
0,6049 Ð was in in dem mvnde
0,6050 Biz an die stunde
0,6051 Daz sie slaffen soldē gan
0,6052 Do mvstē sie die rede lan
0,6053 Do ez quam vf den tag
0,6054 Hector leng niht enlag
0,6055 “Wo uf” sprach er “des ist zit
0,6056 Wir suln wið in den strit”
0,6057 Die wile quamē botē gerant
0,6058 Die hettē die crichē dar gesant
0,6059 Hectorem sie batē
0,6060 Als ez was geraten
0,6061 Daz er in tete
0,6062 Einen fride stete
0,6063 Zwene manede daz geschach
0,6064 Beiðsit durch gemach
0,6065 Do ð fride was gegebenē
0,6066 Bruð mage vnd neben
0,6067 Vnd alle ir geslechte
0,6068 Ritter vnd knechte
0,6069 Vñ sw sie ouch weren
0,6070 Die bestattē sie mit erē
0,6071 Beide mit opfer vñ mit gebet
0,6072 Als man bi der zit tet
0,6073 Do diz geschach vnðdes
0,6074 Do klugete achilles
0,6075 Patrocū sinē gesellen
0,6076 Er begūde wūder stellen
0,6077 Er kvste in do er tot lac
0,6078 “Owe vnseliĝ slac
0,6079 Ð dich mir hat genomē
0,6080 Wie ist mir dirre tot kvmē
0,6081 Ich was du du wer ich
0,6082 Beide dich vnd mich
0,6083 Hette eine truwe

0,6084 Du bist immer min ruwe
0,6085 Din not min not
0,6086 Ich bin mit dir halp tot
0,6087 Din geist ist halp mit mir
0,6088 Ich gehirme niht ez si daz wir
0,6089 Kvmē zv samne beide
0,6090 Mir geschee niht leide
0,6091 Ob ich tot were
0,6092 Gereche ich mine swere
0,6093 Min leit vnd min zorn
0,6094 Wildaz ich dich han v̄lorn
0,6095 Sturbe ich danne ich wer es fro”
0,6096 Do er geclagete also
0,6097 Do hiez er sin fleisch v̄n sin^e bein
0,6098 Legen in einē mermelstein
0,6099 Da stunt vffe gescriebē
0,6100 Daz er in strite was tot blibē
0,6101 So daz nie dehein sin gliche
0,6102 Also menliche
0,6103 Bie siner zite
0,6104 Tot bleip in strite
0,6105 Agomēnon do liez
0,6106 Als in bat vnd hiez
0,6107 Daz folc allez gemeine
0,6108 In einē mermelsteine
0,6109 Prothesilaum begraben
0,6110 Mit guldinē buchstabē
0,6111 Was gscribē dar dar obe
0,6112 Beide vō sime lobe
0,6113 Wie er lop gwūne
0,6114 Vō sime kvnne
0,6115 Vnd vō andre siñ biđuekeit
0,6116 Als do was gewonheit
0,6117 Do mochtē die c'chē ī zehē tagē
0,6118 Ir totē niht zv samne getragē
0,6119 Daz ir in zv begrabene quam
0,6120 Den vō troyge gescach alsam
0,6121 Priam⁹ hiez siñ kebisz svne ein
0,6122 Leigen in einē mermelstein
0,6123 Daz was cassibilaus
0,6124 Man leiget in bi daz bethus
0,6125 Da man frouwē iunone
0,6126 Alle tage schone
0,6127 Beide sanc vnd las
0,6128 Als do site was
0,6129 Nv horet wie cassandra sprach
0,6130 Do sie die totē alle sach
0,6131 Ziehen dar vnd her

0,6132 So vil daz man ein wer
0,6133 Da mite mochte han beleit
0,6134 Vñ wer ez ein mile breit
0,6135 "Tote un tumbē
0,6136 Touben vnd stummē
0,6137 Mac man geweichē
0,6138 Swēne man in zeichē
0,6139 Mit dem finger tut
0,6140 Ir hat oren ougē mvt
0,6141 Witze kvnst vnd list
0,6142 Nv weiz ch niet wie vch armē ist
0,6143 Ir engeloubet mir niet
0,6144 Daz vch itzvnt ist geschiet
0,6145 Daz mvget ir griffen vñ sehē
0,6146 Daz vch noch sol geschehē
0,6147 Daz mvget ir da bi entstan
0,6148 Daz ich vch vor gesaget han
0,6149 Des ist ein teil worden war
0,6150 Ob ich noch sprechē tar
0,6151 So wirt es harte vil me
0,6152 Ach ach leid owe
0,6153 Ez enwart nie stein so hart
0,6154 Ich enhette in etwaz bekart
0,6155 Vñ noch baz einē stein
0,6156 Den ð dehein
0,6157 Die mit mir ein fleisch sint
0,6158 Min mvť min vať vñ ir kint
0,6159 Bruđ ector kvne degē
0,6160 Got ð mvzze din phelgen
0,6161 Also mvzze parisen
0,6162 Got wol gewisen
0,6163 Vnd minē bruđ troylū
0,6164 Vñ auch deiphebū
0,6165 Vm den funftē wurde es gut rat
0,6166 Daz ist elenvs ð vurstat
0,6167 Vnd weiz vil wol
0,6168 Waz vns noch geschehē sol
0,6169 Got phlege uŵ alle gemeine
0,6170 Burc lant vnd geine
0,6171 Kvnric ritter sine man
0,6172 Wes nem ich mich an
0,6173 Daz ich den wūsche heil
0,6174 Der nirgē dehein teil
0,6175 Samene blibē mac
0,6176 Ez was ein vnselic tag
0,6177 Do helena in daz lant quam
0,6178 Ğ tufel neme elenam
0,6179 Vurfluchet si sie immē me

0,6180 So daz ir nimmer gesche
0,6181 Gnade noch ere
0,6182 Swa sie hine kere"
0,6183 Doch hette die maget
0,6184 Mer gescholdē vnd geclaget
0,6185 Ob man ez ir hette gestat
0,6186 Ir mṽt sie swigē bat
0,6187 Ir vãt auch alsam tete
0,6188 Kvme geleiste sie ir bete
0,6189 Itzvnt begunde
0,6190 Nahē die stunde
0,6191 Daz ḡ fride sich solde endē
0,6192 Do gesahen sie in allen endē
0,6193 Dannoeh in dem fride
0,6194 Turme zinnē berfride
0,6195 Mvren erckere
0,6196 Vñ wie in were
0,6197 An dem grabē vñ an ḡ graft
0,6198 Hector tac vnd nach
0,6199 Buwete baz vnd baz
0,6200 Biz er harte wol daz
0,6201 Gesach vñ weste
0,6202 Daz die stat was feste
0,6203 Aals do diz geschach
0,6204 Sine ritter er besach
0,6205 Wie disme vnd deme
0,6206 Daz vnd diz wol gezeme
0,6207 In den rat vñ in den strit
0,6208 Die wile claugtē and̃sit
0,6209 Die crichē furstē vñdes
0,6210 Der h̃zoge polimedes
0,6211 Daz ir richtere
0,6212 Agomēnon niht en were
0,6213 Vō sulcheme geslechte
0,6214 Daz er vō rechte
0,6215 Svlches folkis solde phlegē
0,6216 Er wer ouch niet ein sulch degē
0,6217 Daz er da zv gezeme
0,6218 Daz man einē and̃n neme
0,6219 Da weren fil furstē
0,6220 Die baz gestrite turstē
0,6221 Manic rede da geschach
0,6222 Iegelich̃ sinē mvt sprach
0,6223 Beide sus vñ so
0,6224 Biz sie sich geebentē do
0,6225 Mit so getanē wortē
0,6226 Die da zv gehortē
0,6227 Als die rede gelac

0,6228 Do was kvmē der tag
0,6229 Daz ð fride vz ginc
0,6230 Sie griffen an ir alde dinc
0,6231 Agomēnon nam ir war
0,6232 Vnd was ð erste mit siñ schar
0,6233 Dar nach achilles
0,6234 Dar nach diomedes
0,6235 Menelaus dar nach
0,6236 Den andn was allen gach
0,6237 Furstē frigē dinstman
0,6238 Hector dort andsit began
0,6239 Sine ritterschaf scharen
0,6240 Zv forderst wolde er selb varē
0,6241 Dar nach scharte sich
0,6242 Sine bruð ir iegelich
0,6243 Vñ also her hector hiez
0,6244 Daz volc man do zv felde liez
0,6245 Den frauwē was zv den zīnē gach
0,6246 Vñ sahē irn frundē nach
0,6247 Vz den fenstern vber al
0,6248 Sie clūmen obē vf den sal
0,6249 Da sie die fenster fundē
0,6250 Da sie sazzē vnd stunden
0,6251 Do gleiz ir varwe ð svnē engein
0,6252 Also schone so die svnne schein
0,6253 Sie zeigetē mit dē fingern dar
0,6254 Da sie sahen in die schar
0,6255 Ir man vnd ir amis
0,6256 Sie sprachē “da ritet paris
0,6257 Vnd da her hector
0,6258 Den andn allen beuor
0,6259 Da ritet ouch eneas
0,6260 Vnd da her polidamas
0,6261 Beide vurwert vñ fort
0,6262 Dirre hie iener dort
0,6263 Got ð mvzze ir aller phlegē”
0,6264 Frouwē glich tet irn segē
0,6265 Vnd ir gebet vber in las
0,6266 Der ir aller liebest was
0,6267 Ir iegeliche do tete
0,6268 Daz sie kvnde mit gebete
0,6269 Wēne des was in not
0,6270 Man sach da die schilde rot
0,6271 Grune vñ wizze
0,6272 Houwen mit flizzē
0,6273 Hector ð liez vmbe gan
0,6274 Als er da vor hette getan
0,6275 Mit sper vnd mit schilde

- 0,6276 Vf dem gefilde
 0,6277 Begunde stiebē ð melm
 0,6278 Man sluc die swt da ī dē helm
 0,6279 Vnd machte ð vnden
 0,6280 Die vil tiffen wundē
 0,6281 Beide velt vnd gras
 0,6282 Daz da vor fil eben was
 0,6283 Daz was mit totē als beleit
 0,6284 Sŵ hectori wið reit
 0,6285 Ð liez im daz lebē
 0,6286 Er bat im ands niht gebē
 0,6287 Zv rante vnder des
 0,6288 Ð starke degen achilles
 0,6289 Hern pelevsis son
 0,6290 Den da zouch ciron
 0,6291 Halp ros vñ halp man
 0,6292 Der brachte in manic dinc an
 0,6293 Vō manheit larte er in vil
 0,6294 Ouch larte er in von spil
 0,6295 Gefucheit maniĝ hande
 0,6296 Man saget daz in dem lande
 0,6297 Siñ gliche wer dehein
 0,6298 Als in dem strite wol schein
 0,6299 Zv fuzzē im harte wol gezam
 0,6300 Swēne er aber zv rosse quam
 0,6301 So gezam im vil baz
 0,6302 Daz ros da er vffe saz
 0,6303 Daz hette der wolken snelheit
 0,6304 Sin sarwat sulchſ schonheit
 0,6305 Vnd vō sulchſ zierde was
 0,6306 Daz ð andn als ein glas
 0,6307 Vñ sine als ein karfunkelstein
 0,6308 Vf ð walstat schein
 0,6309 Do do quam in den rinc
 0,6310 Achilles ð edel iungelinc
 0,6311 Mit dem rosse sprācte er dar
 0,6312 Des wart hector gewar
 0,6313 Er rurte im engeine
 0,6314 Mit handē vnd mit beine
 0,6315 Strebete dirre vf ienen
 0,6316 Vnð ein and sie grienē
 0,6317 Als zwene hunde
 0,6318 Ir deweder enkvnde
 0,6319 Den andn nichtes gefragē
 0,6320 Do sie des lange phlagē
 0,6321 Do wart ein zogē da erhabē
 0,6322 Von dem mer biz an den grabē
 0,6323 Vnd aber da hin wið

0,6324 Hector hurte in doch dar nið
0,6325 Daz von sime valle
0,6326 Die erde erbibete alle
0,6327 Wande er was swer
0,6328 Wie swer er doch were
0,6329 Snelliche er vf quam
0,6330 Hector im daz ros nam
0,6331 Daz wte sere achilles
0,6332 Er sprach "ez ist min" iener "wes"
0,6333 Dirre "min"
0,6334 Iener "din"
0,6335 "En truwen ia"
0,6336 "Ez enist" "Ez ist nv la"
0,6337 Ez wer im lieb oð leit
0,6338 Achilles vf daz ros schreit
0,6339 E er vollen vf ge schriete
0,6340 Do rante er vf in dar mite
0,6341 Vñ sluc in gerichte
0,6342 Vnð daz an sichte
0,6343 Vm die nasen vñ den mvnt
0,6344 Daz er sere wart gewunt
0,6345 Hector des ouch niht v̇gaz
0,6346 Er gereche ouch daz
0,6347 Beide mit stozzē vnd mit slegē
0,6348 Do begondē zv legē
0,6349 Vō beid sit ir beid man
0,6350 Ein grimer strit hup sich do an
0,6351 Vnð disen herren zwein
0,6352 Were da tot bliebē ein
0,6353 Oð lichte beide
0,6354 Wendaz leit mit leide
0,6355 Alda gescheiden wart
0,6356 Ir was vil dar zv gekart
0,6357 Die ez vnð namē
0,6358 Dise dar zv kamē
0,6359 Ein sit diomedes
0,6360 Anðsit troylus vnðdes
0,6361 Vnd die mit in waren
0,6362 Ir swt da scharen
0,6363 Ysen als en scharsas
0,6364 Schrotet har vñ vas
0,6365 Da vur daz sper durch den mā
0,6366 Als er hette niht an
0,6367 Diomedes troylo
0,6368 Quam engein gehurt so
0,6369 Daz sie vielē beide
0,6370 Do wart in vil leide
0,6371 Man saget vō diomede

0,6372 Daz er zv rosse queme
0,6373 E troylus des schadē nam
0,6374 Daz er zv rosse e quam
0,6375 Er sluc ime manigē slac groz
0,6376 Troylus des genoz
0,6377 Daz er im daz ros erstach
0,6378 Svlich gelucke im geschach
0,6379 Ir itweder do zv fuz ginc
0,6380 Sie slugē sich vm dē rinc
0,6381 Beide gliche
0,6382 Harte menliche
0,6383 Paris quam do zv gehvrt
0,6384 Dem er daz wip hette enpfurt
0,6385 Die schonen helenam
0,6386 Menelaus im zv quam
0,6387 Ir folc rante ouch hin zv
0,6388 Diz was an dem tage fru
0,6389 Rechte gegen morgē
0,6390 Da geschach mit sorgē
0,6391 Leit vnd quale
0,6392 Durch den flouc die strale
0,6393 Hie vnd da vze vnd fort
0,6394 Eime anđn durch des schildes ort
0,6395 Vnd durch den đ drunđ saz
0,6396 Vñ durch dē drittē vurbaz
0,6397 Swēne ein phil dar nach quam
0,6398 Zwein er den lip nam
0,6399 In dem dritten er behafte
0,6400 Der mit dem schafte
0,6401 Stach ir zwene ođ dri
0,6402 Vnd als einre wolde da bi
0,6403 Einē anđn mit dem swēte slan
0,6404 So mvste er selbe den lip lan
0,6405 Swēne đ fuz genge
0,6406 In daz gedrenge
0,6407 Mit zwein beinē gespranc
0,6408 Mit einē beine er vz hanc
0,6409 Vñ als der do erhup den slac
0,6410 Die hant im bi dem beine lac
0,6411 Vf deme sande
0,6412 Swēne der anđ wande
0,6413 Beide fuz vnd hant
0,6414 Wiđ bringē in sin lant
0,6415 So mochte man in schowē
0,6416 Als einē stoc behouwē
0,6417 Sŵ da vīl wol gesunt
0,6418 Vngeslagen vñ vol gesvnt
0,6419 So mochte er vor den pherdē

- 0,6420 Sich erhebe niht vō ǃ erdē
0,6421 Swenne sich dirre wol erhup
0,6422 Vnd nihtes vbels besup
0,6423 E er sich voln hette erhabē
0,6424 So hette er ǃ wundē entsabē
0,6425 Als er sich hette vf gezogē
0,6426 Biz an den satelbogē
0,6427 Daz er in mit ǃ hant begreif
0,6428 Vñ als er in den stegereif
0,6429 Sinē fuz dare bot
0,6430 So lac er mit dem phede tot
0,6431 Vnd sŵ durch sinē zorn
0,6432 Daz ros hiev mit den sporn
0,6433 So negelt im des philes zein
0,6434 Zv dem rosse daz bein
0,6435 Hector beginc do grozzē pris
0,6436 Also tet auch paris
0,6437 Do diz gesach boetes
0,6438 Do rante er zv vn̄ddes
0,6439 Hector rante im engein
0,6440 Do hup ez sich vō in zwein
0,6441 Vil baz dēne e
0,6442 Hector enbeitte niht me
0,6443 Er sluc in mittē enzwei
0,6444 Archilogus sin zeichē schrei
0,6445 ǃ des herren mac was
0,6446 Hector kvme vor im genas
0,6447 So sere er hectorn stach
0,6448 Daz im ǃ schaft in dem libe brach
0,6449 Hie nam er ane sin wert
0,6450 Hector hup vf sin sŵt
0,6451 Vñ sluc in nī in den sant
0,6452 Vñ begreif daz ros mit eiñ hant
0,6453 Mit ǃ an̄n den man
0,6454 Da hup sich die not an
0,6455 Ein vz ǃ mazzē groz strit
0,6456 Vmbe mittē morgē zit
0,6457 Den crichen geschach groz gewalt
0,6458 Dirre wart hie gefalt
0,6459 Dirre bleip vmberat
0,6460 Iener wart da getrat
0,6461 ǃ iener gevangen
0,6462 Wun̄ wart begangē
0,6463 Mit zornigem mvte
0,6464 Sie rantē in dem blute
0,6465 Als in eime phule
0,6466 Man saget vns vō wule
0,6467 Waz mochte grozzer wul wesen

0,6468 Da enkonde niemā genesen
0,6469 Achilles wart des geware
0,6470 Do gwan er vō zorne ein vare
0,6471 Die dar zv gehorte
0,6472 Daz sw̄t daz er furte
0,6473 Vursuchte er alzv sere
0,6474 Waz dar ane were
0,6475 An eime dem er quam engein
0,6476 Priamis svne ein
0,6477 Vz den bastharten
0,6478 Er sluc in in die swartē
0,6479 Durch daz hirn vnd durch dē m̄t
0,6480 Durch h̄ze do ez bestunt
0,6481 Da hette ez gespalden
0,6482 Den satel beidenthalbē
0,6483 In dem rosse bleip ḡ slac
0,6484 Doroschalcus da tot lac
0,6485 Vnd sin ros da mite
0,6486 Daz was ein vnsamfte snite
0,6487 Ir klage wart grozlich
0,6488 Ouch hette ir iegelich
0,6489 Geklaget vil mere
0,6490 Ob im leide niht en were
0,6491 Vm sin selbes not
0,6492 Troylus wolte sinen tot
0,6493 Reche vnd paris
0,6494 Sie vursuchtē ez manige wis
0,6495 Sie liezē faste zv legē
0,6496 Beide mit stichē vnd mit slegē
0,6497 Also tet polidamas
0,6498 Als do ein wile was
0,6499 Do rante zv hector
0,6500 Gegen im prothenor
0,6501 Vnd hurte in niḡ in dē creiz
0,6502 Hector im daz vurweiz
0,6503 E er dannē kerte
0,6504 Er sluc in mit dem sw̄te
0,6505 Also wit als ein vurich
0,6506 Obē in vnd nidē durch
0,6507 Do ensumte archilaus niet
0,6508 Im was vil leide geschiet
0,6509 An sinē mage
0,6510 Der an siner phlage
0,6511 Mit im dar quam
0,6512 Vnd wolde den lichnam
0,6513 Den findē nemen mit gewalt
0,6514 Da vō troyge wart ervalte
0,6515 Tusent ritt vñ erslagē

0,6516 Als ich daz buch horen sagē
0,6517 Do was ez vmbe mittē tag
0,6518 Do prothenor tot lac
0,6519 Die crichē woltē in tot han
0,6520 Die troyre woltē sin niet lan
0,6521 Also wte ǃ strit
0,6522 Biz an die wesper zit
0,6523 Iedoch sie in wiǃ gwūnen
0,6524 Bi schinēder sunnē
0,6525 Vil leides doch dar abe geschach
0,6526 Diewile dirre ienen rach
0,6527 Vñ wonde in han gerochē
0,6528 Do was im daz houbet zv brochē
0,6529 Eiñ quam gegen zwein
0,6530 Vñ zwene quamē drin engein
0,6531 Dri gegen vieren ritē
0,6532 Viere gegen funfē stritē
0,6533 Funfe sehse bestundē
0,6534 Sehse sibē vbe wunden
0,6535 Sibene ranten achcte an
0,6536 Achte bestunde nvn man
0,6537 Nvne tatē zehenē gewalt
0,6538 Als ich biz her han gezalt
0,6539 Stige ich vfwert also
0,6540 Min zal wurde also ho
0,6541 Daz vō eines mannes not
0,6542 Tusent mvstē blibē tot
0,6543 Also tet von prothenore
0,6544 Tusent ritt ǃ me
0,6545 Dannoeh wer ir me blibē
0,6546 Hette sie die nacht nicht vtribē
0,6547 Wende vf dem ringe
0,6548 Susgetañ dinge
0,6549 Dei edel ritt mvstē phlegē
0,6550 Sǃ ez rechte wil wegē
0,6551 So ist der helt vnd der zauge
0,6552 Glich zv stiche vnd zv slauge
0,6553 Also swarz vnd wiz
0,6554 ǃ kvne ǃ hat grozzen fliz
0,6555 Wie er sinē schilt wo getrage
0,6556 So fluēt gne ǃ zage
0,6557 Des mvz er sich schamē
0,6558 So iener beheldet heldes namē
0,6559 Do daz volc so lange vacht
0,6560 Daz sie vor der vinstern nacht
0,6561 Niht mer gesehē kvnden
0,6562 Zogen sie begundē
0,6563 Die vō troyge an ir gewalt

- 0,6564 Die vō crichē an ir behalt
 0,6565 Rechte an sulch gemach
 0,6566 Als in zv dem erstē strite gescāh
 0,6567 Sie begundē beiðsit klagē
 0,6568 Daz ir frunt warn erslagē
 0,6569 Priamvs sinē son
 0,6570 Prothenorē agomēnon
 0,6571 Er sprach "ich bite vnd ist mī rat
 0,6572 Daz ir ein erbeit bestat
 0,6573 Vnd helfet mir dar zv
 0,6574 Wie ich den leit getu
 0,6575 Ğ vns allez leit tut
 0,6576 Vnd vns vil sere hat gemvt
 0,6577 Hectorem ich meine
 0,6578 Er slugen wir in einen
 0,6579 So hettē sie daz lant ṽlorn
 0,6580 Vñ hettē siz alle gesworn
 0,6581 Daz siz behalde solden
 0,6582 Gwinnē wir ez doch woldeñ
 0,6583 An ir aller danc
 0,6584 Vber kvrc oð vber lanc
 0,6585 Ouch wil ich noch me
 0,6586 Reden von hectore
 0,6587 Man tu im dēne vnrecht
 0,6588 Er ist des libes ein gut knecht
 0,6589 Vñ vō stetme ĥzē ein man
 0,6590 Vmbe daz ich im des todes gan
 0,6591 Doch enist er es niht wert
 0,6592 Nv were doch sin einez s̃wt
 0,6593 Swie gut helt so er si
 0,6594 Wir hettē vñs furstē dri
 0,6595 An die er anðs hat erslagē
 0,6596 Prothesilaū ich klage
 0,6597 Vm patroclo ist mir leit
 0,6598 Wēne hectoris manheit
 0,6599 Dise lebetē vñ auch pthenor
 0,6600 Diz hat allez hector
 0,6601 Vns vnd den vñsn getan
 0,6602 Als ich vch gesaget han
 0,6603 S̃w so nv were
 0,6604 Ğ sich dirre swere
 0,6605 Wolte vñd windē
 0,6606 Ez gefromte sinē kindē
 0,6607 Vnd auch sime geslechte
 0,6608 Vñ queme im zv rechte
 0,6609 An eren vñ an geuore
 0,6610 Ob ich ein er vore
 0,6611 Der da zv tochte

0,6612 Vnd ez getun mochte
0,6613 Vnd ez danne tete
0,6614 Pris er des hete
0,6615 Er hette ouch harte wol vurscholt
0,6616 Wolde er silber oð golt
0,6617 Oð burge oð lant
0,6618 Daz heize ich im zv hant
0,6619 Beide gwnnē vnd gebē
0,6620 Hector hette v̄lorn daz lebē
0,6621 Do im achilles wiðreit
0,6622 Wen die vnselickeit
0,6623 Daz im sin bruð zv quam
0,6624 Dem er doch den lip nan”
0,6625 Diz sprach er durch den willē
0,6626 Daz er anchillen
0,6627 Dar zv brechte
0,6628 Daz er dar an dechte
0,6629 Daz geschach also
0,6630 Achilles dachte dar ane do
0,6631 Vñ enphinc die wort
0,6632 Als er sie von im hette gehort
0,6633 Do er si hette gefangē
0,6634 Do was ez ergangē
0,6635 Andersit als hie
0,6636 Sie rieten wēne oder wie
0,6637 Weme waz oder wa
0,6638 Hie gesche alse da
0,6639 Ouch was ir tisch bereit
0,6640 Vnd ir spise dar vf geleit
0,6641 Ir iegelich tranc vnd az
0,6642 Dirre wirs dirre baz
0,6643 Als sie an dem werde
0,6644 Vñ an ð grozzē swerde
0,6645 An lemede vnd an wūden
0,6646 Zv ð zit state funden
0,6647 Die h̄ren sich haltē
0,6648 Die knechte wūder staltē
0,6649 Mit den scheltworten
0,6650 Die dar zv gehortē
0,6651 Mit ð rede spehee
0,6652 Als ez noch geschee
0,6653 Wurde ein burc besezzē
0,6654 Des wurde niht v̄gezzē
0,6655 Do ð wechter entsup
0,6656 Daz sich ð tac vf hup
0,6657 Vnd grawē begunde
0,6658 Er kvnte die stunde
0,6659 Sin stimme harte lute erschall

- 0,6660 "D̃ tac schinet vberal
0,6661 Wol ṽf ritte ez ist tac"
0,6662 Daz die burc alle erschrac
0,6663 Da wart leng̃ niet gebit
0,6664 Sie warē gereit in dē strit
0,6665 Michels schierre den da bevor
0,6666 Vz reit hector
0,6667 Vñ mit im eneas
0,6668 Vnd polidamas
0,6669 Antenor vnd troylus
0,6670 Paris vnd deiphebus
0,6671 Vnd d̃ kvnic mēnon
0,6672 Gegen disen agomēnon
0,6673 Menelaus vnd vlyxes
0,6674 Ayax vñ achilles
0,6675 Vnd die dar gehortē
0,6676 Beider siet sie vortē
0,6677 Folches vzir mazze
0,6678 Sie tatē mit dē gelazze
0,6679 Vñ mit d̃ gebere
0,6680 Als in niht were
0,6681 Vm ir leit leide
0,6682 Do vbeten sie beide
0,6683 Ir gelaz vnd ir tat
0,6684 Als ir da vor vurnomē hat
0,6685 Vō irre ziereit
0,6686 Wie sie warē bereit
0,6687 Als ich ez vō dem buche han
0,6688 Soldeiz and̃wbe bestan
0,6689 Daz ich gesaget han e
0,6690 So tete ich and̃s niht me
0,6691 Wēdaz ich erbeitte
0,6692 Vnd mine rede bereitte
0,6693 Da sie vō rechte wesē sal
0,6694 Kvrz enge vñ smal
0,6695 Da e geschach ein leit
0,6696 Vō der manicfaltikeit
0,6697 Da wart sin nv so vil gestalt
0,6698 Daz ez wart ṽb manicfalt
0,6699 Da rante schar gegen schare
0,6700 Speres ort s̃wt bare
0,6701 Wurdē da gevrbot
0,6702 Daz in beide ecke vnd ort
0,6703 Swa sie wurdē zv getribē
0,6704 Entweder in dem libe bliebē
0,6705 Ođ e sie dar in quamē
0,6706 Des mānes lip namē
0,6707 Ođ furē durch and̃sit

0,6708 Mit in zwein wart ǎ nit
0,6709 Gesterket lange wile
0,6710 Also gescah ouch vō den phile
0,6711 Also von den zwein gescah
0,6712 Manic groz vngemach
0,6713 Vō geuencnisse
0,6714 Vnd vō vurretēnisse
0,6715 Mit hurte mit stozze
0,6716 Mit ruffe mit dozze
0,6717 Mit fluchte mit falle
0,6718 Mit strite mit schalle
0,6719 Allez mit sorgē
0,6720 Fru hin gein morgē
0,6721 Gegen abunt spete
0,6722 Svlich vngerete
0,6723 Daz da niht wiđstunt
0,6724 Den tot ođ totwunt
0,6725 Hector beginc da grozzē pris
0,6726 Als tet ouch paris
0,6727 Die bruđ alle gemeine
0,6728 Groz vnd kleine
0,6729 Ez were der basthart
0,6730 Ođ vō ǎ edeln art
0,6731 Diewile sie aller meist stritē
0,6732 Agomēnon quam geritē
0,6733 Gegen her hector
0,6734 Do beitte hector niht me
0,6735 Sinē schilt er im zv schriet
0,6736 Achilles ensunte ouch niet
0,6737 Er queme im engein gerant
0,6738 Vñ zv schriet im die bant
0,6739 Die den helm būden
0,6740 Do sluc er im ane wundē
0,6741 Einē slac daz der helm
0,6742 Viel zv der erdē in den melm
0,6743 Da were hector ǎ degen
0,6744 Gewislichē tot gelegē
0,6745 Wēne daz da bi im was
0,6746 Troylus vnd eneas
0,6747 Sie rantē zv beide
0,6748 Da wart leit mit leide
0,6749 Vō vber leide vnđmanc
0,6750 Do quamē mit in zv gespranct
0,6751 Die stolzen troyane
0,6752 Vnd ir kumpane
0,6753 Da mochte man wūđ schouwē
0,6754 Achilles ginc da houwē
0,6755 Vnđ in allen eine

0,6756 Wilen gein dem beine
0,6757 Wilē gein fuzze gein dem knie
0,6758 Sin arm ǃ gelac nie
0,6759 E er allez daz zv sluc
0,6760 Swar im die han daz sw̃t truc
0,6761 Achilles nan dar ane w̃t
0,6762 Als wol tulent als ein sw̃t
0,6763 Vñ also manic strale
0,6764 Also manic phil zv male
0,6765 Quamē vf in gevarn
0,6766 Des en mochte er niht bewarn
0,6767 Im wurde ǃ schilt so zv slagē
0,6768 Daz er ez niht mohte getragē
0,6769 So manic was ǃ stucke
0,6770 Man saget vō glucke
0,6771 Vnd von salden
0,6772 Man konde eine naldē
0,6773 Niergen an im gesteket han
0,6774 So sere was er ṽb gegān
0,6775 Vnd mit philē bestacht
0,6776 Vmbe daz er also lange facht
0,6777 Daz in sin blut besprete
0,6778 Als er gewalget hete
0,6779 Mittē vf ǃ walstat
0,6780 Da daz folc lac ertrat
0,6781 Doch wart sin gut rat
0,6782 Vō einē māne sulche tat
0,6783 Zv strite nie me geschach
0,6784 Diomedes gesach
0,6785 Daz er sich so w̃te
0,6786 Vñ maniġ slege h̃te
0,6787 Vnde stiche genas
0,6788 Ouch sach er wa eneas
0,6789 Sluc alvmbe sich
0,6790 Eime helde wol glich
0,6791 Daz ros er vmbe karte
0,6792 Vnd menete ez so harte
0,6793 Daz er vf eneam
0,6794 Mit so starker ioste quam
0,6795 Vnd mit deme schafte
0,6796 An dem rippe behafte
0,6797 Er treip den schaft vurbaz
0,6798 Vnd stach in daz er besaz
0,6799 E er in liezze
0,6800 Vf deme griezze
0,6801 Er sprach “nv lic al stille
0,6802 Wen du achille
0,6803 Leide tete vnd mir

0,6804 Diz lon habe du dir
 0,6805 Biz dir mer w̃de”
 0,6806 Do mvwete in sin s̃wde
 0,6807 Doch wart im ǃ s̃wde buz
 0,6808 Er quam wiǃ zv fuz
 0,6809 Hector quam zv vnǃdes
 0,6810 Also tet achilles
 0,6811 Da er den slac liez e
 0,6812 Da sluc er zweig̃ nv me
 0,6813 Dicke vnd also lange
 0,6814 Biz im vber daz wange
 0,6815 Vō dem houbete floz daz blut
 0,6816 Daz er es genas daz was gnvc
 0,6817 Do karte hector sinē haz
 0,6818 An einē anǃn vurbaz
 0,6819 Vñ neigete sine schaft
 0,6820 Vf einē anǃ mit sulch kraft
 0,6821 Diomedes genant
 0,6822 Daz er in stach vf den sant
 0,6823 Öch er holte sich der
 0,6824 Er spranc vf vñ begreif sin sper
 0,6825 Mit beidē sinē handen
 0,6826 Vnd ginc sin leit andē
 0,6827 Zv reit agomēnon
 0,6828 Vnd ayax thelamonis son
 0,6829 Menelaus vnd vlixes
 0,6830 Nestor vnd polimedes
 0,6831 Politetes vñ Stelenus
 0,6832 Vnd ǃ grozze neptolomus
 0,6833 Polidarius vnd thoas
 0,6834 Menesteus vñ philithoas
 0,6835 Aschalaphus vñ archilogus
 0,6836 Theseus vnd euriolus
 0,6837 Vñ ǃ kvnic vō kartagine
 0,6838 Vnd ǃ crichē dannoch me
 0,6839 Frigē vnd furstē
 0,6840 Die wol fechtē turstē
 0,6841 Die vō troyge in anǃ sīt
 0,6842 Quamē in gein in den strīt
 0,6843 Pandarus vnd caras
 0,6844 Adrastus vñ samias
 0,6845 Rem⁹ vō zizonie
 0,6846 Vñ vō calzedonie
 0,6847 ǃ kvnic eufemes
 0,6848 Vñ ǃ kvnic miceres
 0,6849 Nesteus vō arpon
 0,6850 Archilogus vō sarpedon
 0,6851 Vñ philomenis

- 0,6852 Vn ouch er paris
0,6853 Vnd sine bruð alle
0,6854 Vnd vnð in mit schalle
0,6855 Ð kvne helt hector
0,6856 Auch quam anthenor
0,6857 Vnd polidamas
0,6858 Ez was wund sw genas
0,6859 In dem creizze
0,6860 Da wart groz gereizze
0,6861 Gedense vnd gezerge
0,6862 Allez mit erge
0,6863 Vnd mit v̄mvte v̄minne
0,6864 Zv vurlust vn zv gwinne
0,6865 Da was von gedrenge
0,6866 Daz wite velt zv enge
0,6867 Vnd daz enge velt zv wit
0,6868 Als ez quam in ð zit
0,6869 Daz ir ein mit flucht genas
0,6870 Ð kvrze wec im zv lanc was
0,6871 So dirre floch vn hinð sach
0,6872 Ein anð in in daz ouge stach
0,6873 E er daz getete
0,6874 Den phil er selbe hete
0,6875 So disme ein anð helfe bot
0,6876 So was im selb hulfe not
0,6877 So ð vnd der zv quam
0,6878 So geschach im alsam
0,6879 Waz sol leng zale
0,6880 Dirre lac wibel vale
0,6881 Ð lac tot bleich
0,6882 Dirre den slegē vor weich
0,6883 Dirre viel vnd vant
0,6884 Daz er nimer me v̄want
0,6885 An libe vn an gute
0,6886 Der crouch vz dem blute
0,6887 Ð wart da fundē
0,6888 Mit maniġ grozzē wūdē
0,6889 Dem cruchē dar vz die madē
0,6890 Anðs geschach da grozze schade
0,6891 In den selbē stundē
0,6892 Lac ir da zv drungē
0,6893 So vil vnd zvswalt
0,6894 Daz in wart zwifalt
0,6895 Vber die manicfaltickeit
0,6896 Beide ir angest vnd ir leit
0,6897 Da wart niht gebeitet me
0,6898 Gegen agomēnone
0,6899 Her pandarus stach

0,6900 Daz in beidē geschach
0,6901 Zv ǃ erdē der val
0,6902 Da rante zv vnǃ in al
0,6903 Menelaus vnd paris
0,6904 Wol gewappent alle wis
0,6905 Da sluc er parisen
0,6906 Wen sin gut ysen
0,6907 Er were tot da gelegē
0,6908 Menelaus ǃ degen
0,6909 Stach im vf den lip
0,6910 Daz helena ir beiǃ wip
0,6911 Vō dem stiche erschrac
0,6912 Wen paris vf ǃ erdē lac
0,6913 Adrastus vnd vlixes
0,6914 Quamē zv samne vnǃdes
0,6915 Was sol nv ǃ rede me
0,6916 Adrastus vō vlixē
0,6917 Wart zv ǃ erdē geslagē
0,6918 Vñ vurlos sinē phagē
0,6919 Vō polibete
0,6920 Geschach arpoin vngerete
0,6921 Daz er na tot was
0,6922 Wendaz er mit ǃ flucht genas
0,6923 Zv reit neptolomus
0,6924 Vñ gein im archilogus
0,6925 Ir itweǃ vf den anǃ stach
0,6926 Daz sie vielē vf daz grach
0,6927 Polimedes polidamam
0,6928 Vnǃdes in ane quam
0,6929 Polidamas mit sulcǃ kraft
0,6930 Treip vf in sinē schaft
0,6931 Daz er in gewunt wōde han
0,6932 Polimedes liez dare gan
0,6933 Vf eime rosse vil snel
0,6934 Vñ ritzit im fleisch vnd vel
0,6935 Vñ hurte in also sere
0,6936 E er kvmē were
0,6937 Zv ǃ erdē do klogetē sinē val
0,6938 Die vō troyge vber al
0,6939 Do er gefiel vnǃ des
0,6940 Do sprach polimedes
0,6941 Mir ist comē mere
0,6942 Ir sit ein minere
0,6943 Vnd sit wol in frouwē lobe
0,6944 Vnd mvget ouch wol zv hobe
0,6945 Sint ir ein minner sit
0,6946 So ist ez schande daz ir lit
0,6947 Also lestliche

0,6948 Vf disme ertriche
 0,6949 Do schamte sich polidamas
 0,6950 Sin geselle quam do karas
 0,6951 Gegen im quam stelenvs
 0,6952 Da gescah karē alsus
 0,6953 Als dem erste gescah
 0,6954 Stelen⁹ in dar nið stach
 0,6955 Ð vō athene ein helt gemeit
 0,6956 Laissirandē zv reit
 0,6957 Sin ros in hohē sprügē ginc
 0,6958 Er quam vf den rinc
 0,6959 Mit reiñ vure zv gerant
 0,6960 Menesteus was er genant
 0,6961 Gein im philemenis
 0,6962 Sie quamē zv samne ī al die wis
 0,6963 Daz die herrē beide
 0,6964 Schiedē mit leide
 0,6965 Philemenis stach dare
 0,6966 Menesteus nam es ware
 0,6967 Vñ gewarte dem stiche
 0,6968 E er doch entwiche
 0,6969 So bhilt er philemenis
 0,6970 An dem stiche grozzē pris
 0,6971 Er stach in nið in den sant
 0,6972 Vnd nam sin ros mit eiñ hant
 0,6973 Mit ð andn daz swt
 0,6974 Miceres rante darwert
 0,6975 Gegen dem kvnige vō kartagine
 0,6976 Da gescah micere
 0,6977 Pris vnd ere
 0,6978 Er hurte in also sere
 0,6979 Daz er zv ð erdē quam
 0,6980 Miceres sin ors nam
 0,6981 Als ð gefallē was
 0,6982 Zv quam filithoas
 0,6983 Remis gein im dare
 0,6984 Ir itweð mit siñ schare
 0,6985 An lenge vñ an wite
 0,6986 Begingē si mit strite
 0,6987 Svlich vngebere
 0,6988 Daz in ir swere
 0,6989 Nicht mochte wdē buz
 0,6990 E sie quemē zv fuz
 0,6991 Da schiet irn strit
 0,6992 Theseus einsit
 0,6993 Evriolvs dar engein
 0,6994 Da sin manheit ane schein
 0,6995 In ð zit da geschach

0,6996 Beiðsit vngemach
0,6997 Do reit thelamon
0,6998 Gegē im sarpedon
0,6999 Dor mochte man aber sehē
0,7000 Als da vor was geschehē
0,7001 Vil manic h̄zeleit
0,7002 Vber di manicfaltickeit
0,7003 Wart daz leit drifalt
0,7004 Da wart wūder gestalt
0,7005 Vō den basthartē
0,7006 Die hectorē bewartē
0,7007 Also tet ouch hector
0,7008 Nv als da vor
0,7009 Als tet ouch thoas
0,7010 Achilles dar mite was
0,7011 Der begegente als e
0,7012 Ð alden not mit hectore
0,7013 Sie griffen an ir alde werc
0,7014 Helm schilt halsberg
0,7015 Vō dem fure blichen
0,7016 Swa sie hine strichē
0,7017 Achilles nam die vberhant
0,7018 Ector sine not vurwant
0,7019 Wēne im zv helfe quamē
0,7020 Die sin war namen
0,7021 Wēne die kebes bruð sin
0,7022 Er hette nimer svnnē schin
0,7023 Gesehē me noch den tac
0,7024 Da was beiðsit beiac
0,7025 Vf deme sande
0,7026 An ros vnd an gewande
0,7027 Darzv anð sarewat
0,7028 Sie tatē beiðsit ir tat
0,7029 Wol vñ schone
0,7030 Man saget von thelamone
0,7031 Vnd von thoa
0,7032 Daz sie mit eren warē da
0,7033 Wol tet ez thoas
0,7034 Deiphebus im mite was
0,7035 Vñ ouch antenor
0,7036 Vnd ð kvne hector
0,7037 Vñ vurtē in vō ð walstat
0,7038 Mit gewalt in die stat
0,7039 Do sie in hine vurtē
0,7040 Die crichē nach rurtē
0,7041 Vnd woltē in habe berat
0,7042 Do wurdē erslagē vñ ertrat
0,7043 Tusent an eime houfe

0,7044 Zv susgetame koufe
0,7045 Volget so getan gewin
0,7046 Also geschach vñđ in
0,7047 Do daz was ergangē
0,7048 Daz thoas was gefangē
0,7049 Thelamō sin leit rach
0,7050 Er sluc vnd stach
0,7051 Daz er zv ime queme
0,7052 Vnd in in beneme
0,7053 Do enmochte es gewesē niet
0,7054 Er vacht so sere vñ schriet
0,7055 Vñ beginc da grozzē pris
0,7056 Also lange biz paris
0,7057 Mit eiñ bougē vz reit
0,7058 Sin geschutze was wol bereit
0,7059 Durch den halsberg er schoz
0,7060 Den man als er were bloz
0,7061 Manigē er den lip nam
0,7062 Menelaus im do quam
0,7063 Mit grozzeme nide engein
0,7064 Da wart vñđ in zwein
0,7065 Ie baz vnd baz
0,7066 Ernvwet đ alde haz
0,7067 Mit geschelde vnd mit dreuwe
0,7068 Helena die vraowe
0,7069 Gesah vō den zinnē
0,7070 Daz sie mit v̄minnē
0,7071 Vnd mit grozme leide
0,7072 Die ir man warē beide
0,7073 Zv samne warē geritē
0,7074 Vñ vmb sie so sere stritē
0,7075 Als ir wol gehoret her na
0,7076 Do wisete helena
0,7077 An ir gebere
0,7078 Daz ir vil lieβ were
0,7079 Daz paris sige neme
0,7080 Als ez wol gezeme
0,7081 Paris hette sinē bogē
0,7082 Also ho vf gezogē
0,7083 Do er in entliez vñ schoz
0,7084 E den doz
0,7085 Gehorte vñ đ senen lut
0,7086 So was im durch sine hut
0,7087 Beide durch fleisch vñ durch bein
0,7088 Đ phil getribē biz an daz zein
0,7089 Do er dez schuzzes war gewar
0,7090 Do greif er mit đ hant dar
0,7091 Den phil er vz zvchte

- 0,7092 So er erst mvchte
0,7093 Vñ reit san dānen
0,7094 Vñ fragete sine māne
0,7095 Die ez bekēne kvndē
0,7096 Vmbe sine wūden
0,7097 Ob er wer tot wunt
0,7098 Do sprachē dē ez was kvnt
0,7099 Daz er die rede lizze wesen
0,7100 Er solte harte wol genesen
0,7101 Menelaus do nið saz
0,7102 Vnd hiz sin ros gurtē baz
0,7103 Vñ sprach “nv des wirdet rat
0,7104 Daz mich dirre geschozzē hat
0,7105 Vñ al si mir nv sv̄s geschen
0,7106 Wir svllē schiere ein anð sehē”
0,7107 Ayaxen er do bat
0,7108 Daz er vf der walstat
0,7109 Sin wolte nemē ware
0,7110 Vñ reit anðweit dare
0,7111 Do diz alsus geschach
0,7112 Hector merket ez vñ sach
0,7113 Daz er durch in niet wiðreit
0,7114 Wēne zv rechene sin leit
0,7115 An hern parise
0,7116 Hector der wise
0,7117 Ð bat do eneam
0,7118 Daz er parises war nam
0,7119 Vf deme ringe
0,7120 E daz erginge
0,7121 Do rante menelaus zv
0,7122 Vnd sluc so sere dv
0,7123 Vf parisen
0,7124 Daz er mochte wisē
0,7125 Vf der erden den slac
0,7126 Wende er viel vnd lac
0,7127 Als er tot were
0,7128 Waz woldir mere
0,7129 Wendaz eneas
0,7130 Da bi parise was
0,7131 So were daz sin leste tag
0,7132 Des enphinc manigē slac
0,7133 Eneas ð milde
0,7134 Mit sime schilde
0,7135 Doch brachte er in dānē mit gewalt
0,7136 Parisē der da was gefalt
0,7137 Vñ furte in hine im was gach
0,7138 Die crichē volgetē im nach
0,7139 Biz an daz burc tor

0,7140 Daz gesach hector
0,7141 Vnd liez aß dare gan
0,7142 Als er dicke hette getan
0,7143 Mit slegē vñ stichē
0,7144 Die crieche aber wichē
0,7145 Gegen irn gezelde
0,7146 Hector vf dem felde
0,7147 Mit in also lange vacht
0,7148 Biz in die finstern nach
0,7149 Treip vz dem creizze
0,7150 Mit blute vnd mit sweizze
0,7151 Be flozzē vnd begozzē
0,7152 Do reit er vnūdrozzē
0,7153 Swie er gemvwet were
0,7154 Mit stolzer gebere
0,7155 Mit senftem gemvte
0,7156 In sin heimvte
0,7157 E er doch queme dar in
0,7158 So reit er allēthalbē hin
0,7159 Da er die ritter weste
0,7160 Beide sine vñ ouch die geste
0,7161 Ir wundē er besach
0,7162 Vñ hiez in schaffē ir gemach
0,7163 Harte rittliche
0,7164 Heim reit er froliche
0,7165 Vō wibe vnd vō kinde
0,7166 Vō dem in gesinde
0,7167 Wart er baz was sol es me
0,7168 Enphangē danne er wer e
0,7169 Man zoch im vz die sarwat
0,7170 Vurwandelt hette zindat
0,7171 Die varwe die er hette
0,7172 Vō ð sarwete
0,7173 Vō sweizze vñ vō blute
0,7174 Ecuba die gute
0,7175 Cassandra vñ ouch polixena
0,7176 Die gingē vmbe in da
0,7177 Vñ v̇tribē im sin leit
0,7178 Mit liebe vnd semftickeit
0,7179 Sie phlagē siñ wūden
0,7180 So sie best kvnden
0,7181 Sine swulst sie beten
0,7182 Grozze not sie hetē
0,7183 Vmbe in allenthalbē
0,7184 Beide mit salbē
0,7185 Vñ mit anðe sache
0,7186 Die da gehorte zv sime gemache
0,7187 Sie phlagē sin wol alle wis

0,7188 Die wile quam paris
0,7189 Ð wart wol enphangē
0,7190 Wie ez im was ergangē
0,7191 Daz hette elena gesehen
0,7192 Sie sprach mir ist geschehē
0,7193 An disme tage leide
0,7194 Liep vnd leide
0,7195 Ich was des harte fro
0,7196 Daz du menelao
0,7197 Den lip na hette genomē
0,7198 Ouch mvste ich des vñd komē
0,7199 Daz ich ouch da gesach
0,7200 Daz er dich darnið stach
0,7201 Doch hort ez dar zv
0,7202 Daz man in strite also tv
0,7203 Daz man vñdwilen habe sige
0,7204 Vnd ouch bi wilen vñd lige
0,7205 Des wirt doch allez gut stat
0,7206 Biz vns bezzer heil entstat
0,7207 Hector gesach do
0,7208 Parisen vñ wart sin vro
0,7209 Er spranc im froliche engein
0,7210 Da wart vō in zwein
0,7211 Vñ vō andme irme kvnne
0,7212 Freude vnd wūne
0,7213 Als ez vō rechte solde wesen
0,7214 Vmbedaz paris was genesen
0,7215 Do was bi priamis trone
0,7216 Ein kamere vil schone
0,7217 An dem estriche
0,7218 Schinē da riliche
0,7219 Die lutern cristalle
0,7220 Die wende warē alle
0,7221 Vnd daz gewelbe da obe
0,7222 Von vil grozme lobe
0,7223 Als ez sin solde
0,7224 Von silb vñ vō golde
0,7225 Vñ vō edelme gesteine
0,7226 Liecht vnd reine
0,7227 Priamvs hiez in daz gadē
0,7228 Sine ratgebē laden
0,7229 Dar quam paris vñ hector
0,7230 Troylus vnd antenor
0,7231 Deiphebus vnd eneas
0,7232 Ouch quam da polidamas
0,7233 Da was ein kolter gebreit
0,7234 Von sulcher zierheit
0,7235 Etwa wiz als ein sne

- 0,7236 Etiswa grune als ein cle
 0,7237 Etiswa brun etiswa rot
 0,7238 Als ð kvnic gebot
 0,7239 Also saz ir iegelich
 0,7240 Do sprach ð kvnic "horet mich
 0,7241 Hie ist er thoas
 0,7242 Ð vn̄s vint ie was
 0,7243 Sin in vns got gegebē hat
 0,7244 Nv gebet dar zv uwern rat
 0,7245 Weð wir in schindē
 0,7246 Brinnē oð blindē
 0,7247 Oð bindē zv eime phagē
 0,7248 Vnd vf vnd nið iagen
 0,7249 Oð wir in [...] henkē
 0,7250 Oð wie wir in gekrenkē
 0,7251 Mit svlch̄ kranchēit
 0,7252 Als ez den crichē si leit
 0,7253 Daz sies zv crichlande
 0,7254 Imme haben schande"
 0,7255 Do sprach eneas
 0,7256 "Kvnic daz du geredet has
 0,7257 Daz enbehaget mir niht wol
 0,7258 Ob ich ez wið redē sol
 0,7259 Sehet zv minē truwē
 0,7260 Ez solte vns geruwē
 0,7261 Ob ez so geschehe
 0,7262 Ez ist also wehe
 0,7263 Daz man anð rede habe
 0,7264 Hie enkvmet niht gutes abe
 0,7265 Ez were schiere volende
 0,7266 Wer vnser not ein ende"
 0,7267 Do eneas geredet hete
 0,7268 Daz man also tete
 0,7269 Do lobete ez hector
 0,7270 Er sprach "wir han noch hie vor
 0,7271 Vil manigē schonē tac
 0,7272 Da man sich ane vsinnē mac
 0,7273 Waz man mit im tv
 0,7274 Die rede ist noch vil fru"
 0,7275 Priamus sprach "die rede ist gut
 0,7276 Set doch daz ir den rat tut
 0,7277 Ð vns allen wol ste
 0,7278 Ich enweiz waz sprechē me
 0,7279 Waz hulfe daz ich hele daz
 0,7280 Ich han zv den crichē sulchē haz
 0,7281 Swie ez dar nach erginge
 0,7282 Daz ich in ġne hinge
 0,7283 Doch halde ich ġne uwn rat

- 0,7284 Daz ir vor geredet hat
 0,7285 Daz enwîðrede ich niet"
 0,7286 Die herschaft do dānē schiet
 0,7287 Mit so getanē wortē
 0,7288 Die dar zv gehortē
 0,7289 Troylus vñ eneas
 0,7290 Anthenor vñ polidamas
 0,7291 Mit zvcht vnd mit ziere
 0,7292 Gingen die fiere
 0,7293 Besehē vñ beschowē
 0,7294 Helenam die frowē
 0,7295 In eiñ kamern da sie saz
 0,7296 Die was gezieret vil baz
 0,7297 Vnd zehenstunt mere
 0,7298 Dan die erste were
 0,7299 Da sazzē sie inne
 0,7300 Vñ saugtē vō ð minne
 0,7301 Vnd vō wibe nature
 0,7302 Schone abenture
 0,7303 Vō stritē vñ vō frede
 0,7304 Hettē sie manige rede
 0,7305 In ð stvnt zv handē
 0,7306 Vō eren vnd vō schandē
 0,7307 Die kvnegīne ecuba
 0,7308 Saz mit groz̃ zirde da
 0,7309 Mit ir ouch da sazzē
 0,7310 Die wol kvndē gelazzē
 0,7311 Ivncfrowē harte vil
 0,7312 Ecuba sprach "daz ich wil
 0,7313 Bitē daz ist harte gut
 0,7314 Daz ir ez durch vch selbē tut
 0,7315 Ir svlt alle da nach strebē
 0,7316 Wie wir behaldē daz lebē
 0,7317 Lant vñ ere
 0,7318 Waz wolt ir nv mere
 0,7319 Vch blibet daz zv lone
 0,7320 Vnd vns die w̃de krone
 0,7321 Vch blibet daz riche
 0,7322 Des fechtet menliche
 0,7323 Ð vnser aller hat gewalt
 0,7324 Ð behalde vns vnser behalt
 0,7325 Daz wunsche ich auch dar mite"
 0,7326 Die herren nach des landes site
 0,7327 Gaben ir antwurte
 0,7328 Daz ich die rede kvrte
 0,7329 Ir iegelich sprach er tete
 0,7330 Gerne daz sie bete
 0,7331 An dise rede vñ an dise wort

0,7332 Wart manic mere da gehort
0,7333 Als man danne phlit
0,7334 Do nahet ez ð zit
0,7335 Daz da sedels niet enwas
0,7336 Vf stunt polidamas
0,7337 Vrlob er da nam
0,7338 Vnd troste elenam
0,7339 Als tatē die anđn dri
0,7340 Die ime stundē bi
0,7341 Vnđdes waren die ritt al
0,7342 Zv houē kvmē vf den sal
0,7343 Die da ezzen solden
0,7344 Ođ ezzen wolden
0,7345 Do da was gezzen
0,7346 Do enwart des niht vurgezzē
0,7347 Sine hetē leit vnd not
0,7348 Daz in ð bruđ was tot
0,7349 Sie begundē weinē vñ klagē
0,7350 Daz doroschalcus was erslagē
0,7351 Sie begrubē in da sin bruđ lac
0,7352 Als man phlit vñ phlac
0,7353 In eime schonē steine
0,7354 Luter vñ reine
0,7355 so man in aller best fant
0,7356 Onichil⁹ was ð stein genant
0,7357 Die crichē clagetē anđsit
0,7358 Rechte vm die selben zit
0,7359 Daz thelamō gewut was
0,7360 Vñ abe gefangē thoas
0,7361 Vñ anđ manige vnselickeit
0,7362 Ir vngelucke vnd ir leit
0,7363 In ð selbē stunde
0,7364 Ir vnheil begunde
0,7365 Wassen vil mere
0,7366 Der wint wete so sere
0,7367 Daz er in funf hundt gezelt
0,7368 Warf niđ vf daz felt
0,7369 Vñ in in ð nacht geschach
0,7370 Zv dem libe nie dehein gemacht
0,7371 Vor tage ð starke wint gelac
0,7372 E sich die svnne ođ der tag
0,7373 Vollen erhubē
0,7374 So zv ginc die wolken trube
0,7375 Vnd was ð wint vñ ð regen
0,7376 Vor dem tage gelegen
0,7377 Als ergangē was die nacht
0,7378 Vñ der tac sine macht
0,7379 Ougen begunde

0,7380 Vor ð morgen stunde
0,7381 So die svnne vf gat
0,7382 Vñ die rotē noch hat
0,7383 Als ein fur also rot
0,7384 Do hup sich aber die alde not
0,7385 Michels me dēne da vor
0,7386 Eine sit hector
0,7387 Agomēnon in anð sit
0,7388 Sus hup sich die svre zit
0,7389 Die svrde vnd die bitterkeit
0,7390 Die kvrze wile was geleit
0,7391 Als achilles zv rosse quam
0,7392 Im enwart nie man so gram
0,7393 Ð in zv rosse sehe
0,7394 Daz er anders icht iehe
0,7395 Wen daz er were
0,7396 Beide an ð gebere
0,7397 Vñ an dem herzen ein man
0,7398 Den halstberg den er furte an
0,7399 Ð was maniĝ marke wert
0,7400 Grozzer turde sin swt
0,7401 Sin schilt was golt durch slagē
0,7402 Den er vf solde tragē
0,7403 Der helm vzir mazzē gut
0,7404 Im was ezvrnet sin mut
0,7405 Do hiez er im langē
0,7406 Ein vier eckete stangē
0,7407 Die sin sper solte sin
0,7408 An sime rosse was wol schin
0,7409 Da ez wenkete vñ spranc
0,7410 Daz sin sprunc vñ sin wanc
0,7411 Glichete eime phile
0,7412 Vñ der selbē wile
0,7413 Hector zv leite
0,7414 Achilles was gereite
0,7415 Sine sporn er zv sitē sluc
0,7416 Sin ors in balde hin truc
0,7417 Do quam gegen sime stozze
0,7418 Hupos der grozze
0,7419 Hupos sluc im einē slac
0,7420 Daz im ð schilt ein teil erschrac
0,7421 Hupus freuwete sich des
0,7422 Vf hup achilles
0,7423 Vñ sluc mit eime slage dar
0,7424 Daz es beide wart gewar
0,7425 Ð hre vñ daz ros dar mite
0,7426 Er spielt sie beide mit eime snite
0,7427 Iener vil zv der erden kalt

0,7428 Itzvnt wart vierfalt
0,7429 Ir not vñ ir leit
0,7430 Vber die manicfaltickeit
0,7431 Sie quamē zv samne gerant
0,7432 Dise w̃ten ir lant
0,7433 Iene woltē ez han
0,7434 Da wart beidsit getan
0,7435 Weđ minre noch me
0,7436 Vō der burc bis an den se
0,7437 Vñ waz da enszwichē was
0,7438 Ez were sant ođ gras
0,7439 Daz felt smal ođ breit
0,7440 Daz wart mit totē allez beleit
0,7441 Die wile die sie meist stritē
0,7442 So quam da zv geritē
0,7443 Ğ kvnic orcamenis
0,7444 Man saget daz er were wis
0,7445 Doch was daz niet ein wisheit
0,7446 Daz er gein hectore reit
0,7447 Also vreueliche
0,7448 Er fur hubesliche
0,7449 Daz ist gewislichē war
0,7450 Er was fier vñ klar
0,7451 Daz enhalf aber niet
0,7452 Hector im so zv schriet
0,7453 Daz er in zv struchē sluc
0,7454 Do hette er des strites gnuc
0,7455 Die mit im da waren
0,7456 Enwisten wie gebaren
0,7457 Vor zorne vnd vor nide
0,7458 Sie woldē sin gesmide
0,7459 Vñ sine sarwat retē
0,7460 Sie begundē rinnē vñ tretē
0,7461 Sie stachē vnđ im den phagē
0,7462 Ajax begunde zv iagen
0,7463 Vñ diomedes
0,7464 Vñ antipus vnđdes
0,7465 Der was ein troyre
0,7466 Mit siner baniere
0,7467 Liez diomedes dar gan
0,7468 Vñ stach in durch den buch san
0,7469 Daz im die lunge vz hangete
0,7470 Swaz so er belangete
0,7471 Man saget daz ez wiche
0,7472 Vor sime stiche
0,7473 Da was not alle wis
0,7474 Da reit palimenis
0,7475 Gegen her hectore

0,7476 Hector enbeitte niet me
 0,7477 Er gap im einē slac
 0,7478 Daz er da tot lac
 0,7479 Des enwas er niht w̃t
 0,7480 Er hette selbe sin sw̃t
 0,7481 Harte wol ge vrbort
 0,7482 Vñ was vō rich̃ gebort
 0,7483 Bie eime wazzer was sin lant
 0,7484 Daz was iotharus genant
 0,7485 Da ritē in dem ringe
 0,7486 Zwene zwillinge
 0,7487 Des mvtes fro des gutes fri
 0,7488 Swaz sie ferre ođ bi
 0,7489 Mit slegē ođ mit stichē
 0,7490 Irgen begriffen
 0,7491 Daz was allez vurlorn
 0,7492 Sie kvlten irn zorn
 0,7493 Vzzer mazzē sere
 0,7494 Sie hetten gut vñ ere
 0,7495 Vnd vnđ đ rit̃schaft den pris
 0,7496 Sie warē von focidis
 0,7497 Von eiñ guten geine
 0,7498 Epistropus đ eine
 0,7499 Đ anđ hiez cedius
 0,7500 Eine glevien vorte epistrop⁹
 0,7501 Da er sich mite w̃te
 0,7502 Ir stahel đ was herte
 0,7503 Die hette er zv stiche erhabē
 0,7504 Hector begonde zv drabē
 0,7505 Des erhup er sich baz
 0,7506 Er stach in daz er kvme besaz
 0,7507 Er treip in vf den satelbogē
 0,7508 “Mir enhat min stich niht gelogē
 0,7509 Nv schamet vch niht h̃ hector
 0,7510 Daz ir mir sit entwichen vor
 0,7511 E ich hinnē scheide
 0,7512 Vch wirt daz zv leide
 0,7513 Daz die minē sint vō vch tot
 0,7514 Ir kvmet an die selbē not”
 0,7515 Do er sprechē wolde vort
 0,7516 Hector sluc im daz wort
 0,7517 Als vnsamfte wiđ in
 0,7518 Daz im wort vñ sin
 0,7519 Vnd sin geist dar mite
 0,7520 Entgulden siñ vnsite
 0,7521 Er erscharc des slages harte
 0,7522 Die bein er vf karte
 0,7523 Hector sprach “bosez as

- 0,7524 Dines kelzes du engoldē has
0,7525 Arme hergeselle
0,7526 Var hine zv ǖ helle
0,7527 Vñ warte wie ez da ste
0,7528 Ich enwil diner rede niht me”
0,7529 Der da cediū hiez
0,7530 Vmbe sinē bruð ergeliez
0,7531 Harte iemerliche
0,7532 “Nv gesche mir semeliche
0,7533 Als minē bruð ist geschen
0,7534 Ich en mvzze an hectore gesehē
0,7535 daz er an im gesehē hat
0,7536 Seht swie ez mir ergat
0,7537 Ich habe gewūnen oð ǖlorn
0,7538 Ich erkve minē zorn
0,7539 Wol dane in den strit
0,7540 Alle die mit mir hie sit”
0,7541 Sine frunt zv samne quamē
0,7542 Do sie sine wort ǖnamē
0,7543 Sie lizzen es heil waldē
0,7544 Vñ gingē schilde spaldē
0,7545 Vñ halsbēge schrotē
0,7546 Da blibē vil toten
0,7547 Sie staltē wūder alle
0,7548 Mit ruffe vnd mit schalle
0,7549 Do da vacht die grimme dit
0,7550 Wēne daz houbet vō dem buche schit
0,7551 An ǖ scheidūge
0,7552 Lellete die zvnge
0,7553 Man sach den da ritē
0,7554 So er wolde stritē
0,7555 Vñ zv strite wart geschart
0,7556 Daz im abe geslagē wart
0,7557 Daz bein mit dem fuzze
0,7558 Da wart svr svzze
0,7559 In svzzete sere
0,7560 Ir leit vnd ir swere
0,7561 Ir svzze hette svrede
0,7562 Iamer vnd trurede
0,7563 Not vnd vnselickeit
0,7564 Volgete irre suzzekeit
0,7565 Sus was da beide
0,7566 Lieb in dem leide
0,7567 Svr in dem svzzē
0,7568 Sie kvndē bloz buzzē
0,7569 Ir slachte was also groz
0,7570 Da daz felt was bloz
0,7571 E ez wurde mittē tag

0,7572 Daz velt von totē vol lag
0,7573 Cedius rach den zorn sin
0,7574 Hector als ein wildez swin
0,7575 Disen allen wiðstunt
0,7576 Dirre lac hie gewunt
0,7577 Vnd iener lac da tot
0,7578 Ouch quam er selbe ī grozze not
0,7579 Cedius ime zv trat
0,7580 Vñ sluc in an die stat
0,7581 Daz er zv ð erden
0,7582 Viel mit grozzē sʒden
0,7583 Vf daz gras an den wasen
0,7584 Do zv flecte er im die nasen
0,7585 Munt vnd nase
0,7586 Wen daz ector was vil snel
0,7587 Vñ zv fuz spranc wider
0,7588 Er were da tot gelegē nið
0,7589 Als hector zv fuz stunt
0,7590 Do grein er als ein hunt
0,7591 Vñ sluc mit eime slage dare
0,7592 Cedio von sime libe gare
0,7593 Swaz sin sʒt da vant
0,7594 Den rechtē arm mit ð hant
0,7595 Gein dem nabel bleip daz sʒt
0,7596 Iener viel tot vnð daz phert
0,7597 Zv rante eneas
0,7598 Mennon vñ polidamas
0,7599 Troylus vnd paris
0,7600 Antenor vñ philemenis
0,7601 Vñ mit in tusent oð me
0,7602 Fierfalt was ir leit e
0,7603 Vber die manicfaldekeit
0,7604 An die funfualdekeit
0,7605 Ir not itzvnt komē was
0,7606 Daz er hup Eneas
0,7607 Anfimacus vf eneam
0,7608 Mit baren sʒte geritē quam
0,7609 Vñ als er den slac dare bot
0,7610 So lac er vf ð erden tot
0,7611 Daz wart im da zv teile
0,7612 Zv grozme vnheile
0,7613 Was ime ð strit erhabē
0,7614 Do begunde zv drabē
0,7615 Menelaus vñ vlixes
0,7616 Archelaus vñ diomedes
0,7617 Ayax vñ thelamō
0,7618 Menesteus v agonēnon
0,7619 Vnd allez ir volc mite

0,7620 Da hup sich die vnsite
0,7621 Die crichē erholtē schiere
0,7622 Daz die troyre
0,7623 In getan heten
0,7624 Wie sie daz wið tetē
0,7625 Ir iegelich sich so vsuchte
0,7626 Daz ir dehein enruchte
0,7627 Welches todes er sturbe
0,7628 Vfdaz er pris erwurbe
0,7629 Mit in reit achilles
0,7630 Dem bequam evfemes
0,7631 Vñ wande pries an im bezalen
0,7632 Dem zvr spielt er die schalen
0,7633 Daz daz hirn dar vz floz
0,7634 Vñ er vf die erden schoz
0,7635 Do klaugete þamus sere
0,7636 Daz er erslagen were
0,7637 Hector was ez ouch vngemach
0,7638 Ð ir aller leit rach
0,7639 Ð sie wiste vñ leitte
0,7640 Wen sine erbeitte
0,7641 Sie werē alle erlegen
0,7642 Daz was hector ð degen
0,7643 Ð treip aber da engein
0,7644 Do begente er zwein
0,7645 Kvnigen vurmezzē
0,7646 Ð eine was gesezzē
0,7647 Zv salatree
0,7648 Dem nam ē dē lip e
0,7649 Ð anð was von libanor
0,7650 Dise beide sluc ector
0,7651 Vnd anðs manic mvð barn
0,7652 Ouch quam paris zv gefarn
0,7653 Wen dise hren zwene
0,7654 Ez were harte vnwene
0,7655 Daz ir genesē were dehein
0,7656 Ð da volgete den zwein
0,7657 In die stat quam do mere
0,7658 Daz in helfe not were
0,7659 Hectori vnd parise
0,7660 Daz vñam ð kvnic wise
0,7661 Ð kvnde vnd wiste
0,7662 Die selbē liste
0,7663 Die man do konde in ð zit
0,7664 Ð man do phlac vñ noch phlit
0,7665 Kvrtzlichē ich lere
0,7666 Wie die kvnste werē

0,7667 An ein̄ leret man buchstabē
0,7668 Die and̄ ist erhabē
0,7669 Als ich vch wil innē
0,7670 Zv den scharfen sinnē
0,7671 Die dritte zv d̄ werlde zirde
0,7672 Zv dem sange die vierde
0,7673 Die funfte leret mezzē wol
0,7674 Die seste wie man zelen sol
0,7675 Die sibende leret die list
0,7676 Waz wūds an dem gestirne ist
0,7677 D̄ dise liste kvnde
0,7678 Zv der selben stunde
0,7679 Quam vō troyge zv gerant
0,7680 Pystropus was er genant
0,7681 Von azomen lande
0,7682 Vber al man in erkande
0,7683 Beide bi namē vñ an wort
0,7684 Dru tusent hette er dar gefort
0,7685 Vñ einē schutzē so getan
0,7686 Als ich gescribē vūden han
0,7687 Von den nabel niđ wert
0,7688 Was er gestalt als ein phert
0,7689 Als ein hirz also snel
0,7690 Beide hut vñ vel
0,7691 Als ein katze also ruch
0,7692 Houbet hende vnd buch
0,7693 Glich ein̄ menschē gare
0,7694 Als ein mor swarz gefare
0,7695 Beide hut vnd har
0,7696 Die ougē brun swartz clar
0,7697 Er hette gespānē vñ vf gezogen
0,7698 Einē wundlichē bougē
0,7699 Diewile er in and̄ hant truc
0,7700 Swa sin senwe hine sluc
0,7701 So schoz er als an dem buche stat
0,7702 Durch man durch schilt durch sarewat
0,7703 Mit eime rame durch dri
0,7704 Beide ferre vnd bi
0,7705 Swelchē so er getraf
0,7706 Vnd d̄ ritterschaft
0,7707 Ir dehein genas
0,7708 Als er itzvnt hie was
0,7709 So was er zv hant and̄swa
0,7710 Als man im gewarte da
0,7711 So was er her wiđ
0,7712 Als er mit gefidere
0,7713 Dar geflogē were
0,7714 Waz mag ich sagē mere

- 0,7715 Wen daz man manigē da vant
0,7716 Vurlorn vō sin eines hant
0,7717 Beide tot vñ lam
0,7718 Polixeno er den lip nam
0,7719 Sin rame im niht enlouc
0,7720 Er schoz in daz sin houbet flouc
0,7721 Von dem buche zwene schiete
0,7722 Dirre grozzē vnsite
0,7723 Also lange er phlac
0,7724 Daz sin senwe nie gelac
0,7725 Do diz geschach vñ des
0,7726 Do sprach diomedes
0,7727 “Wie sin wir hute sus v̇schert
0,7728 Ist diz der tufel daz hie vert
0,7729 Ođ sin mvter ođ sin son
0,7730 Waz nv agomēnon
0,7731 Vil edel richtere
0,7732 Got gesegene vns imm̃ mere
0,7733 Wie gefahē vir vñs dinc an
0,7734 Turste dehein man
0,7735 Diesen valant bestan
0,7736 V̇nemet wes ich gedacht han
0,7737 Wir wollen in al vmbe fahē
0,7738 Daz ist daz beste vns getan
0,7739 An eine sit vnd anđ sit
0,7740 Wol dane schiere des ist zit”
0,7741 Sie rantē alle sament zv
0,7742 Vñ vmbe fingē in do
0,7743 Sie begundē in vmberingē
0,7744 Als er wolte enspringē
0,7745 So wart im hie ein stoz
0,7746 So er aber dare schoz
0,7747 So wart im ein stich
0,7748 Als er da bewarte sich
0,7749 So wart im ein slac anđswa
0,7750 Beide hie vnd da
0,7751 Also dicke vnd also lange
0,7752 Daz er vor gedrange
0,7753 Vñ vor inme getwenge
0,7754 Behertē die lenge
0,7755 Noch mochte noch enkvnde
0,7756 Des gwan er vbel stunde
0,7757 Auch gwūnen die crichē vbel zit
0,7758 Iedoch wart er gar zv schit
0,7759 Do er was gefallen
0,7760 Die crichē begundē schallē
0,7761 Mit werkē vñ mit wortē
0,7762 Ir swert sie vrbortē

- 0,7763 Vil baz danne e
0,7764 Sie slugē ð vō troyane me
0,7765 Den ð crichē were erslagē
0,7766 Sie begundē vaste zv iagē
0,7767 Da behildē sie den pris
0,7768 Da er fiel filemenis
0,7769 Ð kvnic vō palatine
0,7770 Vñ als die sine
0,7771 Sere klagetē vnð des
0,7772 Quam her achilles
0,7773 Mit sime schafte zv getribē
0,7774 Da ir klage was blibē
0,7775 Da wart sie vollen erhabē
0,7776 Hector begonde ouch zv drabē
0,7777 Sie ritē zornlich
0,7778 Beide wol gliche
0,7779 Mit menlicñ crefte
0,7780 Zv brachē sie die schefte
0,7781 Sie griffen zv den sw̄ten
0,7782 Diewile daz die gew̄tē
0,7783 Riten sie slahēde durch den creiz
0,7784 Daz in blut vñ sweiz
0,7785 Durch die sarawat floz
0,7786 Do wart daz gedrenge also groz
0,7787 Daz sie zv fuz quamen
0,7788 Ir iegelich begonde ramē
0,7789 Beide hector vnd anchilles
0,7790 Wie ð ein dem anðn vnðdes
0,7791 Sin ors geneme
0,7792 E er dar vf queme
0,7793 Achilles doch zv rosse quam
0,7794 Hector ð wolte ouch alsam
0,7795 Daz werte achilles
0,7796 Vnd begreif sin ros vnðdes
0,7797 Daz ros hiez galathea
0,7798 Hector lief im zv fuzzē na
0,7799 Vil snellichē lief
0,7800 Starke er im nach rief
0,7801 “Kere helt kere
0,7802 Mir ist aso mere
0,7803 Daz ich den tot kiese
0,7804 Als ich min ros vurliese
0,7805 Waz nv ir troyre
0,7806 Wol dane schiere
0,7807 Helfet mir min ros retten
0,7808 Ich wil mich lazzē ertretten
0,7809 E ich alsus han vlorn”
0,7810 Sie rurtē die ros mit den sporn

0,7811 Vn quamē so zv getribē
0,7812 Daz die erde mochte erbiben
0,7813 Da nach der vnd der
0,7814 Da vur durch den schilt daz sper
0,7815 Durch den halsberc das swt
0,7816 Da bleip man vn phert
0,7817 Vffe deme ringe
0,7818 Von schone iungelingē
0,7819 Beide erslagē vnd ertrat
0,7820 Doch so wart daz ros berat
0,7821 Von den basthartē
0,7822 Irn fliz sie darzv kartē
0,7823 Daz ez behilt hector
0,7824 Do wart gefangē antenor
0,7825 Als er gefangē was
0,7826 Do rante zv polidamas
0,7827 Sie begundē aber zv drabē
0,7828 Do hette sich die not erhabē
0,7829 Als von erst bedersit
0,7830 Wen daz die vesperzit
0,7831 Vnd die abent stunde
0,7832 In strites niht engunde
0,7833 Sie rittē an ir gemach
0,7834 Als in da vor geschach
0,7835 Also enphinc man sie do
0,7836 Vn baz darzo
0,7837 Priamus vnd ecuba
0,7838 Enphingē irn svn da
0,7839 Vn furtē sie zv danke
0,7840 Mit azze vn mit tranke
0,7841 Als in harte wol gezam
0,7842 Ir spise die was lobesam
0,7843 In waren ir bette bereit
0,7844 Nach d gewonheit
0,7845 Ir iegelich an sin bette lac
0,7846 Vn ruwetē biz an den tac
0,7847 Waz die crichē tetē
0,7848 Do sie gezzē heten
0,7849 Als ich ez gescribē fundē han
0,7850 Also mvget irs an mir vstan
0,7851 Agomennon besante
0,7852 Die herren die er erkante
0,7853 Daz sie vō den iaren
0,7854 Vnd ands wise waren
0,7855 Die sin gebot vnamē
0,7856 Vil schiere sie dar quamē
0,7857 Er sprach "nu ratet alle
0,7858 Wie ez vch gefalle

0,7859 Gefangē ist hie anthenor
0,7860 So hat ouch her hector
0,7861 Thoam gefangen
0,7862 Daz ist vnlangē ergangē
0,7863 Man wil sines gedinges niet
0,7864 Ob nv wessel geschiet
0,7865 Vn̄ in beiden
0,7866 So ist ez wol gescheidē
0,7867 Wir sendē morgē botē dare
0,7868 Daz man an in er vare
0,7869 Ob in ̄ wessel behage
0,7870 Ich weiz wol sie hant klage
0,7871 Daz wir ir also vil han erslagē
0,7872 Daz selbe mvgē ouch wir klagē”
0,7873 Sie lobetē alle den rat
0,7874 “Rechte als ir geratē hat
0,7875 Mac ez geschehē also
0,7876 So sin wirs alle vil fro”
0,7877 Rechte vm die selben zit
0,7878 Klaufetē iene dort and̄sit
0,7879 Daz antenor gefangē was
0,7880 Do rietē sie daz thoas
0,7881 Gegen im wī gegebē wart
0,7882 Als ir vor sit gelart
0,7883 Die nacht erginc ̄ tac quam
0,7884 Die tacsterne in beiden nam
0,7885 Irn schin biz vf den morgē
0,7886 ̄ da was vurborgen
0,7887 Vn̄ ̄ mit ̄ svnnē vf ginc
0,7888 Daz velt do den tou enphinc
0,7889 Do nazzete ouch daz gras
0,7890 Diewile daz die kvlde was
0,7891 Die da solden striten
0,7892 Die quamē vō beiden sitē
0,7893 Vn̄ riten vz als da vor
0,7894 Von troygen ector
0,7895 Agomennon da engein
0,7896 Vnd die da volgetē in zwein
0,7897 Da wart lenḡ niht gebit
0,7898 Sie hubē beidsit den strit
0,7899 Mit slegen vnd mit stichē
0,7900 Die lebendē daz tichen
0,7901 Daz die toten waren tot
0,7902 Funfaltic was e ir not
0,7903 Vber die manicfalticheit
0,7904 Nv wart sie sehsvalt gebreit
0,7905 In entstunt ein vnselic tac
0,7906 Slac vnd wider slac

0,7907 Stich vn wunde
0,7908 gegen ð morgē stunde
0,7909 Vf den tac vurbaz
0,7910 Rachē sie nit vnd haz
0,7911 So sere vnd so nehe
0,7912 Swelich man ez sehe
0,7913 Vnd ez rechte weste
0,7914 Er enwere nie so veste
0,7915 Daz er sich enthaldē kvnde
0,7916 In iamerte durch die sunde
0,7917 Vnd vmbe den grimigē mort
0,7918 Dannoeh vf den tac vort
0,7919 Gingē sie so houwē
0,7920 Daz in der stat die frouwē
0,7921 Von der grozzen bitterkeit
0,7922 Weintē so daz ir kleit
0,7923 Von den zeherē wurdē naz
0,7924 Ir iegeliche also leidic saz
0,7925 Vnd an sulcher gebere
0,7926 Als sie halp tot were
0,7927 Vf den tag nach prime zit
0,7928 Er hup sich da so groz strit
0,7929 Vnd sulich vechte
0,7930 Daz daz funfte geslechte
0,7931 Daz nach disen quam
0,7932 An sime kvnne schadē nam
0,7933 Dannoeh e mitten tage
0,7934 Quamē sie so zv slage
0,7935 Daz ir blut nið goz
0,7936 Vnd in daz mer schoz
0,7937 Also starke vñ also sere
0,7938 Als ez ouch ein wazzzer were
0,7939 Daz da runne vnd fluzze
0,7940 Vnd in daz mer schuzze
0,7941 Rechte vm den mittē tag
0,7942 Des folkes so vil tot lag
0,7943 Sie mochtē noch enkvndē
0,7944 Vor dē toten noch vor dē gwūdē
0,7945 Noch vor den seren
0,7946 Niergē sich bekeren
0,7947 Dannoeh vmbe nvne
0,7948 Geschach da dehein svne
0,7949 Noch ð rede dehein teil
0,7950 Da in abe queme heil
0,7951 Vor vesper zit ein lvtzzel e
0,7952 Geschach da zehenstunt me
0,7953 Von notē vñ von sorgē
0,7954 Den von dem morgē

0,7955 Geschehē were baz dare
0,7956 Sie wurdē ð wesper zit geware
0,7957 Daz ð funfte kvme genas
0,7958 Ð in dem strite was
0,7959 Er enlege tot oð lam
0,7960 Do ez an den abunt quam
0,7961 Ir dehein was so starc
0,7962 Noch so vbel noch so arc
0,7963 Im enginge die kraft
0,7964 Wen daz sie schiet die swarze nacht
0,7965 Sie weren zv samne gekrochē
0,7966 Vnd hetten sich gerochen
0,7967 Vf ð hant vnd vf die knie
0,7968 Ez engeschach grozz not nie
0,7969 Noch von strite grozz vngemach
0,7970 Den an dem tage da geschach
0,7971 Waz sol vmbe rede me
0,7972 Sie ritē heim als ouch e
0,7973 Do claugete calcas
0,7974 Ð der crichē wissage was
0,7975 "Vns ist missegangē
0,7976 Vns ist abe gefangē
0,7977 Vil manic kvne swt degen
0,7978 Ouch ist ir vns tot vil gelegen
0,7979 Nv lazzet ir herrē wdē schin
0,7980 Ob ir geuolgit wollet sin
0,7981 So wil ich ratē harte wol
0,7982 Ob ich tar vñ ob ich sol
0,7983 Vnd ob ir mit mir bestat
0,7984 So sol daz wesen min rat
0,7985 Daz wir wben vm einē fride
0,7986 Vnz wir vnse sichē lide
0,7987 Geheilen vnd vnse wūden
0,7988 Binnē den stundē
0,7989 Lichte vns zv wizzene geschiet
0,7990 Des wir noch enwizzē niet"
0,7991 Als calcas diz sprach
0,7992 Agomēnon des iach
0,7993 Er hette wol geraten
0,7994 Die crichen alle batē
0,7995 Daz ez also geschee
0,7996 Bizdaz man gesehe
0,7997 Waz in baz gezeme
0,7998 Sie rietē wer in bequeme
0,7999 Vñ der ritterschaft
0,8000 Baz zv der botschaft
0,8001 Denne her vlixes
0,8002 Vnd diomedes

- 0,8003 Daz warē zwene wise man
 0,8004 Sie schuttē ir halperge an
 0,8005 Vnd schuffē ir gewarheit
 0,8006 Ir itweder saz vf vnd reit
 0,8007 Ez was an ð vinstn nacht
 0,8008 Do quam in gein in geraht
 0,8009 Ein ritt^z snelliche
 0,8010 Hubisch vnd riche
 0,8011 Dolon was er genant
 0,8012 Er was vz ð stat gesant
 0,8013 Daz er solte horen vñ sehē
 0,8014 Vñ forshen vnd spehen
 0,8015 In was beið sit ga
 0,8016 Er sprach "wer ritet da"
 0,8017 "Wer fraget des" "daz tun ich"
 0,8018 "Wer bist du" er nante sich
 0,8019 "Ich han gesaget nv saget mir"
 0,8020 "Waz svllē wir sagen" "wer sit ir"
 0,8021 "Wir sin geborn von vber mer
 0,8022 Vnd ritē vz disme her
 0,8023 Vnd sullen werbē ein teil
 0,8024 So dir gebe got gvt heil
 0,8025 Zv diner hubesheite
 0,8026 Wis vnser geleite
 0,8027 In die stat wir wollē dar in
 0,8028 Zv zwein mānen oð zv drin
 0,8029 Eines friedes sullē wir bitē"
 0,8030 "Ir bitet mit so gutē sitē
 0,8031 Vnd so gezogenliche
 0,8032 Ich tete bosliche
 0,8033 Ich enleiste uwer bete"
 0,8034 Er gelobete vnd tete
 0,8035 Des er gebetē was
 0,8036 Er brachte sie vf daz palas
 0,8037 Da ð kvnic vffe saz
 0,8038 Mit sinē kindē vnd az
 0,8039 Vnd anð sine ritterschaft
 0,8040 Sie wurbē ir botschaft
 0,8041 Mit so getanen wortē
 0,8042 Alse darzv gehortē
 0,8043 Ð kvnic hiz sie dannē gan
 0,8044 Vnd als da gezzē was san
 0,8045 Ginc er mit sinē rate
 0,8046 In eine kemēnaten
 0,8047 Vmbe daz ir vurnomē hat
 0,8048 Den herre behauge ð rat
 0,8049 Allen gemeine
 0,8050 Hector alleine

- 0,8051 D̃ begunde ez wiðreden
0,8052 Vnd wolde ez niht freden
0,8053 Er sprach “ṽnemet alle
0,8054 War vmbe ez mir misseualle
0,8055 Wirdet in gegebē tac
0,8056 So meret sich ir beiac
0,8057 Vnd vnse spise wirt ṽzt
0,8058 Vnd vns die schiffart ist bewert
0,8059 Vn̄ all vnser gewin
0,8060 Al si daz ich nih wise enbin
0,8061 Vn̄ vch wiðtribē niht ensol
0,8062 Ez enbehaget mir niht wol
0,8063 Wizzet waz ich vch sagē
0,8064 Von vns zv fierzehē tagē
0,8065 Mugē sie wol fride habē
0,8066 Daz wir die totē begrabē
0,8067 Seht waz ir dar vmbe tut
0,8068 Daz ist vns beið sit gut”
0,8069 Da wart manic rede getan
0,8070 Ir iegelicher sagete sinē wan
0,8071 Beide sus vnd so
0,8072 Do vureintē sie sich do
0,8073 Daz d̄ fride gegebē wart
0,8074 Die botē hubē sich vf die vart
0,8075 Dolon ir geleite was
0,8076 Was alda bereite
0,8077 Er nam ir gute ware
0,8078 Vnd geleitte sie biz dare
0,8079 Da er in e zv was kvmē
0,8080 Als ir da vor hat v̄mvmē
0,8081 Do sie ritē vnder des
0,8082 Fragete im vlixes
0,8083 Maniger hande mere
0,8084 Wa ir burc were
0,8085 Kranc oð stete
0,8086 Des er gefreget hete
0,8087 Mit grozzer kvndekeit
0,8088 Des hette in iener bereit
0,8089 Svn̄d argeliste
0,8090 So er ez best wiste
0,8091 Dolon sprach “gebietet mir
0,8092 Got segen vch” “got lone dir
0,8093 Du hast dich wol an vns behut
0,8094 Got gebe dir immer gut”
0,8095 Dolon dannē karte
0,8096 Sie zwene iltē harte
0,8097 Do sie zv gezelde quamē wið
0,8098 Sie sazzē vō den rossē nider

0,8099 Vn sagetē agomēnon vor
0,8100 Als iz biz her hat gehort
0,8101 Daz in friede wer gegebē
0,8102 Vn mit gemache soldē lebē
0,8103 Die botē schuffē ir gemach
0,8104 Daz in zv schaffene geschach
0,8105 Hoe vf den andern tac
0,8106 Als man zv den zitē pflac
0,8107 Warē sie den totē mite
0,8108 Sie hettē zweiger hande site
0,8109 Sie hiezzen vur machē
0,8110 Vō holzze vñ von sphachē
0,8111 Vnd als ez aller meist bran
0,8112 So warf man den totē man
0,8113 Vnd als er gar v̄brūnen was
0,8114 Sine aschē man zv samne las
0,8115 Vñ behielt sie vil reine
0,8116 In der erden ođ in eime steine
0,8117 An sulch̄ stat da sie lac
0,8118 Daz dehein boser smac
0,8119 Noch vbel ruch quam dar abe
0,8120 Iegelichen truc man zv grabe
0,8121 Als man noch hute phligit
0,8122 Sie bestattē ir totē beiđ sit
0,8123 Mit vil grozzē eren
0,8124 E sie begrabē weren
0,8125 Waren lidē vierzehē nacht
0,8126 Ouch so was die erde entacht
0,8127 Vnd grunte als e
0,8128 Vz der burc biz an den se
0,8129 In was frides not gewesen
0,8130 Sie enkvndē deheine wis genesē
0,8131 Vor dem stanke
0,8132 Des waz ez in zv danke
0,8133 Do daz was vurrochē
0,8134 In đ drittē wochen
0,8135 Schuffen sie ands ir dinc
0,8136 Agomēnon zv rate ginc
0,8137 Also tet auch hector
0,8138 Diese dar inne die da vor
0,8139 Eine wis vnd and̄ wis
0,8140 Dirre wolde den pris
0,8141 Also wolde auch đ iene
0,8142 Also ginc die zit hine
0,8143 Diewile daz ir vride was
0,8144 Die wile klugete calcas
0,8145 Daz er in đ stat hete
0,8146 Eine tocht̄ harte stete

- 0,8147 Schone hubesch vñ wis
0,8148 Die was geheizzē priseis
0,8149 Die mochte da niht blibē
0,8150 Sie woltē sie v̄tribē
0,8151 Durch ir gotinne
0,8152 Die sie hettē dar inne
0,8153 “Sie claugetē daz alle tage
0,8154 Daz ich were ir wisage
0,8155 Vnd vber were gekart
0,8156 Ich tet als gebotē wart
0,8157 Priamus sprach ich were w̄t
0,8158 Daz mich zv fūrte ein phert
0,8159 Vō den vntruwē
0,8160 Ez sulle mich beruwē
0,8161 Ich si boser dēne ein hunt”
0,8162 Sie sprachē “vns ist wol kvnt
0,8163 Daz ir vnschuldic sit
0,8164 Ouch sprechē siz dur nit”
0,8165 Do sprach calcas vurbaz
0,8166 “Ratent ir h̄ren daz
0,8167 Daz ich mine tocht̄ zv mir neme
0,8168 Seht ob vns daz wol gezeme
0,8169 So kvme ich ḡne an den rat”
0,8170 Sie sprachē “tut als ir gesprochē hat”
0,8171 Daz geschach also
0,8172 Des wart er sint vnfro
0,8173 Die h̄ren vz vñ innē
0,8174 Mit fride vnd mit minnē
0,8175 Dicke vñ aller tegelich
0,8176 Vn̄d banichtē sich
0,8177 Achilles zv hector reit
0,8178 Sie warē harte wol bekleit
0,8179 Vñ harte richliche
0,8180 Beide gliche
0,8181 Sie sauetē ir mere
0,8182 Wie ez comen were
0,8183 Disme hie deme da
0,8184 Beide nein vnd ia
0,8185 Sie hettē groz ioie
0,8186 In d̄ stat zv troyge
0,8187 Vnd bewilen ouch da vor
0,8188 Do hette hector
0,8189 Schone kleinote
0,8190 Steine harte rote
0,8191 Grune vnd wizze
0,8192 Gemachet wol mit flizze
0,8193 In daz silber vñ in daz golt
0,8194 Im was ouch ein frouwe holt

- 0,8195 Pentesilea genant
 0,8196 Die hette im allez daz gesant
 0,8197 Ein edel kvneginne
 0,8198 Durch ð frouwē mīne
 0,8199 Truc er daz golt an sīn hant
 0,8200 Vnd ein guldin harbant
 0,8201 In den selbē stundē
 0,8202 Vm sin houbet gebundē
 0,8203 Er was ein harte schone man
 0,8204 Sine gezirde sach achilles an
 0,8205 Als er in lange ane gesach
 0,8206 Nv horet wie er zv im sprach
 0,8207 “Ir sit hubisch so mir got
 0,8208 Ein ist ernst ein anð ist spot
 0,8209 Nv lat es vch betragē
 0,8210 Saget mir des ich vch fragē
 0,8211 Ich enfrage anðs niet me
 0,8212 Wūð hat mich wie ez erge
 0,8213 Vnð vns beiden
 0,8214 E wir hinnē scheidē
 0,8215 Ir hat mir leide getan
 0,8216 Den frunt den ich v̄lorn han
 0,8217 Patroclū wil ich immer klagē
 0,8218 Her hector den ir hat erslagē
 0,8219 Daz kvmet vch zv vnheile
 0,8220 Min lip ist dar vmbe veile
 0,8221 Die selbē sarwat
 0,8222 Die ir im genomē hat
 0,8223 Sie w̄de mir wiðe
 0,8224 Ich gesetze vch so niðe
 0,8225 Also lestliche
 0,8226 Hie in uwerme riche
 0,8227 Daz irs imm̄ last hat
 0,8228 Diewile diese werlt stat
 0,8229 Ich gesach vch also rechte nie
 0,8230 So an dirre stat hie
 0,8231 Vmdaz ich zv vch habē haz
 0,8232 Ich spreche vō wareitē daz
 0,8233 Ir sit starc vnd kvne
 0,8234 Doch enwirde ich nīmer grune
 0,8235 Also kvne als ir sit
 0,8236 Ez enkvme noch die zit
 0,8237 Daz ich vch leide getu
 0,8238 Ez si spate oð fru”
 0,8239 Hector entwurte des
 0,8240 “Nv horet her anchilles
 0,8241 Vil rechte waz ich vch sage
 0,8242 Ich wer imm̄ ein zage

- 0,8243 Vurzaget ich vō wortē
0,8244 Iedoch den vorhtē
0,8245 Den ich von diser drowe han
0,8246 Ð sol harte wol zv gan
0,8247 Ich wene uwer h̄ze baz ste
0,8248 Dēne uŵ rede hie ge
0,8249 Daz patroclus ist erslagē
0,8250 Wollet ir daz so sere clagē
0,8251 Daz mvzze im̄ also wesē
0,8252 En mag ich vor vch niht genesen
0,8253 Daz mvz sin als ez sin mac
0,8254 Ich ensterbe niht vur minē tac
0,8255 Nv ųsinnet vch idoch
0,8256 Ich entrinne vch niht noch
0,8257 In wazzer noch in welde
0,8258 Bin ich vch zv gelde
0,8259 Ođ zv eigen gegebē
0,8260 Daz ir mir dreuwet an daz lebē
0,8261 Mir ist leit die schande
0,8262 Daz man mich ī disme lande
0,8263 Mit stolzē wortē wber gat
0,8264 Ich weiz wol daz ez vbel stat
0,8265 Vñ vil vbel gezimet
0,8266 Daz ir vurgebē vch sus grimet
0,8267 Ouch enstet ez vns niet wol
0,8268 Ob ich ouch nv sprechē sol
0,8269 Ein teil stoltzliche
0,8270 Vnd so vch got đ riche
0,8271 Ŵ wenet ir daz ir sit
0,8272 Wolde got wer die zit
0,8273 Daz wir quemē vf daz felt
0,8274 Ir fundet an mir wiđ gelt”
0,8275 Do zvrnte achilles sere
0,8276 Er sprach “mir ist vmmere
0,8277 Daz ich ie wart geborn
0,8278 Ich gereche disen zorn
0,8279 Al hie noch hute
0,8280 Wa nv mine lute
0,8281 Bringet min ros vñ min sŵt
0,8282 Er sol der zit sin gewert
0,8283 Vnd des ŵdes dar zv
0,8284 Nv ŵde schin waz er tu”
0,8285 Sie sprungē vf đ vñ đ
0,8286 Vñ hischē sŵt schilt vñ sper
0,8287 Hette man sie beide niht gehat
0,8288 Sie hettē alda an đ stat
0,8289 Den friede zv brochē
0,8290 Des wart in gesprochē

- 0,8291 Beiden vil leide
0,8292 Des schamtē sie sich beide
0,8293 Priamus schuldigete sinē son
0,8294 Achillen agomēnon
0,8295 Ouch klausetē die frouwē sere
0,8296 Daz ez also kvmē were
0,8297 Des ensolde niht me not geschen
0,8298 Sie hettē ġne fride gesehen
0,8299 Daz die vnkvnđē
0,8300 Zv irn frunden
0,8301 Durch tanz vñ durch singē
0,8302 In die stat gingē
0,8303 Do gelac beiđ sit
0,8304 Beide zorn vnd nit
0,8305 Ğ rede was deheine not me
0,8306 Sie gingē zv samne als e
0,8307 Do dis leides geswigē was
0,8308 Hern troylū bat do calcas
0,8309 Durch die aldē kvnde
0,8310 Daz er im zv statē stunde
0,8311 Sine tochter er bat
0,8312 Im geben vz đ stat
0,8313 Do troylus vries
0,8314 Daz er sine tocht̃ wiđ hies
0,8315 Sere er daz vnđ quam
0,8316 Vmbe die schone briseidam
0,8317 Sine amie sin wip
0,8318 Sie was im liep als đ lip
0,8319 Torste ez wiđ redet han
0,8320 Er hette ez nīm getan
0,8321 Daz er sie hette wiđ gegebē
0,8322 Er mochte vbel gestrebē
0,8323 Wiđ sie alle gemeine
0,8324 Ouch was daz niht cleine
0,8325 Daz er durch ir schulde
0,8326 Siñ gote hulde
0,8327 Vñ ir mine hette ṽlorn
0,8328 Vñ grozliche irn zorn
0,8329 Hette immer mere
0,8330 Des was sin rede swere
0,8331 Do briseida gesach
0,8332 Daz ir zv rumene geschach
0,8333 Die stat da sie ine was geborn
0,8334 Sie sprach "wer ich groz als ein torm
0,8335 Ich mvste kleine w̃den
0,8336 Vō sorgen vnd vō s̃wde
0,8337 Vnd vō grozzē leidē
0,8338 Sol ich hinnē scheidē

- 0,8339 Wie scheide ich ioch hinne
0,8340 Ich bin ein kvneginne
0,8341 Nv mvz ich hinnē kere
0,8342 Als ein betelere
0,8343 Vñ rumē daz lant
0,8344 Hette ich daz in ð hant
0,8345 Daz ich han in dem gemvte
0,8346 Ein mezzar wute
0,8347 Mittē durch daz ħze min
0,8348 Wen daz ich hoffende bin
0,8349 Daz mir zv blibene gesche
0,8350 Mines lebens enwer niht me”
0,8351 Iemerlicher den ich vch sauge
0,8352 Wart ð frauwē klauge
0,8353 Sie sprach “owe vnd owe
0,8354 Owe nv vnd immer me
0,8355 Owe daz ich den lip ie gwan
0,8356 Troyle herze lieber man
0,8357 Mir ist min vnselickeit
0,8358 Ĥre vm dich eiñ leit
0,8359 Ez ist mir allez vmbe dich
0,8360 Ich enruche niht vmbe mich
0,8361 Enweres du herre alleine
0,8362 Wurde ich danne zv eime steine
0,8363 Des wurde gut rat
0,8364 Ginge ich als ein crete gat
0,8365 Vñ solde ich bi eime zvne gan
0,8366 Vñ mochte ich din also vil han
0,8367 Daz ich dich gesehe
0,8368 Swaz mir geschēe
0,8369 Daz vurtruge harte wol
0,8370 Nv enweiz ich waz ich tvn sol
0,8371 Selic nacht vñ selic tag
0,8372 An sweð ich bi dir gelac
0,8373 Eya troyesh kvnne
0,8374 Sŵ ie liep gwunne
0,8375 Ĥurgune mir des
0,8376 Daz ich engelde ich enweiz wes
0,8377 Daz ich lazzē einē helt
0,8378 Den ich arme hette erwelt
0,8379 Zv mime libe
0,8380 An mir armē wibe
0,8381 Nv weiz ich waz man richet
0,8382 Daz man mir leide sprichet
0,8383 Vnd tribet vō dem man
0,8384 Den ich vō ħzen liep han
0,8385 Owe vnd owe
0,8386 Owi nv vnd immer me

0,8387 Waz wil man an mir rechē
0,8388 Ođ waz mac ich nv sprechē
0,8389 Ich enweiz ob ich engulde
0,8390 Mines vať schulde
0,8391 So genieze ich mit rechte
0,8392 Daz min geslechte
0,8393 Min man vnd min kint
0,8394 Vō dirre stat geborn sint
0,8395 Owi vnd owe
0,8396 Owi nv vnd imr̃ me
0,8397 Ist ieman đ daz ṽnmē hat
0,8398 Daz ich mit wortē ođ mit tat
0,8399 Ođ mit gerete
0,8400 Vbel ie getete
0,8401 Daz ich ṽschuldet han den tot
0,8402 So tut mir schēdichē not
0,8403 So sult ir niht beitē
0,8404 Heizzet fur bereitē
0,8405 Vnd lazzet mich vurbūnen
0,8406 Kere ich alsus hunnē
0,8407 In ein vnkvñde
0,8408 Des hat ir alle svnde”
0,8409 Troylus hette gehort
0,8410 Ir klauge vñ ir wort
0,8411 Vnd ob er were steinen
0,8412 So mvste er balde weinē
0,8413 Groz iamer im ane ginc
0,8414 Mit armē er sie vmbe fienc
0,8415 Do stundē sie beide
0,8416 In so grozzer leide
0,8417 Daz sie enwistē waz sie woldē
0,8418 Ođ waz sie tun solden
0,8419 Sie enwistē waz ratē
0,8420 Sie enwistē waz sie tatē
0,8421 Sie enwostē wa sie warē
0,8422 Sie wostē wie gebarē
0,8423 Sie enwostē waz sie kvndē
0,8424 Beide samt sie stundē
0,8425 In sulchē gebarē
0,8426 Als sie vurzaget warē
0,8427 Si hilt in er hilt sie
0,8428 Grozzer iamer enwart nie
0,8429 Den da was vnđ in zwein
0,8430 Er were harter dē ein stein
0,8431 S̃w daz iamer gesach
0,8432 Ob im zv weinē niht geschach
0,8433 Priamus sprach troylo zv
0,8434 “Weistu svn waz du tu

0,8435 Gehabe dich menliche
0,8436 Ez stet dir bosliche
0,8437 Wes wilt du beginnē
0,8438 Du salt dich vsinnē
0,8439 Daz du ein man bist
0,8440 Vnd dir din sin engangē ist
0,8441 Ez mac vns schiere got gebē
0,8442 Daz wir vns liebe gelebē
0,8443 In disme lande
0,8444 Waz tut ir ez ist schande”
0,8445 Do im ǃ trost gegebē wart
0,8446 Do was in als sie bekart
0,8447 Vō einer suchte werē
0,8448 Vō ir h̄ze swerē
0,8449 Mustē sie sich twingē
0,8450 Mit sw̄lichen dingē
0,8451 Do hiez troilus ir gewant
0,8452 Vf bindē da zv hant
0,8453 Vñ hiez sie dannē ritē
0,8454 Er enliez sie niht bitē
0,8455 Des saz sie vf vnd reit
0,8456 Vil schone was ir kleit
0,8457 Von golde vnd vō gesteine
0,8458 Wen ir varwe eine
0,8459 Die was also schone
0,8460 Ir gezeme wol die krone
0,8461 Ir en mochte niht glichē
0,8462 Man sach da beide blichē
0,8463 Die kleið vñ die frouwē
0,8464 Sw̄ ez wolde schowē
0,8465 Ir wart durch ir schone
0,8466 Zv minnē vñ zv lone
0,8467 Vil dicke gegeben
0,8468 Suzzer wuns vñ suzze leben
0,8469 Man sauket vō irn gewandē
0,8470 Daz ez von eime ferrē lande
0,8471 Zv troyge was gesant
0,8472 Gefuget was daz gewant
0,8473 Mit so getaner liste
0,8474 Daz nieman enwiste
0,8475 Wa engein were sin nat
0,8476 Die kvrse vn̄ der wat
0,8477 Die was vō grozz̄ ziere
0,8478 Von eiñ hande tiere
0,8479 Was die kvrse genomē
0,8480 Vñ was von eime lande komē
0,8481 Da die sūne vf gat
0,8482 So ǃ morgē enstat

0,8483 Ir kleit was gut in alle wis
0,8484 Die steine die daz paradis
0,8485 In sime wazzer treit
0,8486 Warē vurwort in ir kleit
0,8487 Sol ich vch saugē vurbaz
0,8488 Da die frouwe vfe saz
0,8489 Daz was ein zeldende phert
0,8490 Vnd was wo hundert marke w̃t
0,8491 Do sie vz đ stat quam
0,8492 Vñ vrloub genam
0,8493 Sie warē alle vnfro
0,8494 Daz sie dannē schiet also
0,8495 Also vil ođ me
0,8496 Denne da leides was e
0,8497 Was da zv stunden
0,8498 Klaufē do begundē
0,8499 Vñ weinē ecuba
0,8500 Vñ die schone elena
0,8501 Vnd die frouwē alle gemeine
0,8502 Groz vnd kleine
0,8503 Alde vnd iunge
0,8504 Durch die scheidunge
0,8505 Do die frouwe inwec vur
0,8506 Troylus bi gote swur
0,8507 Daz er dehein anđ wip
0,8508 Legete mer bi sinē lip
0,8509 Er bat daz sie ir ere
0,8510 Behilde vnd stete were
0,8511 Vns enscheide dāne đ tot
0,8512 Des enschiet dehein not
0,8513 “Wir kvmē in kvrzē iarē
0,8514 Zv samne als wir warē”
0,8515 Sie sprach “hre ob got wil
0,8516 Beide zv ernste vñ zv spil
0,8517 Sol ich haldē mazze
0,8518 An werke vnd an gelazze”
0,8519 Salomō der wise
0,8520 Nemet daz zv prise
0,8521 S̃w ein vip hete
0,8522 Bederbe vnd stete
0,8523 Hilde er sie rechte
0,8524 Ez fromte sime geslechte
0,8525 Er sprichet đ sie eine
0,8526 Vnd zehen kvme reine
0,8527 Die rechtliche stete si
0,8528 Eine zwo ođ dri
0,8529 Machent mit ir krancheit
0,8530 Daz man đ zehendē sprichet leit

- 0,8531 Sû den eine stete hat
0,8532 Dem git er gutē rat
0,8533 Daz er immer mere
0,8534 Got durch sine ere
0,8535 Hie mvz diese rede blibē
0,8536 Zv sprechēne vō den wibē
0,8537 Nv bin ich nwwit her komē
0,8538 Als ir vor hat ſnomē
0,8539 Troylus vnd briseida
0,8540 Die schiedē sich da
0,8541 Mit so getanē leiden
0,8542 Solden sie vurscheidē
0,8543 Vñ des libes wandel han
0,8544 Ez hette in vil baz getan
0,8545 Menesteus vnd thelamon
0,8546 Vnd hern tydeusis son
0,8547 Ð herzoge diomedes
0,8548 Vñ der wise vlixes
0,8549 Vñ anđ manic man
0,8550 Des ich genēnen niht enkan
0,8551 Die ritē vñ gingē
0,8552 Die frouwē sie enphingē
0,8553 Vil lieplichē vnđ des
0,8554 Gesach diomedes
0,8555 Daz die rote ir wangē
0,8556 Hette befangē
0,8557 Also rot vñ also breit
0,8558 Als dar vf ſ geleit
0,8559 Ein harte frisch rosē blat
0,8560 Vñ dar vmbe gezat
0,8561 Die varwe wiz als ein sne
0,8562 Daz ist anđs niht me
0,8563 Dan wangē rot hut wiz
0,8564 Wolde ich es habē mine fliz
0,8565 Von susgetanem vmbelobē
0,8566 Wolde ich sie vndē vñ oben
0,8567 Vō đ swartē biz an daz swil
0,8568 Loben vzzet mazzē vil
0,8569 Waz wollet ir daz ich spreche fort
0,8570 Dit sint harte kvrze wort
0,8571 Ich spreche daz sie schone was
0,8572 Daz meinet daz ir was
0,8573 Ougen wangē kinne munt
0,8574 Ir allez harte wol stunt
0,8575 Diomedes sach dare
0,8576 Vnd wart ir schonheit gewar
0,8577 Vñ als er ir gewar wart
0,8578 So wart er aller vurkart

0,8579 Sin gedanc forhin
0,8580 Als tet sin sin
0,8581 Also tet sin mvt
0,8582 Also tet sin gut
0,8583 Also tet sin lip
0,8584 Er dachte allez vm daz wip
0,8585 Hette er tusent siñne gehabt
0,8586 Er hette sie alle an ir bestat
0,8587 So er ir baz nahte
0,8588 So er mer dahte
0,8589 Vnz er ir also nahe quam
0,8590 Daz sie sin wort wol vñam
0,8591 Nv horet wie er zv ir sprach
0,8592 Als im zv sprechene gescah
0,8593 "So mir got d̃ gute
0,8594 Ich wene min h̃z blute
0,8595 Ich han vil vbele zit
0,8596 Ich enweiz waz mir dar inne lit
0,8597 Mir ist vbel heim gehut
0,8598 Min gedanc noch min mvt
0,8599 Noch mine sinne
0,8600 Ensint da niht inne
0,8601 Doch entsebe ich wol
0,8602 Ez ist vō an̄dn dingē vol
0,8603 Ich wene duz allez mit dir has
0,8604 Swaz so dar inne was
0,8605 Daz hat dīn mīne dar vz v̄tribē
0,8606 Vnd ist in mittē dar inne blibē
0,8607 Klein̄ dinc den mīne
0,8608 Twingē mich dar inne
0,8609 Ich mag wol mīnē siech sin
0,8610 Daz machet diñ varwē schin
0,8611 Vñ ob ich vō mīnē siech bin
0,8612 So gesende mir dar in
0,8613 Diñ arzedige
0,8614 Zwo oder drige
0,8615 Gute rede liebē gruz
0,8616 So wirt miner swere buz
0,8617 Ođ einē guten wan
0,8618 Nv ich daz gesprochē han
0,8619 Daz ich mīnen siech si
0,8620 Nv wiste ich g̃ne da bi
0,8621 Waz mīnen siech were
0,8622 Ich wene ez sint swere
0,8623 Vñ gedancke vber gedanc
0,8624 Eines mannes h̃ze kranc
0,8625 So er g̃ne hete
0,8626 Ein kvsche wip stete

0,8627 Schone vñ wol gevare
0,8628 So vert sin gedanc dare
0,8629 Ie baz vnd baz
0,8630 Da ez e was naz
0,8631 Da mac regeines lichte
0,8632 Ich sol dir mine bichte
0,8633 Alle biz an ein ende sagen
0,8634 Ich wil durch dine mīne tragē
0,8635 Also grozze swere
0,8636 Swer ez ioch were
0,8637 Ð solde es geniezzē
0,8638 Des mac dich wol bedriezzē
0,8639 Daz min rede so lanc ist
0,8640 Des du gemanet bist
0,8641 Des gib mir antworte”
0,8642 Daz ich die rede korte
0,8643 Do sprach die frowe
0,8644 Alz hette sie rowe
0,8645 “Wes sol ich dir antworte gebē
0,8646 Nv sihestu wol daz ich kvme lebē
0,8647 Wen mir so leide nie enwart
0,8648 So vmbe dise vzfart
0,8649 Die stat da ich inne wart geborn
0,8650 Die han ich vurlorn
0,8651 Dar zv einen gutē man
0,8652 Daz nie liebers niet gwan
0,8653 Din bete ist harte gehe
0,8654 Ez ist also wehe
0,8655 Daz du mich vngemvwet las
0,8656 Biz du min bezzet kvnde has
0,8657 Ich enweiz ouch rechte w̃ du bist
0,8658 Ich wil dirre rede habē frist
0,8659 Sie were ouch nv vnstete
0,8660 Swelich wip einē man tete
0,8661 Also schiere gutē wan
0,8662 Ir sult die rede lan
0,8663 Ich sehe dort da min vater stet
0,8664 Vñ engegen mir get
0,8665 Vz den paulune”
0,8666 Do liezzē sie ir gerune
0,8667 Do entfinc sie calcas
0,8668 Alse sin recht was
0,8669 Sie schuldegete in sere
0,8670 Daz ez sin schult were
0,8671 Daz ir leides was geschen
0,8672 “Ez mac wol sin ich wil es iehē
0,8673 Bi dinē hulden
0,8674 Doch macht du baz schuldē

0,8675 Den got ð mirs gebot
 0,8676 Du gesehes noch sulche not
 0,8677 In dirre geine
 0,8678 Daz stein vf steine
 0,8679 Als ein mel wirt zv riben
 0,8680 Vnd ez allez wirt vtribē
 0,8681 Daz in disme lande ist
 0,8682 Gote lop daz du hie bist
 0,8683 Du salt noch hie beuindē
 0,8684 Wie wol wir vber windē
 0,8685 Not vnd swere
 0,8686 Ich wil immer mere
 0,8687 Lesen vnd singen
 0,8688 Vf den ich da gedingē
 0,8689 Daz ist ð got apollo
 0,8690 Wir wde sin noch beide fro”
 0,8691 Er troste sie allē den tac
 0,8692 Vnz ir klage doch gelac
 0,8693 Dannoeh wte ð fride
 0,8694 Geruwet hettē ir lide
 0,8695 Vn geheilit ir wunden
 0,8696 Sie hettē vber wūden
 0,8697 Allez vngerete
 0,8698 Schone vnd drete
 0,8699 Warē ros vnd ir phert
 0,8700 Wol gestelet ir swt
 0,8701 Geueget ir halsbge
 0,8702 Tal vnd bge
 0,8703 Gerumet vō den totē
 0,8704 Helme zv schrotē
 0,8705 Zv brochene kolzen
 0,8706 Sper phile bolzen
 0,8707 Koch armbrost vn bogē
 0,8708 Couerture zv zogen
 0,8709 Wappen rok zv schlizzē
 0,8710 Wammis zv riszen
 0,8711 Warē wið gemachet wol
 0,8712 Ir huttē vō spise vol
 0,8713 Die wile was ð fride gelegē
 0,8714 Des sie vnlangē hettē gephlegē
 0,8715 Sie bereittē sich ab in dē strit
 0,8716 Alse comē was die zit
 0,8717 Daz ð fride gelac
 0,8718 E sich erhube ð tac
 0,8719 Ir ros stunden bereit
 0,8720 Kouerturen vf geleit
 0,8721 Dar vber pellil vn dar mit
 0,8722 Zindat vn samit

- 0,8723 Wapenen sie sich begūden
0,8724 So sie best kvnden
0,8725 In die kolzen halsb̄ge ane
0,8726 Rot vñ wiz als ein swane
0,8727 Gel bla zindat
0,8728 Vber die sarewat
0,8729 Helm vf sper an die hant
0,8730 Sporn vmbe al zvhant
0,8731 Zvn sitē schilt dar vn̄d sw̄t
0,8732 Vf die ros vf die phert
0,8733 Herrē vñ knechte
0,8734 Zv strite vñ zv fechte
0,8735 Zv gereche wol zv felde
0,8736 Dise vz dem gezelde
0,8737 Iene vz der gewer
0,8738 Beīdsit vil michel her
0,8739 Agomēnon quam hectori engein
0,8740 Die an̄n folgetē disen zwein
0,8741 Sehs valt was e ir leit
0,8742 Vber die manicfaltickeit
0,8743 Sibenfalt ez nv wart
0,8744 Sie warē zv samne gekart
0,8745 Mit wortē mit gruzze
0,8746 Zv rosse vnd zv fuzze
0,8747 Zv sprunge vnd zv loufe
0,8748 Quamē sie zv houfe
0,8749 Mit grozme gereizze
0,8750 Quamē sie zv kreizze
0,8751 Sie brachtē dar vf vñ dar in
0,8752 Nvwe tat nvwe begin
0,8753 Nuwe vngebere
0,8754 Waz woldir mere
0,8755 Grozze v̄mazze
0,8756 Mit wortē vnd mit gelazze
0,8757 Ð brune stahel schrit den rinc
0,8758 So daz daz fur dar vz ginc
0,8759 Als ganstern vz ð glut
0,8760 Ð nvwe phil sprete daz blut
0,8761 An die frischē schilde
0,8762 Vf dem gefilde
0,8763 Wart zv tretet daz gras
0,8764 Daz ein teil entsprozzē was
0,8765 Beide sant vnd griez
0,8766 Sin alde spor ez niet enliez
0,8767 Die wistē irn v̄b̄ mvt
0,8768 Als man ġne dānē tut
0,8769 Nach dem v̄bm̄vte
0,8770 Mit sweizze vnd mit blute

- 0,8771 Warē ir lide begozzē
 0,8772 Die schilde durch schozzē
 0,8773 Die sarewat zv schroten
 0,8774 Da ginc ez an die totē
 0,8775 Da blichen schilde vñ sw̃t
 0,8776 Hin gein đ burc wert
 0,8777 Durch die fēster in den sal
 0,8778 Da die frowē vber al
 0,8779 Gingen vnd stundē
 0,8780 Die totē vnd die gewūden
 0,8781 Vielen niđ als e
 0,8782 Do hup ez sich vō hectorē
 0,8783 Gein im quam gerant
 0,8784 Đ kvnic vō calcedonien lant
 0,8785 Mit siñ baniere
 0,8786 “Wa nv rtter viere
 0,8787 Wol her gein hector”
 0,8788 Sie tribē beide die sper enbor
 0,8789 Irn dewēđ valte đ stich
 0,8790 Sie vnđ stachē beide sich
 0,8791 So daz đ schaft vf stoup
 0,8792 Als vor dem winde ein durre loup
 0,8793 Hector hup vf daz sw̃t
 0,8794 Daz was maniger marke w̃t
 0,8795 Er sluc in vf den schedel coph
 0,8796 Durch den helm in den toph
 0,8797 Den slac enphinc die stirne
 0,8798 Vz seic daz hirne
 0,8799 Er redete wiđ sin sw̃t
 0,8800 Ienre viel zv đ erdē wert
 0,8801 Als er darniđ lac
 0,8802 Hector gwan einē bosen tac
 0,8803 Bie zwein bi drin
 0,8804 Rantē tusent vf in
 0,8805 Den er allē w̃te sich
 0,8806 Des enphinc er slac vñ stich
 0,8807 Manigen slac vñ manigē stoz
 0,8808 Sin not die was harte groz
 0,8809 Doch enwolde er niht entwichē
 0,8810 Er liz dare strichē
 0,8811 Als ein eber mit den zenen
 0,8812 Disen hie dort ienen
 0,8813 Gruzter mit grozzē slegē
 0,8814 Cantipus begūde zv legē
 0,8815 Des swest̃svn was philitoas
 0,8816 Đ kvnic đ da erslagē was
 0,8817 Er rach sinē nebē
 0,8818 Daz im leit was daz lebē

- 0,8819 Aller ð ð im wiðreit
 0,8820 Ð hette er vil nið geleit
 0,8821 Manigē er den lip nam
 0,8822 Hectori er auch zv quam
 0,8823 Mit dem sŵte er dar streich
 0,8824 Hector dem slauge entweich
 0,8825 Cantipus sluc aß dare
 0,8826 Vnd zv sluc im die riemē gare
 0,8827 Da ð helm mite gebūden was
 0,8828 Er sprach “nv ist philitoas
 0,8829 An dir gerochē
 0,8830 Dir ist daz houbet zv brochē
 0,8831 Wie mochtet du genesen”
 0,8832 Hector sprach “daz mvz wesē
 0,8833 Idoch ich dirs baz gan”
 0,8834 Do sluc er den man
 0,8835 Mit eime slauge daz houbet abe
 0,8836 Er sprach “nu lic vñ habe
 0,8837 Daz ich vō dir solte han
 0,8838 Dich hat betrogē din wan”
 0,8839 Sus nam er in beidē daz lebē
 0,8840 Cantipo vñ sime neben
 0,8841 Do diz geschach vñð des
 0,8842 Do rante zv achilles
 0,8843 Mit vf gerichteme sper
 0,8844 Pointer hine vnd her
 0,8845 Mit eime stiche durch dri
 0,8846 Mit dem sŵte da bi
 0,8847 Valte er viel vf daz gras
 0,8848 Also snite ein scharsas
 0,8849 Zwenzic har mit eime snite
 0,8850 Also tet sin sŵt da er mite
 0,8851 Vñð ð ritterschaft streit
 0,8852 Zwenzic mit eime slage sneit
 0,8853 Er sluc sie vort vnd wið
 0,8854 Vnd legete ir also vil nið
 0,8855 Swaz er ir bekatte
 0,8856 Daz er in dem blute watte
 0,8857 Dem rosse vnz an die buge
 0,8858 Man saget daz er ersluge
 0,8859 So vil mit sin eines hant
 0,8860 Daz ez hector niemer vwant
 0,8861 Zwene grefen er im ersluc
 0,8862 Vñ irs folkes gnuc
 0,8863 Swelhē er ane quam
 0,8864 Den machte er tot oð lam
 0,8865 Wen troylus alleine
 0,8866 Sie waren alle gemeine

0,8867 So sere von im hin dan
 0,8868 Daz sie sich niht mochtē han
 0,8869 Bekobert deheine wis
 0,8870 Achilles behilt da den pris
 0,8871 Troylus vnd hector
 0,8872 Die wichē im beide vor
 0,8873 Er sluc sie mit gewalt
 0,8874 Zv ǃ burc an ir behalt
 0,8875 Er ginc so houwē
 0,8876 Daz in ǃ stat die frouwē
 0,8877 Weintē vf ǃ gewer
 0,8878 Daz manz horte in dem her
 0,8879 Achilles fast ē mite stunt
 0,8880 Da wart ein wenic gewunt
 0,8881 Hector wart do geware
 0,8882 Eines kvniges mittē ī ǃ schar
 0,8883 ǃ was merion genant
 0,8884 Vñ was kvnic zv crichē lant
 0,8885 In swelchē notē hector rite
 0,8886 Er was im vaste mite
 0,8887 Vnz er in mittē enzwei gespilt
 0,8888 Achilles lang ǃ niht enhilt
 0,8889 Er sluc da vñ hie
 0,8890 Durch daz bein durch daz knie
 0,8891 Durch den buch in dē darm
 0,8892 Durch die hant in den arm
 0,8893 Durch den mvt vñ darinne
 0,8894 Durch die zene vnz an daz kinne
 0,8895 Vf daz houbet einē slac
 0,8896 Zv ǃ nase vnz an den nac
 0,8897 Durch den gumē vnz an die zvgē
 0,8898 Vñ vurbaz in die lungē
 0,8899 Vñ vurbaz vnz an den satelbogē
 0,8900 Hector hette daz swt erzogē
 0,8901 Er rante in an vñ was im mite
 0,8902 Vñ zv schriet im den samit
 0,8903 Vñ den helsǃg dar vnǃ
 0,8904 Die not sich begunde
 0,8905 Als von erst erheben
 0,8906 Achilles wante in bedrebē
 0,8907 Mittē in dem ringe
 0,8908 Daz er in gefinge
 0,8909 Oǃ anǃ leit getete
 0,8910 Als er in bestandē hete
 0,8911 Mit hohē wortē mit stark ǃ tat
 0,8912 Sin wart harte gut rat
 0,8913 Troylus quam zv gerant
 0,8914 Wen sin elnthafte hant

0,8915 Sie werē gar erlegen
0,8916 Menelaus ð degē
0,8917 Vmbe den daz allez gescāh
0,8918 An den vō troyge er sich rach
0,8919 Beide verre vñ na
0,8920 Mennon ð kvnic vō psia
0,8921 Ð quam vf in geritē
0,8922 Mit nide vñ mit vnsitē
0,8923 Do gerov in die vart
0,8924 Ein slac in gegē den ougē wart
0,8925 Daz swt im in die wangē wut
0,8926 Daz im darvz spranc daz blut
0,8927 Troylus sin leit rach
0,8928 Menelaū er stach
0,8929 Durch daz ros in die huf
0,8930 Vnd negelt in dar vf
0,8931 Vñ hilt in mit dem spere
0,8932 Daz er dare noch here
0,8933 Gewanckē niht enmochte
0,8934 Den schaft er in en drochte
0,8935 Vnd wolte in getotet han
0,8936 Menelaus was entan
0,8937 Im were missegangē
0,8938 Er slaugē oð gefangē
0,8939 Wen daz in loste vñ des
0,8940 Ð kizoge diomedes
0,8941 Hern tydeus son
0,8942 Vñ her mennon
0,8943 Die bestundē in beide
0,8944 Daz wart troylo zv leide
0,8945 Diomedes mit sulch macht
0,8946 Quam vf troylū geracht
0,8947 Daz er in vf die erdē stach
0,8948 Vñ begreif daz ros vñ sprach
0,8949 Zu sime knechte
0,8950 “Vñim mine wort rechte
0,8951 Nim diz ros vñ bringe ez hin
0,8952 Ein frowē ð ich bin
0,8953 Holt vzzet mazze
0,8954 Nv rit dine strazze
0,8955 Vñ sage ir wer ez gwūnē ha
0,8956 Die frouwe heizzet briseida
0,8957 Ir vater heizzet calcas
0,8958 Vñ sage ir wes diz ros was”
0,8959 Er nam daz ros als er hiz
0,8960 Vngeworbē er niht enliz
0,8961 Daz im sin hre gebot
0,8962 Die vrowe war ð sendūge rot

0,8963 Idoch sie die gift enphinc
 0,8964 Sie sprach "sauget her iügelinc
 0,8965 Waz meinet dise sande
 0,8966 So mir got ich wande
 0,8967 Vñ ouch duchte mich des
 0,8968 Daz er diomedes
 0,8969 Ein hubisch man were
 0,8970 Sin gift ist mir v̄mere
 0,8971 Disme orse ich wol gutes gan
 0,8972 Durch troylū minē liebē man
 0,8973 Ich weiz ouch wol san mir got
 0,8974 Ez ist nv sin spot
 0,8975 Daz troylus dar nið lit
 0,8976 Ez kvm̄et noch die zit
 0,8977 Daz im daz selbe geschit
 0,8978 Wer er zv strite kvm̄ē niet
 0,8979 So were im niht da geschen
 0,8980 Wir han daz seldē gesehen
 0,8981 Daz ð bōse vnd ð zage
 0,8982 Queme zv strite oð zv slage"
 0,8983 Der knappe reit dannē
 0,8984 Do hette mit sinē manne
 0,8985 Vnðdes begangē paris
 0,8986 Beide rum vñ pris
 0,8987 Bi ð selben wilen
 0,8988 Mit bogen vñ mit philen
 0,8989 Sin senwe sluc so dicke
 0,8990 Daz eime ougē blicke
 0,8991 Beide an schuzze vñ an zoge
 0,8992 Glichte wol sin boge
 0,8993 Er ginc so schiezzē
 0,8994 Daz die crichē gut hizzē
 0,8995 Daz sie vor sinē bogē
 0,8996 Nirgē kondē benogē
 0,8997 Do reit zv polidamas
 0,8998 Ð sin geselle was
 0,8999 Daz ich ez niht enlenge
 0,9000 Beide vuzgenge
 0,9001 Rit̄ vñ knechte
 0,9002 Warē mit ð vechte
 0,9003 Alzv sere benottet
 0,9004 Gewunt vñ getottet
 0,9005 Beide erslagē vñ ertrat
 0,9006 Do mochte man an ð walstat
 0,9007 Groz iañ schowē
 0,9008 Maniğ lac da zv houwē
 0,9009 Do quam zv diomedes
 0,9010 Vñ agomēnō vnðdes

- 0,9011 Die quamē beide ī den creiz
0,9012 Daz kalde ysen wart heiz
0,9013 Vō dem warmē blute
0,9014 Mit zornigeme mvte
0,9015 Reit agomennon
0,9016 Vnd tydeus son
0,9017 Diomedes đ kvne
0,9018 Schilde rot grune
0,9019 Vō golde vō lasure
0,9020 Rosse kouerture
0,9021 Die halsbēge wizze
0,9022 Hiwen sie mit flizze
0,9023 Durch den helm vnz an den loc
0,9024 Wambois wappē roc
0,9025 Man ros vñ phert
0,9026 Die vinde wichē hindwert
0,9027 Vnz an den burck haugē
0,9028 Da wart ir vil erslaugē
0,9029 Đ sturm đ was herte
0,9030 Harte wol sich wte
0,9031 Đ kvne polidamas
0,9032 Vñ do đ sturm all hertest was
0,9033 Troylus gewarte
0,9034 Daz diomedes karte
0,9035 Vf polidamam
0,9036 Der was đ im daz ros nam
0,9037 Troylus vsuchte sine macht
0,9038 Vf diomedē q̄ er geracht
0,9039 Also zornic als ein bere
0,9040 Vō dem orse mit dem spere
0,9041 Treip er in eines schrites lanc
0,9042 Diomedes zv fuz spranc
0,9043 Troylus begreif daz phert
0,9044 Sie vsuchtē alle ir swt
0,9045 Vf diomedis lide
0,9046 Sie slugē als tusent smide
0,9047 Vf einen aneboz
0,9048 Diomedes genoz
0,9049 Hern tydeus son
0,9050 Vñ daz agomēnon
0,9051 Ime wol bi stunt
0,9052 Doch wart er sere wunt
0,9053 Briseiden quam daz mere
0,9054 Daz diomedes were
0,9055 Niđ gestochē von troylo
0,9056 Des meres was sie vil fro
0,9057 Achilles quam zv getribē
0,9058 Da đ sturm was blibē

0,9059 Harte starke er in erhup
0,9060 Er sluc dem rosse in den bug
0,9061 Dem ritter in den enkel
0,9062 Dem pherde an den schenkel
0,9063 Dem rit̃ durch daz bein
0,9064 Er gemachte in zwein
0,9065 Daz sie bi ǃ erdē
0,9066 Lam mvstē wden
0,9067 Daz wart in obene harte leit
0,9068 Durch die vnderstē kranchein
0,9069 Die sie hine solde tragen
0,9070 Wart daz oberste zv slagē
0,9071 Troylus tet alsame
0,9072 Beide sin tat vñ sin name
0,9073 Stundē harte wol zv lobe
0,9074 In sines vater hobe
0,9075 Vñ vf dem velde
0,9076 Briseida in dem gezelde
0,9077 Was des vil gemeit
0,9078 Daz er so mēlichē streit
0,9079 Achilles quam vf in gerant
0,9080 Troylus mit ǃ lerzen hant
0,9081 Sluc im vf daz rippe bein
0,9082 Daz im daz blut spranc engein
0,9083 Achilles hette vbel zit
0,9084 Wen daz man sin hutte and̃sit
0,9085 Er were da gar entan
0,9086 Troylus liz dare gan
0,9087 Vñ stach im daz ros vnde
0,9088 Daz ez niht enkvnde
0,9089 Enthaldē den ǃ druffe saz
0,9090 Hector ǃ gesach daz
0,9091 Balde er zv karte
0,9092 Mit im die bastharte
0,9093 Da were im geschen leide
0,9094 Wen dise beide
0,9095 Menesteus vō athene
0,9096 Vñ ayax die zwene
0,9097 Er were gefangē ođ geslaugē
0,9098 Do begunde achilles klaugē
0,9099 "Ich enweiz wes ich engelden
0,9100 Ez ist geschen selden
0,9101 Als an disme tage hute
0,9102 Daz susgetane lute
0,9103 Mir teten dehein vngemach
0,9104 Owe daz ez mir ie geschach"
0,9105 Sin zorn wus sin h̃ze drant
0,9106 Sie lizzē alle ein phant

0,9107 Swaz ir im zv quam
0,9108 Sie blibē tot ođ lam
0,9109 Sie warē alle ein wint
0,9110 Die note die vch gesaget sint
0,9111 Wiđ dem daz nv geschach
0,9112 Er ersluc vnd erstach
0,9113 Vñ tratte vnd stiez
0,9114 Deheinē schilt er ganz liez
0,9115 Helm noch halsberc
0,9116 Vber tal vñ berg
0,9117 Iagete er si alle
0,9118 Etisliche mit dem falle
0,9119 Etisliche mit flucht genas
0,9120 Vnz ez rechte abunt was
0,9121 Me nacht den tag
0,9122 Sin arm dānoch nie gelac
0,9123 Noch sin eluthafte hant
0,9124 Vnz er niemānē vant
0,9125 Vf dem velde
0,9126 Do karte er zv dem gezelde
0,9127 Ist ez als ich gelesē han
0,9128 So warē die drizzic tauge ergan
0,9129 Mit sturme vnd mit strite
0,9130 Rechte von đ zite
0,9131 Daz sie die burc besazzē
0,9132 Des hette da gelazzen
0,9133 Manic schone man den lip
0,9134 Des was manic frumic wip
0,9135 Wie die mit weisen
0,9136 Durch den selben freisen
0,9137 Als sie quamē in die stat
0,9138 Đ von troyge was ertrat
0,9139 Harte vil vñ erslagen
0,9140 Ouch begunde hector klagen
0,9141 Daz er sere was gewunt
0,9142 Ouch gemissete er zv đ stunt
0,9143 Zweiger bastharte
0,9144 Die clagete er vil harte
0,9145 Do bestreich man sine wūdē
0,9146 Deheines strites er begunde
0,9147 Binnē vierzehen tagē
0,9148 Die troyre begundē klaugē
0,9149 Sie hettē einē vnselgē tag
0,9150 Vmbe hectoris vngemag
0,9151 Vñ vmbe daz vngerete
0,9152 Daz achilles hete
0,9153 Geletzet alleine
0,9154 Ir volc alle gemeine

0,9155 Da mochte man schowen
0,9156 Ritt v̄n frouwē
0,9157 Schrigē sere v̄bal
0,9158 Sie leitē hectorē vf den sal
0,9159 V̄n tatē im nach sime rechte
0,9160 Allez sin geslechte
0,9161 Houbete an den kvnē degē
0,9162 V̄n wer er alleine erlegen
0,9163 Gefangē ođ erfallen
0,9164 Ez schadete in imm̄n allen
0,9165 Priamus đ wise
0,9166 Troylo v̄n parise
0,9167 V̄n anđ sinē kinden
0,9168 Mit den er solde v̄windē
0,9169 Sine angest v̄n sine not
0,9170 Des selbē nachtes gebot
0,9171 Daz sie zv ime quemē
0,9172 V̄n sinen rat v̄nemen
0,9173 Do sie dare warē komē
0,9174 Er sprach "wir hettē es fromē
0,9175 Ist vch als mir ist
0,9176 Daz wir sehs mande frist
0,9177 Hettē zv eime friede
0,9178 So geruwetē vnse lide
0,9179 Die wile wurde hector heil
0,9180 V̄n anders đ ein michel teil
0,9181 Die zv vngereche sint
0,9182 Ouch begrube ich mine kint
0,9183 Mine ritt v̄n mine man
0,9184 Den ich enmac noch enkan
0,9185 Getun nach mime rechte
0,9186 Noch anđ ir geslechte"
0,9187 Sie lobeten den rat
0,9188 Den ir da vor gehoret hat
0,9189 Zv den selbē ziten
0,9190 Hiez er botē ritē
0,9191 Daz sie wurbē daz gescah
0,9192 Daz ez nieman wiđsprach
0,9193 Zv sehs mandē sie in tatē
0,9194 Fride als si baten
0,9195 Do sich đ tac hette erhabē
0,9196 Sie begundē ir totē begrabē
0,9197 V̄n v̄brantē sie dar mite
0,9198 Nach dem alden site
0,9199 Priamus hiez als da vor
0,9200 Siner sune zwene enbor
0,9201 In zwene marmersteine
0,9202 Leigē harte reine

- 0,9203 Da die and̃n zwene lagē
0,9204 Vō vater vñ von magē
0,9205 Wurdē sie wol begangē
0,9206 Do daz was ergangen
0,9207 Andromache vnd ecuba
0,9208 Helena vñ polixena
0,9209 Brachtē hectori salbē
0,9210 Vñ bestrichē in allenthalbē
0,9211 Vñ heiltē sine wundē
0,9212 So sie best kvnden
0,9213 Vber in die furstē quamē
0,9214 Die sine not vñamen
0,9215 Dar zv die vrowē vz d̃ stat
0,9216 Hector sie sitzen bat
0,9217 Als man danne plit
0,9218 Die ritte kvrzetē die zit
0,9219 Mit den frouwē harte vile
0,9220 Beide zv spotte vñ zv spile
0,9221 In die kamern da er inne lac
0,9222 Da endorfe niht schinē and̃ tac
0,9223 So clar vñ so reine
0,9224 Was daz gesteine
0,9225 Daz dar inne luchte
0,9226 S̃w drin quam den duchte
0,9227 Daz da were ein paradīs
0,9228 Ouch en was niemā so wis
0,9229 D̃ die steine erkente
0,9230 Ez enwere ob man sie nēte
0,9231 Iaspis rubin⁹ saphirus
0,9232 Ametistes crisolitus
0,9233 Smaradus vñ topazius
0,9234 Berillus calzedonius
0,9235 Sardonix carbunculus
0,9236 Manic stein anders da was
0,9237 Die luchtē an daz palas
0,9238 In d̃ camern da er īne lac
0,9239 Da was vō wurzen gut gesmac
0,9240 Lectuarien in den bussen
0,9241 Phulwē bette kvssen
0,9242 Vō phellele d̃ vmbehanc
0,9243 Stul tische vñ banc
0,9244 Vō groz̃z zirheit
0,9245 Den ir hie sit bereit
0,9246 Vnd richeit manig̃ hande
0,9247 Mit edeln gewanden
0,9248 Warē die ricke wol geladē
0,9249 Vier ecke was daz gaden
0,9250 Viere philere

- 0,9251 Schone vnd gewere
 0,9252 An den endē stunden
 0,9253 Gedret vñ gwundē
 0,9254 Ð eine was ein iaspis
 0,9255 Gehouwē dar an ein aspis
 0,9256 Vnd and̃ tiere besund̃
 0,9257 Vil harte manic wūð
 0,9258 Ð and̃ was ein agetstein
 0,9259 Sin glast harte schone schein
 0,9260 Ð dritte was ein rubin
 0,9261 Onichillus gap dē vierdē schin
 0,9262 Ir gelt vñ ir wert
 0,9263 Was wol tusent marke wert
 0,9264 Sie hettē alle viere
 0,9265 So getane ziere
 0,9266 Vñ so getan gewurchte
 0,9267 Saget ich ez ich vurchte
 0,9268 Daz ich wurde wið tribē
 0,9269 Doch vant ich ez gescriebē
 0,9270 Vier meist̃ wol gelart
 0,9271 Hettē irn fliz dran gekart
 0,9272 Mit so getań liste
 0,9273 Daz nieman enwiste
 0,9274 Welich ir liste weren
 0,9275 Vf zwein philerē
 0,9276 Mochte man schowē
 0,9277 Zwo iuncfrowē
 0,9278 Geworht vō steine
 0,9279 Daz vō fleische noch vō beine
 0,9280 Schoner maget nie bequam
 0,9281 Vf dem and̃n alsam
 0,9282 Zwene iungelinge
 0,9283 So die svnne vf ginge
 0,9284 So enwere sie nim̃ so klar
 0,9285 So ir varwe vnd ir har
 0,9286 S̃w die bilde gesach
 0,9287 Swie wise er were er sprach
 0,9288 Daz in got hette daz lebē
 0,9289 Vf dem steine gegebē
 0,9290 Obene noch vnden
 0,9291 Dehein man enkvnde
 0,9292 Deheine wis gemerkē
 0,9293 Ob ez mensche solde werkē
 0,9294 Wie er daz getete
 0,9295 Daz ein bilde hete
 0,9296 Ougē luter vñ clar
 0,9297 Stirne schone vñ offenbar
 0,9298 Wizze zene rotē mvnt

- 0,9299 Die vf̃đ erstē sule stunt
 0,9300 Die was snel vñ gerat
 0,9301 Vñ sprach vñ trat
 0,9302 Nachtes vnd tegelich
 0,9303 Einer tumer schin gelich
 0,9304 Vf̃ ein̄ tabelen breit
 0,9305 Mit golde harte wol geleit
 0,9306 Vñ mit an̄de ziere
 0,9307 Scharfer mezzzer fiere
 0,9308 Warf ez fort vñ wiđ
 0,9309 Beide hoch vñ nider
 0,9310 An dem falle ez sie finc
 0,9311 Swaz vf̃đ erden ginc
 0,9312 Vñ in dē luften ie wart
 0,9313 Daz was ez allez gelart
 0,9314 Wie dem dinge were
 0,9315 An spiele vñ an gebere
 0,9316 Vnd wie im solde w̄dē
 0,9317 In đ luft vñ an đ erden
 0,9318 Swelich man dar quam
 0,9319 Vnd die spil v̇nam
 0,9320 Mochte man đ stat enporn han
 0,9321 Er hette immer da gestan
 0,9322 Ouch was daz an̄d schone
 0,9323 Vf̃ sime houbet stunt ein krone
 0,9324 Vō gesteine vñ vō golde
 0,9325 Ṡẇ schone varwe wolde
 0,9326 Als er die steine gesach
 0,9327 Sin wille đ gescah
 0,9328 Erluchtet wart in richte
 0,9329 Sin varwe vñ sin gesichte
 0,9330 Ez kvnde wūders harte vile
 0,9331 Vñ aller hande seitē spile
 0,9332 Ouch kvnde ez die seitē
 0,9333 Fingern vnd bereitē
 0,9334 Da was harte suzze gesanc
 0,9335 Schone lute vñ wol clanc
 0,9336 Swie leide einē man were
 0,9337 Er v̇gezze siñ swere
 0,9338 Als ich ez da v̇nvmē han
 0,9339 Daz dritte was ouch wol getan
 0,9340 Einē manne wol glich
 0,9341 Daz warf vf̃ den esterich
 0,9342 Blumē harte manicfalt
 0,9343 Vñ hette an blumē sulchē gewalt
 0,9344 Swie vil ez ir niđ sprete
 0,9345 Daz ez ir ie mer hete
 0,9346 Da was nacht vñ tag

0,9347 Suzzer ruch vnd suzzer smag
0,9348 Gerouch si ein sich man
0,9349 Sine gesunt er wið nam
0,9350 Ob er ioch were tot gewüt
0,9351 Des wart hector gesunt
0,9352 Vō dem ruche er genas
0,9353 Swie er tot wüt was
0,9354 Daz fierde was vō sulch list
0,9355 Allez daz in ð erdē ist
0,9356 Vñ dar vffe noch wdē sol
0,9357 Daz wiste ez allez vor wol
0,9358 Iegelich mensche da vant
0,9359 Solde er wden geschant
0,9360 Vñ ouch ge eret
0,9361 Daz mich diz buch leret
0,9362 Daz vñemet alle
0,9363 Wie ez vch geualle
0,9364 Ez mac doch wol war wesē
0,9365 Ich han grozzer dinc gelesē
0,9366 Den des ir hie bereit sit
0,9367 Vō gotes gebot an ð zit
0,9368 Ð tufel vz den bildē sprach
0,9369 Vñ vor sagete swaz gescah
0,9370 Manic wüder er treip
0,9371 Daz man vō im screip
0,9372 Hin abe quam vns zoblist
0,9373 Die nigromancia geheizzē ist
0,9374 Als ir hat vñomē vor
0,9375 In ð kamern lac hector
0,9376 Vnz er wol gesunt wart
0,9377 Die kamer parise gegebē wart
0,9378 Do er vō crichē quam
0,9379 Vñ mit im brachte helenam
0,9380 Da warē sie inne
0,9381 An irre suzzē mīne
0,9382 Diewile sie dar inne lagē
0,9383 Kurzewile sie phlagē
0,9384 Maniġ hande vñ me
0,9385 Dēne hie geschribē ste
0,9386 Dicke sie dar inne warē
0,9387 Bi den zehē iaren
0,9388 Do zehen iar ergingē
0,9389 Do mvste in misselingē
0,9390 Do hector genesē was
0,9391 Vñ ð fride gegebē was
0,9392 Harte feste vñ gut
0,9393 Die chrichē hettē vmmut
0,9394 Daz er so lange wte

0,9395 Ir iegelich des ġte
 0,9396 Daz sie vz ġ not
 0,9397 Entweder nemē den tot
 0,9398 Ođ daz sie mit strite
 0,9399 Der vbelen zite
 0,9400 In den grozzē swden
 0,9401 Ledic mochtē wden
 0,9402 Sie weren ġne zv lande
 0,9403 Ouch hette sie es schande
 0,9404 Daz sie niht mochtē irn nit
 0,9405 Gerechē in so lang ġ zit
 0,9406 Ouch claugete achilles alle tage
 0,9407 Daz hector was vō sime slage
 0,9408 Genesen vñ vō siñ wūden
 0,9409 In so kvrtzen stundē
 0,9410 Ouch so klaugete vnđdes
 0,9411 Thydeus son diomedes
 0,9412 Im were missegangē
 0,9413 "Mich mac wol erlangē
 0,9414 Daz sich sus lenget vnse fart
 0,9415 Daz ich ie geborn wart
 0,9416 Waz solde ich her in diz lant
 0,9417 Ich bin sere gepfant
 0,9418 Vō miner frowē briseida
 0,9419 Sie hat min ġze mit ir da
 0,9420 Vm daz ich ich hie in fleische bin
 0,9421 Doch ist min sele vñ min sin
 0,9422 Al mit eime wibe
 0,9423 Ich han niht in dem libe
 0,9424 Da min ġze solde wesē
 0,9425 Da trage ich eine lichte fesen
 0,9426 Ođ ein stro ođ einē wisch
 0,9427 Ich hafte an ir als ein fisch
 0,9428 Tut an eiñ ruten
 0,9429 Kvnde ich ioch die gutē
 0,9430 Erbite samfter gruzze
 0,9431 Ez queme mir zv buzze
 0,9432 Nv ist sie harte stille
 0,9433 Mir luzzet ir wille
 0,9434 Mir ist ir zvcht zv swere
 0,9435 Mir drouwet ir gebere
 0,9436 Ir ouge mich fluet
 0,9437 Ir mvnt mich schuet
 0,9438 Zv mir zornet ir ganc
 0,9439 Des ist leiđ vil lanc
 0,9440 Daz mir der dinge dehein
 0,9441 Von ir zv gute erschein"
 0,9442 Er sprach der frowē selbe zv

0,9443 "Ich wil spete vnd fru
 0,9444 Lazzē min vnselickeit
 0,9445 An din erbarmelīzickeit
 0,9446 Vrowe vnd an dine ere
 0,9447 Vñ enwil nimer mere
 0,9448 Gehirmē noch erwindē
 0,9449 E ich gnade finden
 0,9450 Nv geschit mir dehein gnade
 0,9451 Waz ob ich vngnade
 0,9452 Vnd anđ vngerete
 0,9453 In đ helle hete
 0,9454 Gerner wil ich sie hie han
 0,9455 Vmb ein wip so wol getan
 0,9456 Doch ist min pine vil groz
 0,9457 Sint mich din suzze mīne schoz
 0,9458 Sint kvnde ich nie erlachē
 0,9459 Min slaffen min wachē
 0,9460 Min trinckē min ezzē
 0,9461 Hat min sint vgezzen
 0,9462 An daz ist mir wil we
 0,9463 Got wolle daz ez baz erge"
 0,9464 Die frowe in sine wort sprach
 0,9465 "Hat ir vō mir vngemach
 0,9466 Des enweiz ich niht
 0,9467 Wie vch daz sie geschit
 0,9468 Vō deheiner wareit
 0,9469 Ir tatet mir eine smacheit
 0,9470 Die wil ich gñe vtraugē
 0,9471 Ir santet mir einē phaugē
 0,9472 Bi vwerme knechte
 0,9473 Daz enquam mir niet rechte
 0,9474 Ouch entstunt ez vch niet wol
 0,9475 Wen daz ichz redē niht ensol
 0,9476 Ir solttet ez habe gelan
 0,9477 Dem ez zv leide was getan
 0,9478 Ď hat ez wol gerochen
 0,9479 Ich enhan ez niet gesprochē
 0,9480 Durch haz noch durch niet
 0,9481 Wen daz ir mit gewarnet siet"
 0,9482 San nach disen Worten
 0,9483 Diomedes antworte
 0,9484 "Eya selic frouwe
 0,9485 Vwer wort sin ane drouwe
 0,9486 Sie sint doch harte spehe
 0,9487 Mir were also wehe
 0,9488 Daz ir mir sagetet uñ mvt
 0,9489 Als ir vmbe rede tut
 0,9490 Daz ich troylo han getan

- 0,9491 Des enwil ich vch niht zv buzze stan
0,9492 Daz ich in darnið stach
0,9493 Daz selbe mir vō im geschach
0,9494 Sin orse ich im nam
0,9495 Also tet er mir sam
0,9496 Daz vch sin ors wart gesant
0,9497 Da sit ir niht mite geschant
0,9498 Ich tet ez vch niet zv smacheit
0,9499 Iedoch ist ez mir leit
0,9500 Ich sante ez vmbe daz da hare
0,9501 Daz ir wurdet geware
0,9502 Daz ich zv strite comē tar
0,9503 Bi vwern huldē ez ist war
0,9504 Daz uwer zorn ist so groz
0,9505 Des engildet ð ez nie genoz
0,9506 Oð ich wde des wert
0,9507 Daz ouch min ein wip gert
0,9508 So vch got lazze leben
0,9509 Ir sult mir eine stuchē gebē
0,9510 Zv eime kleinote
0,9511 Des darf ich zv note
0,9512 Daz man erkenne da bi
0,9513 Daz ich ein frowē ritt̃ si
0,9514 Ich meine vch frowe damite niet
0,9515 Ich hoffe daz mir doch gut geschiet
0,9516 Mir ist daz gesaget
0,9517 Ein man blibe vnūzaget
0,9518 Swenne sin zeichē were
0,9519 Durch einer frowē ere”
0,9520 Die frowe sprach “daz sol sin”
0,9521 Sie reiz im einē ciclatyn
0,9522 Von irre zeswē hant
0,9523 Vf sinē schaft er daz bant
0,9524 Eine senftē er enphinc
0,9525 Vñ neic ð frowē vñ ginc
0,9526 Froliche dannen
0,9527 Wið zv sinē mannē
0,9528 Ses manē quamē zv ende
0,9529 Do treip daz ellende
0,9530 Die crichen zv ringe
0,9531 Vf anð gedinge
0,9532 Die von troyge da engeine
0,9533 Zv behalden ir geine
0,9534 Sie warē zv irme schadē fil balt
0,9535 E was ir not sibenfält
0,9536 Vber die manicfaltickeit
0,9537 Nv wart achteualt ir leit
0,9538 Des sturmes geloste

0,9539 Hup sich mit koste
0,9540 Nv fort ritter vort
0,9541 Ienre sweimete vmbe bort
0,9542 Dirre stunt mittē dar in
0,9543 Bie zwein vñ bi drin
0,9544 Vnd bie vieren
0,9545 Gingē sie pineren
0,9546 Sie quamē einzelē zv gekart
0,9547 Biz ir ein grozze schar wart
0,9548 Zv strite sie griffen
0,9549 Nuwen swt geslieffen
0,9550 Wol geueget wol gewort
0,9551 Hetten ir scherfe vñ vort
0,9552 So groz was ir vechte
0,9553 Sie wurdē flecechte
0,9554 Vō blute vñ vō sweizze
0,9555 Sie quamē vf dem creizze
0,9556 Beide zv stiche vñ zv slage
0,9557 Follecliche zwelf tage
0,9558 Svnđ ruwe an gemach
0,9559 Wen als in nachtes gescah
0,9560 Als die svnne vf ginc
0,9561 Hubē sie sich vf den rinc
0,9562 Hette sie die finst̃ niet vtribē
0,9563 Sie werē die nacht dare blibē
0,9564 Do zwelf tage vmbe quamē
0,9565 Beiđsit sie namē
0,9566 Vzer mazze grozzē schadē
0,9567 Daz velt was al vbladen
0,9568 Vō gewūten vñ vō totē
0,9569 Von schilden zv schrotē
0,9570 Vō rossen vō pherdē
0,9571 Sie hettē vf đ erden
0,9572 Nirgen eiñ hende breit
0,9573 Ez enwere allez beleit
0,9574 Agomēnon enbot
0,9575 Priamo in were not
0,9576 Eines friedes beiđsit
0,9577 Đ wart gegebē zv kvrzer zit
0,9578 Drizzic tage ṽ niet me
0,9579 Sie taten den totē als e
0,9580 Do aber die scharfe stunde
0,9581 Nahē begunde
0,9582 Vñ sie des morgens fru
0,9583 Aber solden dar zv
0,9584 Des abundes spate
0,9585 Ginc priamus zv rate
0,9586 Er sprach zv sinē holden

0,9587 Die daz horen solden
 0,9588 "Dirre friede ergangē ist
 0,9589 Daz wir so kvrtze frist
 0,9590 Zv gemache han genomē
 0,9591 Ez mac vns vbel dar vmbe komē
 0,9592 Mir anet harte groz leit
 0,9593 Ich han leið gebeit
 0,9594 Alzv lange ein teil
 0,9595 Vns nahet ein vnheil
 0,9596 Daz ist leið also swar
 0,9597 Daz ich ez niht gesprechē tar
 0,9598 Vns ist die zit vil na
 0,9599 Von dem cassandra
 0,9600 Lange vor gesaget hat
 0,9601 Es wurde ands gut rat
 0,9602 Ich forchte daz ð erfalle
 0,9603 "Þ vns behutet alle"
 0,9604 Daz was sin son hector
 0,9605 Im was in troume kvmē vor
 0,9606 Im solte leide geschen
 0,9607 Er entorste es idoch niet iehen
 0,9608 Vor sime sone offenbar
 0,9609 Doch wart ez leið alzvwar
 0,9610 Andromacha hectoris wip
 0,9611 Die quelte sere irn lip
 0,9612 Vm die selben swere
 0,9613 Man saget daz ez ir were
 0,9614 In eime slaffe vur komē
 0,9615 Als irz vō priamo hat vnomē
 0,9616 Sie lac alle die nacht
 0,9617 An vil groz vmmacht
 0,9618 Sie entorste ez im niet sagē
 0,9619 Do ez begunde tagen
 0,9620 So groz was ir swere
 0,9621 Daz sie sich niht mere
 0,9622 Mochte enthalden
 0,9623 "Nv mvz es got waldē"
 0,9624 Vn sprach daz ist war
 0,9625 So lute vn ouch offenbar
 0,9626 Daz ez alle die hortē
 0,9627 Die dar zv gehorten
 0,9628 "Suzze hector ließ man
 0,9629 Mich get daz leit mer an
 0,9630 Denne ez iemānen tv
 0,9631 Durch daz spreche ich dir zv
 0,9632 So dir got ð gute
 0,9633 Enphachc ez mit gutē mvte
 0,9634 Mine not vn mine clage

- 0,9635 Vñ ſnim waz ich dir sage
 0,9636 Ich han in troume gesehen
 0,9637 Daz dir leide sol geschen
 0,9638 Harte kvrzliche
 0,9639 Wir ſlisen vnſ riche
 0,9640 Dar zv manic mvſ barn
 0,9641 Daz lieze ich allez hin varn
 0,9642 Behilde ich dich alleinē
 0,9643 Ich mag vilwol weinē
 0,9644 Waz sol min gewden
 0,9645 Himmel vñ erdē
 0,9646 Ob ez allez min were
 0,9647 Ŵzige ich durch din ere
 0,9648 Du hast ez grozze schande
 0,9649 Ŵtbet laudamanna
 0,9650 Vñ aternantes
 0,9651 Nv gedencke herre des
 0,9652 Daz sie sint dine kint
 0,9653 Vñ noch harte kleine sint
 0,9654 La die andern riten
 0,9655 Vñ blip zv disen zitē
 0,9656 Rites du owe
 0,9657 Du enkvmet wiđ nīm me”
 0,9658 Hectori was die rede zorn
 0,9659 “Ir sit vnselic geboren
 0,9660 Daz ir mich gevntrostet hat
 0,9661 Vñ des gebet rat
 0,9662 Daz ich hie heime blibe
 0,9663 Seht bi uŵme libe
 0,9664 Daz ez nīmer mer gesche
 0,9665 Geschiet es dehein not me
 0,9666 Ir hat immer ŵlorn
 0,9667 Ich hette vch zv liebe erkorn
 0,9668 Nv tut ir mir leide
 0,9669 Min sele von mir scheide
 0,9670 E daz immer gesche
 0,9671 Daz ich die vō troyge se
 0,9672 In strite ođ in vechte
 0,9673 Wiđ mime rechte
 0,9674 Ich wene ez vnrecht were
 0,9675 Bin ich richtere
 0,9676 Daz ich sie stritē hiezze
 0,9677 Vñ ez selbe liezze
 0,9678 Daz ich des geswige
 0,9679 Swa min vaſ zv wige
 0,9680 Vnd mine bruđ svllen wesen
 0,9681 Da wil ich mit in genesen
 0,9682 Ođ blibē mit in tot

- 0,9683 Ich geswige ioch ð not
0,9684 Hie enist in dirre geine
0,9685 Nieman so kleine
0,9686 Ich svlle im imm̃ sin bereit
0,9687 Vñ hette ich anðs dehein leit
0,9688 Wen als ich zv dē crichē han
0,9689 Ich wolde den lip lan
0,9690 Ich engereche minē haz”
0,9691 Sin wip weste wol daz
0,9692 Daz er also tete
0,9693 Sin rede was so stete
0,9694 Alrerst hette sie ir leide gehort
0,9695 Sie entorste niht sprechē vort
0,9696 In wie getań swere
0,9697 Ir herre do were
0,9698 Daz tet ir varwe wol kvnt
0,9699 Die wandelte sich vol tusen stūt
0,9700 Paris gedachte im leide do
0,9701 Doch so reit er sich zv
0,9702 Also tet eneas
0,9703 Antenor vñ polidamas
0,9704 Troylus vñ deiphebus
0,9705 Sarpedon vñ cupesus
0,9706 Eufemes vñ adrastus
0,9707 Sie waren alle bereit
0,9708 Daz was priamo leit
0,9709 Daz daz folc so gahete
0,9710 Er wiste wol im nahete
0,9711 Leide vnd swere
0,9712 Daz er niet fro enwere
0,9713 Hector harte wol besach
0,9714 Wen er zv dem folke niet entsprach
0,9715 Als er da vor was gewone
0,9716 Ez was im allez vm die sōne
0,9717 Hector vf sin ros saz
0,9718 Sin wip sich niet vurgaz
0,9719 Sinē zoum vñ sinē stegereif
0,9720 Mit beidē handē sie begreif
0,9721 Sie flehete vnd bat
0,9722 Daz er blibe in ð stat
0,9723 Do er niet wolde blibē
0,9724 Frowen vnd wiben
0,9725 Swaz sie ir genēnē kvnde
0,9726 Rvffen sie begunde
0,9727 Do sie also lute rief
0,9728 Ir iegelich zv lief
0,9729 Cassandra vñ polixena
0,9730 Vñ ir mvter ecuba

0,9731 Cassandra also lute schrei
 0,9732 Ir mochte daz houbet breche enzwei
 0,9733 Pollixena want ir hende
 0,9734 Ecuba brach ir gebende
 0,9735 Andromacha har vñ hut
 0,9736 Helenen wuf wart harte lut
 0,9737 Vñ ð wilē sie in hildē
 0,9738 Ir hende sie ime vielden
 0,9739 Vñ beswurē in bi sinē kindē
 0,9740 Daz ez wolte erwindē
 0,9741 Ez enhalf allez niet
 0,9742 Hector in allen entrit
 0,9743 Er rief ane sine lute
 0,9744 “Wes beite wir hute
 0,9745 Dise wip die reben
 0,9746 Got gekvrze in daz lebē
 0,9747 Ð tufel mvzze ir waldē
 0,9748 Wenent sie mich enthaldē
 0,9749 Vber minē willē”
 0,9750 Er wande sie gestillen
 0,9751 Do von erst hubē siz an
 0,9752 AnDromacha do toben began
 0,9753 Ir gebende sie zv reiz
 0,9754 Har vnd hut sie abe sleiz
 0,9755 Vñ zv kram sich an allē endē
 0,9756 Mit fuzze vñ mit hendē
 0,9757 Stalte sie vngebere
 0,9758 E dehein wile were
 0,9759 Begreif sie irre sune ein
 0,9760 Vñ trugē im engein
 0,9761 Vñ sprach “nv kere v̄ erwint
 0,9762 Des bit ich dich durch diz kint
 0,9763 Ez ist din fleisch vñ din blut
 0,9764 Bekere noch dinē mvt
 0,9765 Ich enweiz waz im tu
 0,9766 Wēne warte selbe dar zv
 0,9767 Blip ĩre vnd senfte mir
 0,9768 Ich swere bi ime v̄ bi dir
 0,9769 Ich enweiz waz ich mit im sol
 0,9770 Woldes du blibē du tetest wol”
 0,9771 Im was sin mvt also hart
 0,9772 Daz er beweicht niet enwart
 0,9773 Weder sv̄s noch so
 0,9774 Die frowe hup do so ho
 0,9775 Ir geschreige vber al
 0,9776 Daz erbibete ð sal
 0,9777 Vñ allez daz dar inne was
 0,9778 Sie lief durch daz palas

0,9779 Da sie priamū fant
 0,9780 Sie sprach "hat dich ǃ tufel geblāt
 0,9781 Du bist mit sehēden ougē blint
 0,9782 Sehes du daz hector din kint
 0,9783 Stingēǃ hunt bosiz as
 0,9784 Des du imm̃ schande has
 0,9785 Ritet in sinē tot"
 0,9786 Priam⁹ wart ǃ rede rot
 0,9787 Andromacha rief in dicke an
 0,9788 "Louf balde halt den man
 0,9789 Ich han vbel getan
 0,9790 Daz ich dir lede gesprochē han
 0,9791 Daz kvmet alz von leidē
 0,9792 Er wil hinnen scheidē
 0,9793 Wir gesehen in leiǃ niem̃ me
 0,9794 Warte wie ez dir erge
 0,9795 Bite in daz er blibe"
 0,9796 Do begvnde er mit dem wibe
 0,9797 Svfen vnd weinen
 0,9798 Sie liezzē durch in einē
 0,9799 Alle iemerliche
 0,9800 Er hette in ouch daz riche
 0,9801 Vñ ir ere vnd ir lant
 0,9802 Behaldē mit siñ hant
 0,9803 Er saz vf vñ reit im na
 0,9804 Vñ vber reit in alda
 0,9805 Da er in ǃ strazzē reit
 0,9806 Er sprach "svn vñim min leit
 0,9807 So mir mine truwe
 0,9808 Ich forhte ez dich geruwe
 0,9809 Daz du so iles in dē strit
 0,9810 Hetistu biz morne gebit
 0,9811 Du hettes harte wol getan
 0,9812 La dir geratē san
 0,9813 So dich got ere
 0,9814 Kere wider kere"
 0,9815 Hectori was die rede zorn
 0,9816 Er nam daz ros mit den sporn
 0,9817 Du p̃amus aller meist bat
 0,9818 Vñ reit balde vz ǃ stat
 0,9819 Hine da er die sine sach
 0,9820 Hin ritēde er sprach
 0,9821 "Warvmbe stellet ir dise not
 0,9822 Ez ist doch niet wē ein tot
 0,9823 Sol ich ṽterbē
 0,9824 Oǃ sol ich nv sterbē
 0,9825 Vnd sol ich habē swere
 0,9826 So ist mirz also mere

0,9827 Hute also morne"
 0,9828 Do reit er hin mit zorne
 0,9829 Priam⁹ stalte svlich leit
 0,9830 Daz er doch wart beweit
 0,9831 Er schrigete so sere
 0,9832 Ob er ein stein were
 0,9833 Er mvste wið keren
 0,9834 Mit grozzen vngeberen
 0,9835 Reit er wið in den sal
 0,9836 Sie baten in al
 0,9837 Daz er vz tete die sarewat
 0,9838 Weð durch bete noch durch rat
 0,9839 En mochte des niet geschen
 0,9840 Ich wil sitzzē vñ sehen
 0,9841 Vñ vñemen dar zv
 0,9842 Waz man vf dem felde tu
 0,9843 Vater mich duncket gut
 0,9844 Daz ir minē rat tut
 0,9845 Tribet hin zv der vechte
 0,9846 Ritter vnd knechte
 0,9847 Bebure vnd koufman
 0,9848 Ich wil mine sarewat habē an
 0,9849 Ez ge zv schadē oð zv frumē
 0,9850 Daz ich zv gewer mvge kvmē
 0,9851 Etteswa hie enbinnē
 0,9852 In turmē oð in zinnē
 0,9853 Priamus do karte
 0,9854 In ð stat er warte
 0,9855 Beide kleine vñ groz
 0,9856 Allein was ē niht ritts genoz
 0,9857 Swer so er were
 0,9858 Waz woldir mere
 0,9859 Knecht gebur koufman
 0,9860 Mvstē ysen tragē an
 0,9861 Ir bleip wenic in ð stat zv wer
 0,9862 Er sante sie alle in daz her
 0,9863 In den selbē stūde
 0,9864 Die crichē begūden
 0,9865 Hin zv ringewt zogen
 0,9866 Sie kvnden nirgē genogē
 0,9867 E sie quemē vf daz felt
 0,9868 Da enwas niht wēne geschelt
 0,9869 Scharfe wort svre tat
 0,9870 Als ir dicke vñomē hat
 0,9871 Do reit zv agomēnon
 0,9872 Menelaus vnd telamō
 0,9873 Achilles diomedes
 0,9874 Ajax polimedes

- 0,9875 Sie rantē zv engein in
0,9876 Vf den rinc vn̄ in
0,9877 Vō troyge manic kvne man
0,9878 Troylus hup den sturm an
0,9879 Mit diomede
0,9880 Im tet daz harte we
0,9881 Daz sines wibes ciclatin
0,9882 Sin baniere solte sin
0,9883 Er sach an đ stuchē da
0,9884 Daz sin amige briseida
0,9885 Sinē willen schiere tete
0,9886 Ođ getan hete
0,9887 Sie heten beide grozzē haz
0,9888 Troylus vmbe daz
0,9889 Daz ienre sin wip wolte han
0,9890 Đ anđ vf den wan
0,9891 Hette im ġne genvmē dē lip
0,9892 Daz er erwurbe daz wip
0,9893 Sie pointē vf ein anđ
0,9894 Ir schefte waren gland
0,9895 Ir glevien scharf forne
0,9896 Sie stiften zv zorne
0,9897 Zv dem ersten mit đ ioste
0,9898 Als đ stich niet koste
0,9899 Vnd neme dehein w̄t
0,9900 Sie griffē schiere an die sw̄t
0,9901 In wart ir zorn vn̄d nvmē
0,9902 Ir volc was zv komē
0,9903 Ir igelich tet sine tat
0,9904 Als ez danne ī strite gat
0,9905 Sie wurdē vn̄d drügē
0,9906 Ir brunē ecken klungē
0,9907 Ir schefte zv schifertē alse schiet
0,9908 Troylus truc dare niet
0,9909 Da man im daz wip wolte enspanē
0,9910 Vn̄ gewarte dem fanē
0,9911 Den sin vint furte
0,9912 Vf in er starke rurte
0,9913 Tydeus svn vn̄ddes
0,9914 Đ helt diomedes
0,9915 Stach im durch den schilt sin
0,9916 Daz sper biz an den ciclatin
0,9917 Troylus liez dare gan
0,9918 Do er den stich hette entphan
0,9919 Wen in đ stich mvte
0,9920 Er sprach “rit̄ nv hute
0,9921 Diner vrowē baniere”
0,9922 Er hette nie so schiere

- 0,9923 Zv im gesprochē daz wort
 0,9924 Er sluge sines sw̄tes ort
 0,9925 Durch diomedes sarewat
 0,9926 In sin fleisch vñ in sin brat
 0,9927 Daz sw̄t im in den lip wut
 0,9928 Vz pheif im san daz blut
 0,9929 Gliche ho dem schafte
 0,9930 Da die stuche ane hafte
 0,9931 Ð borte vñ daz gesteine
 0,9932 Daz wart alz vnreine
 0,9933 Vō sin selbes blute
 0,9934 Mit zornigen mvte
 0,9935 Vaste er im zv trat
 0,9936 Hette in menelaus niht gerat
 0,9937 Er were gar vñđ gelegē
 0,9938 Zv rante đ kvne degen
 0,9939 Von frisce đ kvnic miceres
 0,9940 Menelaus gewarte des
 0,9941 Vnd stach in vf den rinc
 0,9942 Daz im daz blut dar vz ginc
 0,9943 Vñ floz vf den sant
 0,9944 Die crichē quamē zv gerant
 0,9945 Vñ begundē in vmbe ringē
 0,9946 Daz sie in gefingē
 0,9947 Achtfalt was e daz leit
 0,9948 Vber die manicfaltickeit
 0,9949 Nvnfalt ez izo was
 0,9950 Zv reit do polidamas
 0,9951 Daz er geloste den man
 0,9952 Troylus rief ane
 0,9953 “Nv a helde nemt min war
 0,9954 Miceres liget tot far
 0,9955 Vñđ vnsen handē
 0,9956 Wir lazzē in mit schandē”
 0,9957 Troylus quam zv gerurt
 0,9958 “Nv fort ritt nv furt
 0,9959 Ez en sol niht geschen”
 0,9960 Do mochte man wūđ sehē
 0,9961 Vf deme ringe
 0,9962 E daz erginge
 0,9963 Daz sie in behildē
 0,9964 Herte houbet sie spildē
 0,9965 Sie zv sniten die helme hart
 0,9966 Da wurdē halsßge zv zart
 0,9967 Vnd war manic man ir trat
 0,9968 Miceres wart vō in berat
 0,9969 Iedoch menliche
 0,9970 Ð kvnic von friscen riche

- 0,9971 Ajax thelamonis son
 0,9972 Vō dem was man vngewon
 0,9973 Daz er also lange zit
 0,9974 Danñ hette gebit
 0,9975 Daz er ente deheine tat
 0,9976 Als ein silb sin sarewat
 0,9977 Sin schilt schein als ein golt
 0,9978 Er quam in groz vngedolt
 0,9979 Daz siñ da vil tot lac
 0,9980 Er svmte sich niet ẽ sluc ẽ stach
 0,9981 Swaz im do wiđ reit
 0,9982 Dem machete er den lip leit
 0,9983 Dar nach er quam
 0,9984 Geriten vf polidamam
 0,9985 Mit eiñ starkē ioste
 0,9986 Die sinē er da loste
 0,9987 Er stach in niđ vf daz gras
 0,9988 Vf spranc do polidamas
 0,9989 Troylus was aber da
 0,9990 Im was zvn slegē vil ga
 0,9991 Sere er vmbe berte
 0,9992 Biz er beherte
 0,9993 Daz polidamas zv rosse quam
 0,9994 Ayax manigē den lip nam
 0,9995 E daz geschee
 0,9996 Paris đ wehee
 0,9997 Was in dem strite da
 0,9998 Mit den vō persia
 0,9999 Sinē bogē hette ẽ gespānē
 0,10000 Mit sinē mannē
 0,10001 Quam er in den strit gerant
 0,10002 Des wart manig geblant
 0,10003 Dar nach daz đ phil quam
 0,10004 Bleip ouch manig da lam
 0,10005 Gewunt vn mit pinē
 0,10006 Beide vō den sinē
 0,10007 Vnd ouch vō sin selbes bogē
 0,10008 Quam vnđ die crichē geflogē
 0,10009 Alfo vil đ phile
 0,10010 Daz e deheine wile
 0,10011 Die crichē warē an đ flucht
 0,10012 Achilles sach die vnzvcht
 0,10013 An hern parise
 0,10014 Er dachte in welch wise
 0,10015 Er im daz leit v̇gulde
 0,10016 Vn vmbe die aldē schulde
 0,10017 Daz er zv hectori truc haz
 0,10018 So erzvrnte ime daz

0,10019 E danne gelege ð zorn
0,10020 Hette maniĝ dē lip v̄lorn
0,10021 Vñ e maniĝ den v̄lure
0,10022 So was niht bestandē vure
0,10023 Sines sw̄tes orte
0,10024 Gar ez zv forte
0,10025 Beide ros vnd phert
0,10026 Halsb̄ge vñ swert
0,10027 Sper schilt vnd helm
0,10028 Daz falte er allez in den melm
0,10029 Do erkob̄tē sich die sine
0,10030 Ajax von salemine
0,10031 Vnd die mit ime waren
0,10032 Bi vnsern iarē
0,10033 En kvnde des geschehē niet
0,10034 Daz ein michel her entriet
0,10035 Also sere einē man
0,10036 Sie fluhē allesament dan
0,10037 Troylus schamte sich harte
0,10038 Idoch er vmbe karte
0,10039 Do folgete im polidamas
0,10040 Paris an ð schare was
0,10041 Sine kebes bruð dar nach
0,10042 Sie tatē achillē manigē schach
0,10043 An ð wiðkare
0,10044 Beide offenbare
0,10045 Vnd ouch dar zv stille
0,10046 Daz erzvrnte achille
0,10047 Er liez aber dare gan
0,10048 Ez was allez en dan
0,10049 Swaz sin sw̄t irgē berein
0,10050 Do bequam im ð bruð ein
0,10051 Pīamus kebes svn
0,10052 Ð hiez margaritū
0,10053 Den traf er mit sulch̄ craft
0,10054 Daz im in ð hant ð schaft
0,10055 Zv stoup vñ zv brach
0,10056 Idoch er in dar nið stach
0,10057 Harte was er gewunt
0,10058 In der selbē stunt
0,10059 Er ensach noch enhorte
0,10060 Sin volc in dannē forte
0,10061 Do sie in vurtē dannē
0,10062 Vō wibē vñ vō mannē
0,10063 Wart in ð stat so geschrit
0,10064 Daz hectoris h̄ze bi ð zit
0,10065 Er schrac des gwan ē swerē mvt
0,10066 Do fagete ð helt gut

0,10067 Waz die rede were
 0,10068 Als er v̄nam daz mere
 0,10069 "Ist ez sus sam mir got
 0,10070 So mvgē sis wol habē irn spot
 0,10071 Die vō crichēlande
 0,10072 Daz ich in d̄ schande
 0,10073 Hute inne gesezzē bin
 0,10074 Daz mir ein wip minē sin
 0,10075 Alsus hat v̄keret
 0,10076 Min vater si gevneret
 0,10077 Vn̄ alle sine lute
 0,10078 Die mich hant behaldē hute
 0,10079 Wiđ minē willen
 0,10080 Sie vorhten alle achillen
 0,10081 Vn̄ sturbent vor dē sorgē
 0,10082 Owe armē gorgen
 0,10083 Vwerre grozzē zageheit
 0,10084 Wirt uws kindes kinde leit"
 0,10085 Do er geklagete aller meist
 0,10086 Do was margaritonis geist
 0,10087 Vō dem libe gefarn
 0,10088 Daz weinte maniġ mv̄ barn
 0,10089 Do daz v̄nam hector
 0,10090 Er zvrnte me dēne vor
 0,10091 Er hiez sin ros bringē
 0,10092 Vn̄ wolte dar vf springē
 0,10093 Do quam sin vať als e
 0,10094 Vn̄ bat in tusent stunt me
 0,10095 Dēne er in da vor bete
 0,10096 Vn̄ als er in erweichet hete
 0,10097 Daz sin zorn gelegē was
 0,10098 Do hette enneas
 0,10099 Grozzē pris da began
 0,10100 Doch als iz gelesen han
 0,10101 Was ez allez ein wint
 0,10102 Beide do vn̄ sint
 0,10103 In d̄ kvrzē zite
 0,10104 Daz hector in deme strite
 0,10105 Mit im niht enwas gewesen
 0,10106 Des mvste ir wenic genesen
 0,10107 Do wart agomēnō geware
 0,10108 Daz hector in siñ schare
 0,10109 In dem strite niht enreit
 0,10110 Er was es also gemeit
 0,10111 Daz im so liebe nie geschach
 0,10112 Achillē er zv sprach
 0,10113 "Wie nu her achilles
 0,10114 Ir merket niet des

0,10115 Hector en ist hie nirgen
0,10116 Wir mvgē den troygiren
0,10117 Tvn daz wir wollē
0,10118 Ritent ouch follen
0,10119 Hin vur ivch an den graben
0,10120 Sich hat ir vnselde erhabē”
0,10121 Achilles nam dise zwene
0,10122 Menesteū vō atene
0,10123 Vñ merionē dar mite
0,10124 Do hubē sich die vnsite
0,10125 Vnđ in vñ den vō troyge
0,10126 Ğ kvnic vō pafoyge
0,10127 Philemenis genant
0,10128 Quam vf menesteū gerant
0,10129 Mit siñ baniere
0,10130 Vñ stach im đ zene fiere
0,10131 Vz sinē mvnde
0,10132 Menesteus enkvnde
0,10133 Mit sterke noch mit witzē
0,10134 Dem stiche vor gesitzen
0,10135 Er vil in đ sere gewunt
0,10136 Die sine namē in zv stunt
0,10137 V̄ furtē in hin wec vnđ des
0,10138 Be geint in palimedes
0,10139 Im was sin vngemach leit
0,10140 Mit zorne er zv reit
0,10141 Er quam vnđ sie getriben
0,10142 Da ez e was bliben
0,10143 Da wart ez nv erhabē baz
0,10144 Da enwas nieman so laz
0,10145 So trege noch so swere
0,10146 Ğ da niht snel enwere
0,10147 Sturm slac stich stoz
0,10148 Schal geschreige ruf doz
0,10149 Vnd đ harte kvne man
0,10150 Ğ mit disen dingē kan
0,10151 Wol bewarē sine diet
0,10152 Polimedi er geriet
0,10153 Daz er die von troyge
0,10154 Vñ den vō pafagoie
0,10155 Brachte in harte grozze not
0,10156 Da kos manier đ tot
0,10157 Achilles vñ agomēnon
0,10158 Menelaus vñ thelamon
0,10159 Vnd ayax thelamonis son
0,10160 Vñ da mite merion
0,10161 Un her diomedes
0,10162 Vñ ouch palimedes

0,10163	Entsament zv strichē
0,10164	Die von troyge wichen
0,10165	Đ kvnic philemenis
0,10166	Troylus vñ paris
0,10167	Vñ ouch polidamas
0,10168	Vñ er eneas
0,10169	Vñ antenor
0,10170	Ez was wol schin daz hector
0,10171	In đ burc was blibē
0,10172	Sie hettē sie getribē
0,10173	Rechte an die porten
0,10174	Die baniere die sie vortē
0,10175	Lagē da zv houwē
0,10176	In đ burc die frouwē
0,10177	Schrigē begundē
0,10178	Vñ schrigtē alden stūden
0,10179	Ritter vñ knechte
0,10180	Sturm vñ fechte
0,10181	Was vor đ porten so groz
0,10182	Daz man die stat vf sloz
0,10183	Vñ warē so benotet
0,10184	Daz mit blute wart berotet
0,10185	Porte vnd mvre
0,10186	Do die schonfenture
0,10187	Aller grost was
0,10188	Do hilt polidamas
0,10189	Vñ troylus sin geferte
0,10190	Mit im beherte
0,10191	Daz die stat niet wart vñlorn
0,10192	Da enwas nie dehein torn
0,10193	Erker noch berfrit
0,10194	Noch dehein zinne da mit
0,10195	Man schuzze v̄ wurfe dar abe
0,10196	Vō đ frowē vngelazze
0,10197	Vō irme geschreige
0,10198	Vnd vō klage manigleige
0,10199	Vñ von irme vngelazze
0,10200	Vñ vō den v̄mazze
0,10201	Die vō in wart gestalt
0,10202	Wart hector erschalt
0,10203	Vñđ in allē
0,10204	Was sin blut enwallen
0,10205	Sin h̄ze zv drungē
0,10206	Enthaldē sie in niht enkvndē
0,10207	An ir aller danc
0,10208	So balde er vf daz ros spranc
0,10209	Daz sin fuz den stegereif
0,10210	An dem sprūge niht begreif

0,10211 Helm schilt sper sw̃t
 0,10212 Iegelich zv siñ stat wert
 0,10213 Fater mũt wip kint
 0,10214 Die mochtē wol wesē blint
 0,10215 Sie weintē so sere
 0,10216 Daz was im vnmere
 0,10217 Er ensprach niet wē ē reit hin
 0,10218 Daz was sin erste begin
 0,10219 Daz er einē schaft brach
 0,10220 Swen er an ð flucht sach
 0,10221 Vnð siner ritterschaft
 0,10222 Den sluc er wa er in traf
 0,10223 Vñ treip sie vz dem burg tor
 0,10224 Da vant er sines folkes vor
 0,10225 Ein ṽmazze erslagen
 0,10226 Do begunde er zv iagen
 0,10227 "Rvme la iustieren"
 0,10228 Bi zwein bi drin bie fierē
 0,10229 Volgetē die sine na
 0,10230 Sie entsubē alle wol da
 0,10231 Daz hector in dem strite reit
 0,10232 Er hette michel erbeit
 0,10233 Vf vñ nið in ð schare
 0,10234 Her sluc her vñ dare
 0,10235 So dicke vñ so lange
 0,10236 Daz vō sime getwange
 0,10237 Die crichē liden grozze not
 0,10238 Da bleip euripilus tot
 0,10239 Ð kvnic vō orkanie
 0,10240 Do hup sich geschrie
 0,10241 Vf ð zinnen
 0,10242 "There hei sie kerent hinnē"
 0,10243 Er were hinden oð vor
 0,10244 Sie wondē daz hector
 0,10245 In allē enden were
 0,10246 Waz wolt ir mere
 0,10247 In swelchē endē er was
 0,10248 Daz ir dehein da genas
 0,10249 Ir dehein getorste bitē
 0,10250 Sie gingen hin [vñ] ritē
 0,10251 So sere daz von siñ hant
 0,10252 Beide felt vñ sant
 0,10253 Wart mit totē erfolt
 0,10254 Sin zorn vñ sin vngedolt
 0,10255 Manigen den lip nam
 0,10256 Die crichē hetten polidamā
 0,10257 Vor ð burg gefangē
 0,10258 Ð hette da begangē

0,10259 Manic wūđ vnđ in
0,10260 Sie furtē in vaste mit in hin
0,10261 Polidamas solte vor đ stat
0,10262 Philemenē han berat
0,10263 Do er in berat hete
0,10264 Do geschach im vngerete
0,10265 Daz er gefangē wart
0,10266 Hector sach vf der fart
0,10267 Daz man in hine furte
0,10268 Balde er nach rurte
0,10269 Vñ quam im zv troste
0,10270 Diewile daz er in loste
0,10271 Vñ in polidamas gesach
0,10272 Leiđ im nie geschach
0,10273 Vil lieber ime were
0,10274 Daz er gefangē were
0,10275 Ođ blibē were tot
0,10276 Daz was ouch vmbe die not
0,10277 Die ir vor vñomē hat
0,10278 Er forhte sin wurde nīm rat
0,10279 Er dachte er mvste tot sin
0,10280 Da tet hector wol schin
0,10281 Daz er gut vnd lebē
0,10282 Vmbe sine truwe wolde gebē
0,10283 Durch đ troyerer heil
0,10284 Satzzet er sich in vrteil
0,10285 Mit so grozzē truwē
0,10286 Er mohte sie wol ruwē
0,10287 Ob er solde sin vñorn
0,10288 Die in zv hñren hettē erkorn
0,10289 Was sin lip feile
0,10290 Daz quam den zv vnheile
0,10291 Die sines leides wartē
0,10292 Swa sie zv kartē
0,10293 Zv itweder hant
0,10294 Mustē sie lazzē ein phant
0,10295 Lide lip vnd gut
0,10296 Biz er gekvlte sinē mvt
0,10297 Politetes ein furste
0,10298 Man saget daz er turste
0,10299 Comē wol zv creizze
0,10300 Đ quam ageleizze
0,10301 Mit zorne vñ mit vnsitē
0,10302 Vf hern hectorē geritē
0,10303 Daz er vñsuchte sine macht
0,10304 Als er zv quam geraht
0,10305 Hector enphinc dē iungelinc
0,10306 An sime houbet er anevinc

- 0,10307 Vn spilt in vf den satelbogē
 0,10308 Als er vf hette erzogē
 0,10309 Zv eime anđn slauge daz swt
 0,10310 Do viel ienre vnđ daz phert
 0,10311 Ğ slac ginc idoch vur sich
 0,10312 Der crichē ir iegelich
 0,10313 Gabē rum sime slage
 0,10314 Er were helt ođ zoge
 0,10315 Achilles merkete den slac
 0,10316 Da đ ħre vō tot lac
 0,10317 Politetes genant
 0,10318 Er sprach "ez ist ein vnsele hant
 0,10319 Die dich hat eruellet
 0,10320 Vn die diz wūđ stellet
 0,10321 Vf disme ringe
 0,10322 Ich wene er vbel gedinge
 0,10323 E er hinnē scheide
 0,10324 Ez wirt im zv leide
 0,10325 Mir ist leit din tot"
 0,10326 Daz tet achilli grozze not
 0,10327 Solde er behaldē han daz lebē
 0,10328 Er hette im sine swest gegebē
 0,10329 Die er im gelobet hete
 0,10330 Hector đ stete
 0,10331 Hilt vf dem ringe
 0,10332 Vn wolde dem iungelinge
 0,10333 Den halsbēg vz han gezogē
 0,10334 Vō kaukaso dem ħzogē
 0,10335 Diewile er zv zoch vnđ des
 0,10336 Quam her achilles
 0,10337 Achilles zv hector sprach
 0,10338 Do er dise vnzvcht sach
 0,10339 "Waz ist daz ir ane gat
 0,10340 Gelustet vch dirre sarewat
 0,10341 So keret her zv mir
 0,10342 Entwēđ ich ođ ir
 0,10343 Muz sie behalden
 0,10344 Got đ mvz es waldē
 0,10345 E ich hinnē scheide
 0,10346 Wir bliben hie beide
 0,10347 Entwēđ ir ođ ich
 0,10348 Dirre ħre ruwet mich"
 0,10349 Hector sprach "daz mvz wesē
 0,10350 Ich sol harte wol genesen
 0,10351 Wil mir got gnedic sin"
 0,10352 Achilles sprach "nv hute din"
 0,10353 Hector einē slac sluc
 0,10354 Achilles des niht vtruc

0,10355 Hector sluc aß dare
0,10356 Achilles nam des slages ware
0,10357 Hector mit dem drittē
0,10358 Spielt im den helm mittē
0,10359 Durch die hubē dar vnde
0,10360 Er sprach "hute dich die wūde
0,10361 Die dir an dem houbet ist
0,10362 Die git mir des todes frist"
0,10363 Daz was war er was gwunt
0,10364 Des karte er dānen alzv stunt
0,10365 Biz er die wūden gebant
0,10366 Do reit er wiß alzv hant
0,10367 Hector hup sich im engein
0,10368 Ir itweß dē anñ ane grein
0,10369 Als er in wolde bizzē
0,10370 "Was wilt du mir ŵwizzē"
0,10371 Sprach er achilles
0,10372 "Bin ich gewunt waz nv des
0,10373 Hat dir min wūde frist gegebē
0,10374 Machtu behaldē daz lebē
0,10375 So hilfet dich min wūde"
0,10376 In ð selbē stunde
0,10377 Hub er vnd sluc dare
0,10378 Hector was hantgare
0,10379 Vnd tet seineliche
0,10380 Vnd slugen sich gliche
0,10381 Vf vnd niß durch den rinc
0,10382 Ð ein des anñ slac enphinc
0,10383 Sie zogeten sich dar vñ here
0,10384 Als ein lewe vñ als ein bere
0,10385 Mit zorne vñ mit nide
0,10386 Da brunsete ir gesmide
0,10387 Vō dem fure daz dar vz spranc
0,10388 Ð sturm was also lanc
0,10389 Daz irme itweßme niß
0,10390 Beide hut vñ liß
0,10391 Vñ daz fleisch dar mite
0,10392 Beide vō slauge vñ vō snite
0,10393 Hangete vf die sarewat
0,10394 Rot wart ð zindat
0,10395 Ð da wiz solde sin
0,10396 Achilles tet daz schin
0,10397 Daz er der sterker was
0,10398 Er warf in vf daz gras
0,10399 Daz er aller zv drant
0,10400 Vñ quam vf in gerant
0,10401 Er sluc in vñ tratte
0,10402 Deheine wis er ime statte

0,10403 Daz er sich vf erhubē
0,10404 Sin ougē wurdē trube
0,10405 Sin nase begunde bleichē
0,10406 Daz was ein bit̃ zeichē
0,10407 Im enphilē die hende
0,10408 Hector nam sin ende
0,10409 Do er in ṽscheidē sach
0,10410 Achilles sṽs zv ime sprach
0,10411 “Got ḡ mvzze dich bewarē
0,10412 Din sele mvzze wol gefarē
0,10413 Du were in dime kṽne
0,10414 Trost ṽn wūne
0,10415 Dine frunt gemeine
0,10416 Groz ṽn kleine
0,10417 Arme ṽn riche
0,10418 Alle gemeine gliche
0,10419 Vať mvť wip kint
0,10420 Bruđ swest̃ ṽn die da sint
0,10421 Den du vor soldes sin
0,10422 Die en mṽgē den tot din
0,10423 Ṽwindē nim̃m me
0,10424 Ich wene ḡ werlde e zṽge
0,10425 E din geliche w̃de geborn
0,10426 Du hast dē lip hie ṽlorn
0,10427 Durch truwe ṽn durch ere
0,10428 Got gnade din im̃m mere”
0,10429 Da schrigetē die troyre
0,10430 Sie wurfē die baniere
0,10431 Vf die erdē
0,10432 Von leidē ṽnd von sw̃de
0,10433 Warē sie alle ṽzaget
0,10434 Achilles quam in nach geiaget
0,10435 Da wart erslagē ṽn ertrat
0,10436 Funf hundt vor ḡ stat
0,10437 Die er fielē alle
0,10438 Nach hectoris valle
0,10439 Daz lant sin schadē hete
0,10440 Diz grozze vngerete
0,10441 Ṽn anđ manic vngemach
0,10442 ḡ sint durch die schult geschach
0,10443 Wende hector was ervalt
0,10444 Die not die wart so manicfalt
0,10445 Daz ichz gesagē niht enkṽnde
0,10446 Ṽn hette ich zehen mṽnde
0,10447 Do hector tot was gelegē
0,10448 Do klagete manic ture degē
0,10449 Wēde ir h̃re tot lac
0,10450 Daz lant allez erschrac

0,10451 Dorf burg vñ stat
 0,10452 Siñ sele gutes bat
 0,10453 Vať mvter kint wip
 0,10454 Klagete allez sinē lip
 0,10455 Bruđ swest̃ nifteln nebē
 0,10456 Klagetē vm sin lebē
 0,10457 Frowe maget ritt̃ knecht
 0,10458 Klagetē alle daz vnrecht
 0,10459 Waz woltir mere
 0,10460 Beide burgere
 0,10461 Gebure vñ koufman
 0,10462 Lizzē sich daz claugē an
 0,10463 Vñ daz volc alle gemeine
 0,10464 Hettē die steine
 0,10465 Witze vnd sinne
 0,10466 Tvrn vnd zinne
 0,10467 Erker vñ berfrit
 0,10468 Vñ daz burctor damit
 0,10469 Obene vñ vnden
 0,10470 Vō dem fullemvde
 0,10471 Beide kalc vnd sant
 0,10472 Vō deme dache biz an die want
 0,10473 Kvndē sie sich vstan
 0,10474 Sie mochtē wol geklagent han
 0,10475 Durch hectoris vnheil
 0,10476 Nv bleip ir entsament dehein teil
 0,10477 Die troyrer do quamē
 0,10478 Hectorem sie namē
 0,10479 Zv đ stat sie in brachtē
 0,10480 Do sie dar nahtē
 0,10481 Do schrei daz volc vñ al
 0,10482 Vñ folgetē im vf den sal
 0,10483 Vnd als er niđ wart geleit
 0,10484 Do hup sich leit vñ leit
 0,10485 Man sach in zv howē
 0,10486 Des schrigetē die frowē
 0,10487 Vñ allez daz folc daz da was
 0,10488 "Owe leider eylas"
 0,10489 Sin vater đ fiel vf in
 0,10490 Ṽ sprach "ich enweiz waz ich bin
 0,10491 Du were min sele vñ mī sin
 0,10492 Min freude ṽ min gewin
 0,10493 Min riche min krone
 0,10494 Min milde min schone
 0,10495 Min truwe min ere"
 0,10496 Do schrigete er also sere
 0,10497 Daz er dannē gezogē wart
 0,10498 Als ein stein also hart

0,10499 Vnd als ein ys also kalt
 0,10500 Er was vz siñ gewalt
 0,10501 Bleich vñ missefare
 0,10502 Hette man sin niht ware
 0,10503 Genomē in kvrzer zit
 0,10504 Er hette sich zv tode erschrit
 0,10505 Do lief her paris
 0,10506 Ane sin zv glich̃ wis
 0,10507 Als ein tobenđ man
 0,10508 Den bliat dē er truc an
 0,10509 Zv reiz er biz an die hut
 0,10510 Sin geschrei was so lut
 0,10511 Daz mit sinē oren
 0,10512 Nieman gehoren
 0,10513 Mochte noch enkvnde
 0,10514 An đ selbē stunde
 0,10515 Quam er vf in gefallē
 0,10516 Er sprach waz hat vns allē
 0,10517 Got an dir gewizzē
 0,10518 Leiđ wir en wizen
 0,10519 Wie wir dich vurwindē
 0,10520 Vnđ mines vater kindē
 0,10521 Daz ir noch in libe ist
 0,10522 Nv du eine tot bist
 0,10523 Vns geschiet nimer mere
 0,10524 Gnade noch ere
 0,10525 Zv libe noch zv gute
 0,10526 In hectoris blute
 0,10527 Walgeter her vñ dare
 0,10528 Biz sin harte schone vare
 0,10529 Also sere wart ṽstalt
 0,10530 Daz in helena schalt
 0,10531 Vñ nam in mit đ hant
 0,10532 Ṽ leitte in dannē zv hant
 0,10533 Troylus quam zv gegā
 0,10534 “Waz han ich h̃re got getan
 0,10535 Wiđ dich” sprach er “eylas
 0,10536 Daz du mich sṽs gevntroset has
 0,10537 Daz du mir den bruđ min
 0,10538 Đ min h̃ze solde sin
 0,10539 Also fru genomē has
 0,10540 Vnd mir den lip las
 0,10541 Waz solde ich arm̃ geborn
 0,10542 Nv han ich den bruđ ṽlorn
 0,10543 Vñ dar zv min liebez wip
 0,10544 Waz sol mir nv mer đ lip”
 0,10545 Er kvste in alda er lac
 0,10546 Deiphebus des selbē pflac

0,10547 Also tet enead
 0,10548 Vñ ouch polidamas
 0,10549 v̄ antenor
 0,10550 "Owe liebe hector
 0,10551 Vō din eines falle
 0,10552 Sin wir v̄lorn alle"
 0,10553 Die kebes bruđ quamē dar
 0,10554 Mit eiñ grozzē schar
 0,10555 Sie wistē wi ge lazzē
 0,10556 Vor leide sie v̄gazzē
 0,10557 Wie sie sich v̄staltē
 0,10558 Zv den wendē sie sich haltē
 0,10559 Vñ zv den sulen
 0,10560 Schrigēde vnd hulen
 0,10561 Ir iegelich begonde
 0,10562 Mit gemeinē mvnde
 0,10563 V̄suchtē sie ir stimme
 0,10564 So lute vñ so grimme
 0,10565 Daz die stīme vñ die zvngē
 0,10566 Mit đ bibunge
 0,10567 Also sere vz doz
 0,10568 Daz in die q̄rquele wart groz
 0,10569 Vñ zv blies alle
 0,10570 Vō ruffē vñ vō schalle
 0,10571 Sin mvť frowe ecuba
 0,10572 Die hup ir klage da
 0,10573 Sie sprach "troia vñ ylion
 0,10574 Warē harte vngewon
 0,10575 Sus getań leide
 0,10576 Hie wus wilen heide
 0,10577 Gras vñ buschee
 0,10578 Ez ist anđ nehe
 0,10579 Daz sich hebet die zit
 0,10580 Da ir ane v̄lorn sit
 0,10581 Owe dirre ruwe
 0,10582 Vwer schone gebruwe
 0,10583 Wirt zv furt als ein wint
 0,10584 Owe hector liebez kint
 0,10585 Weinēt alle lute
 0,10586 Disen tot hute
 0,10587 Ir mvget alle wol klagē
 0,10588 Ir sit an den hostē tagē
 0,10589 Vñ an đ grosztē ere
 0,10590 Die vch geschit mere"
 0,10591 Vf die erdē sie saz
 0,10592 Irre clage sie niht v̄gaz
 0,10593 Die edel kvneginne
 0,10594 Ir wange vñ ir kinne

0,10595 Legete sie vf ir hant
 0,10596 Ir ougē sie bewant
 0,10597 Vñ begunde weinē
 0,10598 Wer sin h̄ze steinen
 0,10599 S̄w sie weinen sehe
 0,10600 Zv weinē im geschee
 0,10601 Adromacha sin schonez wip
 0,10602 Die hette irn reinē lip
 0,10603 Also sere gequalt
 0,10604 Sie hette deheine gewalt
 0,10605 An sinne noch an worte
 0,10606 Ir hangete ǃ borte
 0,10607 Vñ ǃ schone ciclatin
 0,10608 Vñ die cursne ǃ in
 0,10609 Zv brochē vñ zv rizzē
 0,10610 Vñ gar zv slizzen
 0,10611 Ir har v̄ ir gebēde
 0,10612 Zv brochē ir hende
 0,10613 Gar ane witze
 0,10614 Zv crūmen ir antlitze
 0,10615 Berūnen mit blute
 0,10616 Man hette ir grozze hute
 0,10617 Hette man des niht getan
 0,10618 Sie mvste den lip v̄lorn han
 0,10619 Sie was vil na von leidē
 0,10620 Tot vnd verscheidē
 0,10621 Vnǃ irn handen
 0,10622 Daz merrer teil wande
 0,10623 Daz sie tot were
 0,10624 So groz was ir swere
 0,10625 Zv sinem houbete saz helena
 0,10626 Vñ sin mvter ecuba
 0,10627 Vō helenē war da gehort
 0,10628 Halbe rede halbe wort
 0,10629 Als ez ir in den mvnt ǃ
 0,10630 Daz sufzen ez ir halp abe nam
 0,10631 Nach eiñ langē stunde
 0,10632 Quam ez ir vz dem mvnde
 0,10633 Me geschrieget dēne gesauget
 0,10634 Sie hette geweinet v̄ geclauget
 0,10635 Daz ir ougen v̄ ir mvnt
 0,10636 Gar vz sime rechtē stunt
 0,10637 Pollixena ǃ swest̄ ein
 0,10638 So lute schrei vñ grein
 0,10639 Daz aller ǃ palas
 0,10640 Vō irme ruffe vol was
 0,10641 Sie schrigtē alle gemeine
 0,10642 Groz vñ kleine

0,10643 Daz vō irme geschreige
0,10644 Ir stimme maniĝ leige
0,10645 Mit glichme lute wið schal
0,10646 Vf vnd nið in dem sal
0,10647 Als daz buch gesaget hat
0,10648 Sie zvgen im vz die sarwat
0,10649 V̄ wuschē mit wine
0,10650 Die gewūten lide sine
0,10651 Sie strichē wurze vñ krut
0,10652 An sin fleisch v̄ an sin hut
0,10653 Sie bestichē in allenthalbē
0,10654 Mit balsmē v̄ mit salbē
0,10655 An den selbē stundē
0,10656 Den h̄ren sie bewūden
0,10657 In einē turen blialt
0,10658 Mit bortē harte wol bestalt
0,10659 Mit golde vñ mit gesteine
0,10660 Schone vñ reine
0,10661 E man in ouch bestette
0,10662 Vf ein edel spanbette
0,10663 Wart h̄ hector geleit
0,10664 Da was ein phellel vf gebreit
0,10665 Gut vnd lobesam
0,10666 Als ez do wol gezam
0,10667 Da was daz golt ane erhabē
0,10668 Mit guldinē buchstaben
0,10669 Dar in geworcht v̄ genat
0,10670 Swaz plato gscribē hat
0,10671 Sine kvnst vñ sine list
0,10672 Die zv paris genge ist
0,10673 Me dēne anderswa
0,10674 Daz ist dialetica
0,10675 So gut was sin geworhte
0,10676 Spreche ich ez ich vorhte
0,10677 Daz ez gelogē were
0,10678 Waz sol es nv mere
0,10679 Er was vzzer mazzē gut
0,10680 Daz buch mir kvnt tut
0,10681 Die kerzē die da warē
0,10682 Ge setzet vm die bare
0,10683 Warē vō grozz ziere
0,10684 Dar quamē die troyre
0,10685 Vzzer stat die bestē
0,10686 Die kvndē vñ westen
0,10687 An buchē vn an phafheit
0,10688 List vnd wisheit
0,10689 Die hubē irn sanc an
0,10690 Da schrigete wip v̄ man

0,10691 Durch dē iemerlichē sanc
 0,10692 Ð in vz dem mvnde clanc
 0,10693 Ir iegelich sanc v̄ las
 0,10694 Biz die nach ergangē was
 0,10695 Do die nacht do erginc
 0,10696 Agomēnon zv rate ginc
 0,10697 Des morgens vil fru
 0,10698 Vnd nam die fürstē dar zv
 0,10699 Er sprach “v̄nemet gliche
 0,10700 Arme vnd riche
 0,10701 Vnd sehet mit welchʳ wise
 0,10702 Wir gelonē parise
 0,10703 Daz er frouwē henenā
 0,10704 Zv crichē mit gewalt nam
 0,10705 Sie hant v̄lorn den man
 0,10706 Den ir dehein v̄windē kan
 0,10707 Nv hector ist eruallen
 0,10708 Daz lazzet vch liep allen
 0,10709 Vns wirt burg v̄ lant
 0,10710 Des dancket alle siñ hant
 0,10711 Ð vns daz liep getan hat
 0,10712 Vnš not wirt nv gut rat
 0,10713 Achilles sere gewunt ist
 0,10714 Mir mvzzē habē eine frist
 0,10715 Vnd friede vñ tac
 0,10716 Zwene mande ob ez sin mac
 0,10717 Biz er w̄de gesunt”
 0,10718 Sie santē botē zv stunt
 0,10719 In fride gegebē wart
 0,10720 Als ir itzvnt sit gelart
 0,10721 Waz sol vmbe rede me
 0,10722 Sie begrubē ir totē als e
 0,10723 Als ich daz buch horē saugē
 0,10724 Rechte in funfzehē taugē
 0,10725 Priamvs sich v̄san
 0,10726 Vnd anđ sine rat man
 0,10727 Ð er zv rate was gewō
 0,10728 Wie er mochte sinē son
 0,10729 Begrabē mit eren
 0,10730 Sie begūden in lerē
 0,10731 V̄ ratē als er bat
 0,10732 Da was ein porte in đ stat
 0,10733 Die da hiez tymbree
 0,10734 Die stūt rechte gegē dem se
 0,10735 Da hette bi ein bethus
 0,10736 Ein got đ hiez phebus
 0,10737 Schone vnd riche
 0,10738 Da rietē sie alle gliche

0,10739 Daz man in da leite
 0,10740 Die stat was vngereite
 0,10741 Da er ligē solde
 0,10742 Vō silber v̄ vō golde
 0,10743 V̄ vō edelme gesteine
 0,10744 Ein grap harte reine
 0,10745 Dem bethuse nahē bi
 0,10746 Worhtē stein metzen dri
 0,10747 Ein gewelbe so getan
 0,10748 Solde man ez gelonet han
 0,10749 So was ez also schone
 0,10750 Man hette in zv lone
 0,10751 Vō rechte gegebē
 0,10752 Im̃ riche v̄ im̃ leben
 0,10753 Vier sule stūdē dar vnde
 0,10754 An dem fullemvnde
 0,10755 Was đ sule iegelich
 0,10756 Eime lewen glich
 0,10757 Da was in geworht daz golt
 0,10758 Sie warē harte wol iruolt
 0,10759 Mit gutme gesteine
 0,10760 Mittē niht zv kleine
 0,10761 Beide vndē v̄ obe
 0,10762 Zv prise v̄ zv lobe
 0,10763 Da was wūđ an gegrabē
 0,10764 Geschribē ouch mit buchstabē
 0,10765 Swaz ie mochte wden
 0,10766 In wazzer vnd in erdē
 0,10767 Vō fischen von tyerē
 0,10768 Vf den sulē fieren
 0,10769 Daz gewelbe so schone stūt
 0,10770 Daz ouge noch mvnt
 0,10771 Nie sulches niet gesach
 0,10772 Đ mvt nie sulches niet gesp^ach
 0,10773 Zwo svle warē rubine
 0,10774 Zwo almetine
 0,10775 An dem gewelbe was sulch pris
 0,10776 Ez enwart nie man so wis
 0,10777 Swer ez gesehe
 0,10778 Đ wande vnd iehe
 0,10779 Daz ez ein paradise
 0,10780 In aller hande wise
 0,10781 Daz ie ich gwar wart
 0,10782 Was sin kraft v̄ sin art
 0,10783 Grune rot wiz gra
 0,10784 Daz was allez sam da
 0,10785 Daz geworchte was so riche
 0,10786 Vf dem esteriche

0,10787 Was ein lûz stein geleit
 0,10788 Zv mazze lanc zv mazze breit
 0,10789 Als ein sark solde sin
 0,10790 Schone als ein s̄nen schin
 0,10791 Da leiget mā in in
 0,10792 Als ich gelart bin
 0,10793 Daz ich die rede kvrze
 0,10794 Sie legetē dar wurze
 0,10795 Also maniĝ hande
 0,10796 Als sie in dem lande
 0,10797 Fundē die besten
 0,10798 Vnd gut westē
 0,10799 Sie legetē bi in ein sw̄t
 0,10800 Daz was maniĝ marke w̄t
 0,10801 Waz wolt ir mere
 0,10802 Da was grozze ere
 0,10803 Fruwe vnd spete
 0,10804 Ob er den geist hete
 0,10805 Da wer ein paradise
 0,10806 Man dorfte da niht d̄ spise
 0,10807 Svlich was d̄ wurze smac
 0,10808 Daz gesteine gap den tac
 0,10809 Gliche d̄ svnnen
 0,10810 Fier kerzen da brūnen
 0,10811 Zwo zv den fuzzē
 0,10812 So wir sage mvzzē
 0,10813 Zv dem houbete zwo
 0,10814 Mit listē gemachet so
 0,10815 Diewile sie da stundē
 0,10816 Vurleschē sie niht enkvndē
 0,10817 Da stūt vmbe daz grap
 0,10818 Vō golde manic buchstap
 0,10819 Mit kvrtzer rede tvn ich kvnt
 0,10820 Waz da gescribē stunt
 0,10821 "Vō troyge vō ylion
 0,10822 Des kvniges p̄amus son
 0,10823 D̄ starke hector hie lit
 0,10824 Ez enwart bi siñ zit
 0,10825 Nie kvner man geborn
 0,10826 Des hat er den lip v̄lorn
 0,10827 Ouch ist vō siñ hant
 0,10828 Manic kvnic vō crichē lant
 0,10829 Hie zv troyge tot blibē"
 0,10830 D̄ namē warē da gescribē
 0,10831 Als hector was bestat
 0,10832 Sie kartē wiđ in die stat
 0,10833 Mit ruwē vñ mit swere
 0,10834 Mit so getanē geberē

0,10835 Die dar zv gehortē
 0,10836 Mit leidigē worten
 0,10837 Sie geswigē nie in dem tage
 0,10838 Sie weren alz in ǃ klauge
 0,10839 Sie staltē manic wund
 0,10840 Sament vñ besvñd
 0,10841 Grozze vmmazze
 0,10842 An geschreige v̄ an gelazze
 0,10843 Noch me dēne da vor
 0,10844 In was allez hector
 0,10845 In mvte v̄ in mvnde
 0,10846 Sie hetten swere stunde
 0,10847 Vñd den crichē vñd des
 0,10848 Claugete polidames
 0,10849 Daz agomēnon were
 0,10850 Zv lange ir richtere
 0,10851 “Er enhat die manheit
 0,10852 Noch sterke noch wisheit
 0,10853 Vñ ist dar zv niht geborn
 0,10854 Daz er zv herren si erkorn
 0,10855 Vber so manigē wisen man
 0,10856 Er entar noch enkan
 0,10857 Noch enmac mit erē
 0,10858 Gewisen noch geleren
 0,10859 Eine so kreftige diet
 0,10860 Ich wil sin zv h̄ren niet
 0,10861 Sint hector tot lit
 0,10862 Wersinnet vch nv des ist zit
 0,10863 Diz lant daz ist gwūnen
 0,10864 Ob wir vns kvnnē
 0,10865 Dar vmbe v̄einen
 0,10866 Daz wir kiesen einē
 0,10867 ǃ vns nv leite
 0,10868 Vñ wol bereite
 0,10869 Mit witzen v̄ mit sinnē
 0,10870 Ich wil kere hinnen
 0,10871 Ez ensi daz mir w̄de
 0,10872 Ein h̄re zv guten v̄de”
 0,10873 Den die rede ane ginc
 0,10874 Agomēnō ez enphinc
 0,10875 So gezogenliche
 0,10876 Daz dehein sin gliche
 0,10877 Daz baz enphangē hete
 0,10878 Er sprach “v̄ ands tetei
 0,10879 Wen als ir gesprochē hat
 0,10880 Der enhette es niht minē rat
 0,10881 Vw̄n rat han ich ḡne
 0,10882 Biz ich baz gelerne

0,10883 So rate ich harte ġne baz
 0,10884 Ir svlt idoch wizzē daz
 0,10885 Daz ich zv richt̃ was genomē
 0,10886 Daz ist vō freuel niht komē
 0,10887 Ich enhan es gefure noch gewin
 0,10888 Daz ich richt̃ bin
 0,10889 Des han ich michel erbeit
 0,10890 Daz ist mir hute vñ imm̃ leit
 0,10891 Daz ich dar zv erwelt wart
 0,10892 En were dise ħuart
 0,10893 Durch minē bruđ niht geschen
 0,10894 Ir soltet daz han gesehen
 0,10895 Ich enhette es mich niht vđ wūdē
 0,10896 Hat ir den fundē
 0,10897 Der dar zv gut ist
 0,10898 An der kvnst v̄ an đ list
 0,10899 An tugēden v̄ an ere
 0,10900 Den nemet zv richtere
 0,10901 Sehet ŵ vch geualle
 0,10902 Dunket ez vch gut alle
 0,10903 Đ vch disen rat git
 0,10904 Đ kan harte wol da mit
 0,10905 Palimedes đ ist wis
 0,10906 Eine wis v̄ and̃ wis
 0,10907 Đ ist vil gut dar zv
 0,10908 Ich wene erz ouch ġne tu”
 0,10909 Dirre rat đ geschach
 0,10910 Als agomēnō vor sprach
 0,10911 Palimedes wart erkorn
 0,10912 Daz was achilli vil zorn
 0,10913 Swie zorne ez ime were
 0,10914 Doch bleip er richtere
 0,10915 Palimedes sich zv han
 0,10916 Sines gericht̃es vñđwant
 0,10917 Do was đ fride ouch vz gegān
 0,10918 Đ zv einem mande was getān
 0,10919 Pīamvs in đ stat
 0,10920 Sine ritterschaft bat
 0,10921 Mit grozz flehe
 0,10922 Daz ir igelich sehe
 0,10923 Wie wol er were gereit
 0,10924 Zv rechene sines svnes leit
 0,10925 “Ich bit es vch imm̃ mere
 0,10926 Durch truwe v̄ durch ere
 0,10927 V̄ durch minē willē
 0,10928 Sŵ mir achillē
 0,10929 Von dem libe tete
 0,10930 Mines riches er hete

0,10931 Also vil so er wolde
0,10932 Vō silb vñ vō golde
0,10933 Muste er immer riche sin
0,10934 Kyne helde lazzet schin
0,10935 W̃de ob er vch ruwe
0,10936 So leistet im truwe
0,10937 Des sol doch w̃den gut rat
0,10938 Ist daz ir truwe hat
0,10939 Also ist hector belegē
0,10940 Hie ist so manic gut degē
0,10941 Wir svln vns harte wol erwerē
0,10942 Ṽ vnser lant wol generē
0,10943 Ṽ die festē dar mite
0,10944 Tut ot des ich vch bite”
0,10945 Die rede in wol behaugete
0,10946 Ir iegelich sagete
0,10947 Wie gerne er tete
0,10948 Swes er sie bete
0,10949 Beide in ernste ṽ in spot
0,10950 Woldē sie sin gebot
0,10951 Tun vnd leistē
0,10952 Zvm mistē ṽ zvm meistē
0,10953 Do đ tac vf ginc
0,10954 Ṽ die werlt die licht enphinc
0,10955 Vō đ clarē svnnen
0,10956 Do hettē sie begūnē
0,10957 Irre alden reite
0,10958 Die h̃ren geleitte
0,10959 Hectoris bruđ deiphebus
0,10960 Dem folgete troylus
0,10961 Paris vñ eneas
0,10962 Vñ ouch polidamas
0,10963 Daz folc sich scharte
0,10964 P̃amus sie bewarte
0,10965 Vō ende zv ende
0,10966 Der vz dem ellende
0,10967 Nam h̃ palimedes war
0,10968 Vf vñ niđ in đ schar
0,10969 Er nam siz harte sere an
0,10970 Wēne er es vō erstē began
0,10971 Daz er sie wol berichte
0,10972 Sie ritē zv samne in richte
0,10973 Beiđsit als e
0,10974 Waz sol vmbe rede me
0,10975 Da wart lip gegē libe gegebē
0,10976 Beide tot ṽ lebē
0,10977 Vurē an einer strazze
0,10978 Mit grozđ vmmazze

0,10979 Also gar gliche
 0,10980 Als ir iegeliche
 0,10981 Dem anđn glich ist
 0,10982 Ð hie des libes hette frist
 0,10983 Ð lac anđsit tot
 0,10984 Ð hie was in sulch not
 0,10985 Daz er na tot was
 0,10986 Harte kvme er genas
 0,10987 Sus getan gewbe
 0,10988 Ist all der erbe
 0,10989 Die gne in strite sint
 0,10990 Ir sehet wol wi đ starke wint
 0,10991 Die feđn vmbe tribet
 0,10992 So sie nirgē blibet
 0,10993 Weđ verre noch na
 0,10994 Itzunt hie v itzūt da
 0,10995 In allē stetē meren
 0,10996 Also geschach dē troyrē
 0,10997 Do sie wondē tot wesen
 0,10998 Des tages warē sie genesē
 0,10999 V begingē grozzē pris
 0,11000 Troylus vñ paris
 0,11001 Vnd anđ ir gesinde
 0,11002 Des gliche ich sie dem winde
 0,11003 Zv glucke vñ ouch zv heile
 0,11004 Ist đ ritter veile
 0,11005 Zv ṽlust ṽ zv gwine
 0,11006 Iene vō dar inne
 0,11007 Tatenz wol an dem tage
 0,11008 Beide zv stiche ṽ zv slage
 0,11009 Vō lizelant quā zv gerant
 0,11010 Ein kvnic sarpedō genant
 0,11011 Neptolom⁹ quā im engein
 0,11012 Do hup sich vō in zwein
 0,11013 Groz vngeūte
 0,11014 Sie slugē slege h̃te
 0,11015 Swaz ir s̃wt ie fant
 0,11016 Bukeln ođ schildes rant
 0,11017 Daz lac da zv schrotē
 0,11018 Sarpedō was in notē
 0,11019 Sin gedinge were kranc da
 0,11020 Wen đ vō persia
 0,11021 Ð quam ṽđ sie geflogē
 0,11022 Mit philē ṽ mit bogē
 0,11023 Treip er die crichē hiđwert
 0,11024 Menelaus ructe sin s̃wt
 0,11025 Vñ ayax thelamonis son

0,11026 Vn sin vater thelamō
0,11027 Vn manic furste vō vß mer
0,11028 V berinctē mit irme her
0,11029 Den kvnic da vō psia lande
0,11030 Vn als ð ĩre wande
0,11031 Daz er helfe hete
0,11032 Do geschach im vngerete
0,11033 Daz er dar nið wat getrat
0,11034 Des bleip er vf ð walstat tot
0,11035 Wol vō tusent wūdē
0,11036 Do wart ouch siñ fundē
0,11037 Vzer mazzen file erslagē
0,11038 Die man sere mocht clagē
0,11039 Do hup sich daz alde leit
0,11040 Pīamus da reit
0,11041 Eime helde gliche
0,11042 Er hette ouch sin riche
0,11043 Vlorn an deme tage
0,11044 Wen daz er mit stiche v mit slage
0,11045 Daz mēlichen wte
0,11046 Vnd vil wol behte
0,11047 Als ez quam zv ð wesper zit
0,11048 Sstarker helde beidersit
0,11049 Lac da also vil tot
0,11050 Daz in friedes was not
0,11051 Biz man sie begrube
0,11052 E sie ez aß erhubē
0,11053 Daz sie an dem andn tage
0,11054 Fruwe aber soldē dar zage
0,11055 Do wart geworbē vm den fride
0,11056 Zv begrabēne ir totē v ir lide
0,11057 Zv heilende ir wūdē
0,11058 Die ez gwbē kvndē
0,11059 Die wurdē vm den fride gesant
0,11060 Dē gaben die vō crichē lant
0,11061 Als sie gebeten waren
0,11062 Ich enweiz zv wie manigē iarē
0,11063 Oð manē oð tage
0,11064 V war ich vch des niet ensage
0,11065 Wen ich vant es niet gscribē
0,11066 Des sit irs vnbericht blibē
0,11067 Wen daz ich daz bin gelart
0,11068 Daz er lange gegebē wart
0,11069 Waz sol vmbe rede me
0,11070 Sie tatē den totē als e
0,11071 Sie wurdē harte wol bestat
0,11072 Vf dem felde v in dstat
0,11073 Priamus von ylion

- 0,11074 Klugete daz mēnon
0,11075 Ð kvnic da vō persia
0,11076 Sinē lip hette vlorn da
0,11077 Sie warē truric alle
0,11078 Vō des ĥren fälle
0,11079 Paris den rat fant
0,11080 Daz man in furte in sin lant
0,11081 Vñ begrube in nach sime rechte
0,11082 Vnđ sin geslechte
0,11083 Sine frunt tatē
0,11084 Als da was geratē
0,11085 Sie furten in zv lande
0,11086 In phellinē gewande
0,11087 Mit wurzen bewūdē
0,11088 So sie best kvndē
0,11089 Beide wurze v̄ gewant
0,11090 Do sie in brachtē in ir lant
0,11091 Sine frunt in begingē
0,11092 Mit so getanē dingē
0,11093 Als man frunt tun sol
0,11094 Er wart begangē harte wol
0,11095 Zv troyge in đ geburde
0,11096 Wart do so groz turde
0,11097 V̄ so groz hunġ not
0,11098 Daz man ein vil kleines brot
0,11099 Koufte vm einē bisant
0,11100 Dicke man ez niht veil fant
0,11101 Palimedes do gerīt
0,11102 Des enweiz ich niet
0,11103 Ob erz durch gut tete
0,11104 Ez was doch sin gerete
0,11105 Daz agomēnō wart gesant
0,11106 Vz in ein anđ lant
0,11107 Vmbe fuť vñ vmbe spise
0,11108 Agomēnō đ wise
0,11109 Wiđ đ rede niet entsprach
0,11110 Daz sines bruđs vngemach
0,11111 Wurde gerochen deste baz
0,11112 Mit sime folke er vf saz
0,11113 Vñ reit gein thesidas
0,11114 Da theseus ĥre was
0,11115 Daz was ein harte riche lant
0,11116 Agomēnō dar inne fant
0,11117 Vnd mit im die sine
0,11118 Vō korne vñ vō wine
0,11119 Als er gewüşchet hete
0,11120 Man saget daz er bete
0,11121 Teseum durch frütschaft

0,11122 Daz er vor troyge ð rittſchaft
 0,11123 Mit spise zv statē stunde
 0,11124 Er klage man envūde
 0,11125 Da korn noch win
 0,11126 Theseus sprach “daz sol sin
 0,11127 Ich tun ez ġne durch dich”
 0,11128 Agomēnō warnete sich
 0,11129 Mit spise eine mazze
 0,11130 Vñ hup sich an die strazze
 0,11131 Zv dem her er wið karte
 0,11132 Man frewete sich da harte
 0,11133 Wander was wið kvmē
 0,11134 Mit geuore v̄ mit frumē
 0,11135 Als daz iar do erginc
 0,11136 Her pⁱamus beginc
 0,11137 Hectoris iar zit
 0,11138 Als ir vor berichtet sit
 0,11139 Vzzewendic ð stat
 0,11140 Alda er begrabē lac
 0,11141 Dar quā sin geslechte
 0,11142 Zv eren v̄ zv rechte
 0,11143 Den ħren sie begingē
 0,11144 Mit so getanē dingē
 0,11145 Ð man in dē gezitē phlac
 0,11146 Ez was ein harte schone tac
 0,11147 An daz eine
 0,11148 Daz sie alle gemeine
 0,11149 Hettē ruwe vñ klauge
 0,11150 Ez enwart nie tac dem tage
 0,11151 Glich an ð schonheit
 0,11152 Her achilles dar reit
 0,11153 Diewile ð fride werte
 0,11154 Des er da ġte
 0,11155 Daz wart im vnsanfte da
 0,11156 Als ir wol gehort ħna
 0,11157 Er quam dar durch schouwē
 0,11158 Do gesach er vnð den frouwē
 0,11159 Pⁱamis tochter polixenā
 0,11160 Die selbe maget im nam
 0,11161 Daz beste daz er hete
 0,11162 Sterke vnd stete
 0,11163 Im half mānes ħze niet
 0,11164 Sint er dar ane geriet
 0,11165 Daz in des duchte
 0,11166 Daz ir varwe lvchte
 0,11167 Gliche wol ð s̄vnen
 0,11168 Im was gar entrūnē
 0,11169 Ð tugēde ð er ie gwan

0,11170 Vnz dar was er gewesē ein man
 0,11171 Do zv ginc im ḏ manheit
 0,11172 Er bleip in ein cranheit
 0,11173 Durch polixenē mīne
 0,11174 Vzzē vñ innē
 0,11175 Was er aller vurkart
 0,11176 Er sprach "owe daz ich ie wart
 0,11177 Ich mac mich harte wol schamē
 0,11178 Daz mir durch eines wibes namē
 0,11179 Mannes hīze ist engan
 0,11180 Ich forchte ich mvzze dē namē han
 0,11181 Daz ich heizze ein wibe tore
 0,11182 Ez engesach nie ouge noch ore
 0,11183 Daz wūḏ nie gehorte
 0,11184 Ioch en quam nie mit worte
 0,11185 Vz menschē mvnde
 0,11186 Waz mir an dirre stunde
 0,11187 Vō mīnen ist wordē kvnt
 0,11188 Min ore min ouge min mvt
 0,11189 V̄ daz man vbet mit disē drin
 0,11190 Daz ist trifaldic sin
 0,11191 Sprechē horē vnd sehē
 0,11192 Daz ist v̄lorn des mvz ich iehē
 0,11193 Daz min mvt nie gesprach
 0,11194 Noch min ouge nie gesach
 0,11195 Noch min ore nie v̄nam
 0,11196 V̄ in minē mvt nie quam
 0,11197 Daz ist in honewis mir komē
 0,11198 V̄ hat mir selb mich benomē
 0,11199 V̄ eime anḏn gegeben
 0,11200 Swie sere ich dar ane strebē
 0,11201 Daz ich wiḏ w̄de min
 0,11202 So mvz ich doch ḏ frowē sin
 0,11203 Die min deheine achte hat
 0,11204 An daz eine min wurde rat
 0,11205 Daz irn bruḏ han erslaugē
 0,11206 Deste mer mvz ich nv v̄traugē
 0,11207 Des ich do zv kvne was
 0,11208 Owe leider elas
 0,11209 Mir were also mere
 0,11210 Daz ich narcissvs were
 0,11211 Ḑ harte schone iūgelinc
 0,11212 Ḑ v̄b einē brūnē ginc
 0,11213 V̄ sine schone dar inne sach
 0,11214 V̄ wider in sprach
 0,11215 Er wonde ein wip ersehē han
 0,11216 Vffe gnade v̄ vffe wan
 0,11217 Vf dem brūnē er lac

- 0,11218 Einē sv̄mlangē tac
 0,11219 Vn̄ flehete vn̄ bat
 0,11220 Vnz er an ǃ selbē stat
 0,11221 Vō swere v̄ vō leidē
 0,11222 Muste vurscheidē
 0,11223 Ich wolde e habē den tot
 0,11224 Denne an dem libe sulche not
 0,11225 Wer alle diese werlt an mich gewāt
 0,11226 Vnd lute vnd lant
 0,11227 Die sterke vō samsone
 0,11228 Die schone vō absolone
 0,11229 V̄ salomonis wisheit
 0,11230 Vn̄ dirre werlde richeit
 0,11231 An silb̄ vn̄ an golde
 0,11232 Vmbe mīne ich ez gebē wolde
 0,11233 Ich phlac zv schudigene die mā
 0,11234 Die sich daz gemach liezzē an
 0,11235 Daz sie mit wibē ġne warē
 0,11236 Solde ich biz zv tusement iarē
 0,11237 Leben vn̄ dannoch vort
 0,11238 Mich soldē ruwe die wort
 0,11239 Daz ich sie ie gesprach
 0,11240 So ġne hette ich svlch gemach
 0,11241 Ich were eime wibe so vn̄dtan
 0,11242 Wolde sie mich da heime lan
 0,11243 Ich blibe zv den zitē
 0,11244 Hiezze sie mich vz ritē
 0,11245 Ich were gereit vnd rite
 0,11246 Ich folgete ir alles des mite
 0,11247 Swaz sie gebute ođ bete
 0,11248 Swaz sie ioch mit mir tete
 0,11249 Daz wer mir allez liep
 0,11250 Wa nv bote vn̄ briep”
 0,11251 Do rief er eime knappē dare
 0,11252 Vnd enblozzete im gare
 0,11253 Sin leit vn̄ sine swere
 0,11254 Wie deme dinge were
 0,11255 Er sprach “v̄nim daz ich dir sage
 0,11256 Mine not vn̄ min klage
 0,11257 V̄ hilf mir dar zv stillē
 0,11258 Im̄ durch minē willē
 0,11259 Ich mvz dir im̄ wesē holt
 0,11260 Daz hastu harte wol v̄scholt
 0,11261 Du were mir ie heimelich
 0,11262 So dir got nv sich
 0,11263 Wie ich mine wise ane geua
 0,11264 Mir enw̄de polixena
 0,11265 Da horet and̄s niht zv

0,11266 Wen daz ich mir den tot tu
0,11267 Nv kere hine wec balde
0,11268 Daz ich den lip behalde
0,11269 Als liep als ich dir bin
0,11270 Rit hin zv troige in
0,11271 V̄ sage đ kvneginne
0,11272 Đ tochter ich da minne
0,11273 Minē dinst imm̃ mere
0,11274 Ich klage ez harte sere
0,11275 V̄ wil ez immer m̃ klagē
0,11276 Daz ich hectorēm han erslaugē
0,11277 Des sten ich ir zv buzze
0,11278 Sie tu mit mir die suzze
0,11279 Zv gnadē vñ zv rechte
0,11280 Als mit irme knechte
0,11281 Sie mac mich heizzē ob sie wil
0,11282 Vō đ swartē vnz an daz swil
0,11283 Zv houwē vñ zv snidē
0,11284 Daz wil ich ġne lidē
0,11285 Doch daz ich blibe
0,11286 Lange in disme libe
0,11287 Daz sol ir wesen harte gut
0,11288 Ob sie mine bete tut
0,11289 Wil sie mir ir tocht̃ gebē
0,11290 So wil ich dar ane strebē
0,11291 Daz sie behaldē ir lant
0,11292 So hant sie sie wol bewant
0,11293 Ich fure sie zv lande
0,11294 Vnd zire sie mit gewande
0,11295 Mit golde v̄ mit gesteine
0,11296 Ich giebe ir mine gemeine
0,11297 V̄ allez daz ich ie gwan
0,11298 Vñ swaz ich geleistē kan
0,11299 V̄ wil sie habē zv eiñ e
0,11300 Ich enweiz waz ir saugē me
0,11301 Wirbez so du best kans
0,11302 V̄ als du mir gutes gans
0,11303 Vñ ob du vor đ mṽt macht
0,11304 So sage đ tocht̃ gute nacht
0,11305 V̄ minē dinst dar mite
0,11306 Vnd laz sie wizzē wes ich bite
0,11307 Lichte hilfet min bete”
0,11308 Đ bote leiste vñ tete
0,11309 Als er gebot v̄ bat
0,11310 Er reit hin in die stat
0,11311 Vngeworbē er niht enliez
0,11312 Alles des in sin h̃re hiez
0,11313 Von worte zv worte

- 0,11314 Swaz dar zv gehorte
 0,11315 Er warp sine mere
 0,11316 Baz denne er were
 0,11317 Vō hern achillē gelart
 0,11318 Als da geworbē wart
 0,11319 Daz da zv w̃bene gescah
 0,11320 Die kvnegīne ecuba sprach
 0,11321 “Daz ir hie geworbē hat
 0,11322 Des wil ich ġne svchē rat
 0,11323 An minem māne vurbaz
 0,11324 Ir wizzet selbe wol daz
 0,11325 Daz ez vbel gezeme
 0,11326 Daz ich mich an neme
 0,11327 Ein sulich dinc
 0,11328 Keret hin wiđ iūgelinc
 0,11329 Vñ saget hern achille
 0,11330 Daz mir sin wille
 0,11331 Vñ sin bete wol behage
 0,11332 An dem drittē tage
 0,11333 Kvmet ṽ horet mine wort
 0,11334 Vnz danne han ich erhort
 0,11335 Wes ich antwortē mag”
 0,11336 Alsoschiere im đ tac
 0,11337 Vō ir gegebē wart
 0,11338 Đ knappe hup sich an die vart
 0,11339 Ṽ tet dit sime ħrē kvnt
 0,11340 Do achilles die rede ṽstūt
 0,11341 Daz im tac was gegebē
 0,11342 Đ zwiuel ginc im an daz lebē
 0,11343 Die vorchte im vndwilē brachte
 0,11344 Daz er im leide gedachte
 0,11345 Als dāne die hoffenṽge nach q̃
 0,11346 Vnd im die angest abe nam
 0,11347 So vil er wiđ ī daz leit
 0,11348 Dise zwifaltickeit
 0,11349 Wiste in hin ṽ dare
 0,11350 Des wart đ ħre misseuare
 0,11351 Fru vnd spete
 0,11352 Die zeichē er alle hete
 0,11353 An libe vñ an swere
 0,11354 Die đ minere
 0,11355 An siñ not zv habēde phlit
 0,11356 Zv hant bi đ selbē zit
 0,11357 Daz er qual an mīne
 0,11358 Ṽsuchte die kvneginne
 0,11359 Ecuba an priamo
 0,11360 Ob er des were fro
 0,11361 Ođ ez im leit were

0,11362 Daz achilles ð gewere
0,11363 Hette botē zv ir gesant
0,11364 V̄ bute burge v̄ lant
0,11365 V̄ silb̄ mit dem golde
0,11366 Ob man im gebē wolde
0,11367 Sine tochter polixenā
0,11368 Pīamvs des vn̄ð quam
0,11369 An alme sime libe
0,11370 Er sprach zv sime wibe
0,11371 “Min fleisch vn̄ mi gebein
0,11372 W̄de zv eime steine
0,11373 E danne daz gesche
0,11374 Frowe en redet ez niht me
0,11375 Also liep als ich vch si
0,11376 Wēne hette er ð richtume dri
0,11377 Ð er nv einē hat
0,11378 Ez geschee an minē rat
0,11379 Wen als ich bescheide
0,11380 Lazze ich vō dem leide
0,11381 Daz er mir hat getan
0,11382 So wil ich gewisheit han
0,11383 Daz er gemache
0,11384 Ich enruche mit welch̄ sache
0,11385 Daz ich mit fride blibe
0,11386 Ich gibe im zv wibe
0,11387 Mine tochter an sulch gedinge
0,11388 Daz er ez dar zv bringe
0,11389 Daz diz folc hinnē kere
0,11390 Vurliese ich lant v̄ ere
0,11391 So uelise ich die tocht̄ dar zv
0,11392 Des ist bezzer daz ich tu
0,11393 Mines schadē ein teil
0,11394 Den ich an ein vnheil
0,11395 Valle zwirnt also groz
0,11396 Er enist niht min genoz
0,11397 Noch mir gliche geborn
0,11398 E min lant si v̄lorn
0,11399 Vnd min ere zvr sliffe
0,11400 So ist bez̄z daz ich griffe
0,11401 An eine nider geburt”
0,11402 Diewile ecuba sine wurt
0,11403 V̄ sinē willē v̄nam
0,11404 Hern achillis bote quam
0,11405 Als er gebetē was
0,11406 V̄ als er vf daz palas
0,11407 Do zv ð frowē solte gan
0,11408 So vant er polixenam stan
0,11409 Hubesch v̄ wol getagen

0,11410 In des sales swibogē
 0,11411 Er gruzzete sie stille
 0,11412 V̄ sagete ir vō achille
 0,11413 Holde mīne v̄ allez gut
 0,11414 Schone p̄sente v̄ einē hut
 0,11415 Daz ir sin h̄re hette gesant
 0,11416 Gap er ir stille an ir hant
 0,11417 Der bote ginc v̄baz
 0,11418 Da frowe ecuba saz
 0,11419 Harte wole sie in enphinc
 0,11420 V̄ sagete im alle die dinc
 0,11421 Als ir vor vurnomē hat
 0,11422 Irs mānes wort v̄ rat
 0,11423 D̄ bote im liebe gedachte
 0,11424 An sinē herrē er brachte
 0,11425 Den rat v̄ daz mere
 0,11426 Daz ez komē were
 0,11427 Als ers vf hette geleit
 0,11428 "Sie sint alle bereit
 0,11429 Zv tune uwern willē
 0,11430 Ob ir mvget gestillē
 0,11431 Ir leit v̄ ir vngemach
 0,11432 Swaz in vō vch ie geschach
 0,11433 Des ist gar v̄gezzē
 0,11434 Ir hat vch v̄mezzē
 0,11435 Ir wollet in fride gwīnē
 0,11436 Da w̄bet nach mit sinnē
 0,11437 Mac in d̄ friede w̄den
 0,11438 So geschach vf diser erdē
 0,11439 Uwern voruarn nie
 0,11440 Svlche ere als vch hie
 0,11441 Ist erbotē v̄ geschiet
 0,11442 Nv ensvmet vch niet"
 0,11443 "Gerne" sprach achilles
 0,11444 "Got d̄ lone dir des
 0,11445 Du hast vil wol darzv getan
 0,11446 Ich wil ouch niht dar abe lan
 0,11447 Ich wolte haldē dinē rat
 0,11448 Swie ez mir dar vmbe ergat"
 0,11449 Sin h̄ze begunde wankē
 0,11450 Vō manicfaldē danken
 0,11451 Waz er tun wolde
 0,11452 Ođ waz er tun solde
 0,11453 Waz er tun mochte
 0,11454 Waz im zv tune tochte
 0,11455 Wie er ez ane vinge
 0,11456 Mit wie getanē dingē
 0,11457 Er sine not v̄wūde

0,11458 Welchē rat er funde
0,11459 Daz sin wille gesche
0,11460 Ez was an ǃ nehe
0,11461 Daz im zv ginc die nacht
0,11462 Im was vil na ǃ macht
0,11463 Vō gedankē zv gangē
0,11464 In begūde sere erlangē
0,11465 Daz ez queme an den tac
0,11466 Diewile er an dem bette lac
0,11467 Vō mīnē hette er sulche not
0,11468 Sin h̥ze brit vñ sot
0,11469 Als ez dann ġne tut
0,11470 So des iungē mannes mvt
0,11471 Zv dem erstē wirt geleit
0,11472 An ein vn̄suchte erbeit
0,11473 Achilles lac in quale
0,11474 Vō male zv male
0,11475 Vō stunde zv stunde
0,11476 Er mochte noch enkvnde
0,11477 Des tages niht erbitē
0,11478 Her hiezzē bi nacht ritē
0,11479 Die crichē er besante
0,11480 Eine stat er benante
0,11481 Dar die h̥rē quemē
0,11482 Vnd sine wort v̄nemē
0,11483 Sie quamē alle an die stat
0,11484 Dar sie ǃ h̥re kvmē bat
0,11485 Des morgens vil fru
0,11486 Achilles ermānete du
0,11487 Mil menliche er sprach
0,11488 Daz im zv sprechene geschach
0,11489 “Ir h̥rē mich dunket gut
0,11490 Daz ir minē rat tut
0,11491 Wēne ich wol ratē tar
0,11492 Ez ist rechte daz seste iar
0,11493 Daz ir her comē sit
0,11494 Duchte es vch des ist zit
0,11495 Daz wir hinnē kerē
0,11496 Daz wir hie lenġ werē
0,11497 Daz werē vnsinne
0,11498 Wir han sie dort inne
0,11499 Sere benotet
0,11500 V̄ irn houbet man ertotet
0,11501 V̄ manic wūđ mit in gestalt
0,11502 So tun wir in gewalt
0,11503 Nam her paris elenam
0,11504 Also tet thelamō esionam
0,11505 Waz solden wir dar vmbe her

0,11506 Mit schilde vñ mit sper
 0,11507 Wir kerē heim zv lande
 0,11508 Menelaus hat es schande
 0,11509 Daz er ie her quam
 0,11510 Vmbe frowē helenā
 0,11511 Die sin zv māne niet enwil
 0,11512 Da heime ist schoñ frouwē vil
 0,11513 Die im baz gezemē
 0,11514 V̄ harte rechte bequemē
 0,11515 Zv sime rechte
 0,11516 An gute v̄ an geslechte
 0,11517 Ich wil niht lenḡ blibē hie
 0,11518 Ez ensolde so manic helt nie
 0,11519 Vnd so manic kvne degē
 0,11520 Vm ein niht hie sin gelegē
 0,11521 Wir lazzē wip vnd kint
 0,11522 Die mit vns ein blut sint
 0,11523 Da heime iemliche
 0,11524 V̄ varē in fremde riche
 0,11525 In vnsern eigē tot
 0,11526 Des geschit vō mir mer dehein not”
 0,11527 Von athene đ h̄zoge
 0,11528 Stifte zv eime gezoge
 0,11529 Mit so getanē Worten
 0,11530 Die zv gezoge horten
 0,11531 Vñ mit grozzem vnwille
 0,11532 Sprach er zv achille
 0,11533 “Edel helt achilles
 0,11534 Nv berichte mich des
 0,11535 Tut irz durch iamer daz ir klaget
 0,11536 Ođ sit ir v̄zaget
 0,11537 Ir hat vil vbel getan
 0,11538 Ir soldet es niht geredet han
 0,11539 Ich wiđ rede ez eine
 0,11540 Ich enweiz waz ez meine
 0,11541 Were vch misse gangē
 0,11542 V̄ weret ir ioch geuangē
 0,11543 An ein tot vehe
 0,11544 Ob ich vch gesehe
 0,11545 An svlcñ gebere
 0,11546 Ich wonde ez zageheit were”
 0,11547 Sie begūden aber zv legen
 0,11548 Beide mit stichē v̄ mit slegē
 0,11549 Vō dem gezeldē vnz an dē grabē
 0,11550 Alsus wart die not erhabē
 0,11551 Alda reit ein criche vnde
 0,11552 Đ zv rosse wol kvnde
 0,11553 Resus was er genant

- 0,11554 Aresse hiz sin lant
 0,11555 Ð was vō richġ gebort
 0,11556 Ð reit vor vnd vort
 0,11557 Mit sime sw̄te albare
 0,11558 Pⁱamis son nam sin ware
 0,11559 Ð deiphebus hiez
 0,11560 Sime rosse er den zom liez
 0,11561 Als er im gehancte
 0,11562 Gein reso er sprancte
 0,11563 Vnd spilt in mittē enzwei
 0,11564 V̄ begreif daz ros v̄ schrei
 0,11565 Sin zeichē lute v̄bal
 0,11566 Sin stimme gein ð stat schal
 0,11567 In hortē schiere
 0,11568 Sine frunt die troyre
 0,11569 Sie rurtē ros v̄ phert
 0,11570 Vnd v̄suchtē ir sw̄t
 0,11571 Mit sulchġ v̄mazze
 0,11572 Daz velt v̄ strazze
 0,11573 Vō den crichē vol lac
 0,11574 Palimedes erschrac
 0,11575 Ð crichē richtere
 0,11576 V̄ diomedes ð gewere
 0,11577 Die lizzē beide dar zv gan
 0,11578 Die crichē werē endan
 0,11579 Blibē in den swerē
 0,11580 Ob comē niet enwerē
 0,11581 Vō salemine thelamō
 0,11582 Vnd pⁱamvs son
 0,11583 Sisileus genant
 0,11584 Die quamē zv samne gerant
 0,11585 Sie v̄suchtē beide ir macht
 0,11586 Thelamō ð sige vacht
 0,11587 An dem bastharte
 0,11588 Sin bruð zv karte
 0,11589 Deiphebus ð adel son
 0,11590 Eine bestūt thelamō
 0,11591 Dise h̄rē zwene
 0,11592 Menesteus vō athene
 0,11593 Ð brachte thelamone
 0,11594 Helfe vil schone
 0,11595 Menesteus vf ein ros saz
 0,11596 Daz da deheinez baz
 0,11597 An sprūge v̄ an gelazze
 0,11598 Hette bezzer mazze
 0,11599 Des warf er ez dar v̄ her
 0,11600 Mit dem schilde v̄ mit dem sper
 0,11601 V̄ mit deme swert

- 0,11602 Geschuf er des er ġte
 0,11603 Beide zv stiche v̄ zv slauge
 0,11604 Da floch đ helt v̄ đ zauge
 0,11605 Swa đ ħre zv reit
 0,11606 Troylus đ helt gemeit
 0,11607 V̄ der ħre eneas
 0,11608 V̄ đ kvnic polidamas
 0,11609 Die ritē im engeine
 0,11610 Den wiđstunt er eine
 0,11611 Zv rantē die sine
 0,11612 Die vō salemine
 0,11613 Deiphebus do benotet wart
 0,11614 Ir was so vil zv gekart
 0,11615 Daz er sich nieht mochte entsagē
 0,11616 Im wurde da sin ros erslagē
 0,11617 Idoch er vf daz ros quam
 0,11618 Daz er reso da nam
 0,11619 Als ir vor v̄nomē hat
 0,11620 Doch getet er es gutē rat
 0,11621 Er satzete sich zv gewere
 0,11622 Daz er vnđ dem here
 0,11623 Mit sines eines hant
 0,11624 Manigē valte vf den sant
 0,11625 Beide tot v̄ gewūt
 0,11626 Palimedes in bestūt
 0,11627 Đ crichē richtere
 0,11628 Daz was im harte swere
 0,11629 Daz er in turste bestan
 0,11630 V̄ liez hin gein im gan
 0,11631 V̄ sluch im einē sulchē slac
 0,11632 Daz im sin helm all̄ erschrac
 0,11633 Đ kvne palimedes
 0,11634 Đ erholte sich des
 0,11635 Er treip vf in sinē schaft
 0,11636 Mit vil sterclich̄ kraft
 0,11637 Hie im vz biđ hant
 0,11638 Đ stich im kvme wiđ want
 0,11639 Er mochte des stiches niht genesē
 0,11640 E was da not gewesen
 0,11641 Nv wart da also groz strit
 0,11642 Daz des folkes in beđ sit
 0,11643 Also vil dar niđ lac
 0,11644 Vnz biz an den tac
 0,11645 Wart da nie groz̄ not
 0,11646 Also vil lac ir tot
 0,11647 Paris dē sinē begreif
 0,11648 Do er vf die erdē sleif

0,11649 Als do er solde fallē
 0,11650 Er nam in in allē
 0,11651 Als er in hette berat
 0,11652 Do vurte er in gein ð stat
 0,11653 Er enwiste ob er genas
 0,11654 Vil harte leide im was
 0,11655 Wende er zwifel hete
 0,11656 Waz er im tete
 0,11657 Idoch er niet enbeite
 0,11658 Vf deiphebū er sich leite
 0,11659 Vñ schrigete vil harte
 0,11660 Zv dem mvnde er im warte
 0,11661 V̄ besach sine wūdē
 0,11662 Bi den selbē stūdē
 0,11663 Deiphebus in entsup
 0,11664 Sine ougē er vf hup
 0,11665 Iemerliche er in ane sach
 0,11666 Mit halbē wortē er sprach
 0,11667 "Paris bruð lieβ man
 0,11668 Ich enmac noch enkan
 0,11669 Des libes leng̃ habē frist
 0,11670 Ob dir min sele liep ist
 0,11671 So kere zv strite
 0,11672 Vnd rich mich bezite
 0,11673 An im ð mich gewūt hat
 0,11674 Min wirt destē bezzer rat
 0,11675 V̄ la dir leit mine klage"
 0,11676 "Ich erlige hute an disme tage
 0,11677 V̄ lige bi dir tot nið"
 0,11678 Sprach paris zv im wið
 0,11679 "Oð ich gereche min leit
 0,11680 Eya nv vnselickeit
 0,11681 Wie ist vns nv sus geschen
 0,11682 Wil vn̄s got niet sehē
 0,11683 Waz habē wir wið got getan
 0,11684 Daz wir gluckes niht enhan
 0,11685 Nv walde es got ob ich gesige
 0,11686 Oð tot hie belige
 0,11687 Got wolle daz ez wol erge
 0,11688 Ich wil mit palimede
 0,11689 Noch hute zv ringe
 0,11690 Swie mir da gelinge"
 0,11691 Er nam koch̃ vnd bogē
 0,11692 Mit zorne v̄ mit vnhogē
 0,11693 Saz er vf v̄ reit
 0,11694 Zv creizze harte wol bereit
 0,11695 Als er quam vn̄ddes
 0,11696 Hette palimedes

0,11697 Siñ harte vil geualt
 0,11698 Paris ð helt balt
 0,11699 Spin sinē bogē v̄ schoz
 0,11700 Durch man durch schilt durch noz
 0,11701 Da ð man vffe saz
 0,11702 Sarpedon ð gesach daz
 0,11703 V̄ reit mit im in den strit
 0,11704 Sie hettē es beide grozzē nit
 0,11705 V̄ begūden ez vil ho wegē
 0,11706 Daz palimedes ð degē
 0,11707 Ð crichē richtere
 0,11708 Svlich lewe wordē were
 0,11709 Wande er freisliche
 0,11710 Eime lewē gliche
 0,11711 Sin leit ginc andē
 0,11712 Swaz im quam zv handē
 0,11713 Daz was allez v̄lorn
 0,11714 Sarpedone was die rede zorn
 0,11715 V̄ q̄ vf in gerant
 0,11716 Des liez er da daz beste phant
 0,11717 Daz er geleistē kvnde
 0,11718 Im wart ein svlich wūde
 0,11719 E er ie slac gesluge wider
 0,11720 So lac er tot dar nið
 0,11721 Paris aller erschrac
 0,11722 Do sarpedon tot lac
 0,11723 V̄ sin bruð was erslagē
 0,11724 Wolde er daz han v̄traugē
 0,11725 V̄ von dannē wichē
 0,11726 So mochte er glichē
 0,11727 Dem bostē ð ie zv rosse q̄
 0,11728 Sin ros er mit den sporn nam
 0,11729 V̄ quam vf in geraht
 0,11730 Sin ros was v̄dacht
 0,11731 Mit eiñ koūture
 0,11732 Glich eime vure
 0,11733 Schein ð rote zindat
 0,11734 Vf siñ sarewat
 0,11735 V̄ an dem schilde daz golt
 0,11736 Paris reit mit vngedolt
 0,11737 Mit eime hurninē bogē
 0,11738 Quam er vf in geflogē
 0,11739 E sin geñ wurde geware
 0,11740 So hette er geschozzē dare
 0,11741 Tusent phile afer ein
 0,11742 In dē fuz v̄ in daz bein
 0,11743 In den dē arm v̄ i die hant
 0,11744 Swa sin phil state vant

0,11745 Ez were da ođ hie
0,11746 Da geloc im sin ram nie
0,11747 Manigē phil ē ī in schoz
0,11748 Daz blut so sere niđ goz
0,11749 Wer er vō zehē libē
0,11750 Er mvste tot blibē
0,11751 Ez ist vch allē wol kvnt
0,11752 So im des blutes entstūt
0,11753 So mochte er genesē niet
0,11754 Des vil er niđ v̄ v̄schiet
0,11755 Ð kvne palimedes
0,11756 Do schrei diomedes
0,11757 Menelaus v̄ agomēnō
0,11758 Vlixes vnd thelamō
0,11759 Ajax vnd thoas
0,11760 Vñ swaz đ crichē da was
0,11761 Die rantē zv alle
0,11762 Ir vinde mit schalle
0,11763 Ritē in engeinē
0,11764 Mit strarc handigē zeinē
0,11765 Har vro vil gemeit
0,11766 Gein den crichē do reit
0,11767 Ð vil schone paris
0,11768 Wēne er ere v̄ pris
0,11769 An dem ħren hette beiaget
0,11770 Des quamē die sinē zv geiaget
0,11771 Vf ir finde gritē
0,11772 Ð zit wart da me gestritē
0,11773 Dē in allē den iarē
0,11774 Sint sie dar komē warē
0,11775 Den crichē entstunt ein vbel tac
0,11776 Daz ir richť tot lac
0,11777 Des was in missegangē
0,11778 Ir wart da vil gefangē
0,11779 Beide erslagē v̄ ertrat
0,11780 Die vō troyge vz đ stat
0,11781 Gwunē die vñ hant
0,11782 Die crichē wichē zv hant
0,11783 V̄ die troyger in nach
0,11784 Die da fluhē den was gach
0,11785 Vber daz geuelde
0,11786 Hin zv dem gezelde
0,11787 Da wurdē sie inne
0,11788 Bestandē mit v̄mīne
0,11789 Ez gin da an ein fechtē
0,11790 Mit ħrē v̄ mit knechtē
0,11791 V̄ mit den sariantē
0,11792 In die ħberge sie in rantē

- 0,11793 Daz sie dar inne fundē
 0,11794 Ođ findē kvndē
 0,11795 Daz was allez v̄lorn
 0,11796 W̄in fleisch v̄ korn
 0,11797 Silb̄ golt v̄ gewan
 0,11798 V̄ swaz man ioch dar inne fant
 0,11799 Vō schatze ođ vō spise
 0,11800 Da volgete parise
 0,11801 Ein vil kreftigiz here
 0,11802 Er karte hin zv dem mere
 0,11803 Zu den schiffen sie rantē
 0,11804 Mit gewalt sie sie v̄brantē
 0,11805 Al bi dem stade
 0,11806 Da were in geschēhē groz schade
 0,11807 Die schif werē in alle v̄brant
 0,11808 Wen daz dar zv quam gerant
 0,11809 Ajax vō salemine
 0,11810 V̄ die gesellen sine
 0,11811 Ajax rief die crichē an
 0,11812 "Ich engesach nie so manigē man
 0,11813 V̄ so manigē ritt̄ eruel̄t
 0,11814 So manigē vz erkorn helt
 0,11815 In so groz̄ schonferture
 0,11816 Wert helde dem vure
 0,11817 Daz vns die schif blibē
 0,11818 Wir mvgē niet beclibē
 0,11819 Ob wir sie v̄liesen
 0,11820 Svllē wir dē tot kyesen
 0,11821 So ist ez also wehe
 0,11822 Hie in groz̄ nehe
 0,11823 Als lanḡ gespert
 0,11824 Swelich ritt̄ des gert
 0,11825 Daz er gut wort habe
 0,11826 D̄ folge mir an die habe
 0,11827 Ich wil noch die schif genern
 0,11828 Wolt ir mir sie helfe w̄n"
 0,11829 E er gespreche daz wor
 0,11830 So quam er vf sie gehort
 0,11831 Ouch wart er bestandē
 0,11832 Mit heldes handē
 0,11833 Ouch saztē sie sich zv were
 0,11834 Daz er vf dem mere
 0,11835 D̄ schiffe vil generte
 0,11836 Da wart d̄ strit so h̄te
 0,11837 Daz daz mer v̄ sin flut
 0,11838 Nicht enwas dēne blut
 0,11839 Me dāne eiñ mile breit
 0,11840 D̄ h̄re mēlichē streit

0,11841 V̄ hilt sich in hart
0,11842 Vnz im ein rum wart
0,11843 Hin zv den schiffē
0,11844 Da werē sie besliffen
0,11845 Wē daz er alleine
0,11846 Sie troste alle gemeine
0,11847 Dē daz ajax ḡ degē
0,11848 Sie werē alle tot gelegē
0,11849 In dem ellende
0,11850 Von ende zv ende
0,11851 Die schif er wol bewarte
0,11852 Swa er hine karte
0,11853 Da tet er schadē v̄ schadē
0,11854 Sie warē bedersit irladē
0,11855 Mit vil grozzē leidē
0,11856 E sie begūden scheidē
0,11857 Ajax beginc vil grozzē pris
0,11858 Noch grozzern bezalte parys
0,11859 Als ich gescribē vūdē han
0,11860 Die crichē wurdē so endan
0,11861 Daz sie enwistē ware
0,11862 Sie wurdē des wol geware
0,11863 Wer achilles da gewesen
0,11864 Ir were tulent da genesē
0,11865 Ḍ nie dehein genas
0,11866 Wēne er da niht enwas
0,11867 Achilles v̄ sine dit
0,11868 Quamē des tages vz niet
0,11869 In dē strit noch vf daz felt
0,11870 Er hette ouch sin gezelt
0,11871 Vor dem roube wol behut
0,11872 Da enwas kein ritt so gut
0,11873 Ḍ zv sime gezelde queme
0,11874 Oḡ ich da neme
0,11875 Paris wūḡ da beginc
0,11876 Er sluc vnd vinc
0,11877 Swaz er bereit oḡ vant
0,11878 Des kvniges sun vō tracen lant
0,11879 Ein criche harte wol geborn
0,11880 Hette den arm da v̄lorn
0,11881 Gewūt vō maniḡ wūdē
0,11882 Ḍ bat sich zv den stūdē
0,11883 Brengē da achilles was
0,11884 Er sprach "wie vbel du getan has
0,11885 An disme tage hute
0,11886 Ouch han dine lute
0,11887 An vns vntruwe getan
0,11888 Ich enkan des niht gelan

0,11889 Ich ensage dir warheit
 0,11890 Du hast dine kvnheit
 0,11891 Zv einē bosen ende bracht
 0,11892 Dir ist vbel gedacht
 0,11893 Daz wilt du follē bringē
 0,11894 Vbel mvzze dir gelingen
 0,11895 Nv du in disen landē
 0,11896 Wirbes vnse schande”
 0,11897 Als er sprechē solde vort
 0,11898 Do zv gingē im die wort
 0,11899 Mittē in dem mvnde
 0,11900 Im nahete die stunde
 0,11901 Die mit dem tode dar quam
 0,11902 V̄ im die sprache benam
 0,11903 Des gesweic ǃ vō trace
 0,11904 Do quamē vō aiaze
 0,11905 Die botē gerant
 0,11906 Sie hette ir h̄re dar gesant
 0,11907 V̄ hiz mit flehē v̄ mit sitē
 0,11908 Harte gutlichē bitē
 0,11909 Dē kvnē achillē
 0,11910 Daz er durch sinē willē
 0,11911 Wolde comē ī dē strit
 0,11912 “Ajax hette vbel zit
 0,11913 V̄ suchet truwe an dich
 0,11914 Edel ritt̃ nv sich
 0,11915 Ob du im zv helfe comē wilt
 0,11916 Im ist zv houwē sin schilt
 0,11917 V̄ alle sine sarewat
 0,11918 Sin sw̄t er an dē knouf hat
 0,11919 Aller zv brochē v̄ zv slagē
 0,11920 V̄ heizzet dir sine not klagē
 0,11921 Wir sin alle endan
 0,11922 Du wolles ez dich erbarme lan
 0,11923 Wir kvmē niēmer ī vnse lant
 0,11924 Vns sint die schif gar v̄brant
 0,11925 Du enwolles dē ein dar zv sehē
 0,11926 Vns enkan gluckes niht geschen”
 0,11927 Swie sie geteten
 0,11928 Oǃ swie vil sie gebetē
 0,11929 Swie sie geliezzē
 0,11930 Swaz sie im gehizzē
 0,11931 Daz was allez ein wint
 0,11932 Er saz rechte als ein kint
 0,11933 Daz er nie dar gesach
 0,11934 Noch ein wort nie gesprach
 0,11935 Die crichē werē gar erlegē
 0,11936 Wen daz ayax ǃ degē

0,11937 In behilt ir macht
 0,11938 Ouch half in die nacht
 0,11939 Die die vō troyge in treip
 0,11940 Daz in ð schiffe ein teil bleip
 0,11941 Die nacht treip sie dannē
 0,11942 Paris mit sinē mănē
 0,11943 Zv ĥbergē karte
 0,11944 Bi ð stat er warte
 0,11945 Waz sin bruð tete
 0,11946 Ob er den lip hete
 0,11947 Do vant er in als er in liz
 0,11948 Deiphebus bat vñ hiz
 0,11949 Daz er wurde bestat
 0,11950 Rechte an die selbē stat
 0,11951 Da sin bruð lac hector
 0,11952 Paris als da vor
 0,11953 Veinte v schrite
 0,11954 Bi ð selbē zite
 0,11955 Zoch er im vz den schaft
 0,11956 Do zv ginc im ð kraft
 0,11957 Als im ð schaft vz quam
 0,11958 Deiphebus sin ende nam
 0,11959 Sie furtē in zvr stat in
 0,11960 Ĥramvs quam engein in
 0,11961 V̄ sin mv̄t ecuba
 0,11962 Groz geschreige wart da
 0,11963 Ecuba vnd pⁱamus
 0,11964 Beide klausetē si sus
 0,11965 “Wie soldē wir v̄windē
 0,11966 Daz leit vō vnsē kindē
 0,11967 Daz vns alle zit geschit
 0,11968 Hettē wir anðs leides niet
 0,11969 Wir mvstē doch vō swerdē
 0,11970 Zv leide wol v̄dē”
 0,11971 Sie begundē ouch dar mite klagē
 0,11972 Daz sarpedō was erslagē
 0,11973 Wüderlichē sere
 0,11974 Waz wolt ir mere
 0,11975 Sie wurdē wol zv rechte
 0,11976 Geklaget vō irme geslechte
 0,11977 Rechte vm die selbē zit
 0,11978 Klagetē die crichē anðsit
 0,11979 Daz in zv klaugē geschach
 0,11980 Daz was ein michel vngemach
 0,11981 Sie hettē dehein gewisheit
 0,11982 Daz was ein anð leit
 0,11983 Sie hettē richs niet
 0,11984 Vō pyro nestor do rit

0,11985 Den crichē einē gutē rat
 0,11986 Er sprach "swelich mā hīze hat
 0,11987 Der gedenke dar an
 0,11988 Wie er svlle wesē man
 0,11989 Als ich vch bescheidē
 0,11990 In sorgē v̄ in leidē
 0,11991 Sol man dē kvnē mā ersehē
 0,11992 Ist vns hute misseschen
 0,11993 Vns geschiet morne lichte baz
 0,11994 Vō dem so rate ich daz
 0,11995 Gehabet vch zv uſ manheit
 0,11996 Zv dē erē gehort erbeit
 0,11997 Wollē wir ere beiagē
 0,11998 So mvzzē wir erbeit tragē
 0,11999 Vnser richt̃ ist tot
 0,12000 Nv ist vn nīhtes so not
 0,12001 Als daz man einē an̄n neme
 0,12002 D̄ vns zv richt̃ gezeme
 0,12003 V̄ wer gezeme baz darzv
 0,12004 Beide spate v̄ fru
 0,12005 Den h̄ agomēnon
 0,12006 Wir sin sin wol gewon
 0,12007 V̄ erkēnen sine site
 0,12008 Er ist biz her gewesē d̄mite
 0,12009 Mit vil grozzē truwē
 0,12010 Erkisen wir einē nvwē
 0,12011 Des wir kvnde niht enhan
 0,12012 Vns mac lichte misseگان
 0,12013 V̄ als sine wort warē gelegē
 0,12014 Do lobetē sie den degē
 0,12015 Er hette wol geratē
 0,12016 Sinē rat sie tatē
 0,12017 Agomēnon d̄ helt
 0,12018 Wart an̄wbe erwelt
 0,12019 Mit grozzern erē den da vor
 0,12020 Daz gerit d̄ alde nestor
 0,12021 An dem an̄n tage vru
 0,12022 Griffen sie aber dar zv
 0,12023 An dem drittē alsam
 0,12024 D̄ vierde mit strite zv ende quam
 0,12025 An dem funftē dar na
 0,12026 Geschach ouch alsam da
 0,12027 An dem sestē ouch da geschach
 0,12028 Leit vnd vngemach
 0,12029 Beide zv stiche v̄ zv slage
 0,12030 Hettē sie die sibē tage
 0,12031 Binnē der wochen
 0,12032 Wurdē alle die gerochē

- 0,12033 Die bi sehs iarē
 0,12034 Vnz dar geslagē warē
 0,12035 Daz velt daz lac totē vol
 0,12036 Sie bedorftē gutes frides wol
 0,12037 Sie begōden nach dem fride strebē
 0,12038 Ð wart zv sehs mandē gegebē
 0,12039 Waz sol ð rede mere
 0,12040 Ð crichen richtere
 0,12041 Ð kvne polidames
 0,12042 Genoz in dem tode des
 0,12043 Daz er lebēde was ein degē
 0,12044 Sin wart an dem tode wol gepflegē
 0,12045 Man legete sin fleisch v̄ sin gebein
 0,12046 In einē edeln mermel stein
 0,12047 Da stūt vffe gescibē
 0,12048 Wie er in strite was blibē
 0,12049 An dem steine mā ouch las
 0,12050 Weilches geslechtes er was
 0,12051 Gescibē man ouch da vant
 0,12052 Sine burge v̄ sine lant
 0,12053 Deiphebus v̄ sarpedon
 0,12054 Wurdē in ð burc zv ylion
 0,12055 Mit flizze begangē
 0,12056 Do daz was ergangē
 0,12057 Sie schuffē beidsit ir gemach
 0,12058 Daz in zv tūde geschach
 0,12059 Ð crichē in rede hetē
 0,12060 Mit wie getanē retē
 0,12061 Sie gerietē oð gedechtē
 0,12062 Daz sie achillē brechtē
 0,12063 Zv schilde v̄ zv sw̄te
 0,12064 Daz volc sin sere g̃te
 0,12065 Daz enwas wūdēs niet
 0,12066 Wēne man in mer entriet
 0,12067 Den ð anðn dehein
 0,12068 Agomēnō wart in ein
 0,12069 Daz man an in v̄suchte
 0,12070 Wes er geruchte
 0,12071 Waz man im tun solde
 0,12072 Zv liebe v̄ waz er wolde
 0,12073 Daz v̄suchtē zv hant
 0,12074 Die da wurdē zv im gesant
 0,12075 Vf dem felde
 0,12076 In sime gezelde
 0,12077 Achillē sie vōden
 0,12078 Er gebarte in dē stundē
 0,12079 Als er hette den zan swern
 0,12080 Er enwiste wes ē solde g̃n

- 0,12081 Ođ wes er gerē mochte
0,12082 Die mīne in so drochte
0,12083 V̄ hette in so sere gedrocht
0,12084 Lege er an eiñ socht
0,12085 Im wer vilbaz gewesen
0,12086 Er en mochte niet genesē
0,12087 Wen daz er des genas
0,12088 Daz im sin h̄ze starc was
0,12089 V̄ also veste v̄ also starc
0,12090 Daz nie so vestes niet enwart
0,12091 Vm daz er also leidic saz
0,12092 Idoch er niet v̄gaz
0,12093 Gegē den h̄ren ē ginc
0,12094 Harte wol er sie enphinc
0,12095 Er sprach "ist hie icht des ich han
0,12096 Da svlt ir v̄b gebietē lan
0,12097 V̄ gebietē selbe zv mir"
0,12098 Sie sprachē "got lone dir"
0,12099 Sie viere gingē rune
0,12100 In den palunen
0,12101 Vlixes đ wise man
0,12102 Đ was đ es began
0,12103 Er sprach "wir sin zv dir geitē
0,12104 Des wir dich svllē bitē
0,12105 Mugē wir des gezwidet sin
0,12106 So wirt des vil wol schin
0,12107 Daz du gvt frūt bist
0,12108 Daz dir zv mvte nv niet enist
0,12109 Als dir wilē was gewon
0,12110 Daz clauget agomēnon
0,12111 Vnd anđ vnse furstē
0,12112 Wir soltē ob wir turstē
0,12113 Dir ratē dine ere
0,12114 Đ hast du noch mere
0,12115 Den die anđn alle
0,12116 Din ere louffet mit schalle
0,12117 Du hast harte gutē pris
0,12118 V̄ bist des doch niet wis
0,12119 Sint du daz bezž teil has
0,12120 Daz du so ḡne dar abe las
0,12121 Al bistu starc du bist ein kint
0,12122 Ob dir dine ere liep sint
0,12123 Grif zv v̄ beherte
0,12124 V̄ wirt vnsser geferte
0,12125 Dir enstet niht wol daz
0,12126 Daz du durch einē krankē haz
0,12127 Dines sw̄tes has v̄zigē
0,12128 Salt du nv stille ligē

0,12129 Durch eine svlche vehe
 0,12130 So ist ez also wehe
 0,12131 Daz ich dir sage minē mvt
 0,12132 Als vrunt frunde tut
 0,12133 Als ich ez dir leng̃ hele
 0,12134 Die ere zv fert als daz mele
 0,12135 Ṽ zv stubet als ein melm
 0,12136 Du en nemes aß dinē helm
 0,12137 Dinē schilt ṽ din sw̃t
 0,12138 Ez en ist ð rede niht w̃t
 0,12139 Daz du zvrnes wið die
 0,12140 Die dir din ere ritē ie”
 0,12141 Achilles do entworde
 0,12142 “Ez enqueme niht miñ geborte
 0,12143 Ṽ ouch miñ stetekeit
 0,12144 Ṽ ouch miñ manheit
 0,12145 Daz durch uw̃ flehe
 0,12146 Icht des geschee
 0,12147 Daz mir last̃ were
 0,12148 Ir sit so gewere
 0,12149 Ṽ sobiðbe ṽ so wis
 0,12150 Ir rtent mir des deheine wis
 0,12151 Daz ich daz ane ge
 0,12152 Daz mir niht wol ste
 0,12153 Ez were wið minē erē
 0,12154 Solde ich zv strite kerē
 0,12155 Sint daz min bete ṽ min rat
 0,12156 Nicht ṽuehet noch ṽstat
 0,12157 Noch dehein gut ende
 0,12158 Ich was in ellende
 0,12159 Durch uwer ere h̃ komē
 0,12160 Nv enwolt ir mir des niht gefromē
 0,12161 Des ich gebetē hete
 0,12162 Ob ich uw̃ bete tete
 0,12163 Daz were al ð lute spot
 0,12164 Ich tun es niht sam mir got
 0,12165 Ich rede ez niewē da bi
 0,12166 Ich wene es wole vm vch dri
 0,12167 Daz vch min lieb lieb ist
 0,12168 Nv gebet mir eine frist
 0,12169 Vnz ich mich ṽsinne
 0,12170 Wes ich beginne”
 0,12171 Der alde nestor sp^ah dar zv
 0,12172 “Nv hore achilles waz du tu
 0,12173 La farē dinē zorn
 0,12174 Wir sin alle ṽlorn
 0,12175 Wilt tu vns geswichē
 0,12176 Armē ṽ richē

- 0,12177 Vns geschiet dehein ere
 0,12178 V̇sinne dich v̇ kere
 0,12179 Zv den mit dē du salt wesē
 0,12180 Vṅs werē tusement genesē
 0,12181 Ob du bi đ zite
 0,12182 Wers in dem strite
 0,12183 Do vns paris v̇ḃ ging
 0,12184 V̇ vṅs volc vns abe ving
 0,12185 V̇ vns manigē ersluc
 0,12186 Achilles sprach “đ rede ist gnv̇c
 0,12187 Des ich nv gesprochē han
 0,12188 Des wil ich niht abe stan
 0,12189 Swaz mir ioch geschit
 0,12190 So wandele ich mine wort niet
 0,12191 Do er gesprach vṅđ des
 0,12192 Sprach ouch diomedes
 0,12193 “Was svllē wir flehē disen man
 0,12194 Er enweiz noch enkan
 0,12195 Noch daz vbel noch daz gut
 0,12196 Hettet ir minē mvt
 0,12197 Ir lizzet die rede gare
 0,12198 Er ist bleich v̇ misseuare
 0,12199 V̇ vil vbel getan
 0,12200 Wie wol ichz ersehē han
 0,12201 An ougē v̇ an wangē
 0,12202 Đ ḣre ist gefangē
 0,12203 V̇ gar v̇zaget
 0,12204 Vm ein wip ođ vm ein maget
 0,12205 Wir bitē in niet mere
 0,12206 Ob ez achilles were
 0,12207 Wenet ir niht er tete
 0,12208 Wes in đ boste bete
 0,12209 Đ ie zv crichē wart geborn
 0,12210 Ez ist mir vzzer mazzē zorn
 0,12211 Daz wir vmbescheidē
 0,12212 Hinnē svllē scheidē
 0,12213 Do zvrnte ḣ achilles
 0,12214 V̇ sturte sich vṅđ des
 0,12215 Daz er niht vbeles sprach
 0,12216 Wizzet ir icht wie daz geschach
 0,12217 Er wolde gewis sin des
 0,12218 Daz her palimedes
 0,12219 Sin gewerp hette v̇nomē
 0,12220 Des was er sere vṅđ komē
 0,12221 Leide er im gedachte
 0,12222 Sin zorn in doch brachte
 0,12223 Ein teil vz đ vart
 0,12224 Daz er vbel sprechēde wart

0,12225 Er sprach "her diomedes
 0,12226 Wizzet ir icht des
 0,12227 Swie kvne so ir sit
 0,12228 Nv vsumet ir vch niht in zit
 0,12229 So sult ir kerē hinnē
 0,12230 Mit grozē v̄minnē
 0,12231 Mit zorne v̄ mit leidē
 0,12232 Svlt ir hinne scheidē
 0,12233 Sie werē comē zv gezoge
 0,12234 Wen daz ir vnhoge
 0,12235 Wart vf gehaldē
 0,12236 Vō nestor dem alldē
 0,12237 V̄ vō vlixē dem wisē man"
 0,12238 Doch schiedē sie an ede dan
 0,12239 Do sie wiđ quamē
 0,12240 V̄ die crichē v̄namē
 0,12241 Achilles rede v̄ sine wor
 0,12242 Beide vor v̄ vort
 0,12243 Wart daz mere gebreit
 0,12244 Ez was in allen samt leit
 0,12245 Sie clagetē ez harte sere
 0,12246 Doch sprach ir richtē
 0,12247 "Wir habē achillen
 0,12248 Wir mvgē vn̄sn willē
 0,12249 Mit deheinē dingē
 0,12250 Nimer vollē bringē
 0,12251 Sine wort sint so veste
 0,12252 Mich duncket daz daz beste
 0,12253 Daz man sinē willē tu
 0,12254 Ez ist vns also wehe fru
 0,12255 Daz man hinnē rite
 0,12256 Als man lang̃ bite"
 0,12257 Sin bruđ menelaus
 0,12258 D̄ antwurte d̄ rede alsus
 0,12259 "Were achilles nie geborn
 0,12260 Hie ist so manic vz erkorn
 0,12261 Helt vō vnsen landē
 0,12262 Wir habē es schande
 0,12263 Daz wir hinnē k̄eren
 0,12264 V̄ einē des gew̄ten
 0,12265 Daz tusent zv last̄ queme
 0,12266 Achilli vol gezeme
 0,12267 Daz im vnser ere
 0,12268 So leit niht enwere
 0,12269 Soldē wir nv kerē wiđ
 0,12270 Nv lit hector dar niđ
 0,12271 D̄ vns daz leit allez tete
 0,12272 Solde achilles bete

- 0,12273 Me dāne mine vor gan
 0,12274 Daz were vbel getan"
 0,12275 "Wa bi dunket vch des"
 0,12276 Sprach h̄ vlixes
 0,12277 "Ir sit vns liep beide
 0,12278 Doch ist dar vñdscheide
 0,12279 Vñd̄ vch v̄ ime groz
 0,12280 Nv wiset wa ist sin genoz
 0,12281 Vō wem ist vns die ere geschen
 0,12282 Ođ wen hat man gesehē
 0,12283 Also dicke zv kreizze
 0,12284 Mit blute v̄ mit sweizze
 0,12285 Berūnē v̄ begozzē
 0,12286 V̄ gewūt vō den schozzē
 0,12287 Mit sw̄tē gehowē
 0,12288 Durch helenam die frouwē
 0,12289 V̄ durch parisē
 0,12290 Sullē wir in w̄wissen
 0,12291 V̄ von vns schaldē
 0,12292 D̄ vns hat behaldē
 0,12293 Wen sin eines lip
 0,12294 Weđ kint noch wip
 0,12295 Gesehē vn̄ nimer dehein
 0,12296 Als an dem tage wol schein
 0,12297 Do er zv felde niht reit
 0,12298 Daz was daz groste leit
 0,12299 V̄ daz groste vngemach
 0,12300 Daz vns hie ie geschach"
 0,12301 Diomedes sprach sine wort
 0,12302 "Als ir h̄rē hat gehort
 0,12303 Waz vlixes geredet hat
 0,12304 Daz ist ouch min rat
 0,12305 Daz man griffe dar zv
 0,12306 V̄ achilli sinē willē tv
 0,12307 Wir wollen kerē hinnē
 0,12308 Im zv liebe v̄ zv mīnen
 0,12309 Nv er es niht wil enpern
 0,12310 So svllē wir in des geŵn
 0,12311 Wen so getane sache
 0,12312 Cumet vns zv gemache
 0,12313 Des ensol deheine wiđrede sin
 0,12314 Dirre rat d̄ ist min
 0,12315 Sehet wie er vch geualle"
 0,12316 Sie sprachē wol alle
 0,12317 V̄ als sie vare woltē
 0,12318 V̄ sich bereitē soltē
 0,12319 Als ez vor geredet was
 0,12320 Do wiđ redet ez calcas

- 0,12321 "Ir hat ez vbel vf geleit
 0,12322 Ir uaret ane wisheit
 0,12323 Blint v̄ vn̄sūnen
 0,12324 Vnse gote ez vns v̄gūnē
 0,12325 Ob wir hie deheinē pris beiagē
 0,12326 Wie dicke sol ich wissagē
 0,12327 Daz ich gewissaget han
 0,12328 Dis landes enmac niht bestan
 0,12329 Wolt ir behtē
 0,12330 Die ez vns biz her w̄ten
 0,12331 Den ist missegangē
 0,12332 Erslaugē v̄ gefangē
 0,12333 Ist ir daz bezzer teil
 0,12334 Vnse gelucke v̄ vnse heil
 0,12335 Nahet vns alle tage"
 0,12336 Daz in d̄ wissage
 0,12337 Da zv blibene riet
 0,12338 Des wiðredetē sie niet
 0,12339 Sie entorstē in niht wið tribē
 0,12340 Des mvstē sie blibē
 0,12341 Daz volc zv reit v̄ zv ginc
 0,12342 Mēlich schuf sine dinc
 0,12343 Als im do gut was
 0,12344 V̄ als sie larte calcas
 0,12345 Do sie warē gescheidē
 0,12346 Zv sorgē v̄ zv leidē
 0,12347 Bereittē sie aber ir lide
 0,12348 In zv ginc tag v̄ fride
 0,12349 Hin gein d̄ abūt stūde
 0,12350 Ir iegelich begūde
 0,12351 Sich bereitē zv ringe
 0,12352 V̄ e die nacht erginge
 0,12353 Warē sie alle bereit
 0,12354 Zv d̄ aldē erbeit
 0,12355 Do d̄ tac vf ginc
 0,12356 Sie ritē wið in den rinc
 0,12357 Wol zv gereche als e
 0,12358 Die h̄rē da vō v̄b se
 0,12359 Gegen den troyrē
 0,12360 Bie zwein bi drin bi vierē
 0,12361 Al einzeln dare
 0,12362 Dar nach schare v̄b schare
 0,12363 Do entstunt in d̄ tac
 0,12364 Gein dem stiche d̄ slac
 0,12365 Nach dem stiche v̄ nach dem slage
 0,12366 Grozze ruwe v̄ klage
 0,12367 Vmbe totē v̄ gewūdē
 0,12368 Die crichē necūden

- 0,12369 Bezalen deheinē pris
 0,12370 Troylus v̄ paris
 0,12371 Mit sper v̄ mit schilde
 0,12372 Namē in daz geulde
 0,12373 Beide creiz v̄ velt
 0,12374 Sie tribē sie in die gezelt
 0,12375 Die crichē daz kvme behertē
 0,12376 Daz sie die gezelt behtē
 0,12377 Vor roube v̄ vor brande
 0,12378 Wen daz die vō dem lande
 0,12379 Vor đ nacht en mochtē
 0,12380 Sie hettē da geuohtē
 0,12381 Daz in nimer mere
 0,12382 Dehein leit enwere
 0,12383 Vō dē crichē geschen
 0,12384 Sie neliez die nacht niet gesen
 0,12385 Des kartē sie zv đ burc wiđ
 0,12386 Weđ e noch siđ
 0,12387 Enwart in also kvrzer zit
 0,12388 Nie gestitē so groz strit
 0,12389 Noch sulich slachte
 0,12390 Ane zal v̄ an achte
 0,12391 Bleip da vil manic man
 0,12392 Den ich genēnē niht en kan
 0,12393 Wē is gescribē niht en vant
 0,12394 Wie ir dehein ŵ genant
 0,12395 Sie schuffē ir gemach du
 0,12396 An dem anđn tage fru
 0,12397 Do đ tac begōde schinē
 0,12398 Sie blisē ir busynē
 0,12399 V̄ anđ ir hhorn
 0,12400 Ir alde ir nvwe zorn
 0,12401 Wiste sie an die tobeheit
 0,12402 Ir igelich gein dem ađn reit
 0,12403 Daz er dē tot da kvre
 0,12404 Ođ iener dē lip da vlure
 0,12405 Đ gegen im quam
 0,12406 Sŵ daz wūđ ie me v̄nam
 0,12407 Daz in dem tage geschach
 0,12408 Daz iamer daz vngemach
 0,12409 Die sorge die swere
 0,12410 Swer so er were
 0,12411 V̄ erz gesehē hette
 0,12412 Sime hzen ez we tete
 0,12413 Svlich was ir not
 0,12414 Ez was allez samēt rot
 0,12415 Da đ strit bi was
 0,12416 Ez were felt ođ gras

0,12417 Ez wer mer ođ sant
 0,12418 Ođ ros ođ gewant
 0,12419 Schilt ođ swt bare
 0,12420 Daz wart allez ein vare
 0,12421 Dem rotē blute glich
 0,12422 Wart đ dinge igelich
 0,12423 Đ ich vor gesauget han
 0,12424 Troylus liz dare gan
 0,12425 Diomedes dar engein
 0,12426 Da hup sich vnđ in zwein
 0,12427 Đ starke zorn vñ nit
 0,12428 Des ir vor bereitet sit
 0,12429 Wie ez vnđ in quam
 0,12430 Vmbe frowē briseidam
 0,12431 Die mīten sie beide
 0,12432 Đ eine zv leide
 0,12433 Đ anđ zv liebe
 0,12434 Mit boten v̄ mit briebe
 0,12435 Đ eine sie đ mīne bat
 0,12436 Đ anđ hette sie gehat
 0,12437 Sie gingē sich vnđ howē
 0,12438 Vmbe die selbē frowē
 0,12439 Als ein eber v̄ ein bere
 0,12440 Bi wilē mit dem spere
 0,12441 Vnđ wilē mit dem swte
 0,12442 Sweđ ir baz werte
 0,12443 Swtes ecke ođ spheres ort
 0,12444 Daz wart da lang gevrbot
 0,12445 Troylus von ylion
 0,12446 De kvniges priamus son
 0,12447 Đ sluc im in richte
 0,12448 Zv ir aller gesichte
 0,12449 Eine wūdē so sere
 0,12450 Ob er tot were
 0,12451 Daz was den sinē vnkvt
 0,12452 So sere was er gewūt
 0,12453 Als im đ slac wart
 0,12454 Sin ougē warē im v̄kart
 0,12455 Im was đ sprache zv gan
 0,12456 Eime totē glich getan
 0,12457 Do daz troylus gesach
 0,12458 Nv horet wie er zv im sprach
 0,12459 “Wie nv helt kvne degē
 0,12460 Ir hant zv lange hie gelegē
 0,12461 Vf dieser erden
 0,12462 Was sol đ gewden
 0,12463 Vō đ mīne ir siech sīt

0,12464 Enbietet ir daz ir hie lit
 0,12465 Ist daz sie u^u angest weiz
 0,12466 Sie kvmet her in dē creiz
 0,12467 V̄ vuret vch hinnē
 0,12468 Ir mvget vō irre miⁿe
 0,12469 Harte wol noch genesen
 0,12470 Lazzet vch niht leit wesen
 0,12471 Daz ir durch eine vrowē
 0,12472 Hie liget zv houwē”
 0,12473 Diese spehe rede v̄ wort
 0,12474 Hette agomēnō gehort
 0,12475 D̄ crichē richtere
 0,12476 Im enwart nie mere
 0,12477 Also harte leide
 0,12478 Als ime was beide
 0,12479 Vmbe diomedis schande
 0,12480 V̄ vmbedaz er wande
 0,12481 Daz d̄ crichē vil erslagē lac
 0,12482 Er sprach “hute si min leste tac
 0,12483 Ich engereche diz leit”
 0,12484 Als erz sprach er reit
 0,12485 Da er ez mochte gerechē
 0,12486 Ich hore daz buch sprechē
 0,12487 Daz erz so wol tete
 0,12488 Ob er die helfe hete
 0,12489 Er hette sich harte wol entsaget
 0,12490 Sie warē alle v̄zaget
 0,12491 Sine gesellē v̄ sine geuertē
 0,12492 Des en mochte er nicht behertē
 0,12493 Troylus im do abe sluc
 0,12494 Den helm dē er vffē truc
 0,12495 Diomedes wart betoubet
 0,12496 Wen im an sin houbet
 0,12497 Troylus sluc einē sulchē lac
 0,12498 Daz im sin hirn alzv schrac
 0,12499 V̄ im vz ran daz blut
 0,12500 Des v̄zagete d̄ helt gut
 0,12501 Er mvste harte wol v̄zagē
 0,12502 Im was sin houbet so gar zv slagē
 0,12503 Daz im daz blozze hirn bein
 0,12504 In d̄ wūdē vz schein
 0,12505 Do diomedi misseginc
 0,12506 Troylus im abe vinc
 0,12507 Sine ritt̄ daz merre teil
 0,12508 Vngelucke v̄ vnheil
 0,12509 V̄ groz vngerete
 0,12510 D̄ crichen her hete
 0,12511 Sie lagē tot v̄ gewūt

0,12512 Wen daz ð abūt entstūt
0,12513 Sie hettē v̄lorn ir macht
0,12514 Sie karten heim gein ð nacht
0,12515 Die crichē gingē zv rate
0,12516 Des abundes spate
0,12517 E sie gar v̄turbē
0,12518 Daz sie vmbe fride wurbē
0,12519 Sie santē botē die botē ritē
0,12520 Sie hizzē flehē vnd bitē
0,12521 Daz in fride gegebē wart
0,12522 Ð w̄te als ich bin gelart
0,12523 V̄ ez dares hat gesprochē
0,12524 Vier v̄n zwenzic wochē
0,12525 Waz sol vmbe rede me
0,12526 Sie tatē den totē als e
0,12527 V̄ heiltē ir wūden
0,12528 In den selbē stundē
0,12529 Briseida des wissagē
0,12530 Tocht begonde claugē
0,12531 Vō dem sie gutes was gewon
0,12532 Daz hern tydeus son
0,12533 Diomedes was gewūt
0,12534 Daz rienete ir mvnt
0,12535 Stille vnd tougē
0,12536 V̄ beweintē ir ougē
0,12537 Wen sie grozzē smerzē
0,12538 Truc an irme h̄ze
0,12539 Ð starkē mīne swere
0,12540 Mochte sie niet mere
0,12541 Behaldē dar inne
0,12542 Die ir vō siñ mīne
0,12543 In ir h̄ze was geschen
0,12544 Do quam die frouwe gegen
0,12545 Da diomedes lac gewūt
0,12546 Do kluugete sie in ð stunt
0,12547 Grozliche sin vngemach
0,12548 Sie er sufcete vnd sprach
0,12549 “Herre ich mac es v̄swigē niet
0,12550 Ich sauge wie mir ist geschiet
0,12551 Swie lange ichz han v̄tragē
0,12552 So mvz ich vch doch nv sagē
0,12553 Mir sint durch v̄w mīne
0,12554 V̄keret mine sinne
0,12555 Swie ich doch nie bi vch gelac
0,12556 Beide nach v̄ tac
0,12557 Ist min h̄ze mit vch gewesē
0,12558 Mochtent ir nv genesē
0,12559 Des ir lange gebetē hat

0,12560 Daz wolde ich lazzē an rat
0,12561 V̄ als iz an rat gelizze
0,12562 Ich tete daz man mich hizze
0,12563 Daz vch zv gute queme
0,12564 V̄ mir ouch wol gezeme
0,12565 Ich mac niht swigē noch enkan
0,12566 Daz ein wip vm einē man
0,12567 Susgetane rede tut
0,12568 Daz ist zv nihte gut
0,12569 Nv merket ir vil rechte daz
0,12570 Weđ gezimet mir baz
0,12571 Daz ich eines mānes gere
0,12572 D̄ mit schilde v̄ mit spere
0,12573 Mit rit̄lich̄ hubischeit
0,12574 Durch mine mīne swere treit
0,12575 Ođ ich ane man si
0,12576 V̄ ane helfe da bi
0,12577 Her mīnet mich v̄ ich mīne in
0,12578 V̄ ob ich ime liep bin
0,12579 V̄ ob er miñ mīne ġt
0,12580 V̄ ob er danne des ist ŵt
0,12581 Daz ich in mīne
0,12582 Ez were ein vnsinne
0,12583 Daz ich niht entete
0,12584 Swie ġne ich troylū hete
0,12585 Des enmac ich gehabē niet
0,12586 Sint er selbe daz riet
0,12587 Daz ich vō im v̄wiset wart
0,12588 Were alle die werlt an in gekart
0,12589 V̄ daz er keiser were
0,12590 Er were mir v̄mere
0,12591 Solde ich den liep habē
0,12592 D̄ mich ġne begrabē
0,12593 Sehe den an dem libe
0,12594 Ich bin zv einē wibe
0,12595 Also schone als er zv man
0,12596 Des er mir niht engan
0,12597 War vmbe gunde ich im des
0,12598 Sint mir diomedes
0,12599 Alles gutes gan wol
0,12600 Ich wene ich vō rechte im sol
0,12601 Alles gutes gūnen
0,12602 Vñ freudē vnd wūnen
0,12603 Vnd alle d̄ werlde ere
0,12604 Ob die min were
0,12605 Die wolde ich allesament gebē
0,12606 Daz er behilde daz lebē”
0,12607 Dem h̄ren was destē baz

0,12608 Diewile die frowe bi im saz
 0,12609 V̄ suzze wort vō ime sprach
 0,12610 Sie schuf im an̄ds gemach
 0,12611 An sinē wūden
 0,12612 So sie sie vngebūden
 0,12613 Ođ zv vngerechte vant
 0,12614 Harte wol sie sie ime bant
 0,12615 Agomēnon v̄ nestor
 0,12616 Dachtē als da beuor
 0,12617 Mit wie getanē dingē
 0,12618 Sie achillē mochtē bringē
 0,12619 Wiđ zv dem sw̄te
 0,12620 Diewile đ fride w̄te
 0,12621 Quamē sie zwene zv im geritē
 0,12622 V̄ begundē in faste bitē
 0,12623 Daz erz durch got tete
 0,12624 V̄ ir gnade hete
 0,12625 Sie sprachē “ir hat wol gesehē
 0,12626 Waz vns leides ist geschehē
 0,12627 Lat vns des genizzē
 0,12628 Daz vwer dienst ie hiezzē
 0,12629 V̄ sullē heizzē immer me
 0,12630 Ach ach leiđ owe
 0,12631 Wie tut ir sus seliġ man
 0,12632 Daz vch niemā enkan
 0,12633 Wiđ zv vns bekerē
 0,12634 Nv tut ez doch gote zv erē
 0,12635 V̄ lat vch erbarmē vnse vngemach”
 0,12636 Achilles kvrtlichē sprach
 0,12637 “Vw̄ vngemach daz ist mir leit
 0,12638 Ich sage vch die warheit
 0,12639 Daz ir harte tump sit
 0,12640 Ir v̄liset uwer zit
 0,12641 Uwer bitē enhilfet niet
 0,12642 Min volc v̄ min diet
 0,12643 Ob vch daz zv statē stat
 0,12644 Swēne đ fride vz gat
 0,12645 Die wil ich vch lihen
 0,12646 Ir mvzzet vch min v̄zihē”
 0,12647 Do entorstē sie achillē
 0,12648 Wiđ sinē willen
 0,12649 Bitē niht mere
 0,12650 Sie dācten im sere
 0,12651 Vm sine volleiste
 0,12652 Achilles ouch leiste
 0,12653 Als er hette gesprochē
 0,12654 In đ lestē wochē
 0,12655 Do đ fride vz ginc

0,12656 Schuffē sie aber ir dinc
 0,12657 Vzzene vnd innē
 0,12658 Zv strite v̄ zv v̄minnen
 0,12659 Da stundē alle die nacht
 0,12660 Die ros harte wol bedacht
 0,12661 Ir harnasch al gereit lac
 0,12662 V̄ alsoschiere d̄ tag
 0,12663 Schein v̄b̄ die erdē
 0,12664 Do quamē sie zv den p̄hden
 0,12665 V̄ ritē vz zv felde
 0,12666 Vz den gezelden
 0,12667 V̄ vz d̄ stat vō ylion
 0,12668 Als sie warē gewon
 0,12669 Sine ritt̄ sante achilles dar
 0,12670 Er sprach "ir h̄rē nemt war
 0,12671 Ich wil zv strite niht sin
 0,12672 Nv w̄de an vch selbē schin
 0,12673 Daz ir also getut
 0,12674 Als ez die crichē dunge gut"
 0,12675 In d̄ selbē zite
 0,12676 Kartē sie zv strite
 0,12677 Do sie zv creizze quamē geritē
 0,12678 Do hette troylus gestritē
 0,12679 Also mēliche
 0,12680 Daz dehein sin gliche
 0,12681 Also wol da gestreit
 0,12682 Menesteus im engein reit
 0,12683 D̄ h̄zoge vō athene
 0,12684 Da slugē sich die zwene
 0,12685 Vnz menesteus dar niđ quam
 0,12686 Troylū sin ros nam
 0,12687 Zv reit do thoas
 0,12688 Gein ime polidamas
 0,12689 Achillis gesellen
 0,12690 Die wistē da ir ellen
 0,12691 Sie gingē so howen
 0,12692 Man mochte wol schowē
 0,12693 Daz sie wūđ tatē
 0,12694 Sie gingē so schratē
 0,12695 Daz in die finde wichē vor
 0,12696 Troylus v̄ nestor
 0,12697 Quamē zv samne gerant
 0,12698 Der alde nam die v̄bhant
 0,12699 V̄ stach in vf die erdē
 0,12700 V̄ rossen v̄ vō p̄hden
 0,12701 Were troylus ertrat
 0,12702 Wen daz er in zitē wart gerat
 0,12703 Vō den basthardē

0,12704 Gein nestorē sie kardē
 0,12705 Da wart margaritō
 0,12706 Ð aller turste kebes son
 0,12707 In dem strite erslagē
 0,12708 Daz begonde troylus klagē
 0,12709 Ð clage er nie vurgaz
 0,12710 Biz maniĝ bekante daz
 0,12711 Daz im sin tot leit was
 0,12712 Im ǵ zv helfe polidamas
 0,12713 V̄ philemenis
 0,12714 Mit in reit ouch paris
 0,12715 Auch quam agamēnō
 0,12716 Ajax vñ thelamō
 0,12717 V̄ ð wise vlixes
 0,12718 V̄ her diomedes
 0,12719 Ð was kvme genesē
 0,12720 Ich han vō strite fil gelesē
 0,12721 Ich env̄nam doch sulche not nie
 0,12722 So ich gescibē vant hie
 0,12723 Troylus reit v̄ð in
 0,12724 Bi zwein vnd gut bidrin
 0,12725 Sluc er die crichē dar nið
 0,12726 V̄ reit her wið
 0,12727 V̄ ersluc ir da viere
 0,12728 Daz getet er nie so schiere
 0,12729 Er hette dē funftē erslagē
 0,12730 Ich mvz vch kvrtzlichē sagē
 0,12731 Do sluc er alvmbe
 0,12732 Die rechte v̄ die crūbe
 0,12733 Daz ir me dan hūðt was
 0,12734 Die er falte vf daz gras
 0,12735 Also tatē die sine
 0,12736 Wē der vō salemine
 0,12737 Ajax thelamones son
 0,12738 Troylus vō yliun
 0,12739 Hette in den stūden
 0,12740 Die crichē v̄b wūden
 0,12741 V̄zaget was ð crichē her
 0,12742 Ajax satzte sich zv wer
 0,12743 Vf ð walstat
 0,12744 Er schalt vñ bat
 0,12745 Sine daz sie sich wertē
 0,12746 Do fluhē sine geuertē
 0,12747 In ir hamidē
 0,12748 Da mvste er eine lidē
 0,12749 Des hunðtē gnvc wē
 0,12750 Her behilt siñ die ere
 0,12751 Daz sie niht wurdē v̄tribē

- 0,12752 Doch was ir wūđ tot blibē
 0,12753 Die troylus erslagē hete
 0,12754 Grozzer vngerete
 0,12755 Were in lichte da geschen
 0,12756 Die nacht enliez sie niht gesen
 0,12757 Des kartē sie dannē
 0,12758 Troylus mit sinē mānē
 0,12759 V̄ ajax vō salemine
 0,12760 Bi dem mane schine
 0,12761 Hette er ġne gestritē
 0,12762 Sie warē im alle entritē
 0,12763 Groz vñ cleine
 0,12764 Ecuba die reine
 0,12765 Mit māne mit kinde
 0,12766 V̄ mit anđme irme gesinde
 0,12767 Gingē gein troylo
 0,12768 Sie warē siñ kvnfte fro
 0,12769 Do er in den sal quam
 0,12770 Sin vať sinē schilt nam
 0,12771 Sinē helm nam ecuba
 0,12772 Sin swest̃ polixena
 0,12773 Enphinc sin s̃wt
 0,12774 Troylus was erē wol w̃t
 0,12775 Sinē halsb̃c zv houwē
 0,12776 Zvgē im vz die frouwē
 0,12777 V̄ salbetē sine wūden
 0,12778 So sie best kvndē
 0,12779 Daz sie im baz tetē
 0,12780 Sine swlst sie im betē
 0,12781 Ecuba sin wol phlac
 0,12782 “Đ geschaffē hat dē tac”
 0,12783 Sprach sie lieplich
 0,12784 “Got vō himelriche
 0,12785 Đ da geschuf die svnnē
 0,12786 Đ mvzze vns din gūnen
 0,12787 Nv wir hectorē han ṽlorn
 0,12788 V̄ dich got so hat erkorn
 0,12789 Daz du nach im geardet bist
 0,12790 Đ gebe dir dines libes frist”
 0,12791 Sie kvste in me den tusent stūt
 0,12792 “Got lazze dich sin gesunt”
 0,12793 Die frowē sazzē vmbe in da
 0,12794 V̄ spottē daz briseida
 0,12795 Sine liebe amige
 0,12796 Vō diomedis frie
 0,12797 Zv grozme worte komē was
 0,12798 “Waz sprichet calcas
 0,12799 Sie mac sin tocht̃ wol sin

0,12800 Daz ist daran gut schin
 0,12801 Sie sint vngetruwe beide”
 0,12802 Sie sprachē ir zv leide
 0,12803 Beide vor vnd vort
 0,12804 Spehe rede vñ scheltwort
 0,12805 Als man dāne ġne phlit
 0,12806 Vnz an die slafzit
 0,12807 Daz ir schimf do gelac
 0,12808 Ir iegelich siñ ruwe phlac
 0,12809 Vnðdes andsit
 0,12810 Hette achilles bose zit
 0,12811 Sin sorge was zwifalt
 0,12812 Daz in die mīne hette gequalt
 0,12813 Daz was ein pine
 0,12814 Ein and daz ð sine
 0,12815 Erslaugē was daz merre teil
 0,12816 Diz leste vnheil
 0,12817 V̄ die erste quale
 0,12818 Hette er zv male
 0,12819 Er sprach “ich bin vnselic geboren
 0,12820 Mich hat mīne v̄ zorn
 0,12821 Beroubet miñ sinne
 0,12822 Mir hat genomē die mīne
 0,12823 Minē pris v̄ min ere
 0,12824 Swie zorne mir were
 0,12825 Daz ich gereche mine diet
 0,12826 Des en gestate ich ð mīne niet
 0,12827 Man mac wūð schowē
 0,12828 Ich bin vm eine frowen
 0,12829 Also sere v̄quolen
 0,12830 Daz ich daz mvz dolē
 0,12831 Daz mine ritt̃ sint erslaugē
 0,12832 V̄ sol ich ez v̄tragē
 0,12833 Durch ein getrucnisse
 0,12834 Min mīne ist gewisse
 0,12835 Als ich gesprochē han
 0,12836 Ein elbisch vure v̄ ein wan
 0,12837 V̄ mines h̄zen brodekeit
 0,12838 Mir enhat niht v̄ geleit
 0,12839 Wē daz ich selbe brode bin
 0,12840 V̄ daz ich h̄ze vñ sin
 0,12841 An ein wip han gekart
 0,12842 Da mir nie niht abe wart
 0,12843 Noch ands w̄dē mac
 0,12844 Wen wbel nacht v̄ vbel tac
 0,12845 V̄ vbel lebē darzv
 0,12846 Beide spate v̄ fru
 0,12847 Mvz min h̄ze wankē

0,12848 Mit sulchē gedankē
 0,12849 Ich sehe wol waz mir ist
 0,12850 V̄ han doch kvnst noch list
 0,12851 Die mich wiđ leite
 0,12852 Vō sulch̄ kracheite
 0,12853 An mine aldē stete
 0,12854 Seht swaz man mir tete
 0,12855 Min enwurde nīm rat
 0,12856 Daz selbe getwas daz mich hat
 0,12857 Ez sie mīne ođ waz ez si
 0,12858 Daz ist mir alzv faste bi
 0,12859 Đ mich allē zv sniete
 0,12860 Ez wer mir doch imm̄ mite
 0,12861 Als ez gewesē ist vnz her
 0,12862 Mir enw̄de des ich gere
 0,12863 Ich stirbe in min selbes not
 0,12864 Die mir wilē warē rot
 0,12865 Mine wāgē die sint mir fal
 0,12866 V̄ min varwe bleich sal
 0,12867 V̄ wibel var min mūt
 0,12868 Min h̄ze vil vngesunt
 0,12869 V̄dorret min lunge
 0,12870 Zv clobē min zvnge
 0,12871 V̄gangē alle min macht”
 0,12872 Sus klagete er alle die lāge nacht
 0,12873 Achilles in đ clauge saz
 0,12874 Vnz er đ zorne v̄gaz
 0,12875 Daz sine rit̄ warē erslagē
 0,12876 Ez begunde harte schone tagē
 0,12877 Vber al die gezelt
 0,12878 Sie hubē sich aḅ an daz velt
 0,12879 Ir finde da engeine
 0,12880 Des feldes des was kleine
 0,12881 V̄ đ walstat bloz
 0,12882 Da was manic hoffē groz
 0,12883 Vf dem geulde
 0,12884 Tot vnđ den schilden
 0,12885 Đ rit̄ mit dem rosse lac
 0,12886 Do entstunt in dire tac
 0,12887 Als in đ anđ was enstandē
 0,12888 Vō troylis handē
 0,12889 Lac ir also vil darniđ
 0,12890 Hette in die nacht niet wiđ
 0,12891 Mit dē sinē in die stat getribē
 0,12892 Sie werē alle tot blibē
 0,12893 Die wochē alle
 0,12894 Vur troylus mit schalle
 0,12895 V̄ die anđn vz đ stat

0,12896 Wen daz ayax frides bat
 0,12897 Hern thelamonis son
 0,12898 Sich hette agomēnon
 0,12899 Libes v̄ gutes ergebē
 0,12900 Ð fride behilt in daz lebē
 0,12901 V̄ anders ir ere
 0,12902 Waz wolt ir nv mere
 0,12903 Sie tatē den totē als e
 0,12904 Nach irme site nach irre e
 0,12905 Vnd nach irme rechte
 0,12906 Zv sturme v̄ zv fechte
 0,12907 Quamē sie an den tac
 0,12908 Do ð fride gelac
 0,12909 Ein ioste da geschach
 0,12910 Menelaus ð stach
 0,12911 Vf hern parisen
 0,12912 Vf vlixen dē wisen
 0,12913 Hurte polidamas
 0,12914 Menestus da bi was
 0,12915 Vō athene ð h̄zoge
 0,12916 Ð quam zv dem gezoge
 0,12917 Parise zv helfe anthenor
 0,12918 Ð q̄ geflogē alenpor
 0,12919 Ð starke philemenis
 0,12920 Ð beginc da grozzē pris
 0,12921 Zv reit agomēnon
 0,12922 Wen ð kvnic thelamō
 0,12923 Als ich daz buch horē sagē
 0,12924 Philemenis hette erslagē
 0,12925 Agomēnon dē helt gut
 0,12926 Harte mēlichē mvt
 0,12927 Hette philemenis
 0,12928 Er was starc v̄ wis
 0,12929 Er machte vn̄d dē crichē
 0,12930 Fil manigē sichē
 0,12931 Er hette sie benotet
 0,12932 Gewūt vnd ertotet
 0,12933 V̄ ertrat vzzermazzē
 0,12934 Thelamō an eiñ strazzē
 0,12935 Quam vf in geritē
 0,12936 Sie begūdē vnsitē
 0,12937 Ð sturm wart h̄te
 0,12938 Dar quam ādaz geūte
 0,12939 Antilocus fil balde
 0,12940 Ouch quam dar ð alde
 0,12941 Nestor ð sin vať was
 0,12942 Als ich an dem buche las

0,12943 Antilocus was vil starc
 0,12944 V̄ sinē vinden arc
 0,12945 Ein wol gewassē brun man
 0,12946 Ê vurte einē wapēroc an
 0,12947 Vō wizzē zindate
 0,12948 Also schiere v̄ also drate
 0,12949 Als er zv sturme quā geiaget
 0,12950 Do ǣ emilius vnūzaget
 0,12951 Anđsit im engein
 0,12952 Ď was đ kebis svne ein
 0,12953 Antilocus stach dare
 0,12954 V̄ ieñ nam des stiches ware
 0,12955 V̄ entwencket sime stiche
 0,12956 V̄ e er voln entwiche
 0,12957 Sluc er in mit dem sŵte
 0,12958 Daz er helfen ġte
 0,12959 V̄ e im helfe were komē
 0,12960 So hette er im den lip genomē
 0,12961 Vñ do die troyere
 0,12962 V̇namē dise mere
 0,12963 Daz emilius was erslagē
 0,12964 Do begundē sie dare iagen
 0,12965 Mit nide vñ mit zorne
 0,12966 Daz blasē mit dem horne
 0,12967 Daz ruffē mit dem m̄de
 0,12968 Nieman enkvnde
 0,12969 Geachtē zv rechte
 0,12970 Rit̃ vnd knechte
 0,12971 Die quamē alle zv geracht
 0,12972 Mit eiñ so getañ macht
 0,12973 Daz đ crichē lutzet genas
 0,12974 Wēne zv flucht comē was
 0,12975 Daz crichische here
 0,12976 Daz da vloch gein dem mere
 0,12977 Waz wolt ir daz ich mer sage
 0,12978 Die crichē wurdē an dem tage
 0,12979 Sigelos vnd v̇zaget
 0,12980 Zv irme gezelde geiaget
 0,12981 Vñ e sie es icht westē
 0,12982 Mit den erstē v̄ mit dē lestē
 0,12983 Die troyane mit in warē
 0,12984 V̄ zvgē sie mit den haē
 0,12985 Her vnd dar wert
 0,12986 V̄ namē in ros v̄ phert
 0,12987 Vnd anđs daz sie fundē
 0,12988 Die sie begriffē kvndē
 0,12989 Slugē sie vñ vingē
 0,12990 Die crichē woldē dingē

- 0,12991 Sie enwistē waz sie soldē
 0,12992 Do sie dingē woldē
 0,12993 Ein heil geschach in vn̄ddes
 0,12994 Ez gesach achilles
 0,12995 Ir leit v̄ ir vngemach
 0,12996 Vn̄ als er ez rechte gesach
 0,12997 Vil zorne im wart
 0,12998 Des v̄ginc im d̄ zart
 0,12999 Den er vō mīnen hete
 0,13000 Sin zorn wart also drete
 0,13001 Daz in d̄ zorn v̄bwant
 0,13002 V̄ die mīne v̄swant
 0,13003 Als ez ein niht were
 0,13004 Im was ioch v̄mere
 0,13005 V̄me deheine mīne
 0,13006 D̄ zorn was im inne
 0,13007 Do er vō dem zorne enbran
 0,13008 Do schut er sinē halsb̄c an
 0,13009 Sinē helm er vf bant
 0,13010 Vf daz ros sper an die hant
 0,13011 Zv sitē schilt v̄ sw̄t
 0,13012 Seht wie d̄ lewe ġt
 0,13013 D̄ schaffe als er hungerc ist
 0,13014 Achilles also svn̄d frist
 0,13015 Vf sine vinde reit
 0,13016 Mit so getaner girekeit
 0,13017 Als d̄ lewe dāne tut
 0,13018 Achilles d̄ helt gut
 0,13019 D̄ quam vf sie gerant
 0,13020 Swie er dē ritt v̄ant
 0,13021 Zv rosse ođ zv vuzze
 0,13022 An state vn̄ an mvzze
 0,13023 Sluc ē slege v̄b slege
 0,13024 Sie hettē dehein gehege
 0,13025 Swaz er ir vber zoch
 0,13026 D̄ itzvnt disen vloch
 0,13027 D̄ begūde wiđ mite iagē
 0,13028 D̄ diesē iagete v̄ einē zagē
 0,13029 D̄ wart selbe geiaget
 0,13030 Sie warē alle v̄zaget
 0,13031 Swaz ir kvne was gewesē
 0,13032 Ir mochte lutzet genesē
 0,13033 Swelchē er d̄ recken
 0,13034 Mit sinē brunē eckē
 0,13035 Ieren mochte erlangen
 0,13036 Des lebē was ergangē
 0,13037 “Waz ist diz” sprach troylus

0,13038 "Wie vert dirre man sus
0,13039 Er veret wol mit schalle
0,13040 Wir fliehē einē alle
0,13041 Wir mvzzē vns es wol schamē
0,13042 Daz wir han rit̃s namē
0,13043 Ođ ie pris gwūnen
0,13044 Sint wir niht enkṽnen
0,13045 Einē māne wiđ stan
0,13046 Mirs leit daz ich dē lip han
0,13047 Vñ in niht tar ṽliesē
0,13048 Ich wil den tot kiesen
0,13049 Ođ ich behalde mine ere
0,13050 Sŵ min frunt si đ kere"
0,13051 Troylus do karte
0,13052 Mit im die bastharte
0,13053 Do achilles gewar wart
0,13054 Daz er vmbe was gekart
0,13055 Er achte es harte cleine
0,13056 Vñ karte im engeine
0,13057 Sie vnd̃hiewē sich
0,13058 Harte sere ir iegelich
0,13059 Dem anđn wiđ stunt
0,13060 Idoch wart er egewūt
0,13061 Đ es minre angest hete
0,13062 Daz was achilles đ drete
0,13063 Im wart ein svlich wūde
0,13064 Daz er niet enkṽnde
0,13065 In dem strite blibe
0,13066 Wer er vō tusent libē
0,13067 Sin wūde was so groz
0,13068 Daz blut im ouch so niđ schoz
0,13069 Daz er zv den zitē
0,13070 Dānen mvste riten
0,13071 Ez was ouch an đ vesperzit
0,13072 Sie kartē heim beiđsit
0,13073 Sibē tage diewile er facht
0,13074 Vō dem morgē biz an die nacht
0,13075 Alle zit ṽ alle wis
0,13076 Behilt troylus den pris
0,13077 Ṽ die mit im vz đ stat
0,13078 Die totē wurdē bestat
0,13079 Vnd geruwetē ir lide
0,13080 Man nam vō beiđsit fride
0,13081 Do heilte sine wūden
0,13082 Achilles bi den stundē
0,13083 Do p̃amus hette ṽnomē
0,13084 Daz achilles was zv strite komē
0,13085 Do schuldegit er ecubam

0,13086 Wen sie polixenam
0,13087 Im gelobet hete
0,13088 "Achilles ist vnstete"
0,13089 Sprach er zornliche
0,13090 "So mir got ð riche
0,13091 Sin gelubede ist ein wint
0,13092 Wir hettē selbē vnš kint
0,13093 Vil na v̄raten"
0,13094 Vil manige rede sie tatē
0,13095 Beide vor vnd vort
0,13096 Polixena hette erhort
0,13097 Daz achilles was gewūt
0,13098 Alsoschiere sie ez v̄stūt
0,13099 Do sprach sie harte stillē
0,13100 "Got gnade hern achillen
0,13101 Mir mvz wol ūmbe ī leide wesē
0,13102 Mochte ð h̄re genesen
0,13103 Ich wolde in ġne lieb han
0,13104 Er ist hubisch v̄ wol gan
0,13105 Vor anđn rittn vz erkorn
0,13106 Ryche vñ wol geborn
0,13107 Ein harte kvne starc man"
0,13108 Einē botē sie gwan
0,13109 Dem h̄rē sie enbot
0,13110 Ir were leit vm sine not
0,13111 Do er die botschaft v̄nam
0,13112 Drifaltic leide im ane quam
0,13113 Vm sine wūden daz was ein
0,13114 Daz anđ daz er des tages erschein
0,13115 Zv strite v̄ zv fechte
0,13116 Wiđ sime rechte
0,13117 Die dritte was im wiđ kvmē
0,13118 Vō đr hat v̄nvmē
0,13119 Daz was vm die mīne
0,13120 Daz im die kvneginne
0,13121 Botē hettē gesant
0,13122 Die botschaft vber want
0,13123 Die anđn swere
0,13124 Im half daz liebe mere
0,13125 Daz er schiere genas
0,13126 Vō dem er gewūt wordē was
0,13127 Dem dreuwet ē an dē lip ie
0,13128 S̄w mich vz dem w̄rē hie
0,13129 Kvnde bescheidē
0,13130 Vō den drin leiden
0,13131 Vnd vō ð liebe da mite
0,13132 Vnd ouch vō dem vnsite
0,13133 Daz er dem dreuwete zvm libe

0,13134 Des swest̃ im zv wibe
 0,13135 Harte ġne hete
 0,13136 Sŵ ez wiste ođ tete
 0,13137 Ċ were wiser dan ich
 0,13138 Doch ŵsin nē ich mich
 0,13139 Vnz ich ez gelerne
 0,13140 So berichte ich es vch ġne
 0,13141 Itzvnt was die stūde
 0,13142 Daz in begunde
 0,13143 Ċ vnfride nehen
 0,13144 E sie den tac gesehē
 0,13145 Daz sie zv felde soldē
 0,13146 Sie enmochtē noch enwoldē
 0,13147 Leng̃ niht beiten
 0,13148 Sie begūdē sich zv reitē
 0,13149 Achilles die sine scharte
 0,13150 Er wisete sie v larte
 0,13151 Als sie zv ringe quemē
 0,13152 Daz sie troylis war nemē
 0,13153 Alsus er zv sinē sprach
 0,13154 Wen im sin zorn ser wach
 0,13155 "Mine sele vō mir scheide
 0,13156 Ich getv im also leide
 0,13157 Als er mir hat getan
 0,13158 Mich entrīge min wan
 0,13159 Ich tot in ođ er mich"
 0,13160 Zv felde hubē sie sich
 0,13161 Da stubē schefe v klügē swt
 0,13162 Vn lieffē ros vnd phert
 0,13163 Die dar vffe sazzē
 0,13164 Die hettē sich gelazzē
 0,13165 Zv tode vn zv libe
 0,13166 Dar nach daz die schibe
 0,13167 Des gluckes leuffet v get
 0,13168 V vber vert vn entstet
 0,13169 Nach glucke v nach heile
 0,13170 Do vurte sinē lip veile
 0,13171 Troylus allē den tac
 0,13172 Enphinc vn gap manien slac
 0,13173 Do wiđ reit im achilles
 0,13174 Den wūđte wie vn wes
 0,13175 Im were zv mvte
 0,13176 Daz er ane hute
 0,13177 Im so dicke wiđ reit
 0,13178 Ez duchte in vnwisheit
 0,13179 Er reit vf in ieñ hilt ihart
 0,13180 Vō irme deweđ gebotē wart
 0,13181 Bezzervnge noch vnschult

- 0,13182 Sie ritē mit vngedult
 0,13183 Ir itweđ dem anđn engein
 0,13184 Mit vil vngefugē slein
 0,13185 Ď ĥte stal da erklanc
 0,13186 Daz fur nach dem slage vz sprāc
 0,13187 V̄ đ halsberg zv reiz
 0,13188 V̄de daz blut vnd đ sweiz
 0,13189 Fliezen begunde
 0,13190 Ein harte vbel stunde
 0,13191 In beiden samt entstunt
 0,13192 Sie wurdē sere gewūt
 0,13193 Achilles hette die craft
 0,13194 Daz im đ helm mit was gehaft
 0,13195 Die riemē er im vaste zv schiet
 0,13196 Des en mochte troylus niet
 0,13197 Des helmes enthaldē
 0,13198 Des wart im zv spaldē
 0,13199 Sin houbet mittē enzei
 0,13200 Da wart beiđsit geschrei
 0,13201 Die crichē mit schallde
 0,13202 Die anđn vō dem falle
 0,13203 Wen troylus erslagē was
 0,13204 Er vil tot vf daz gras
 0,13205 Aller zv howen
 0,13206 Des schigetē die frowē
 0,13207 Obene vf đ zinnē
 0,13208 Die da sazzē enbinnē
 0,13209 Durch wartē vñ durch kaffē
 0,13210 Biben zane claffen
 0,13211 Klage sorge swere
 0,13212 Vnd iemerliche gebere
 0,13213 Hettē sie in đ stat al
 0,13214 Anđsit freude v̄ schal
 0,13215 Achilles durch vnw̄de
 0,13216 Hiez in eime p̄h̄de
 0,13217 Zv dem zagele binde
 0,13218 Als ich gescribē finde
 0,13219 Ď in sime pherde zvm zagel bāt
 0,13220 Ď was kalo genant
 0,13221 Do schrei allez daz da was
 0,13222 Paris vñ eneas
 0,13223 Polidamas vñ mēnō
 0,13224 P̄amvs von ylion
 0,13225 V̄ sine wip vñ sine kint
 0,13226 Mochtē weinens w̄dē blint
 0,13227 Mennon đ kvnic vō psia
 0,13228 Ď volgete mit dē sinē na
 0,13229 Vf kalon er horte

- 0,13230 Der troylū forte
 0,13231 Er sprach do er in vbreit
 0,13232 "Kalo mir ist leit
 0,13233 Daz ir in disme lande
 0,13234 Vns susgetane schande
 0,13235 An vnšme frunde erbotē hat
 0,13236 Ich wene irs mir ein phant lat"
 0,13237 Als er daz wort gesprach
 0,13238 Gein dem rucke er in in stach
 0,13239 Durch dē buch andsit
 0,13240 Do hup sich ein nuwe strit
 0,13241 Achilles rante aber dar
 0,13242 Mēnon mit siñ schar
 0,13243 Troylū in ŵte
 0,13244 So daz er in beherte
 0,13245 Grozze erbeit er des gewan
 0,13246 Da vlos achilles manigē man
 0,13247 V wart ouch selbe gewūt
 0,13248 D strit eine wochē stunt
 0,13249 Daz sie nachtes nie gelagē
 0,13250 Noch tages ruwe niht enpflagē
 0,13251 Achilles hette grozzē zorn
 0,13252 Daz er kalon hette vlorn
 0,13253 Den mēnon hette erslagē
 0,13254 Er begunde ez sinē floke klagē
 0,13255 Sine ritt er bat
 0,13256 Daz sie vf d walstat
 0,13257 Sin war nemē
 0,13258 Als sie zv strite quemē
 0,13259 Des er bat daz gewart
 0,13260 Do sie zv strite warē gekart
 0,13261 V mēnon vf daz velt q
 0,13262 Achilles sin ware nam
 0,13263 V beringete in vf dem ringe
 0,13264 E d strit erginge
 0,13265 Vnd zv ende queme d tac
 0,13266 Mēnon da erslagē lac
 0,13267 Achilles sluc in dar [nider]
 0,13268 Weđ e noch sider
 0,13269 Wart da grozz ruwe
 0,13270 D hre was getruwe
 0,13271 Kvne zv schilde
 0,13272 Riche vn milde
 0,13273 Vn vō edelre gebort
 0,13274 Sine tat vn sine wort
 0,13275 Quamē ie zv erē
 0,13276 Sinē frundē swa sie werē
 0,13277 Daz er tot wurde berat

0,13278 Da wart gerant v̄ getrat
 0,13279 Vn̄ geruffē v̄ geschrit
 0,13280 Achilles in zv schiit
 0,13281 Wol in hundt stucke
 0,13282 Durch sin vngelucke
 0,13283 Quam zv strite paris
 0,13284 Vnd ouch filemenis
 0,13285 Phyon v̄ esdras
 0,13286 Eneas vnd polidamas
 0,13287 Gein in diomedes
 0,13288 Menelaus vn̄ vlyxes
 0,13289 Ajax vn̄ thelamō
 0,13290 Vnd ouch agomēnon
 0,13291 Vnd ir volc dar mite
 0,13292 Vngebere vn̄ vnsite
 0,13293 Wart da vil gestalt
 0,13294 Die crichē iagetē sie mit gewalt
 0,13295 Rechte an daz burc tor
 0,13296 Da stritē sie also lange wor
 0,13297 Vnz sie die nacht dānē treip
 0,13298 Ğ vō troyge da bleip
 0,13299 Me den đ crichē tete
 0,13300 Sie ritē harte spete
 0,13301 Dīse in die stat die ī die gezelt
 0,13302 Sie mochtē kvme vß daz felt
 0,13303 Vor totē geriten
 0,13304 Ez wart in manigē zitē
 0,13305 Vō mānē vō rossē vō phagē
 0,13306 Nie so vil zv male erslagē
 0,13307 Die zv troyge inne
 0,13308 Kinc kvneginne
 0,13309 Ir kint ir furstē ir man
 0,13310 V̄ die sie ands gehortē an
 0,13311 Rit̃ frowē manic knecht
 0,13312 Die claugetē daz vnrecht
 0,13313 Daz in armē was geschen
 0,13314 Man mochte iamer an ī sehē
 0,13315 Die nacht sie alle sazzē
 0,13316 Sie trunkē noch en azzē
 0,13317 Manne noch wibe
 0,13318 Geschach zv irme libe
 0,13319 Aller đ ruwe dehein
 0,13320 Die die s̄vne ie beschein
 0,13321 Sie klagetē daz irs kvniges son
 0,13322 V̄ đ kvnic agomēnon
 0,13323 Beide erslagē lagē
 0,13324 Vō frūden vn̄ vō magē
 0,13325 Was da ruwe vn̄ clage

0,13326 Die nacht durch biz zv dē tage
 0,13327 Ecuba die begynde
 0,13328 Fluchē ſtunde
 0,13329 Da sie inne was geborn
 0,13330 Sie sprach “ich han einē sv ſlorn
 0,13331 Er gezeme gote zv kinde
 0,13332 Min vnheil ist zv swinde
 0,13333 Vn min gelucke zv laz
 0,13334 Mir were harte vil baz
 0,13335 Daz ich ein stein were
 0,13336 Dēne ich sulche swere
 0,13337 Truge ođ sulche leide”
 0,13338 Sie zv furte beide
 0,13339 Ir cleiđ vn ir vas
 0,13340 Vn anđs daz an ir was
 0,13341 Sie sprach “wie ist mir geschen
 0,13342 Leides han ich so vil gesen
 0,13343 An minē kindē vn gelide
 0,13344 Ō mich zv einzeln liden
 0,13345 Alzv sniten hete
 0,13346 Senfter mir daz tete
 0,13347 Ich enruche waz mir me gesche
 0,13348 Vil gne ich gesehe
 0,13349 Daz mich daz abgrūde
 0,13350 Als lebende vurslunde
 0,13351 Vnd behilde immer vort
 0,13352 Daz ich svlche gebort
 0,13353 Vf ſt erden ie gewan
 0,13354 Ō mir got niht engan
 0,13355 Mine gote sehē her
 0,13356 Pluto Mars jupiter
 0,13357 Iupiſ der des himels phlit
 0,13358 Vn mars ſt bewart dē strit
 0,13359 Vn pluto die helle
 0,13360 Swelicher welle
 0,13361 Ō gebe mir die volleist
 0,13362 Daz er neme minē geist
 0,13363 Die voge le min fleisch ezzen
 0,13364 Sint min got ſgazzē
 0,13365 In dirre werlde nv hat
 0,13366 Ich enruche wirt min nīm rat
 0,13367 Daz ich sus geredet han
 0,13368 Des endarf niemā habē wan
 0,13369 Daz ich daz tu vō torheit
 0,13370 Ich enkan anđs min leit
 0,13371 Mit nichte gerechen
 0,13372 Muste ich den leide sprechē
 0,13373 Die mir gut vn lebē

0,13374 Mit sulichē sorgē hant gegebē
 0,13375 So spreche ich daz ich were w̃t
 0,13376 Daz man mich wurfe ī einē līt
 0,13377 Vnd ṽbrente dar inne”
 0,13378 Do entgingē ir die sinne
 0,13379 Vnd q̃ in ir vngewalt
 0,13380 Sie viel nið al verstat
 0,13381 Al versturzt al ṽkart
 0,13382 Als ein stein also hart
 0,13383 Ir was die sprache entgangē
 0,13384 Bleich als ein was ir wangē
 0,13385 Vnd eime totē wol glich
 0,13386 Ð frowē schrigete iegelich
 0,13387 Do sie vf die erdē sleif
 0,13388 Helena sie begreif
 0,13389 Vñ begūde scrigen ṽ klagē
 0,13390 Vñ hiz sie in ein gadē tragē
 0,13391 An ein bette sie do lac
 0,13392 Vnz an den drittē tac
 0,13393 In aller ð gebere
 0,13394 Als sie ṽscheidē were
 0,13395 An werke ṽ an gelazze
 0,13396 Grozze vmmazze
 0,13397 Paris do stalte
 0,13398 Priamus sich qualte
 0,13399 Sie lagen beide alle die nacht
 0,13400 Vf troylū gestracht
 0,13401 Frūt ṽ mage schrigetē al
 0,13402 Also sere daz ð sal
 0,13403 Da troylus inne lac
 0,13404 Al erbibete vñ erschrac
 0,13405 Do ez tagen began
 0,13406 Pīamvs sich vursan
 0,13407 Daz ð tac vf ginc
 0,13408 Do sante er einē iūgelinc
 0,13409 Ð vm einē fride wurbe
 0,13410 E da ieman me ṽturbe
 0,13411 Ð bote tet daz er hiez
 0,13412 Des frides ðes er bitē liez
 0,13413 Den woldē sie im niet ṽsagē
 0,13414 Sie gaben im zv drizzic tagē
 0,13415 Do hiz pīamus fru
 0,13416 Balde griffen dar zv
 0,13417 Vñ einē stein wirkē
 0,13418 Daz niemā konde gemirkē
 0,13419 Ob er ie gesehe
 0,13420 Einē stein so wehe
 0,13421 Do daz grap was gereit

0,13422 Troylus wart dar in geleit
0,13423 Mit so getanē eren
0,13424 Solde ich ez vch lerē
0,13425 Ich enkvnde es niht vollē comē
0,13426 Als ir vō hector hat ṽnomē
0,13427 Also wart hie getan
0,13428 Dānoch hettē sie alle wan
0,13429 Daz ecuba were tot
0,13430 Iedoch begonde ir not
0,13431 Slifen vnd wanken
0,13432 Sie lac an den gedankē
0,13433 Wie sie getete dem den tot
0,13434 D̃ ir dise grozze not
0,13435 Vn̄ dise h̄zeleit tete
0,13436 Mit fluche ođ mit gebete
0,13437 Ođ mit zoubnisse
0,13438 Ođ mit ṽretēnisse
0,13439 Ođ mit sulchē dingē
0,13440 Sie ez mochte vollē bringē
0,13441 Do gedachte sie daz
0,13442 Daz sie mit ṽretēnisse baz
0,13443 Irn willē mochte ṽenden
0,13444 Sie dachte daz sie sendē
0,13445 Nach achille solde
0,13446 Als sie ime wolde
0,13447 Polixenam ir tocht̃ gebē
0,13448 Die were im liep so daz lebē
0,13449 Sie dachte “wen er kvmē ist
0,13450 So gedenke ich wol die list
0,13451 Daz min wille geschiet”
0,13452 Do ensvmte sie niet
0,13453 Sie sante nach parise
0,13454 Vnd bat in al die wise
0,13455 Daz sie mochte vn̄ kvnde
0,13456 Daz er anđ stunde
0,13457 Willeclichen tete
0,13458 Saz sie in bete
0,13459 Sie sprach “paris liebe svn
0,13460 Du enwolles minē rat tun
0,13461 Vnd vil gnedic wesen
0,13462 Ich enmac deheinewis genesē
0,13463 So groz ist min vngemach”
0,13464 Paris in ir wort sprach
0,13465 “Ich swere dir in truwē
0,13466 Solde ez mich ioch geruwē
0,13467 Vn̄ solde ez min tot sin
0,13468 Ich leiste die bete din
0,13469 Ich geswige d̃ bete din gebot

- 0,13470 Leiste ich ġne so mir got"
 0,13471 Sie sprach "ich han willē
 0,13472 Daz ich achillen
 0,13473 Vō dem libe getu
 0,13474 Da salt du mir helfē zv
 0,13475 Ich hette im gelobet polixenā
 0,13476 Wen mir vō im ein bote quam
 0,13477 Ğ gelobete in truwē daz
 0,13478 Daz er hinnē vurbaz
 0,13479 Entete nīmer mere
 0,13480 Daz vnser schade were
 0,13481 Sint hat er troylū erslagē
 0,13482 Daz ist daz ich klaugē
 0,13483 Sint er vns v̄ratē hat
 0,13484 So ist daz min rat
 0,13485 Daz wir in ouch v̄ratē
 0,13486 Als er v̄ die sinē vns tatē
 0,13487 Ich wil in sun paris
 0,13488 Besendē in svlche wis
 0,13489 Daz er gewislichē kvme
 0,13490 Ich wil achte sinē frume
 0,13491 Vñ polixenam hole
 0,13492 Ich bedurfe sin so wole
 0,13493 Ich wolle sie im ġne gebē
 0,13494 Daz wir behaldē vnse lebē
 0,13495 Vnś lant vñ vnś geine
 0,13496 Ich bringe sie im engeine
 0,13497 Bi daz burc tor
 0,13498 Da bi min svn hector
 0,13499 Bestatet lit vñ troylus
 0,13500 So ganc du in daz bethus
 0,13501 Da dine bruđ mine kint
 0,13502 Rechte vor begrabē sint
 0,13503 Alda nim sin ware
 0,13504 Ich weiz wol er kvmet dare
 0,13505 Da salt du im tun den tot"
 0,13506 Daz sie bat vnd gebot
 0,13507 Vil vnġne erz tete
 0,13508 Doch mvste er leistē ir bete
 0,13509 Er sprach "wie vnġne ich ez tv
 0,13510 Doch mvz ich griffē dar zv
 0,13511 Ez ge zv schadē ođ zv frumē
 0,13512 Ich bin so v̄re dar in kvmē
 0,13513 Daz ichz wiđredē niht ensol
 0,13514 Ez enstet mir doch niht wol
 0,13515 Ez ist ouch vnrittlich
 0,13516 Des mvz ich doch getrostē mich
 0,13517 Ez ist also we in zit

- 0,13518 Als lang̃ gebit
 0,13519 Ez gesche noch an dirre nacht
 0,13520 Ob du ez vollēkvmē macht”
 0,13521 Sin mṽt sprach “daz si also”
 0,13522 Sie was ð rede vil fro
 0,13523 Einē botē sie do nam
 0,13524 Ð zv ð botschaft gezam
 0,13525 Vñ ez geŵbē kvnde
 0,13526 Rechte an ð stunde
 0,13527 Do ð mane vf ginc
 0,13528 Vñ hiez in ŵbē diz dinc
 0,13529 Ð bote reit stille
 0,13530 Vñ warp zv achille
 0,13531 Daz im zv ŵbene geschach
 0,13532 Dem h̃rē er zv sprach
 0,13533 Da er in dem bette lac
 0,13534 Achilles in dem slaffe erschrac
 0,13535 Do er die botschaft ṽstunt
 0,13536 Balde er vf stunt
 0,13537 Liebe er im gedachte
 0,13538 Antilocū er wachte
 0,13539 Daz was nestors svn
 0,13540 Er sprach “ich bin wol gewun
 0,13541 Du bist ein gut heluaz”
 0,13542 Er sagete im diz vñ daz
 0,13543 Wie dem dinge were
 0,13544 Antiloco daz mere
 0,13545 Harte wol behagete
 0,13546 Zv hant er sagete
 0,13547 “Wir wollē samēt dar wert”
 0,13548 Sie namē beide ir s̃wt
 0,13549 Vñ añds deheine were
 0,13550 Vñ slichē vz dem here
 0,13551 Vñ quamē hin bi daz tor
 0,13552 Da begrabē lac hector
 0,13553 Vñ sin bruð troylus
 0,13554 Vñ gingē in daz bethus
 0,13555 Dar in was bescheidē
 0,13556 Da geschach in vbel beidē
 0,13557 Des eñsahē sie sich niet
 0,13558 Als manigē geschiet
 0,13559 Ð durch mīne wirt betrogē
 0,13560 Da lagē bi den swibogē
 0,13561 Vñ bi den wendē
 0,13562 In fier enden
 0,13563 Zwencic ritt̃ starke man
 0,13564 Vñ hettē ir halsb̃ge an
 0,13565 Wol zv gereche in alle wis

0,13566 Da was ouch inne paris
 0,13567 Ez was da fīnst inne
 0,13568 Als die kvneginne
 0,13569 Hette geratē
 0,13570 Zvtz in dar in traten
 0,13571 Die zwene hren wūddes
 0,13572 Antilocus vñ achilles
 0,13573 Do sie wol quamē darin
 0,13574 Iene warē hinđ in
 0,13575 Vñ besluzzē die ture
 0,13576 Vñ zvctē ir kerzē her vure
 0,13577 Vzze den kistē
 0,13578 Iene zwene do wol wiste
 0,13579 Wes ienen was zv mvte
 0,13580 Vñ do sie vz đ hute
 0,13581 Vf sie geloufē quamē
 0,13582 Die iene zwene namē
 0,13583 Ir swt an die rechtē hant
 0,13584 Vm die lizen wūdē sie ir gewāt
 0,13585 Vñ gehildē sich zv ir manheit
 0,13586 In enwas da bereit
 0,13587 Dehein and were
 0,13588 Die zwēzic warē zweig here
 0,13589 Zwenzic zwene bestūden
 0,13590 Die zwene wiđ stundē
 0,13591 Mit sulchē geberē
 0,13592 Ob sie gewafent werē
 0,13593 Sie hettē sich in wol entsaget
 0,13594 Sie warē bloz so vnūzaget
 0,13595 Weren sie gewarnet dar kvmē
 0,13596 Sie hettē in den lip genvmē
 0,13597 Ez was vil vnwene
 0,13598 Daz vnđ zwēzig zwene
 0,13599 Der itweder was bloz
 0,13600 Enthildē so manigē slac groz
 0,13601 Sie hettē leng dehein gehege
 0,13602 In wart zv vil đ slege
 0,13603 Die sie bloz enphingē
 0,13604 Sie hizzē sie dingē
 0,13605 Daz sie gebē ir swt
 0,13606 Achilles sprach “des ir gert
 0,13607 Daz sol vch wol wdē”
 0,13608 Er sluc ir viere zv đ erdē
 0,13609 Mit dem salbē swte
 0,13610 Des man zv im gte
 0,13611 Den funftē sluc er dar nach
 0,13612 Im was zv dem sehtē vil gach
 0,13613 Daz er im samt tete

0,13614 Do was vō vngerete
0,13615 Antilocus eruallen
0,13616 Vn̄d den an̄n allē
0,13617 Wolde in achilles han berat
0,13618 Vn̄ als er v̄b in trat
0,13619 Daz er in generte
0,13620 Do starp sin geuerte
0,13621 Da er v̄b im stunt
0,13622 Wende er was so gewūt
0,13623 Daz er mvste wesē tot
0,13624 In ̄d creftigen not
0,13625 Paris do her vur lief
0,13626 Sine ritt̄ er ane rief
0,13627 “Slahet balde den man
0,13628 Nv hat er dehein gewer an
0,13629 Tret im zv allesit”
0,13630 “Her paris ob ir kvne sit”
0,13631 Sprach her achilles
0,13632 “So erholet vch des
0,13633 Des vch an in v̄re
0,13634 Ir stet mir harte v̄re
0,13635 Swie ich hie nv luzze
0,13636 Hette ich vch da vzze
0,13637 Ich wolde mine stille han
0,13638 Vn̄ wolde vch mit dē fuzzē bestan
0,13639 Sol diz ein bethus sin
0,13640 Daz ist vbel an mir schin
0,13641 Ich quam h̄ durch gut in
0,13642 Vm daz ich hie v̄ratē bin”
0,13643 Sie bestūdē in mit zorne
0,13644 Hinden vn̄ vorne
0,13645 Vn̄ ouch gein den sietē
0,13646 Den h̄ren sie zvschrietē
0,13647 Obene vnd vnde
0,13648 Daz nieman enkvnde
0,13649 Sin gesehē dehein teil
0,13650 Weđ ganz noch geheil
0,13651 Er wart so sere gewūt
0,13652 Daz er in dem blute stunt
0,13653 Als in einē brūnen
0,13654 Im was ̄d craft zv rūnen
0,13655 Er hette ̄d beine deine gewalt
0,13656 Er was zv schit vn̄ zv spalt
0,13657 So daz im daz h̄ze entsanc
0,13658 Paris im do zv spranc
0,13659 Vn̄ sluch im abe eine hant
0,13660 Achilles sin sw̄t vf want
0,13661 Vn̄ wolde in slahē wiđ

0,13662 Do vil er mit dem slage nið
0,13663 Do slugē sie alle dare
0,13664 Vñ zv hacten in gare
0,13665 Do nam er sin ende
0,13666 In dem ellende
0,13667 Mit sulcher manheit
0,13668 Daz ez allē rittern leit
0,13669 Si vñ imer mvzze wesen
0,13670 Die diz horent lesen
0,13671 Daz von so manigē bosen zagē
0,13672 Ein svlich helt wirt erslagē
0,13673 Ir was ouch nie dehein
0,13674 Den sin swt ie berein
0,13675 Er mochte ez wol gewisen
0,13676 Ouch wunte er parisē
0,13677 Sines swtes spitze
0,13678 Hette sin antlitze
0,13679 So garwe zv houwē
0,13680 Daz er sine frouwen
0,13681 Mit ganzem mvnde nīm me
0,13682 Enkvnde gekvssen als e
0,13683 Er mvste den narwē habē
0,13684 Paris hiez sine begrabē
0,13685 Ð warē funfe blibē tot
0,13686 Paris sinē knechtē gebot
0,13687 Er enwolde sie es niht erlazze
0,13688 Sie enwurfē sie an die strazze
0,13689 Antilocū vnd achillen
0,13690 Sie tatē sinē willē
0,13691 Sie wurfē sie vzer ð ture
0,13692 Bi die svle hin vure
0,13693 Da her hector vffe lac
0,13694 Do begunde ð tac
0,13695 Harte schone schinē
0,13696 Paris mit den sinē
0,13697 Mit rittn vnd mannē
0,13698 Hup sich do dannē
0,13699 Dirre tot vnd dirre mort
0,13700 Was itzvnt komē ein teil fort
0,13701 Dan in die stat zv ylion
0,13702 Ez weste agomēnon
0,13703 Vñ allez sin her
0,13704 Do flouc daz mere vñ mere
0,13705 Harte witē in die lant
0,13706 Wē achilles was wol bekant
0,13707 Vō sterke vñ vō manheit
0,13708 Des wart daz mere vil breit
0,13709 Daz iamē vñ die leide

0,13710 Vm die herrē beide
0,13711 Was in dem her also groz
0,13712 Daz ir ruf vñ ir doz
0,13713 Erhal vñ ir geschreige
0,13714 Vñ ir klage maniger leige
0,13715 Mochte erbarmē einē stein
0,13716 Sie woldē alle vñein
0,13717 Achillē hole mit gewalt
0,13718 Ir iegelich parisen schalt
0,13719 Durch die vntruwe
0,13720 “Got wolle daz ez in geruwe
0,13721 In vil kvrzen citen”
0,13722 Agomēnō hiez botē ritē
0,13723 Hin zv pⁱamo in die stat
0,13724 Vñ hiez in bitē vñ bat
0,13725 Mit grozz flehe
0,13726 Daz er an gote sehe
0,13727 Vñ hize in die h^rē wiđ gebē
0,13728 Die also iemliche ir leben
0,13729 In dem bethuse hettē vlorn
0,13730 Parise was die rede zorn
0,13731 Daz er es gedachte
0,13732 Sin bruđ in dar zv brachte
0,13733 Helenvs der wissage
0,13734 Beide mit bete v mit klage
0,13735 Daz man sie wiđ gebē hiez
0,13736 Do man sie brachte daz folc geliez
0,13737 Als ez vnsinnic were
0,13738 Nestor vō siñ swere
0,13739 Wander den svn tot sach
0,13740 Sine hende zv brach
0,13741 Vñ vluchte sine iar
0,13742 Er zv roufte sine har
0,13743 Vñ zv reiz sin gewant
0,13744 Vñ sprach daz er in sin lant
0,13745 Antilocū sende solde
0,13746 Do geschach daz als er wolde
0,13747 In sime lande wart er begrabē
0,13748 Do hette agomēnō vf erhabē
0,13749 Ein werc v vf geleit
0,13750 Vō so getań zirheit
0,13751 Daz nieman svlches niht fant
0,13752 Ob er durch vure tulent lant
0,13753 Er hiez wirken einē stein
0,13754 Da vō golde inne schein
0,13755 Vil manic schone bilde
0,13756 Daz in walde noch in geulde
0,13757 In đ luft noch in dem mer was

0,13758 An dem steine man ez las
 0,13759 Als dares hat gelart
 0,13760 Vf den stein geworht wart
 0,13761 Ein billde glich ein maget
 0,13762 Von d vch vor ist gesaget
 0,13763 Sie was polixena genant
 0,13764 Sie hette ein uaz an d hant
 0,13765 Vō eime rubine
 0,13766 Glich d sūnen schine
 0,13767 Als ein blut also rot
 0,13768 Daz uaz bezeichēte sinē tot
 0,13769 Wēne er hette sin blut v sin lebē
 0,13770 Vm ir mīne gegebē
 0,13771 Die and hant hette daz vaz
 0,13772 D wcmān des niht v̄gaz
 0,13773 Er hette dar ane gescribē
 0,13774 Wie er zv troyge was blibē
 0,13775 Vō wibe v̄raten
 0,13776 In den sarc sie tatē
 0,13777 Wurze maniḡ hande
 0,13778 In phellinē gewande
 0,13779 Dē hren sie bewūden
 0,13780 Vn balsmetē sine wūdē
 0,13781 Do d stein was bereit
 0,13782 Achilles wart dar in geleit
 0,13783 Sie richtē vf fiere
 0,13784 Svle von groz ziere
 0,13785 Dar vf wart d sarc erhaben
 0,13786 Daz dar ane was ergrabē
 0,13787 Daz golt schein vbal
 0,13788 Vber velt vn vber tal
 0,13789 Vb wazzer vb berg
 0,13790 Ez en wart nie scho werg
 0,13791 Die vō troyge iahen
 0,13792 Als sie ez gesahē
 0,13793 Ez were daz beste
 0,13794 Daz ieman irgē weste
 0,13795 Als er gesprochē hette vor
 0,13796 Do hiez d alde nestor
 0,13797 Sinē son beren
 0,13798 Vn sante in mit erē
 0,13799 Hin heim in sin lant
 0,13800 Daz was piro genant
 0,13801 V̄ hiez in vn d dē magē
 0,13802 Die da bestat lagē
 0,13803 Mit andme sime geslechte
 0,13804 Be grabē nach sime rechte
 0,13805 Vn ddes die crichische diet

- 0,13806 Ginc zv rate vñ riet
0,13807 Waz sie ane gingen
0,13808 Ob sie mit deheinē dingen
0,13809 Ieman kvnde geleren
0,13810 Ob sie zv lande keren
0,13811 Mochten ođ woldē
0,13812 Ođ wen sie kyesē soldē
0,13813 Ğ achillen reche
0,13814 Dirre rat v̄ diz gespreche
0,13815 Dri tage w̄te
0,13816 Dirre disses gerte
0,13817 Iener gerte ands wes
0,13818 Do v̄einten sie sich des
0,13819 An dem vierdē tage
0,13820 Daz calcas ir wissage
0,13821 An erme gote v̄neme
0,13822 Waz in zv rechte queme
0,13823 Ane beite vñ ane frist
0,13824 Calcas vbete sine list
0,13825 Er sprach sinē got
0,13826 Do v̄nam er daz gebot
0,13827 Vnd ein antwurte sus getan
0,13828 Die crichē svllē hie bestan
0,13829 Schiere geschiet ir wille
0,13830 Er ist geborn vō achille
0,13831 Ğ vch zv helfen kvmē sol
0,13832 Die crichē v̄stundē sich niht wol
0,13833 Wer der selbe were
0,13834 Ğ got sprach niht mere
0,13835 Sie begundē fragē
0,13836 Vnđ achilles magē
0,13837 Stille vñ offenbare
0,13838 Ob da ieman ware
0,13839 Ğ achilles kint erkente
0,13840 Daz er sie nente
0,13841 Do wart ir vil da genant
0,13842 Ajax ir einē do vant
0,13843 Der ez wol sin mochte
0,13844 Vnd dar zv tochte
0,13845 Nu horet wie ajax sprach
0,13846 "Ich weiz wol waz wilen gescah
0,13847 In licomedis lande
0,13848 Sine tochter ich wol erkande
0,13849 Vō đ achilles ein kint gewan
0,13850 Als ich mich v̄sinnē kan
0,13851 Licomedes hat daz kint
0,13852 Funfzehen iar ez sint
0,13853 Daz ez sin mv̄t gebar

0,13854 Ez ist rechte geuar
 0,13855 Vnd als achilles gestalt
 0,13856 Vñ ist funfzehē iar alt
 0,13857 Starc vnd drete
 0,13858 Swer nv boten hete
 0,13859 Ð dar kvmē kvnde
 0,13860 Ich weiz wol daz erz vūde
 0,13861 Er ist pyrrus genant"
 0,13862 Agomēnō erdachte zv hant
 0,13863 Wer zv botē dar gezam
 0,13864 Sinē bruð er dar zv nam
 0,13865 Menelao wart beuolē
 0,13866 Daz er den knappē solde holen
 0,13867 Er sprach er were es gerende
 0,13868 Daz im gut erende
 0,13869 Zv w̄bende geschee
 0,13870 Ez was an ð nehee
 0,13871 Daz ð fride vz ginc
 0,13872 Sie richtē sich aß vf den rinc
 0,13873 So die wurz enspringet
 0,13874 Vnd ð vogel singet
 0,13875 Vñ langet der tac
 0,13876 Vnd ruch vnd smac
 0,13877 Svzzet vf ð owe
 0,13878 So daz gras vō dem towe
 0,13879 Nazzet hin gein morgē
 0,13880 So die werlt vō sorgē
 0,13881 In die freude keret
 0,13882 Do wart ir leit gemeret
 0,13883 Die svzze zit in svre wart
 0,13884 Sie warē zv felde gekart
 0,13885 Hie zv dort zv
 0,13886 An dem morgē harte fru
 0,13887 Mit ð svnnen schine
 0,13888 Ajax von salemine
 0,13889 Vor den andn reit
 0,13890 Harte schone vnd gemeit
 0,13891 Paris gein im quam
 0,13892 Manic ritt lobesam
 0,13893 Volgeten beiðsit in
 0,13894 Daz was ir erste begin
 0,13895 Ð sluc den ieñ ienen
 0,13896 Gein den ougē gein dē zenē
 0,13897 Swa er in treffe mochte
 0,13898 Ajax sin s̄w rochte
 0,13899 Also tet ouch paris
 0,13900 Vnd philomenis
 0,13901 An dem selbē willē was

- 0,13902 Eneas vñ esdras
 0,13903 Anđsit agomēnon
 0,13904 Diomedes vñ thelamō
 0,13905 Vnd vlixes đ wise
 0,13906 Zv gufte vñ zv prise
 0,13907 Beide zv beiage vñ zv lobe
 0,13908 Eine niđ ein anđ obe
 0,13909 Eine wiđ vf ein anđ niđ
 0,13910 Here dare vort wiđ
 0,13911 Nach sterke vñ nach kranheit
 0,13912 Dirre baz iener wirs streit
 0,13913 Đ cranke behagelt man
 0,13914 An dem starkē den pris wan
 0,13915 Dem starken tragē missegin
 0,13916 Vm svsetane dinc
 0,13917 Klaufete zv strite đ zage
 0,13918 Daz sin hinckenđ phage
 0,13919 Were harte trege
 0,13920 Vnd dar zv vorwege
 0,13921 So er was wol gesvnt
 0,13922 Vñ was des kvnen ros gewūt
 0,13923 An houbete ođ an beine
 0,13924 Đ claufete harte kleine
 0,13925 Ez was im leit daz ez hanc
 0,13926 Idoch er vaste zv dranc
 0,13927 Vñ klagete ez niet
 0,13928 Ob im sin stritē misseriet
 0,13929 So klagete đ blode
 0,13930 Sin halsberg wer snode
 0,13931 Er were niht gut zv gereche
 0,13932 Er enruchte mit wellhāde zeche
 0,13933 Er vz dem stite quam
 0,13934 Đ kvne nictesniet war nam
 0,13935 Ob sin halsberg zv reiz
 0,13936 Er enwolde strit noch creiz
 0,13937 Schuhē durch sinē halsberg
 0,13938 Er vbete rittliche werg
 0,13939 Mit heldes handen
 0,13940 Vō susgetanē schandē
 0,13941 Dem bosen zage ie war
 0,13942 Daz đ kvne icht tvn tar
 0,13943 Wō sulchē dingē ez geschach
 0,13944 Daz ajax zv parise sprach
 0,13945 "Ir hat achillē erslagē
 0,13946 Gliche eime diet zogen
 0,13947 An dem helde bosez as
 0,13948 Den mort den du begangē has
 0,13949 Du enwurde recht ritt nie

- 0,13950 Daz wil ich beredē alhie
 0,13951 Mit schilde vñ mit spere
 0,13952 Bist du kvne so rit here”
 0,13953 “Gerne” sprach paris
 0,13954 “Man saget daz du min mag sis
 0,13955 Esionen miñ wasē svn
 0,13956 Des bin ich vngewon
 0,13957 Daz mich ð schelde
 0,13958 Wol her zv felde
 0,13959 Ich wil als du wilt”
 0,13960 Sie ebentē sich vñ ð ir schilt
 0,13961 Beide dirre vñ der
 0,13962 Vñ zv brachē die sper
 0,13963 Zv den sw̄ten sie griffen
 0,13964 Scharfe gesliffen
 0,13965 Vō stahel vil herte
 0,13966 Ajax sich wol werte
 0,13967 Er sluc sin brun ysen
 0,13968 Hine gein parisen
 0,13969 Einē slac er im gap
 0,13970 Vñ sluc im den arm ab
 0,13971 Er sluc andwerbe dare
 0,13972 Vñ zv spilt im daz houbet gare
 0,13973 Paris vil zv ð erden
 0,13974 Da mvste iamer w̄den
 0,13975 Da v̄los paris dē lip
 0,13976 Daz klagetē meide v̄ wip
 0,13977 Ez was im ein vnselic tac
 0,13978 Des tages do er tot lac
 0,13979 Ð schone in ð schonē zit
 0,13980 Wart zv howē vnd zv schit
 0,13981 Vf dem grunē grase
 0,13982 Sin schone mvnt sin nase
 0,13983 Sine ougē sine wangē
 0,13984 Lagē da behangē
 0,13985 Mit blumē mit krute
 0,13986 Daz gezam dem vrowē trute
 0,13987 E ajax karte dannē
 0,13988 Vō parises mannē
 0,13989 Wart er vmbe ringet
 0,13990 Er hette vbel gedīnget
 0,13991 Wen daz in sin vať thelamō
 0,13992 Loste vnd agomēnon
 0,13993 Ajax vnd diomedes
 0,13994 Menesteus vñ vlixes
 0,13995 Vñ die crichē alle gemeine
 0,13996 Hubē sich in engeine
 0,13997 Vñ liezzē so dar gan

0,13998 In kvnde niht vor bestan
 0,13999 Irn slegē noch irn stichē
 0,14000 Die vō troyge wichē
 0,14001 An ð flucht sie namē
 0,14002 Parises lichnamen
 0,14003 Die crichē iagetē nach
 0,14004 Ienē was zv ð flucht gach
 0,14005 Dise volgetē deste baz
 0,14006 Sie enwarē weðsit laz
 0,14007 Eine wis noch anðwis
 0,14008 Tot wart her paris
 0,14009 In die stat heim gevort
 0,14010 Die crichē quamē nach gerort
 0,14011 Vnz an daz burctor
 0,14012 Da hildē sie vor
 0,14013 Sie besazzē da binnē
 0,14014 Swie vaste man vō den cinnē
 0,14015 V̄ von den turnen w̄te
 0,14016 Daz crichische her beherte
 0,14017 Sie kondē sie niht v̄tribē
 0,14018 Vō mannē vnd vō wibē
 0,14019 Was in ð stat grozze not
 0,14020 Vmdaz paris was tot
 0,14021 Vñ sie ouch warē besezzen
 0,14022 Des setzis wart v̄gezzē
 0,14023 Ez was in ð abūt zit
 0,14024 Sie besluzzē alle sit
 0,14025 Tor vñ porten
 0,14026 Parisen sie do furtē
 0,14027 Da man in begrabē solde
 0,14028 Als sin vaʒ wolde
 0,14029 In daz bethus man in truc
 0,14030 Da er achillē inne sluc
 0,14031 Helena dar in quam
 0,14032 Alsschiere sie v̄nam
 0,14033 Daz er dar in getragē was
 0,14034 Sie zv roufte ir vas
 0,14035 Vnd zv reiz ir gebende
 0,14036 Vñ want ir hende
 0,14037 Vñ klagete ir ellende
 0,14038 Vnd sprach “hute si mī ende
 0,14039 Daz mich min mv̄t ie gebar
 0,14040 Stirp lib sele var
 0,14041 Ich enruche rechte war
 0,14042 Daz du ouch cumes dar
 0,14043 Da parises ist
 0,14044 Var balde ane frist
 0,14045 Mir ist leit daz du hie bist

0,14046 Eya herze nv brist
 0,14047 La mine sele hinnē varn
 0,14048 Wen were ich arme v̇warn
 0,14049 Do ich was ein weste barn
 0,14050 Ich kan mich doch niht bewarn
 0,14051 Ich en mvzze v̇scheiden
 0,14052 Vō sorgē vñ vō leidē
 0,14053 Waz ist vns beidē
 0,14054 Beschert vnd bescheidē
 0,14055 Mustē wir entsament sin
 0,14056 So wolde ich durch die liebe din
 0,14057 Miden immer ṡnnen schin
 0,14058 Vñ trinckē wazzer vur den win
 0,14059 Vur brot caf vñ vesen
 0,14060 Vnser enkan deheiß genesē
 0,14061 Daz cassandra hat gelesen
 0,14062 Daz mac nv wol war wesen
 0,14063 Daz sie mir vor hat gesehen
 0,14064 Daz ist daz merre teil geschehen
 0,14065 Daz ich mit den ougē sehen
 0,14066 Des mvz ich nv mite iehen
 0,14067 Des landes blume paris
 0,14068 Seliḡ man svzze amis
 0,14069 Vrowē ere ritt̃ pris
 0,14070 Daz du hie sv̇s verwādet lis
 0,14071 Was sol min geḡden”
 0,14072 Vō sorgē vñ vō ṡwden
 0,14073 Vō grozzē vṅwden
 0,14074 Vil sie zv der erden
 0,14075 Ir enginc ḡ sin sie niht sprach
 0,14076 Sie enhorte noch ensach
 0,14077 Sie enweste waz ir geschach
 0,14078 So groz was ir vngemach
 0,14079 Ecuba die tet alsame
 0,14080 “Waz sol ich arme wibes name
 0,14081 Ich weiz wol wes ich den lip han
 0,14082 Ich bin des leides durch gan
 0,14083 Als daz vel ḡ beizze
 0,14084 Kalde vnd heizze
 0,14085 Beide bleich vñ rot
 0,14086 Sorge swere leit not
 0,14087 Die furent mich vz vñ in
 0,14088 In min l̃ze in minē sin
 0,14089 Also gereit vñ also gerat
 0,14090 Als da man einē phat
 0,14091 Alle tage buwet
 0,14092 Min leit wirt v̇nvwet
 0,14093 Ie vō tage zv tage

0,14094 Des v̇druzzet mich ḋ klage
0,14095 Des bin ich zv vngeũte
0,14096 Starc vnd herte”
0,14097 Priamus ouch in klage was
0,14098 Vn̄ dar mite eneas
0,14099 Die ritter warē alle so
0,14100 Die kappen warē vnfro
0,14101 Die frowē sazzē dar inne
0,14102 Vn̄ klagetē sine minne
0,14103 Sie sprachē daz er were
0,14104 Ḋ beste m̄nere
0,14105 Ḋ ie geschuhete sinē vuz
0,14106 Sie lobeten sinē gruz
0,14107 Sine gelaz vn̄ sinē ganc
0,14108 Were die nach eins iares lanc
0,14109 So redetē sie and̄s niet
0,14110 Wē daz im vō m̄nē was geschiet
0,14111 Zv wane v̄ zv ware
0,14112 Stille vnd offenbare
0,14113 Da was bereitet ein sarc
0,14114 Bezzer den tusent marc
0,14115 Da wart paris in geleit
0,14116 Mit harte grozż zierheit
0,14117 Riche was sin gewant
0,14118 Ein finġlin an siñ hant
0,14119 Von edelme golde
0,14120 Als ez sin vať wolde
0,14121 Vf sin houbet eine krone
0,14122 Mit gesteine harte schone
0,14123 Gut ruch gut smac
0,14124 Vō wurzē viel dar inne lac
0,14125 Zv erē vn̄ zv m̄nen
0,14126 Irre gotinnen
0,14127 Die da heizzet pallas
0,14128 Ein bethus gewort was
0,14129 Dar vf hubē sie den stein
0,14130 Vḃ alle die lant er da schin
0,14131 Zv rume vn̄ zv gufte
0,14132 Hohe in der lufte
0,14133 Als vch vor gesaget ist
0,14134 Die crichē hettē manige list
0,14135 Zv dem gesetze erdacht
0,14136 Vn̄ hettē vur die stat bracht
0,14137 An den grūden vn̄ and̄ hoe
0,14138 Mangen vn̄ eben hoe
0,14139 Geschutze phedelere
0,14140 Gein die erkere
0,14141 Gedilte hamiden

0,14142 Gein den turnē v̄ dē berfridē
 0,14143 Maniḡhande gewere
 0,14144 Gehuttet hette daz her
 0,14145 Gein mvrē v̄n gein zinnē
 0,14146 V̄n hettē sie da enbinnē
 0,14147 Besezzē also harte
 0,14148 Daz iene vō ḡ warte
 0,14149 Kvme kvmē kvndē
 0,14150 Hie han ich ein rede fundē
 0,14151 Ḍ man hie wol enpere
 0,14152 V̄n ouch ein theil swere
 0,14153 Sint ez aḡ wor gescribē ist
 0,14154 Wurde ir an mir brist
 0,14155 Man spreche ich hette gelazzē
 0,14156 Vor forchte die strazze
 0,14157 Ich enturste niht volē varn
 0,14158 Ob ich kan ich wil ez bewarn
 0,14159 Sint im geratē hat sin sin
 0,14160 Des folger ich bin
 0,14161 Daz im des zv mvte was
 0,14162 Daz er hie hohe rede las
 0,14163 Ich han noch ivngers namē
 0,14164 Ich wolte mich des idoch schamē
 0,14165 Daz ich vngesaget liezze
 0,14166 Daz er mich sprechē hieze
 0,14167 Occean⁹ ist daz mer genant
 0,14168 Daz alle die werlt v̄ alle die lant
 0,14169 Vmbe fluzzet v̄ vmbe gat
 0,14170 Vier vz fluzze ez hat
 0,14171 Der ir iegeliche
 0,14172 Sin lant v̄n sin riche
 0,14173 Svndlichen beslozzē
 0,14174 Ein teil ist geflozzē
 0,14175 Engegen da vns die sv̄ne enstat
 0,14176 Daz anḡ gein da sie vnḡ gat
 0,14177 Da sie vf get daz ist oriens
 0,14178 Da sie vnḡ get dast occidens
 0,14179 Daz drritte teil da engein
 0,14180 Da ḡ mittag entschein
 0,14181 Daz ist in meridie
 0,14182 So fluzzet ḡ vierde se
 0,14183 Da engein rechte anḡsit
 0,14184 Da ist keldē alle zit
 0,14185 Daz teil heizzet septemt¹⁰
 0,14186 Wie nider wie ho
 0,14187 Wie lanc wie breit
 0,14188 Der teilunge ḡ ir sit bereit
 0,14189 Ir iegelich vf ḡ erdē ist

- 0,14190 Mit grozz̃ kvnst mit grozz̃ list
 0,14191 Liez ez jvliu mezzē
 0,14192 Ein keiser ṽmezzē
 0,14193 Ivlius niht envgaz
 0,14194 Die werlt er alle vber maz
 0,14195 Die lant aller hande
 0,14196 Die wazzer indem lande
 0,14197 Ir richte ir krūme
 0,14198 Die gesazzē warē dar vmbe
 0,14199 Ir wūđ vnd ir ziere
 0,14200 An die fluzze fiere
 0,14201 Die ich for habe genant
 0,14202 So sin ir drizzic nochdant
 0,14203 Die vō den fierē flizzent
 0,14204 Funfzic wazz̃ schiezent
 0,14205 Her in ṽ kvmē von in
 0,14206 Vō disen ich gelart bin
 0,14207 Daz sie sint die grostē
 0,14208 Die mīsten vñ die bostē
 0,14209 Reine ṽ vnreine
 0,14210 Groz vnd kleine
 0,14211 Beide starc vñ kranc
 0,14212 Die hant vō diesē irn ganc
 0,14213 Ivlius đ ez mezzē liez
 0,14214 Wise botē er hiez
 0,14215 Vursuchē mit schiffen
 0,14216 Waz die erde hette begriffē
 0,14217 Da die wazz̃ vffe faren
 0,14218 Indewendic drizzic iarē
 0,14219 Die botē befundē
 0,14220 Wie die lant stundē
 0,14221 Vñ wie die wazzer gingē
 0,14222 Sie sagetē vō manigē dingē
 0,14223 Die sie hettē gesehē
 0,14224 Vñ waz in wūders was geschehē
 0,14225 Ivlius hiez sribē
 0,14226 Beide mannē vñ wibē
 0,14227 Vñ vō den buchē kvndē
 0,14228 Vñ vō des meres vnden
 0,14229 Waz da wūders vffe si
 0,14230 Vñ waz vf đ erdē da bi
 0,14231 Đ daz zv sagene dechte
 0,14232 E er daz follen brechte
 0,14233 Sin selbes ende wurde e
 0,14234 Hin gein meridiē
 0,14235 Da der mitte tac enstat
 0,14236 Daz lant svlche hitze hat
 0,14237 Daz da nie mensche neq̃

0,14238 Noch rechte v̇nam
 0,14239 Waz dar inne mvge wesen
 0,14240 Da enkvnde ouch niemā genesē
 0,14241 Mit deheīn slachte sinne
 0,14242 Zv đ svnnē ane beginne
 0,14243 Da wir sie des morgens sehē
 0,14244 Des in da was geschehē
 0,14245 Ein teil ich es gescribē vant
 0,14246 Da sint die mere alsus genant
 0,14247 Ein arm heizzet caspion
 0,14248 Vn đ anđ persion
 0,14249 Der dritte tyberiadis
 0,14250 Alfatones đ virde ist
 0,14251 Daz funfte mare rubrū
 0,14252 Daz septe arabicū
 0,14253 Daz sibende caforte
 0,14254 Vō dem achtē ich horte
 0,14255 Daz ez daz tote mer sie
 0,14256 Waz dar inne v̇n dar bie
 0,14257 Wunđs were zv comē
 0,14258 Da han ich hie alsus v̇nvmē
 0,14259 Da ist wunđes gewes
 0,14260 Ein volc heizzet ypopedes
 0,14261 Vn ein lomnine
 0,14262 Vnde ein elefantine
 0,14263 Die anđn heizzent alsvs
 0,14264 Kypre rodes ereus
 0,14265 Crete vnd citherus
 0,14266 Caffata v̇n carcasus
 0,14267 Synai libanus
 0,14268 Armenius bodian
 0,14269 Carmetes v̇n cassian
 0,14270 Diez buch mir alsus beschiet
 0,14271 Ḃge lant v̇n diet
 0,14272 Des folkes gelaz v̇n irn ganc
 0,14273 Solde ich den sagē ez v̇ zv lanc
 0,14274 Ich envant es ouch niht gescribē
 0,14275 Des ist ez vngesaget bliben
 0,14276 Vngescribē sie niht enliezzē
 0,14277 Wie die wazzer hiezzē
 0,14278 Ganges v̇n theriodes
 0,14279 Heros v̇n kanrestes
 0,14280 Sygoton sygota
 0,14281 Eufrates vnd karmēta
 0,14282 Hyspades v̇n kortaze
 0,14283 Armodius v̇n svse
 0,14284 Diopargite crisora
 0,14285 Pactolus v̇n alibata

0,14286 Taxius vñ azonis
 0,14287 Crisos iordan tygris
 0,14288 Diese wazz fluzzē alle da
 0,14289 Mir nēnet daz buch h̄ na
 0,14290 Die geburde in d̄ geine
 0,14291 Groz vñ kleine
 0,14292 Azonis von persia
 0,14293 Taure vñ yndia
 0,14294 Syria appamena
 0,14295 Vñ mesopotamia
 0,14296 Fenice komanzine
 0,14297 Fice palatine
 0,14298 Syre vñ mede
 0,14299 Die hant hitze bede
 0,14300 Sie ligent bi d̄ svnnē
 0,14301 Dirre rede wart begūnē
 0,14302 Oht durch daz eine
 0,14303 Daz azoma die geine
 0,14304 Vō der ir vor beredet sit
 0,14305 Bie d̄ svnnē nahe lit
 0,14306 In dem oriēte
 0,14307 Daz man erkente
 0,14308 Wā daz lant were
 0,14309 Durch ein gut mere
 0,14310 Daz ich h̄ nach sagē wil
 0,14311 Vō wibē wūdlich spil
 0,14312 Vñ wūdliche dinc
 0,14313 Da en ist dehein ivngelinc
 0,14314 In dem lande noch man
 0,14315 Wēn als ich vch gesagē kan
 0,14316 Da sint wip inne
 0,14317 Die phlegen deheīn minne
 0,14318 Noch deheīn manne
 0,14319 Wēne kvme etiswanne
 0,14320 Swelich man queme ī ir lant
 0,14321 Die wip erslugē in zv hant
 0,14322 Amazones heizzent die wip
 0,14323 Vñ zierent irn lip
 0,14324 Mit siden gewande
 0,14325 Vñ ritent in irme lande
 0,14326 Nach der mānesnamē site
 0,14327 Vñ furent ir harnasch mite
 0,14328 Sie bezalent zv rosse grozzē pris
 0,14329 Ir lant ist alle wis
 0,14330 Riche vñ wol gelegen
 0,14331 Nv horet wie sie māne phlegē
 0,14332 Als d̄ sv̄m enstat
 0,14333 Swelich ritt wort hat

0,14334 Daz er gut ritt^z si
 0,14335 ^zD kvmet in ein lant da bi
 0,14336 Irme lande vil nehe
 0,14337 Daz lant ist harte wehe
 0,14338 Dar koment in die frowē
 0,14339 Vf wissen vñ vf owen
 0,14340 Fluzzet da manic bach
 0,14341 Da ist zv mīnen gut gemach
 0,14342 Lu^zt brūne grune walt
 0,14343 Forest harte wol gestalt
 0,14344 Boume breit vñ lanc
 0,14345 Blumē schin fōgel sanc
 0,14346 Vñ wurze manig^z leige
 0,14347 Dar kvment in dem meige
 0,14348 Die wip alle gemeine
 0,14349 Vñ in kvmet engeine
 0,14350 Ritter wol v^zmezzē
 0,14351 Irme lande bi gesezzē
 0,14352 Dri manede sint sie dar inne
 0,14353 Vnd phlegent irre mīne
 0,14354 Ein iegelich wip mit dem man
 0,14355 Von dem sie vor kint gewan
 0,14356 Sie bringent dar ir kint
 0,14357 Die in dem andⁿ iare geborn sint
 0,14358 Swēne sie kerent dannē
 0,14359 Mānes name mit mānen
 0,14360 So mvzzē da blibē
 0,14361 Wibesname mit wibē
 0,14362 Von svsgetaⁿ wūne
 0,14363 Wirt da wibes kvnne
 0,14364 Vñ ziehent ir geslechte
 0,14365 Zv strite vñ zv fēchte
 0,14366 Zv rittlicher ere
 0,14367 Durch diz selbe mere
 0,14368 Ein teil ich vz gegangē bin
 0,14369 Nv kere ich aber wi^zd in
 0,14370 In den selben iaren
 0,14371 Do die vō troyge warē
 0,14372 Besezzē daz mere v^z al
 0,14373 In daz lant vz schal
 0,14374 Do daz mere vz quam
 0,14375 Vñ diz pentesilea ūnam
 0,14376 Des landes kvneginne
 0,14377 Sie hette holde mīne
 0,14378 Zv hern hectorē getragē
 0,14379 Sie enwiste niht daz er erslagē
 0,14380 Vor manigeme tage lac
 0,14381 Do siz v^znam sie erschrac

0,14382 Do sante die frowe
0,14383 Mit flehe vñ mit drowe
0,14384 Nach irn wibē allen
0,14385 Daz paris was eruallē
0,14386 Do ir daz wart gesaget
0,14387 Do mvste wip vñ maget
0,14388 Swerē eine heruart
0,14389 Als ir daz gesaget wart
0,14390 Daz troylus ouch was tot
0,14391 Vber al ir lant sie gebot
0,14392 Swelich frowe
0,14393 Erhebē mochte ein sw̃t
0,14394 Daz sie vure zv troyge w̃t
0,14395 Als sie nochdant
0,14396 Deiphebus tot eruant
0,14397 Do was da beiten niht
0,14398 Vz irme lande sie schit
0,14399 Harte wol werhaft
0,14400 Vñ vur mit eiñ grozzē kraft
0,14401 Mit eime micheln wibes here
0,14402 Zv hulfe vñ zv gewere
0,14403 Den zv troyge inne
0,14404 Des wart die kvneginne
0,14405 Frowe pentesilea
0,14406 Harte wol enphangē da
0,14407 Mit and̃n irn frowē
0,14408 S̃w wūđ wolde schowē
0,14409 D̃ mochte sehen wūđ
0,14410 Dehein wip was dar vñđ
0,14411 Sie were so wol gare
0,14412 Daz in rittlicher schare
0,14413 Noch nie dehein man
0,14414 Schoñ harnasch gwan
0,14415 Do sie quamē in die stat
0,14416 Die frowe p̃amvm bat
0,14417 Daz er sich reitte in den strit
0,14418 Sie sprach “nv hector tot lit
0,14419 Nv horet and̃s niht dar zv
0,14420 Wen ritt̃ glich sine colzē schu
0,14421 Helm vf houbet halsb̃ge an
0,14422 Bereit vch balde ir man
0,14423 Wir wip sin ouch gereit
0,14424 Mir ist hectoris tot leit
0,14425 Wir Muzzē vf daz gefilde”
0,14426 An iren wizen schilden
0,14427 Was ein guldin rant
0,14428 Ouch man dar ane vant
0,14429 Edel gesteine

- 0,14430 Groz vñ kleine
0,14431 Ich enweiz waz mer spreche
0,14432 Wen sie was wol zv gereche
0,14433 Vnd ir wibe alle
0,14434 Zv rume vñ zv schalle
0,14435 Do bereitte sich philomenis
0,14436 Zv strite wol in alle wis
0,14437 Do er was bereite
0,14438 Do wart er ir geleite
0,14439 Rechte an daz burctor
0,14440 Da die crichen lagē vor
0,14441 Dardanides hiz die porte
0,14442 Do ð crichē volc gehorte
0,14443 Daz sie vf tatē
0,14444 Simeliche dar vur tratē
0,14445 Simeliche zv ros sprügē
0,14446 Da wart gedrügen
0,14447 Mit grozzer vñinne
0,14448 Die da waren inne
0,14449 Gerne sie vz woldē
0,14450 Die dar vzze wesen soldē
0,14451 Die woldē ġne dar in
0,14452 Des wart gezoc vnð in
0,14453 Ð quam vz in ein teil
0,14454 Simelichē geschach daz heil
0,14455 Simelichē vn selicheit
0,14456 Daz crichische volc sige streit
0,14457 Vnd bezalte da dē pris
0,14458 Ð kvne philomenis
0,14459 Ð was vz ð stat kvmē
0,14460 Des hette er grozzē schadē genvmē
0,14461 Wendaz im polidamas
0,14462 Zv gutē statē bi was
0,14463 Polidamas sluc vmbesich
0,14464 Vñ siñ gesellē ir iegelich
0,14465 Einē kvnic er nið sluc
0,14466 Ð ir baniere truc
0,14467 Den erbatē die vō troyge
0,14468 Vñ die vō pafagoie
0,14469 Die warē mit philemene
0,14470 Ez was ouch vñwene
0,14471 Daz die crichē soltē kerē
0,14472 Zv ð flucht mit vñeren
0,14473 Ir was ouch ein teil gekart
0,14474 Idoch in des trost wart
0,14475 Diomedes zv reit
0,14476 Vnd menesteus ð helt gemeit
0,14477 Vlixes vñ agomēnon

0,14478 Ajax vñ thelamō
0,14479 Quamē so zv gerurt
0,14480 Als sie dar geuvrt
0,14481 Ð starke wint hette
0,14482 Irre gesellen vngerette
0,14483 Wandelt sich schiere
0,14484 Sie tribē die troyre
0,14485 Rechte vf die graft
0,14486 Wen die inre craft
0,14487 Geschutze vnd steine
0,14488 Ir were genesen kleine
0,14489 Eez ritē vn̄des
0,14490 Die frowē amazones
0,14491 Vō amazonien lande
0,14492 Ez enduchte deheine schande
0,14493 Als ez hie zv lande were
0,14494 Daz sie mit vngebere
0,14495 Mit schildē vñ mit sw̄tē
0,14496 Starkis sturmes ġten
0,14497 Sie enkvndē hie niht ð mite
0,14498 Sint ez aß do was site
0,14499 Sie begingē die site da also
0,14500 Daz sie es alle wurdē vnfro
0,14501 Die vor manigē iarē
0,14502 Zv strite gewesen warē
0,14503 Sie folgetē irre frowen
0,14504 Vñ gingē vaste howen
0,14505 Swa irre frowē ros spanc
0,14506 Ir gereite als vō schellē clanc
0,14507 Vñ an̄ ir gesmide
0,14508 Mit zorne vnd mit nide
0,14509 Diomedes sie bestunt
0,14510 Des wart er sere gewūt
0,14511 Dar vmbe zvrnte thelamō
0,14512 Er sprach “ich bin vngewon
0,14513 Daz ein wip einē man
0,14514 Mit sper vñ mit schilde riete an
0,14515 Vch gezeme vil baz
0,14516 Ob ir zv manne hettet haz
0,14517 Daz irz an̄s an im rechet
0,14518 Den ir in mit sper stechet”
0,14519 Des quam er vf sie geflogē
0,14520 Vñ begreif sie mit dem satelbogē
0,14521 Vñ wolde sie nið zihē
0,14522 “Ir en mvget mir niht enphlihē
0,14523 Daz uw̄ ð tufel walde
0,14524 Nv gebet daz sw̄t balde”
0,14525 Sie sprach “ir heischet mī sw̄t

0,14526 Des w̄det ir harte wol gew̄t”
 0,14527 Sie sluc mit dem sw̄te dare
 0,14528 Daz er vil vn̄đ die schare
 0,14529 Da wart er geslagē vn̄ getrat
 0,14530 Doch wart er kvme berat
 0,14531 Vn̄ e er queme dannē
 0,14532 So geschach sinē mānen
 0,14533 Vn̄ im schadē so groz
 0,14534 Daz ez alle die v̄droz
 0,14535 Die den ĩren soldē reten
 0,14536 Man mochte in dem blute wetē
 0,14537 So vil hette sie erslagen
 0,14538 Ir wip begūde zv iagen
 0,14539 Die crichē wichē in vor
 0,14540 Da wart hector
 0,14541 Gerochē von wiben
 0,14542 Sw̄ ez solde scriben
 0,14543 Er queme es n̄mer zv ende
 0,14544 Sie besprenctē ir hende
 0,14545 Mit zornigeme mvte
 0,14546 In đ crichē blute
 0,14547 Der crichē lac da vil erslagē
 0,14548 Sie waren vilna v̄zagen
 0,14549 Wen sie hettē dehein gehege
 0,14550 Sine kvndē irre slege
 0,14551 Len̄đ niht erlidē
 0,14552 Sie fluhen in ir hamidē
 0,14553 Da wurdē sie vz geiaget
 0,14554 Beide wip vn̄ maget
 0,14555 Slugen swaz sie ir begriffē
 0,14556 Iene fluhē zv den schiffē
 0,14557 Die frowē folgetē in nach
 0,14558 Vn̄ tatē in einē schach
 0,14559 Vf vn̄ niđ vm den stat
 0,14560 Sie warē vlnach wordē mat
 0,14561 Da mochte đ vuzgenge
 0,14562 Genesen niht die lenge
 0,14563 Sich enkvndē die aldē
 0,14564 Nieren behalden
 0,14565 Die schif sie in enbrantē
 0,14566 Swaz sie ir berantē
 0,14567 Die rit̄t mochtē niht genesē
 0,14568 Đ kvnic were mat gewesē
 0,14569 Wendaz er vaste vor floch
 0,14570 Swa die kvneginne nach zoch
 0,14571 Vō den schiffē vn̄z an die gezelt
 0,14572 Da newas dehein felt
 0,14573 Ez en were vō warte vol

0,14574 Wendaz er die zvge kvnde wol
0,14575 Er mvste mat sin blibē
0,14576 Vñ hette die nacht ouch niht ṽt'ibē
0,14577 Die kvneginne dannē
0,14578 Im vñ sinē mannē
0,14579 Were zv gangē ǃ macht
0,14580 Do gehalf im die nacht
0,14581 ǃ sie vō dem schache treip
0,14582 Daz er vf dem fælde bleip
0,14583 Do sie dannē schiedē
0,14584 Bratē vñ sieden
0,14585 Pīamvs harte vil hiez
0,14586 Den frowē er bereitē hiez
0,14587 Beide wilt vnd zam
0,14588 Do die frowe in die stat ǃ
0,14589 Er phlac ir zv danke
0,14590 Mit ezzē vñ mit tranke
0,14591 Er vorte ouch mit minen
0,14592 Ir gesellinnen
0,14593 Die wichaften amazones
0,14594 Vñ gnadete in des
0,14595 Daz sie mit eren
0,14596 Zv felde gewesen werē
0,14597 Die crichen warē so hin dan
0,14598 Sie enwestē niht waz ane gan
0,14599 Doch was ez also wehe
0,14600 Daz man balde sehe
0,14601 Waz man tvn mochte
0,14602 Als man ez vor zochte
0,14603 Sie kartē an ir alde behalt
0,14604 Da was die hertstat kalt
0,14605 Vnd die spise dunne
0,14606 Man gwūne swaz man g̃wne
0,14607 Oǃ tete swaz man tete
0,14608 So was da vngerete
0,14609 Gemaches in wenic geschach
0,14610 Sie hettē in ǃ stat gemach
0,14611 An dem and̃n tage frv
0,14612 Die wip reittē sich aǃ zv
0,14613 Vñ fundē gein morgē
0,14614 Die crichē mit sorgē
0,14615 Dannoch in dem gezelde
0,14616 Vñ ladeten sie zv felde
0,14617 Do geschach in dem tage
0,14618 Rechte also groz klage
0,14619 Als in vor geschen was
0,14620 Des tages ir wenic genas
0,14621 An dem drittē tage alsame

0,14622 Wō wibē manic mānesname
 0,14623 An dem tage tot lac
 0,14624 Do ergangē was đ tac
 0,14625 Vñ velt vñ gras
 0,14626 Vō rittn allez vol was
 0,14627 Tot wūt vñ lam
 0,14628 Den crichē ein botschaft quam
 0,14629 Des wart gefreuwet ir mvt
 0,14630 Wen die botschaft was in gut
 0,14631 Daz mit sinē schiffē
 0,14632 Den stat hette begriffen
 0,14633 Đ kvnic menelaus
 0,14634 Vñ mit im pirrus
 0,14635 Hern achilles svn
 0,14636 Des frewete sich agonēvn
 0,14637 Vñ daz her algemeine
 0,14638 Vñ ritē in engeine
 0,14639 Die hren sie enphingē
 0,14640 Mit allē den dingē
 0,14641 Daz da nictes ane gebrast
 0,14642 Als mā einē liebē gast
 0,14643 Vō rechte solde enphahē
 0,14644 Wēne sie in liebe gesahē
 0,14645 Vñ ioch nie so liebe me
 0,14646 Weder nach noch e
 0,14647 Des nachtes do sie gazzē
 0,14648 Achilles sie niht v̇gazzē
 0,14649 Dar klagetē Mirmidones
 0,14650 Daz ir hre achilles
 0,14651 Vō eime morde
 0,14652 Zv troyge ermordet were
 0,14653 Do entworde in pyrrus
 0,14654 “Waz hilfet daz ir klaget sv̇s
 0,14655 Ob vch sin tot leit sie
 0,14656 Swiget vñ gedenket dar bi
 0,14657 Daz ir in gerechet
 0,14658 Nv ir sv̇s sprechet
 0,14659 Lazzet rede vñ klage
 0,14660 Vñ weset fru vor tage
 0,14661 Vf” vor đ mittenacht
 0,14662 Hette sie pirrus vf gewacht
 0,14663 Vñ sprach “gebet mir balde her
 0,14664 Mines fater schilt v̇ sin sper
 0,14665 Sinē halsberg v̇ dē helm darmite
 0,14666 Dē đ vzzet welte smit
 0,14667 Volcan⁹ gesmidet hat
 0,14668 Wiset mir wa sin ros stat
 0,14669 Sin sẇt wil ich ouch han”

0,14670 Daz er hiez daz was getan
 0,14671 Im was sin ros dare bracht
 0,14672 Mit koḇturē wol bedacht
 0,14673 Dar vf ein gereite
 0,14674 Vō grozẏ schonheite
 0,14675 Pirrus Ǳ edel iungelinc
 0,14676 Vbete rittliche dinc
 0,14677 Er begūde sine colzen schun
 0,14678 Vñ sinē halsb̃c ane tun
 0,14679 Dar vf ein siden gewant
 0,14680 Sinē helm er vf bant
 0,14681 Vñ daz sw̃t vmbe die sitē
 0,14682 Sie engesahē bi den zitē
 0,14683 Nie so rechtes vaʒ svn
 0,14684 Vñ als agomēnō
 0,14685 Vñ daz her was bereit
 0,14686 Pirrus vf das ros schreit
 0,14687 Vñ als er dē stegereif
 0,14688 Mit den fuzze begreif
 0,14689 Zv halse er den schilt hinc
 0,14690 Vñ schutte vf vñ finc
 0,14691 Den schaft daz er gesehe
 0,14692 Ob er were zehe
 0,14693 Vorne an dem satelbogē
 0,14694 Hiez er hahē einē bogē
 0,14695 Kocher vnd phile
 0,14696 Bi Ǳ selben wile
 0,14697 Was bi inme gezelde na
 0,14698 Comē pentesilea
 0,14699 Do pirrus gehorte
 0,14700 Die wip er dare rorte
 0,14701 Ṽ quā geflogē vf sie
 0,14702 E er dem rosse enthilde ie
 0,14703 So tet er Ǳ wibe
 0,14704 Me dēne hūdert vō dem libe
 0,14705 Vurbaz er rurte
 0,14706 Sin ros in do furte
 0,14707 Vf polidamam
 0,14708 Sin scharfe glevie im Ǳ
 0,14709 Mittē an dē schenkel
 0,14710 Vñ vurbaz durch enkel
 0,14711 Vm daz er gewūt was
 0,14712 Doch koḇte sich polidamas
 0,14713 Vñ sluc im vaste engeine
 0,14714 Des achte pyrrus kleine
 0,14715 Er sluc vn̄ sinē slegē
 0,14716 Einē slac im engeigē
 0,14717 Daz sin blut vz pheif

0,14718 Vn̄ er vf die erdē sleif
0,14719 Da were ð h̄re tot blibē
0,14720 Wēdaz dar zv q̄ getribē
0,14721 Ð wise philemenis
0,14722 Doch enwas er niet so wis
0,14723 Im geschehe vil leide da
0,14724 Wēn im was pirrus na
0,14725 Ð sich an ime rach
0,14726 Daz im als deme geschach
0,14727 Den er wolde han berat
0,14728 Sie lagen beide an ein̄ stat
0,14729 Zv rantē ir man
0,14730 Daz sie in gehulfē dan
0,14731 Pyrrus enstatte des niet
0,14732 Idoch ayax entriet
0,14733 Daz pirro misse ginge
0,14734 Des q̄ er zv ringe
0,14735 Zv statē hern pirro
0,14736 Sie zwene hildē da so
0,14737 Vber filomene
0,14738 Daz durent durch sie zwene
0,14739 Mustē in ligē lazzē
0,14740 Ir ros begūdē grazzē
0,14741 Sie begūden sere houwē
0,14742 Des er zvrten die frouwē
0,14743 Die da hilden in dem strite
0,14744 Igelich ir zeichē schrite
0,14745 Mit wiplich̄ stimme
0,14746 Lvtē vnd grimme
0,14747 Ð frowē stimme erschāl
0,14748 Die wip die rantē zv al
0,14749 Do sie zv warē gekart
0,14750 Die h̄ren hilden in hart
0,14751 Vn̄ ir gefertē
0,14752 Den wibē sie sich w̄ten
0,14753 Da v̄los den lip
0,14754 Manic man vn̄ wip
0,14755 Ayax pentesileam
0,14756 In dem sturme ane q̄
0,14757 Vn̄ hurte sie dar nið
0,14758 Zv rosse spranc sie balde wið
0,14759 Einē māne ez gezeme
0,14760 Daz er so zv rosse queme
0,14761 Des quam sie gerant
0,14762 Da sie philemenē vant
0,14763 Vn̄ den pherdē
0,14764 Ligende vf ð erdē
0,14765 Do rief sie ir wip an

0,14766 Daz sie hulfen dem man
 0,14767 Daz geschach als sie gebot
 0,14768 Da bleip manic rit̃ tot
 0,14769 Idoch ez also geschach
 0,14770 Als die frowe vor sprach
 0,14771 Philemenis wart berat
 0,14772 Er hette lange not gehabt
 0,14773 "Wie nv" sprach pirrus
 0,14774 "Wie tunt dise wip sṽs
 0,14775 Wie sullē wir sie gestillē
 0,14776 Mit naldē ṽn mit spillē
 0,14777 Soldē wip ṽme gen
 0,14778 Nv kan in niht vor besten
 0,14779 Ð tufel ist dar inne"
 0,14780 Do sprach die kvnegīne
 0,14781 "H̃ gute knecht wie wir wip sin
 0,14782 Wol her na nv w̃de schin
 0,14783 Waz vch vō wiben
 0,14784 Muge hie bliben
 0,14785 Nv ir achilles svn sit
 0,14786 Von dem hector erslagē lit
 0,14787 Den ũw vater hat erslagē
 0,14788 Nv mochte ich vbel ṽtragē
 0,14789 Vwer stolzliche wort
 0,14790 Also mvget ir ouch dē mort
 0,14791 Der an ũwme vater geschach"
 0,14792 Pirrus ð en gein niht sprach
 0,14793 Do stach daz wip vf den man
 0,14794 Ð man sich ouch des ṽsan
 0,14795 Daz ir gebere
 0,14796 Doch wiplich were
 0,14797 Vnd enphinc den stich
 0,14798 Vf den schilt vursich
 0,14799 Den schaft er vñd dē arm sluc
 0,14800 Daz ros daz in truc
 0,14801 Daz mante er mit dē sporn
 0,14802 Er stach wen in twanc zorn
 0,14803 Vf die frowē mit svlch̃ craft
 0,14804 Daz sin vil starker schaft
 0,14805 E breche oð wiche
 0,14806 E sie vor dem stiche
 0,14807 Mochte besezzē sin
 0,14808 Daz wart da wol schin
 0,14809 Wēne do sie zv vuz quam
 0,14810 Sie begreif ṽn nam
 0,14811 Mit ṽmvte ir swert
 0,14812 Ṽn lief gein pirro wert
 0,14813 Do satzete sich pirrus zv gewere

- 0,14814 Vnđ ir beiđ here
0,14815 Hup sich die not vil me
0,14816 Dēne sie erhabē were e
0,14817 Zv reit agomēnon
0,14818 Ayax vnd thelamō
0,14819 Menelaus vñ diomedes
0,14820 Menesteus vñ vlixes
0,14821 Dise mertē den strit
0,14822 Also tet in anđsit
0,14823 Filemenis vñ esdras
0,14824 Piamvs vñ polidamas
0,14825 Vñ remvs vō zizonie
0,14826 Mit den vō lanconie
0,14827 Quam eneas zv geuarn
0,14828 Dar quā manig̃ mṽt barn
0,14829 Do mochte die erde
0,14830 Durch brechē vō đ s̃wde
0,14831 Die sie vf ir truc
0,14832 Pirrus manigē da ersluc
0,14833 Ouch enphinc er da manigē slac
0,14834 Idoch allez daz erschrac
0,14835 Daz in mit dē ougē gesach
0,14836 Sinē vař er rach
0,14837 Mit so getanē freisen
0,14838 Daz witwē vñ weisen
0,14839 Dar nach klagetē manic iar
0,14840 Sine finde hettē sin alle var
0,14841 Do wiđ reit im glancon
0,14842 Hern antenoris son
0,14843 Vaterhalbē sin bruđ was
0,14844 Đ kvne polidamas
0,14845 Den sluc er mit eime slage
0,14846 Daz er tot vñ sin phage
0,14847 Alda blibē beide
0,14848 Sin bruđ im leide
0,14849 Polidamas gedachte
0,14850 Zv helfe er ime gahte
0,14851 Doch en was im nie so ga
0,14852 Ne were pētesilea
0,14853 Vñ anđ manic wibesname
0,14854 Ime were geschehē alsame
0,14855 Da wart svlich slachte
0,14856 Đ ez sach vnd achte
0,14857 Vñ ez selbe screip
0,14858 Đ saget daz bleip
0,14859 Zehen tusent lute
0,14860 Nichtes wen rosse hute
0,14861 Ein arm betelere

- 0,14862 Zv eime ĥrē wordē were
0,14863 Die starke not ŵte
0,14864 Daz niemā frides ġte
0,14865 Doch einē manet vme
0,14866 Da enmochte mā in sŵme
0,14867 Nimman geritē
0,14868 Daz blut in den zitē
0,14869 Floz also starke
0,14870 Mit hirne v̄ mit marke
0,14871 Mit trore vñ mit sweizze
0,14872 Ob da vf dem creizze
0,14873 Ein ebenwassē man stunt
0,14874 Im ginc daz blut in dē mŵt
0,14875 Pirrus stalte wūđ da
0,14876 Vñ pentesilea
0,14877 Zv samne sie quamē
0,14878 Sie begūden ramē
0,14879 Daz sie im den tot getete
0,14880 Des selbē er ouch hete
0,14881 In đ selbē zit gedacht
0,14882 Daz wart ouch follēbrach
0,14883 Beide sie vñ er
0,14884 Slugē zv arme die sper
0,14885 Die stubē vf als ein wint
0,14886 Sie griffen zv dē sŵtē sint
0,14887 Die teiltē sie also lange
0,14888 Daz in mvnt v̄ wange
0,14889 Vñ der stirne dar mite
0,14890 Enguldē irre vnsite
0,14891 Die frowe wart sere gewūt
0,14892 Daz was recht do sie bestūt
0,14893 Einē also starkē man
0,14894 Daz er ir sige vechte an
0,14895 Daz wip enhette dehein gehege
0,14896 Đ man sluc ir sulche slege
0,14897 Daz ir đ lip all̄ erschrac
0,14898 Ich enweiz waz ich āđs sprechē mac
0,14899 Ez was des wol wert
0,14900 Sint sie genumē hette sŵt
0,14901 Daz sie den man vant
0,14902 Đ ir sin sŵt zv hant
0,14903 Also mēlichē gap
0,14904 Daz er ir sluc daz houbet ab
0,14905 Do sie v̄los den lip
0,14906 Do fluhē alle ir wip
0,14907 Die dar kvmē warē
0,14908 Got wolle daz in vnsen iarē
0,14909 Svlich dinc niet gesche

- 0,14910 Daz man wip zv strite se
 0,14911 Bezzer ist dirre site
 0,14912 Daz sie mǎnē sin mite
 0,14913 Mit wiplichme gelazze
 0,14914 Den sie mit vmmazze
 0,14915 Den mǎnen mit sw̄te wiðstan
 0,14916 Als ich vor gesaget han
 0,14917 Man sach da vō frowē
 0,14918 Manigē man zv houwē
 0,14919 Vñ manic wip vō mannē
 0,14920 Doch fluhē die wip dannē
 0,14921 Sie mvstē dannē kere
 0,14922 Swie kvne sie weren
 0,14923 Doch gesigetē die man
 0,14924 Pirrus facht in sige an
 0,14925 Da bleip manic kvne degē
 0,14926 Ð mit dē wibē was belegē
 0,14927 Manic man dare floch
 0,14928 Swelichē pirrus bezoch
 0,14929 Ð bleip tot oð gewūt
 0,14930 Ir dehein im wiðstunt
 0,14931 Die crichē volgetē nach
 0,14932 Den vō troyge den was gach
 0,14933 Do geschach in als da vor
 0,14934 Sie fluhē in daz burc tor
 0,14935 Vñ in die stat vurbaz
 0,14936 Pirrus sie dar inne besaz
 0,14937 Sus bezalte er den pris
 0,14938 Hie saget vns ytis
 0,14939 Ein ritt harte wol gelart
 0,14940 Daz troyge do besezzē wart
 0,14941 Als sie mvste sin v̄lorn
 0,14942 Daz geschach durch zorn
 0,14943 Durch vber mvt vñ nit
 0,14944 Als ir wol gehoret sit
 0,14945 Ytis vñ dares
 0,14946 Die zwene v̄eintē sich des
 0,14947 Daz sie tichtē vñ scribē
 0,14948 Weliche furstē zv troyge blibē
 0,14949 Vñ wie die stat wart v̄brant
 0,14950 Vñ wie sie v̄lurn daz lant
 0,14951 Sie warē beide dar mite gewesen
 0,14952 Als ich ez vō in han gelesen
 0,14953 Also mvget iz hie v̄stan
 0,14954 Hie mvz ich hin wið gan
 0,14955 Da ich die rede e liez
 0,14956 Priamvs ð geliez
 0,14957 Sich harte iemliche

0,14958 Do im vnselicliche
 0,14959 Allez daz in hant ginc
 0,14960 Swaz er ie ane geuinc
 0,14961 Er mochte harte wol klagē
 0,14962 Daz die frowe was erslagē
 0,14963 Ouch clagete er daz da lagē
 0,14964 Erslagē mit sinē magē
 0,14965 Sine man vñ sine kint
 0,14966 Vñ doch besezzē wart sint
 0,14967 Do bat er pirrv sere
 0,14968 Daz er durch frowē ere
 0,14969 Vñ dur gotes mīne
 0,14970 Im die kvneginne
 0,14971 Wolde sendē in die stat
 0,14972 Er hette sie ġne bestat
 0,14973 Do enwolde diomedes
 0,14974 Deheinewis gestatē des
 0,14975 Er sprach "ich bin ir so gram
 0,14976 Ich wil daz pentesileam
 0,14977 Frezzen die hunde
 0,14978 Ođ in einen fulen grunde
 0,14979 Wde gesenket als ein hunt"
 0,14980 Daz geschach al da zv stunt
 0,14981 In ein wazż man sie schoz
 0,14982 Daz da nahe bi floz
 0,14983 Troyge wart besezzē so
 0,14984 Von hern pirro
 0,14985 Daz p'amvs enweste
 0,14986 Waz ime were daz beste
 0,14987 Anchises vñ polidamas
 0,14988 Antenor vñ enneas
 0,14989 Dise viere gingē zv rate
 0,14990 Des abundes vil spate
 0,14991 Iegelich zv dem andn rat nam
 0,14992 "Wie lange svllē wir durch helenā
 0,14993 Mit sulchē vngnadē leben
 0,14994 Wolde sie p'am? wiđ gebē
 0,14995 Wir mochtē ez ġne ratē"
 0,14996 P'amvm sie batē
 0,14997 Daz er ir wort vñeme
 0,14998 "Wie wol ez vns queme
 0,14999 Daz wir vns versvnnē
 0,15000 Wie wir fride gwūnen
 0,15001 Wen vns gnade nie geschach
 0,15002 Sint cassandra daz sprach
 0,15003 Vñ helen? din son
 0,15004 Daz die ere vō ylion
 0,15005 Als ein wint solde zv varn

0,15006 Daz mochtē wir noch bewarn”
 0,15007 Antenor do vf stunt
 0,15008 Dem was die zvnge v̄ ǃ mvnt
 0,15009 Gerade zv dem worte
 0,15010 Vñ swaz zv rede horte
 0,15011 Er sprach “h̄re ir sehet wol
 0,15012 Hie enist fenst̄ noch hol
 0,15013 Porte noch burctor
 0,15014 Da ensi svlich geŵ vor
 0,15015 Daz wir vnser ougē
 0,15016 Vber lut noch tougē
 0,15017 Dar turrē gekeren
 0,15018 Ob wir ioch werē
 0,15019 Als wir vor warē
 0,15020 Do in den iaren
 0,15021 Dv wir deiphebū hetē
 0,15022 Vñ troylū den stetē
 0,15023 Vñ den schonē parisē
 0,15024 Vnd hectorē den wisē
 0,15025 Mir mochtē mit erē habe getan
 0,15026 Daz ich zv redene erhabe han
 0,15027 Daz en ist and̄s niet
 0,15028 Wen vō den wir vns habē geniet
 0,15029 Vbelre tage vñ vbeler nacht
 0,15030 Sint sie here wart bracht
 0,15031 Daz wir wiđ gebē helenā
 0,15032 Die vns zv vnseldē ī diz lant ǃ”
 0,15033 Anfimacus da bi saz
 0,15034 Vnd wiđ redete daz
 0,15035 Den herrē er antworte
 0,15036 Vñ sprach mit disen worte
 0,15037 “Ez engeschit niem̄
 0,15038 Diewile daz mir imm̄
 0,15039 Die sele in dem libe ist
 0,15040 We dem rate we ǃ list
 0,15041 Tvt hin die rede schiere
 0,15042 Wir newollen durch vch fiere
 0,15043 Zv troyge tun alle
 0,15044 Icht des vns misseualle
 0,15045 Ez ist vbel bestat
 0,15046 Daz vch die zvnge ist so gerat
 0,15047 Liebe her antenor
 0,15048 Sint ir vur daz burgtor
 0,15049 En turret niht gelugē
 0,15050 Die vch die frunde erslugē
 0,15051 An ǃ worte sit ir hie
 0,15052 Ez ist noch vñ was ie
 0,15053 Sŵ ez an ǃ rede hat

0,15054 Daz er geswichet an ð tat"
 0,15055 Von zorne sprach eneas
 0,15056 "Waz du hoe rede has
 0,15057 Wa was din manheit
 0,15058 Do man vf dem felde streit
 0,15059 Wa was din tat hie hastu wort
 0,15060 Ich han ioch selden gehort
 0,15061 Ich swige ð tat dinē namē
 0,15062 Wir wollē vns des rates niht schamē"
 0,15063 Vō zorne p'iamvs zv dranc
 0,15064 Sin zorn in so vber want
 0,15065 Daz er sinen mvnde
 0,15066 Gesturē niht enkvnde
 0,15067 Er sprach "antenor ich was vch holt
 0,15068 Nv hat uŵ rat an mir ŵscholt
 0,15069 Daz ich vch mvz wesen gram
 0,15070 Ir waret vm esionam
 0,15071 Hin zv crichē geriten
 0,15072 Vñ wurdet da mit vnsiten
 0,15073 Enphangē vñ gelazzē
 0,15074 Get uwer strazzen
 0,15075 Daz vch min ouge ie gesach
 0,15076 Wande vch da leide geschach
 0,15077 Des han ich mine kint ŵlorn
 0,15078 Ich hette eneam erkorn
 0,15079 Zv einen wisē māne
 0,15080 Des sante ich in wilē wāne
 0,15081 Zv crichē mit parise
 0,15082 Siñ lere vñ siñ wise
 0,15083 Brachte er here henenā
 0,15084 Hien abe mir allez leit q̃
 0,15085 Ich enweiz wa mite ir vart
 0,15086 Min leit were allez wol bewart
 0,15087 Wen daz ir beide
 0,15088 Mich bracht hat zv leide
 0,15089 Vñ wollet mir noch schadē me
 0,15090 Got gebe daz ez vch vbel erge"
 0,15091 Eneas sprach zv ienē drin
 0,15092 "Wol vf ir ĥrē vñ kerē hin
 0,15093 Dirre ĥre zvrnet sere
 0,15094 Daz ist mir vmmere
 0,15095 Ich kvme doch wol hinnē
 0,15096 Er wirt es noch wol innē
 0,15097 In eiñ harte kvrzē frist
 0,15098 Daz vn sin rede daz mīste ist
 0,15099 Er zvrne mit sime knechte
 0,15100 Er denket vnrechte
 0,15101 Wenet er daz ich sin eigē si"

0,15102 Vf stūden iene dri
 0,15103 Anchises vñ polidamas
 0,15104 Anthenor đ dritte was
 0,15105 Sie en achtē siñ zvrne niet
 0,15106 Iedoch priamvs entriet
 0,15107 Sint do er sich vsan
 0,15108 Daz er die viere wise man
 0,15109 So erzvrnet hete
 0,15110 Des dachte er waz er tete
 0,15111 Anfimacū nam er sint
 0,15112 Đ was sin svn sin iugestez kint
 0,15113 Đ was ivnc vñ vmbekant
 0,15114 Vō dem ich wenic vant
 0,15115 An diesem buche gescribē
 0,15116 E die fiere tot blibē
 0,15117 Paris vñ deiphebus
 0,15118 Hector vnd troylus
 0,15119 Zv amfimaco sp^{ah} er dise wort
 0,15120 "Svn du hast wol gehort
 0,15121 Wie antenor vñ enneas
 0,15122 Anchises vñ polidamas
 0,15123 Mit zorne v̄ mit leide
 0,15124 Hinnē sint gescheidē
 0,15125 Nv weiz ich daz harte wol
 0,15126 Niemāne ich ez doch en sol
 0,15127 Wen dir alleine sagē
 0,15128 Sie sint so bōse v̄ sulche zagē
 0,15129 Vñ so vngetruwe
 0,15130 Vnse lant vñ vnš gebuwe
 0,15131 Wirt vō in v̄ratē
 0,15132 Ich mac sie wol entraten
 0,15133 Ouch vorte ich sie von rechte
 0,15134 Sie sint von starne geslechte
 0,15135 Vñ sint ouch selbē so starc
 0,15136 Vñ also vbel vnd also arc
 0,15137 Daz sie ratē vnsern tot
 0,15138 Ođ sie bingē vns in not
 0,15139 Daz wir v̄liesen vnš ere
 0,15140 Vñ ob daz nv were
 0,15141 Als ich vor geredet han
 0,15142 So ist vns bezž getan
 0,15143 Daz sie den tot kiesen
 0,15144 Den wir die stat v̄liesen
 0,15145 Sv han ich vnđ zwein
 0,15146 Zweig vbel daz ein
 0,15147 Daz mimre vns erkorn
 0,15148 Sie sint vil baz v̄lorn
 0,15149 Dēne wir v̄lorn sin

0,15150 Morne swēne ǃ svīnē schin
 0,15151 Vnǃ get spate
 0,15152 So wil ich sie zv rate
 0,15153 Vil heimeliche laden
 0,15154 Alher in dit selbe gadē
 0,15155 So salt du mit dinē gesellē
 0,15156 Zv irme tode stellē
 0,15157 So gelone wir in ǃ erbeit”
 0,15158 Amphimacus sp^ah “ich bin bereit
 0,15159 Rechte vb de selbē zit
 0,15160 Als liep als ir mir sit
 0,15161 So habet darzv samftē mvt
 0,15162 Mich dunket vwer rede gut
 0,15163 Ouch behaget mir ǃ rat
 0,15164 ǃ ir nv getan hat”
 0,15165 Daz pⁱamvs hie riet
 0,15166 Des en vindē ich hie niet
 0,15167 Wie ez vz queme
 0,15168 Vn ez eneas vñeme
 0,15169 Doch weiz ich wol daz ez vz quam
 0,15170 Lichte duchte es eneam
 0,15171 Vō sin selbes sinnē
 0,15172 Wende sie mt vnsinnē
 0,15173 Werē geschedē da vor
 0,15174 Eneas vñ antenor
 0,15175 Polidama vñ anchises
 0,15176 Die vñeintē sich des
 0,15177 Daz sie die stat woldē gebē
 0,15178 Vf sulich gedinge daz sie daz lebē
 0,15179 Behildē vñ daz gut dar mite
 0,15180 Durch die selbē vnsite
 0,15181 Diesen rat sie taten
 0,15182 Wēne pⁱam⁹ hette geratē
 0,15183 Mit sime svne disē mort
 0,15184 Daz ir rat vñ ir wort
 0,15185 Ge schee vñ ir wille
 0,15186 Vñholen vñ stille
 0,15187 Zv den crichē do vurē
 0,15188 Vñ fruntschaft dar swurē
 0,15189 Eneas mit den drin
 0,15190 Vñ encalegō mit in
 0,15191 E si da schiedē sich
 0,15192 So vñsan sich des ir iegelich
 0,15193 Daz sie wl werhaft
 0,15194 Woldē mit svlch craft
 0,15195 In pⁱames rate wesē
 0,15196 Als sie mochtē genesen
 0,15197 Vor sime sune anphimaco

0,15198 Daz geschach ouch also
 0,15199 Waz wolt ir daz ich me sage
 0,15200 Sie quamē an dem anđn tage
 0,15201 Do sie besante pⁱamvs
 0,15202 Daz in anphimacus
 0,15203 Nicht mochte geschadē
 0,15204 Sie quamē in sin gadē
 0,15205 Mit so getaner gewer
 0,15206 In enmochte ein her
 0,15207 Da niet geschadet han
 0,15208 Do hette pⁱamus entstan
 0,15209 Vñ an irme gelazze vñvmē
 0,15210 Daz sie gewarnet warē kvmē
 0,15211 Im ante vil sere
 0,15212 Daz ez ṽmeldet were
 0,15213 Des enwart da niet vollēbrach
 0,15214 Des er hette gedacht
 0,15215 Ez was im doch harte leit
 0,15216 Daz er ez vf hette geleit
 0,15217 Sie schiedē dannē bi đ zit
 0,15218 An vbel rede vñ an strit
 0,15219 Er enweste waz er tete
 0,15220 Sint er es begūnē hete
 0,15221 So mochte er niet follē varn
 0,15222 Wie solde er sich bewarn
 0,15223 Sint sie wurdē geware
 0,15224 Daz er sie geladet hette dare
 0,15225 Durch ṽretēnisse
 0,15226 Er enweste gewisse
 0,15227 Waz er ane ginge
 0,15228 Des mvste deme dinge
 0,15229 Wiđ sinē willē geschen
 0,15230 Er mvste daz hette er vorsehē
 0,15231 Willē daz sie woldē
 0,15232 Des hette er engoldē
 0,15233 Daz er sie zv frūt hette ṽlorn
 0,15234 Durch den anđn zorn
 0,15235 Wēne er sie gemordet wolte han
 0,15236 Des mvste er daz ane gan
 0,15237 Daz im ließ wer đ tot
 0,15238 Ein gespreche er gebot
 0,15239 Die furstē dare quamē
 0,15240 Sine wort sie ṽnamē
 0,15241 Des stūt er vf vñ sprach
 0,15242 Daz im zv spechene gescach
 0,15243 “Nv sehet ir h̃ren alle
 0,15244 Waz vch geualle
 0,15245 Groz vñ kleine

0,15246 Ich enmac niwent eine
 0,15247 Dan als ein anđ man
 0,15248 Ich ensol noch enkan
 0,15249 Niet tun an vvern rat
 0,15250 Ir sehet wol alle wie ez gat
 0,15251 Erslagen sint vns die iügē
 0,15252 Mit setze betwngē
 0,15253 Sin wir armē alden
 0,15254 Wie svllē wir vs enthaldē
 0,15255 Vns get abe den crichē zv
 0,15256 Ich enweiz rechte waz mā tu
 0,15257 Daz ist doch ein ende
 0,15258 Daz man botē sende
 0,15259 Vñ gehore an den crichē wes sie ġn
 0,15260 Ob wir sie mvgē geŵn
 0,15261 Mit deheīn sache
 0,15262 Daz vns zv gemache
 0,15263 Kvme vñ zv erē
 0,15264 Daz riete ich e wir werē
 0,15265 Immer mer mit leide
 0,15266 Wen ich zv boten bescheide
 0,15267 Daz lazze ich an eneam”
 0,15268 Eneas zv botē nam
 0,15269 Antenorē đ alde
 0,15270 Reit dar hine balde
 0,15271 Do behage đ rittſchaft
 0,15272 Đ rat đ bote die botschaft
 0,15273 Des truc her antenor
 0,15274 Einē zelligē vf daz burgtor
 0,15275 Als grune als ein gras
 0,15276 Einer oliuen đ zelge was
 0,15277 Er stūt vf der gewere
 0,15278 Ṽ wiste in dem crichischē here
 0,15279 Er bezeichēte da mite
 0,15280 Fride nach dem site
 0,15281 Ṽ nach đ aldē gewonheit
 0,15282 Fride vñ gewisheit
 0,15283 Wart da beđsit getan
 0,15284 Antenor hup sich san
 0,15285 Da er die crichē entsamēt fant
 0,15286 Er sprach “ich bin zv vch gesant
 0,15287 Ir svlt mir des gūnē wol
 0,15288 Daz ich hie werbē sol
 0,15289 Vwer grozze arbeit
 0,15290 Vñ vnser vnselicheit
 0,15291 Hant lange geŵt
 0,15292 Ob ir nv frides gert
 0,15293 Imm̃ vnd ewecliche

0,15294 So sprechet endeliche
 0,15295 Wie getane svne man neme
 0,15296 Daz ez beiðsit gezeme
 0,15297 Wolt ir wið elenam
 0,15298 Durch die doch dise vehe q̃
 0,15299 Daz wir mit fride mvzzē lebē
 0,15300 Die wollē wir ġne wið gebē”
 0,15301 Dise rede sprach er ṽb al
 0,15302 Do wart da ruf ṽn schal
 0,15303 Ṽn manic rede getan
 0,15304 Iegelich sprach sinē wan
 0,15305 Agomēnon ṽn vlixes
 0,15306 Ṽn ouch diomedes
 0,15307 Dirre rede sie sich vñd wūden
 0,15308 Do sie ð rede begūdē
 0,15309 Do ginc dar zv antenor
 0,15310 Ṽn leit in ein añd rede vor
 0,15311 Er sprach “ich ṽn eneas
 0,15312 Anchises ṽn polidamas
 0,15313 Wollē gebē an uwer hant
 0,15314 Dise stat ṽn diz lant
 0,15315 Daz wir behaldē den lip
 0,15316 Ṽn vnse kint ṽn vnse wip
 0,15317 Vnse gesezze ṽn vnse gut
 0,15318 Ob man des vns tut
 0,15319 Stete gewisheit
 0,15320 So sin wir darzv bereit
 0,15321 Wir fiere han diz gesworn
 0,15322 Durch einē haz ṽ einē zorn
 0,15323 Vnd vmbe ṽminne
 0,15324 Wir han gewalt dar inne
 0,15325 Piamvs mac an vns niet
 0,15326 Einē mort er vf vns riet
 0,15327 Des habē wir disen eit getan
 0,15328 Ob ir die stat wollet han
 0,15329 So sehet daz diz ṽholē si
 0,15330 Ṽn gebet mir einē botē ir dri
 0,15331 Ð gewbē kṽne
 0,15332 Zv p̃amo ṽn zv sime kṽne
 0,15333 Daz er wið gebe helenam
 0,15334 Vnd swaz paris mit ir nam
 0,15335 Er gebe oð gebe niet wið
 0,15336 So tun wir einē añdn rat sið”
 0,15337 Einē botē als er bat
 0,15338 Gabē sie in in die stat
 0,15339 Einē kṽnic wol bekant
 0,15340 Ð was taltibi⁹ genant
 0,15341 Ṽn tatē im des gewisheit

0,15342 Des er vf in hette geleit
 0,15343 E er do dannē kerte
 0,15344 Eines frides er ġte
 0,15345 Daz sie irn totē getetē
 0,15346 Als sie da vor hetē
 0,15347 Daz geschach ouch alsus
 0,15348 Antenor vñ taltibi⁹
 0,15349 Schiedē da vō in drin
 0,15350 Vñ kartē hin zv troyge in
 0,15351 Die rit̃t̃ gein in gingē
 0,15352 Taltibium sie enphingē
 0,15353 Ez was abūt stūde
 0,15354 Ir dehein enkvnde
 0,15355 Ṽnemen ir botschaft
 0,15356 Des schiet sich die ritt̃sachafft
 0,15357 Vnz an dē añdn tac
 0,15358 Des nachtes antenor phlac
 0,15359 Taltibiū mit eren
 0,15360 Mit manierhande merē
 0,15361 Wart ǃ abunt hine bracht
 0,15362 Antenor hete ouch erdach
 0,15363 Daz an dē vorderen tagen
 0,15364 Sin son glancus was erslagē
 0,15365 Des saget er sime gesinde
 0,15366 Wibe vnd kinde
 0,15367 Daz sie fride hattē
 0,15368 Vnz sie die totē bestattē
 0,15369 Vñ hiez sie fruwe vf stan
 0,15370 Vnd hin an daz felt gan
 0,15371 Vñ suchtē wa er lege
 0,15372 Er hiez daz man sin phlege
 0,15373 Als ez wol gezeme
 0,15374 Vñ im zv rechte queme
 0,15375 Do die nacht ergangē was
 0,15376 Vf des kvniges palas
 0,15377 Die furstē alle quamē
 0,15378 Vō antenore sie ṽnamē
 0,15379 Mit wie getanē mere
 0,15380 Er wiđ kvmē were
 0,15381 Antenor do vf stunt
 0,15382 “Ez ist vch allē wol kvnt
 0,15383 Ivngē vñ aldē
 0,15384 Wir han vns enthaldē
 0,15385 Vnz hute an disen tac
 0,15386 Daz vñs dehein mac
 0,15387 Rechte dem añdn gesagē
 0,15388 War vmbe wir dise not tragē
 0,15389 Die crichē hant vch daz enpotē

0,15390 Bi mir vñ mit iren boten
0,15391 Ĥren taltibio
0,15392 Daz die mvzzē wesē fro
0,15393 Die deheine rechte rede vstant
0,15394 Vñ hie hus vñ hof hant
0,15395 Vñ mage vñ kint
0,15396 Ođ mit truwē hie inne sint
0,15397 Daz en ist ands niet
0,15398 Vō đ vns leide ist geschiet
0,15399 Daz wir die frowē wiđ gebē
0,15400 Wer solde immer mer lebē
0,15401 Mit leide vm frowē helenā
0,15402 Wir endurffē vm esionam
0,15403 Deheine bose rede han
0,15404 Mit ir hat vil wol getan
0,15405 Ĥ herzoge thelamō
0,15406 Durch hern ayacem irn son
0,15407 Dunket mich daz harte gut
0,15408 Daz ir đ crichē willē tut
0,15409 Geschiet irs willē niet
0,15410 Waz sol dēne vnse diet
0,15411 So sin wir vnselic geborn
0,15412 Vnse stat die ist vlor
0,15413 Vnse lant vñ vnse geine
0,15414 Vnser ere wirt so klein
0,15415 Ob man sie vkoufen wolde
0,15416 Ĥ sie dēne kouffen solde
0,15417 Den funde mā leiđ nierē
0,15418 Got gnade vns troyrē
0,15419 Eya troyge schone stat
0,15420 Din strazze din phat
0,15421 Vñ din schone zv vart
0,15422 Daz sie ie sus besezzē wart
0,15423 Durch eines wibes namē
0,15424 Daz wir zv spotte v̄ zv schamē
0,15425 Fremden landē nv mvzzē sin
0,15426 An vns selbē ist wol schin
0,15427 Vngelucke v̄ vnheil
0,15428 Vō vns selbē daz merre teil
0,15429 Kymet vñ kvmē ist”
0,15430 Mit diser rede mit dirre list
0,15431 Rief er so daz daz palas
0,15432 Vō geschreige vol was
0,15433 Alle die da warē innen
0,15434 Mit grozzē vnsinnē
0,15435 Weintē vñ schriten
0,15436 Vñ sprachē zv dē zitē
0,15437 Stille vñ offenbare

0,15438 Daz sin rede also ware
 0,15439 Vñ quamē an sinē rat
 0,15440 Swēne đ man ī m̃vde hat
 0,15441 Vnd sin ouge weinet
 0,15442 Vñ ez sin h̃ze niht meinet
 0,15443 So ist er als die want
 0,15444 Die man vzzē ganz f̃ant
 0,15445 Vñ wurezic ist innē
 0,15446 Mit vnkvestigē sinnē
 0,15447 Mit sinē svzzē worten
 0,15448 Schuf er daz sie hortē
 0,15449 Đ falsche bote antenor
 0,15450 Swaz so ē in leigete vor
 0,15451 “Eya” sprach p'amvs
 0,15452 “Wie hat min got ṽgezzē sus
 0,15453 Daz mir wachēde geschit
 0,15454 Were mirz getroumet ich enwande es niht
 0,15455 Vor eime halbē iare”
 0,15456 Er zohte vz sime hare
 0,15457 Do manichē schonē grawē loc
 0,15458 Vñ zv reiz sinē roc
 0,15459 Sine hende er zv samne sluc
 0,15460 Vñ hette sulch̃ gebere gnvc
 0,15461 Als man zv habende phlit
 0,15462 Swēne im die sorge bi lit
 0,15463 Do sprach iem̃liche
 0,15464 Đ kvnic vō troyger riche
 0,15465 “Eya glucke eia heil
 0,15466 Nv hast du mir daz swarze teil
 0,15467 Allenthalbē zv gekart
 0,15468 Mir sint die wizzē wege ṽspart
 0,15469 Da ich wilē ane ginc
 0,15470 Nv stant leiđ mine dinc
 0,15471 Harte vngewisse
 0,15472 Mich blendet finst̃nisse
 0,15473 Die trubē zit ich meine
 0,15474 Nv bin ich leiđ eine
 0,15475 Do ich hette đ saldē schin
 0,15476 Do was alle die werlt min
 0,15477 Nv hinket min ere
 0,15478 Waz mac ich sprechē mere
 0,15479 Tut ir herrē alle
 0,15480 Swaz vch gevalle
 0,15481 Ez si vbel ođ gut
 0,15482 Mir ist lieb swaz ir tut
 0,15483 Got lazze ũwme gew̃be wol geschen
 0,15484 Ich wil ez horē noch sehē”
 0,15485 Des ginc er dannē

0,15486 Mit v̄manigē mānen
 0,15487 Als er vz dem rate ǫ
 0,15488 Antenorem v̄n eneam
 0,15489 Daz volc al gemeine bat
 0,15490 Daz sie sich des landes v̄n ǫ stat
 0,15491 Zv gedinge v̄n ǫ wūdē
 0,15492 V̄n swelich gedinge sie vūden
 0,15493 Daz mochte sin mit erē
 0,15494 Daz sie dar ane werē
 0,15495 Sie globetē also
 0,15496 V̄n ritē mit taltibio
 0,15497 V̄n sprachē zv den crichē daz
 0,15498 “Wir enwollē niht vurbaz
 0,15499 Blibē in den leidē
 0,15500 Wir woln ez ǫne scheidē
 0,15501 Vzzē v̄n innen
 0,15502 Mit liebe vnd mit mīnen”
 0,15503 Da enmochte an ǫ rede niht sin
 0,15504 Ergangē was ǫ svnnē schin
 0,15505 Ir rede des an ende bleip
 0,15506 Daz sie die nacht wi ǫ treip
 0,15507 V̄n do sie heim quamē
 0,15508 ǫ totē lichnamē
 0,15509 Warē in die stat bracht
 0,15510 Antenor wachte alle die nacht
 0,15511 Beide mit ruwē v̄ mit klage
 0,15512 Des morgens vru mit dem tage
 0,15513 Die h̄rē sich vf hubē
 0,15514 Ir totē sie begrubē
 0,15515 Do die v̄o ylion
 0,15516 Antenor glaucū sinē son
 0,15517 Bestatte harte reine
 0,15518 In eime mermel steine
 0,15519 Philemenis zv im nam
 0,15520 Die kvnegin pentesileam
 0,15521 Die hette man gesuchet allē dē tac
 0,15522 In dem waz ǫ da sie inne lac
 0,15523 ǫ frowē er sich v̄n ǫ want
 0,15524 Er wolte sie vurē in ir lant
 0,15525 Daz was bi sime lande
 0,15526 In eime gewande
 0,15527 So manz best konde vindē
 0,15528 Hiez er sie bewindē
 0,15529 Vnz er gesehe
 0,15530 Waz den troyrern gesche
 0,15531 V̄n wie ez in erginge
 0,15532 Zv svne o ǫ zv gedinge
 0,15533 V̄n als die totē warē begrabē

0,15534 Des tages wart dehein rede erhabē
 0,15535 Mit gedinge noch mit svne
 0,15536 Sie hettē gnvc zv tune
 0,15537 Daz sie den totē die sie hetē
 0,15538 Ir recht gar getetē
 0,15539 Helena gehorte
 0,15540 Daz daz was in worte
 0,15541 Daz man sie solde wiđ gebē
 0,15542 Sie begūde sere wiđ strebē
 0,15543 Daz ez niet gesche
 0,15544 Doch was ez also wehe
 0,15545 Sint sie es wādel niet en hete
 0,15546 Daz sie ez willecliche tete
 0,15547 Swēne du niht en mach daz du wilt
 0,15548 So kere vmbe den schilt
 0,15549 Des ginc die frowe bi đ nacht
 0,15550 Mit trurigē mvte
 0,15551 Zv antenoris heimvte
 0,15552 Vñ bat in durch gotes ere
 0,15553 Daz er ir gut were
 0,15554 Wie sie zv huldē queme
 0,15555 Daz in den lip nicht neme
 0,15556 Menelaus ir man
 0,15557 Er sprach "ich tun ob ich kan
 0,15558 Beitent vnz morne an den tac
 0,15559 Swaz dar vz wden mac
 0,15560 Als ich in doch sprechē sol
 0,15561 Daz geschit dāne wol"
 0,15562 Do die nacht ergangē was
 0,15563 Antenor vñ eneas
 0,15564 Rietē vz raten
 0,15565 Vm helenam sie batē
 0,15566 Daz sie die hulde gwan
 0,15567 Sint hubē sie disē rat an
 0,15568 "Git man elenam wiđ
 0,15569 Daz were vil bezž siđ
 0,15570 Als die stat wer gwūnē
 0,15571 Pīamo wir es niht gūnē
 0,15572 Daz ez im so sanfte erge
 0,15573 Man sol zv im mvtē e
 0,15574 Daz anphimacus sin son
 0,15575 Vswere die stat vñ ylion
 0,15576 Ob er wiđ redet daz
 0,15577 So mvgē wir harte vil baz
 0,15578 Findē rat vñ list
 0,15579 Da die stat mit vlorn ist"
 0,15580 Daz geschach also
 0,15581 Die crichē warē đ rede fro

- 0,15582 Des wurdē botē mit im gesant
 0,15583 So man sie all̃ wist vant
 0,15584 Daz was diomedes
 0,15585 Vñ đ wise vlixē
 0,15586 Do die troyani vrischē
 0,15587 Daz die crichē mer hischē
 0,15588 Dē die frowē elenam
 0,15589 Ir iegelich so vnđ quam
 0,15590 Vñ zvrnte so sere
 0,15591 Daz ienen lieβ were
 0,15592 Daz sie werē andswa
 0,15593 Svlich ruf was da
 0,15594 Priam⁹ vñ sine diet
 0,15595 Vō zorne vz dem rate schiet
 0,15596 Ir rede bleip an ende gar
 0,15597 Durch die sie warē kvmē dar
 0,15598 Antenor mit in zwein ginc
 0,15599 Einē andn rat er ane vīnc
 0,15600 Đ was susgetan
 0,15601 Er sprach "ir h̃rē ich han
 0,15602 Eine rede vor gedach
 0,15603 Die enw̃de vollen bracht
 0,15604 So nemvgē wir vollē bringē
 0,15605 Vnse dinc mit deheinē dingē
 0,15606 Ylus ein kvnic hiez
 0,15607 Đ ylion stiftē liez
 0,15608 Vō ylo heizzet ez ylion
 0,15609 Vō im was man des gewon
 0,15610 Daz er nacht vñ tac
 0,15611 An sime gebete ġne lac
 0,15612 Vō grozž schonheite
 0,15613 Ein bethus er vf leite
 0,15614 Zv erē vñ zv minnē
 0,15615 Đ selbē gotinnen
 0,15616 Die da heizzet pallas
 0,15617 Als ez vil na gewort was
 0,15618 Ein zeichen dar inne geschach
 0,15619 Daz nieman sulches niet gesach
 0,15620 Ein bilde dar in geflogē quā
 0,15621 Schone vñ lobesam
 0,15622 Glich eiñ frowen
 0,15623 Wie ez were gehowē
 0,15624 Ođ wie ez gesnitē were
 0,15625 Des wūđte sie imer mere
 0,15626 Die ez engesahen nie
 0,15627 Diewile wir daz bilde han hie
 0,15628 Indewendic in vnsē grabē
 0,15629 So wollē wir daz ṽwar habē

0,15630 Daz vnser stat niet missege
 0,15631 Ich enweiz niet waz sagē me
 0,15632 Pallas hat ez her gesant
 0,15633 Ez ist pallladiū genant
 0,15634 Daz ane betē wir hie inne
 0,15635 Mit liebe vñ mit mīne
 0,15636 Vñ mit grozzē erē
 0,15637 Ob wir gevangē werē
 0,15638 Diewile diz bilde hie inne ist
 0,15639 So enhoret dar zv deheine list
 0,15640 Da die stat mite si gwūnē
 0,15641 Nv han es mich ſvnnē
 0,15642 Mochtē wirz vz bringē
 0,15643 So solde vns gelingen
 0,15644 Ez ist in grozz hute
 0,15645 Thean⁹ ð gute
 0,15646 Ð ist alle zit dar bi
 0,15647 Swie sere ez doch behutet si
 0,15648 So gedenke ich ġne einē rat
 0,15649 Daz vnſ wille vur gat”
 0,15650 “Got gemane vch des”
 0,15651 Sprach her vlixes
 0,15652 “Ez sol vch niet geruwē
 0,15653 Sint wir vch getruwē
 0,15654 Daz ir denket an uſn mvt
 0,15655 Wie ir also getut
 0,15656 Als ir vns gelobet hat”
 0,15657 Antenor sprach “es wirt rat
 0,15658 Ir mvget wol wið ritē
 0,15659 Ich gedenke in kvrzē zitē
 0,15660 Daz min wille geschit
 0,15661 Pīamvs enweiz nit
 0,15662 Waz im sorgē nahet
 0,15663 Sint er daz gedinge smahet
 0,15664 Daz anphimacus sin sin son
 0,15665 ſwere die stat zv ylion
 0,15666 Nv lazzet ez an dē rat min
 0,15667 Ich wil ð crichē bote sin
 0,15668 Vñ wil von ime heischē daz
 0,15669 Als im got ergaz
 0,15670 Ob er ez leistē niht enwil”
 0,15671 Do er geredet hette vil
 0,15672 Sie zwene lizzē ez an in
 0,15673 Daz da was vō in drin
 0,15674 Gerunet vñ geratē
 0,15675 Daz beualē sie im vñ batē
 0,15676 Daz er dar ane dechte
 0,15677 Vñ ez vollen brechte

0,15678 Dar nach schiedē sie sich
 0,15679 An sinē weg ir iegelich
 0,15680 Antenor zv ime nam
 0,15681 Sinē gesellen eneam
 0,15682 Pⁱamvm er besante
 0,15683 Vñ die furstē die er bekante
 0,15684 Daz sie vñemē sine wort
 0,15685 Beide uore vñ vort
 0,15686 Quamē die furstē alle dare
 0,15687 Vñ namē siñ rede ware
 0,15688 Des stunt er vf vñ sprach
 0,15689 “Ir hñren vch ist daz vngemach
 0,15690 Vm an^fimaco leit
 0,15691 Daz die crichē hettē vf geleit
 0,15692 Daz er vurswre diz lant
 0,15693 Nv hāt sie mich zv botē gesant
 0,15694 Die enturrē an^d botē sendē
 0,15695 Wolt irz nv endē
 0,15696 Daz vnser vñ ir blibe gut
 0,15697 Des vns gestern wart gemvt
 0,15698 Daz mochtē wir gñe han getan
 0,15699 Si wollē vō pⁱamo nv han
 0,15700 Ein dinc daz ist niht kleine
 0,15701 Ich enweiz waz ez meine
 0,15702 Sie hant sere vf geslagē
 0,15703 Wolt irz horē ich wil ez vch sagē”
 0,15704 Antenor da nante
 0,15705 Funftusent bisante
 0,15706 Funfzehē tusent marke wñt
 0,15707 Was da silbers gegert
 0,15708 Vñ zv drizzic iaren
 0,15709 Hūñdt tusent mal^d i warē
 0,15710 Weizzes geheischet v genant
 0,15711 “Her vmbe hat here gesant
 0,15712 Nestor vñ agomēnō
 0,15713 Vlixes vñ thelamō
 0,15714 Pyrrus vñ diomedes
 0,15715 Nv vsinnet vch des
 0,15716 Ob des niht geschiet
 0,15717 Vns mac frides wñdē niet”
 0,15718 Pⁱamvs sprach dar zv
 0,15719 “Wil man daz ich daz tu
 0,15720 Nv man habe nemē sol
 0,15721 So gescheidē wir vns wol
 0,15722 Mit gutē minnē”
 0,15723 Des hiez er gwūnen
 0,15724 Als ez vf ge^let was
 0,15725 Antenor vñ eneas

0,15726 Nach ulixe santen
 0,15727 Diomedem sie mite nantē
 0,15728 Daz sie dare quemē
 0,15729 Vnd ir gelubede nemē
 0,15730 Des quamē sie vil schiere
 0,15731 Die rat gebē fiere
 0,15732 In ein bethus gingē
 0,15733 Ratē mit welchen dingē
 0,15734 Sie vol entē des ī was gedacht
 0,15735 Die wile was dar in brach
 0,15736 Opfer maniĝ hande
 0,15737 Als man in dem lande
 0,15738 Bi đ alden zit phlac
 0,15739 Vf dem lectere da lac
 0,15740 Manic schaf vñ rint
 0,15741 Niđ geslaugē vñ beschint
 0,15742 Daz daz blut dar vz trouf
 0,15743 Des lac da ein vil michel houf
 0,15744 Dar quamē alle gemeine
 0,15745 Groz vnde kleine
 0,15746 Wip vñ man vz đ stat
 0,15747 Ir iegelich flehete vñ bat
 0,15748 Nach irre gewonheit
 0,15749 Ir opfer daz da was geleit
 0,15750 Daz ez irm gote wer anne
 0,15751 Vñ in zv gute queme
 0,15752 Dar vnđ hiezē sie machē
 0,15753 Fur vō durrē spachē
 0,15754 Vñ woldē daz opfer brīn
 0,15755 Pallade đ gotinnē
 0,15756 Beide zv erē vñ zv lobe
 0,15757 Do enwolde ez vndē noch obe
 0,15758 Brinne nach irme aldē site
 0,15759 Sie warē im vil vaste mite
 0,15760 Daz sie ez enpliesen
 0,15761 Do enkondē sie dar ane erkiesē
 0,15762 Noch ganstn noch lohē
 0,15763 Etliche vor leidē dānē flohē
 0,15764 Ez was im vil vngemach
 0,15765 Daz ir opfer niet geschach
 0,15766 Als im vō rechte solte geschen
 0,15767 Des hettē sie in leide geschē
 0,15768 Daz m̃re teil bleip ir da
 0,15769 Die ritē daz man andswa
 0,15770 Ir opfer vsuchte
 0,15771 Nv es pallas niht enruchte
 0,15772 Ez neme lichte apollo
 0,15773 Đ rat geschach also

0,15774 Als ez dar bracht was
 0,15775 Ir iegelich bette vñ las
 0,15776 Mit grozzer flehe
 0,15777 Daz irme opfer recht gesche
 0,15778 Sie namē des fures alle war
 0,15779 Die wile quam ein engel dar
 0,15780 Ođ der tufel an đ gebere
 0,15781 Als er ein engel were
 0,15782 Daz folc allez erschrac
 0,15783 Er nam daz opfer da ez lac
 0,15784 Vñ schrei mit ein̄ stime
 0,15785 Harte heiz grimme
 0,15786 Im was dannē vil gach
 0,15787 Daz folc sach im allez nach
 0,15788 Er furte daz opfer zv dem mer
 0,15789 Vnđ daz crichische her
 0,15790 Da wart geschreige
 0,15791 Vnd klauge maniĝ leige
 0,15792 Sie wandē sin v̄ratē
 0,15793 Irn got sie batē
 0,15794 Daz er in helfe tete
 0,15795 Zv svlcheme vngerete
 0,15796 Den crichē sagete calcas
 0,15797 Wie dem dinge was
 0,15798 "Svlche bezeichēvnge
 0,15799 Diz ist wandelunge
 0,15800 Vñ anđs niht mere
 0,15801 Vnser finde ere
 0,15802 Wirt schiere an vns gewant
 0,15803 Dise stat vñ diz lant
 0,15804 Vñ diz kvnicriche
 0,15805 Wirt vns kvrtzliche"
 0,15806 Daz geschach ouch also
 0,15807 Ecuba was vnfro
 0,15808 Wen in so was geschen
 0,15809 Sie wolde baz ir gelucke sehē
 0,15810 Ein opfer sie bereite
 0,15811 Vō grozẓ ziereite
 0,15812 Als man dar fur dar ane stach
 0,15813 Als in da vor geschach
 0,15814 Also gescah in aber hie
 0,15815 Sie enkvndē ez nie
 0,15816 Er quickē noch enzvndē
 0,15817 "Ez kvmet vō uŵn svndē"
 0,15818 Sprach kassandra
 0,15819 "Wir enprinnē diz opfer anđswa
 0,15820 Diz zvrnet phebus
 0,15821 Daz in disem bethus

0,15822 Ist geschehē ein mort”
0,15823 Als ir wol hat gehort
0,15824 Hie wart achilles ine erslagē
0,15825 Sie hiez daz opfer vz tragē
0,15826 Vz đ ture hin vor
0,15827 Da bestat was hector
0,15828 Do man ez da bereite
0,15829 E man vollē vur geeite
0,15830 So was daz opfer gar ṽbrāt
0,15831 Dar bi hettē sie bekant
0,15832 Daz cassandra die wise maget
0,15833 In hette vil war gesaget
0,15834 Sie wurfen die schult vf ecubā
0,15835 Vō đ đ mort vz quam
0,15836 Sie gingē mit frohē mvte
0,15837 Zv irre heimvte
0,15838 Vñ hettē des alle wan
0,15839 Daz ez wol solde gan
0,15840 Des nachtes harte spete
0,15841 Do man sich gelegeget hete
0,15842 Antenor ginc in daz bethus
0,15843 Da đ prist theanus
0,15844 Behutte ir heilictum
0,15845 Daz da hiz palladiū
0,15846 Doch mochte ez baz đ tufel wesē
0,15847 Wir han vil dar abe gelesen
0,15848 Waz da wunds abe gescāh
0,15849 Antenor zv dem prist sprach
0,15850 “Du hast hute wol gesehē
0,15851 Wie vnserme opfer ist geschen
0,15852 Wie ez vz đ stat geuur wart
0,15853 Daz weiz ich wol in bin gelart
0,15854 Diz bilde wil dar nach kvmē
0,15855 Ioch han ich daz wol ṽnvmē
0,15856 Enkvmet ez dar nach niet
0,15857 Daz vns nimer gut geschiet
0,15858 So heilic ist diz bilde
0,15859 Kvmet ez vf daz gefilde
0,15860 Nach dem opfer bi daz mer
0,15861 Da getar daz crichische her
0,15862 Leng niht blibē
0,15863 Wilt du sie ṽtriben
0,15864 So laz mich ez dar vz tragē
0,15865 Ich wil dir ere mite beiagē
0,15866 So die crichē fliehent hinnē
0,15867 Vñ wil dich wol minen
0,15868 So blibet mir eine ir habe
0,15869 Da mache ich dich riche abe”

- 0,15870 Ā priſt was mieteġne
 0,15871 Er wolte đ habe niht enpern
 0,15872 Daz bilde er in nemē liez
 0,15873 Wende er ime miete gehiez
 0,15874 Do đ priſt was betrogē
 0,15875 Do wart ez niet lenġ ųzogē
 0,15876 Antenor sich genante
 0,15877 Daz bilde er hin vz sante
 0,15878 Vlixes daz bilde enphinc
 0,15879 Harte wol er ez behinc
 0,15880 Nach sime rechte er sin pflac
 0,15881 Beide nacht vñ tac
 0,15882 Do m̃kete theanus
 0,15883 Daz er betrogē was alsus
 0,15884 Er entorste niht iehen
 0,15885 Wie im zv dem bilde was geschen
 0,15886 Als đ tac ginc zv
 0,15887 Antenor hup sich harte fru
 0,15888 Zv den crichē vz đ stat
 0,15889 Vlixem er bat
 0,15890 Vnd tydeus son
 0,15891 Swēne sie ylion
 0,15892 Mit sime rate gwūnē
 0,15893 Daz sie sich ųsvnnē
 0,15894 Waz sie im gelobet hetē
 0,15895 Vñ wol zv im teten
 0,15896 Vñ zv sinē kindē
 0,15897 “Ich enmac es niht irwindē
 0,15898 Ob uwer wille hie geschiet
 0,15899 Enleistet ir mine gelubede niht”
 0,15900 Do sprach her vlixes
 0,15901 “War vmbe zwifelt ir des
 0,15902 Ist ez vbel getan
 0,15903 Daz ir des hat wan
 0,15904 Daz wir mit vntruwē farn
 0,15905 Wir svln ez harte wol bewarn
 0,15906 Ir vñ eneas
 0,15907 Vñ anchises đ an dem rate was
 0,15908 Svlt uws gelubedes sin gewt
 0,15909 Drizzic tusement marke wt
 0,15910 Goldes sult ir vō vns habē
 0,15911 Daz wir vf han erhabē
 0,15912 Denket wie wirz geendē
 0,15913 Ir sult ez wol bewenden”
 0,15914 Dannē schit antenor
 0,15915 Vlixes truc diz bilde vor
 0,15916 Die crichē freutē sich des
 0,15917 Calcas vñ crises

0,15918 Des bildes sich vñdwūden
 0,15919 Die vō troyge enkvnde
 0,15920 Gefragē noch gewisten
 0,15921 Mit wie getanē listē
 0,15922 Palladiū wer v̄stoln
 0,15923 Theanus hette ez v̄holn
 0,15924 Vñ torste ez niemāne sagē
 0,15925 Wer ez vz hette getragē
 0,15926 Crises eine list vant
 0,15927 Da mit er stat vñ lant
 0,15928 Den vō troyge ane gwan
 0,15929 Er hiez epiū einē zimermā
 0,15930 Eines werkes beginen
 0,15931 Mit grozzē sinnē
 0,15932 Wart daz w̄c vollenbracht
 0,15933 Als er vor hette erdacht
 0,15934 Daz gezimerde was h̄lich
 0,15935 Eime rosse glich
 0,15936 Vzen geuestent vil wol
 0,15937 Innē wit vñ hol
 0,15938 Geworcht vō grozz̄ wisheit
 0,15939 Do daz w̄c was gereit
 0,15940 Crises in die stat enbot
 0,15941 Den crichē wer irs rates not
 0,15942 Sie westē wol daz pallas
 0,15943 In harte grozme zorne was
 0,15944 Wēne sie ir bilde hette v̄lorn
 0,15945 Sie vorhtē sere irn zorn
 0,15946 Vñ hettē so sere geforht
 0,15947 Daz daz ros were geworcht
 0,15948 Swēne so erginge
 0,15949 Ir gelubede vñ ir gedinge
 0,15950 Vñ zv lande soldē keren
 0,15951 So woldē siz ir zv eren
 0,15952 In die stat tribē
 0,15953 Daz sie mochtē blibē
 0,15954 In đ frowē hulden
 0,15955 Sie enwoldē niht duldē
 0,15956 Irn zorn vñ ir v̄mīne
 0,15957 Da was vil ritt inne
 0,15958 Die wondē daz diz mere
 0,15959 In harte gut were
 0,15960 Ouch was ir dīne ein mchel teil
 0,15961 Die merketē daz vnheil
 0,15962 Die zv lande kartē
 0,15963 Vñ vnheilis bewartē
 0,15964 Đ kvnic filemenis
 0,15965 Đ was m̄ke vñ wis

0,15966 Zv troyge er vrloup nam
 0,15967 Vñ furte pentesileam
 0,15968 Mit im zv lande
 0,15969 Ir frunt er wol bekande
 0,15970 Do liez er sie begrabē
 0,15971 Antenor đ hette die wil erhabē
 0,15972 Mit pⁱamo den aldē rat
 0,15973 Den ir dicke gehort hat
 0,15974 An dem anđn tage fru
 0,15975 Griffen sie beiđsit zv
 0,15976 Zv gelubede vñ zv gedinge
 0,15977 Die crichē daz vollē ginge
 0,15978 Ir vřetēnisse
 0,15979 Die anđn daz sie gewisse
 0,15980 Vñ mit fride mvstē blibē
 0,15981 Diz begūde antenor tribē
 0,15982 Đ ez lange getribē hette
 0,15983 Pⁱamvs durch sin gerete
 0,15984 Quam dar vz vf daz felt
 0,15985 Vñ brachte golt vñ gelt
 0,15986 Daz von im geheischet was
 0,15987 Anchises vñ eneas
 0,15988 Als wir horē sagē
 0,15989 Hizzē ir gote vz tragē
 0,15990 E die crichē dannē furen
 0,15991 Daz sie mit truwē swurē
 0,15992 Daz sulich gedinge
 0,15993 Also vollen ginge
 0,15994 Alse sie zwene vñ antenor
 0,15995 Lange hettē geratē vor
 0,15996 Vf svlich vnđscheide
 0,15997 Bot sich zv dem eide
 0,15998 Zv erste diomedes
 0,15999 Dar nach vlixes
 0,16000 Dar nach idomeus
 0,16001 Thoas vñ menesteus
 0,16002 Menelaus vñ thelamō
 0,16003 Vñ pirrus anchilles son
 0,16004 Als da was begūnē
 0,16005 Sie swrē bi đ svnne
 0,16006 Bi himele vñ bi đ erdē
 0,16007 Daz daz war solde werdē
 0,16008 Daz vō in fieren
 0,16009 Vō den troyierē
 0,16010 Lange was vf geleit
 0,16011 Sie fiere namē vřgut dē eit
 0,16012 Do was da anđs niht gesworn
 0,16013 Wen daz sie mvstē sin vřlorn

0,16014 Sint daz da gesworn was
 0,16015 Daz ð troyane dehein genas
 0,16016 Wie solde sie do genesen
 0,16017 Daz mochte ouch wol mit erē wesē
 0,16018 Daz ð in den stric begleitet
 0,16019 Der in eime anðn hette geleit
 0,16020 Do sie gesworn hettē so
 0,16021 Pīamvs was vil fro
 0,16022 Den eit er vur gut enphienç
 0,16023 Swie er doch vbel vz ginc
 0,16024 Wūds was da vil geschit
 0,16025 Ir iegelich vf den anðn rit
 0,16026 Daz v̄wūden sie spate
 0,16027 Vō manicfalden rate
 0,16028 Die h̄ren v̄worhtē sich
 0,16029 Des wart v̄worht ir iegelich
 0,16030 Pīamvs wonde fride han
 0,16031 Do ð eit was getan
 0,16032 E dēne er karte in die stat
 0,16033 Vm helenam er bat
 0,16034 Menelaum irn man
 0,16035 Daz er ir die hulde gwan
 0,16036 Menelaus bat ouch in
 0,16037 “Als ich vō dir gebetē bin
 0,16038 Vñ ich dinē willē tete
 0,16039 Nv leiste ouch du mine bete
 0,16040 Ich han ein gezimmer hie
 0,16041 Du gesehe schoner werc nie
 0,16042 Daz wil ich zv mīnē
 0,16043 Geben diner gotīnen
 0,16044 Die da pallas ist genant
 0,16045 E ich rume diz lant
 0,16046 Des hat din stat ere
 0,16047 Ich enbite dich niht mere
 0,16048 Wen daz du mir helfes dar zv
 0,16049 Wie ich wol darmit getu
 0,16050 Nv ich ez dar in tribē sol
 0,16051 So bedarf ich diñ hulfe wol”
 0,16052 Eneas so vil darzv sprach
 0,16053 Daz sin bete geschach
 0,16054 Priam⁹ heim karte
 0,16055 Sie liefen vō ð warte
 0,16056 Alle daz ir dar vffe was
 0,16057 V̄ folgetē im vf sin palas
 0,16058 Do quamē die vō troyge
 0,16059 Mit freudē vñ mit ioie
 0,16060 Warē alle die nacht
 0,16061 Wēne in ð fride was bracht

0,16062 Epius ð zimerman
0,16063 Manien starkē helt gwan
0,16064 Die im hulfē sin ŵc
0,16065 Vber tal vnd vß berc
0,16066 Tribē gein ð stat wert
0,16067 Daz hulzine phert
0,16068 Wart sere gezogē
0,16069 Sine kvndē nirgē genogen
0,16070 In was zv ð erbeit so gach
0,16071 Sie zvgen vore v̄ schurgetē nach
0,16072 Bizdaz ez quam hin vor
0,16073 Do enwas dehein burctor
0,16074 So hohe noch so wit
0,16075 Noch dehein b̄frit
0,16076 Noch erkere
0,16077 Ð im glich were
0,16078 Ez was den turmē glich ho
0,16079 Die vō troyge warē fro
0,16080 Daz da frowe pallas
0,16081 So wol mite geeret was
0,16082 Sie zv brachē vñ zv fortē
0,16083 Ir mvrē in den wortē
0,16084 Daz ez dar in queme
0,16085 Wen ez drin wol gezeme
0,16086 Do sie ez dar in brachtē
0,16087 Die crichē gedachtē
0,16088 Sint zv broch wart ir gewer
0,16089 Daz die vō troyge irme her
0,16090 Nich en mochtē wið stan
0,16091 Des woldē sie den schatz han
0,16092 Als ez vf was geleit
0,16093 Ð schaz wart in bereit
0,16094 Vñ kornes ein v̄mazze
0,16095 Daz lizzē sie ir strazze
0,16096 Furē mit schiffē
0,16097 Svs wart die stat begriffē
0,16098 Vō findē vñ vō frūden
0,16099 Sie mochtē noch enkvndē
0,16100 Sich niht wol han behut
0,16101 Sint im die niht warē gut
0,16102 Die in gut soltē wesen
0,16103 Hie han ich vō crichē gelesen
0,16104 Sie namē zv p̄amo vrlop
0,16105 Vñ vber al sinē hop
0,16106 Vñ batē daz er helenā
0,16107 Zv eiñ stunt zv im nam
0,16108 Vnz sie zv lande quemē wið
0,16109 Sie woldē botē sendē sider

0,16110 Die sie gemechliche
 0,16111 Furtē in ir riche
 0,16112 Hettē sie sie zv hant genvmē
 0,16113 Vñ werē sint wið kvmē
 0,16114 Vñ hettē die stat zv brochē
 0,16115 So wer in gesprochē
 0,16116 Witē in dem lande
 0,16117 Vnere vnd schande
 0,16118 Dar vmbe tatē sie daz
 0,16119 Wēne ez lutte vil baz
 0,16120 Swēne man die stat zv furte
 0,16121 Daz man sie dāne hine vurtē
 0,16122 Wen daz ez durch sie eine geschach
 0,16123 Daz man troyge zv brach
 0,16124 Sie hizzē ir schif reiten
 0,16125 Vō grozzē zieretē
 0,16126 Ir segel sie vf hingē
 0,16127 Vō troyge sie do gingē
 0,16128 Vñ ritē vñ rantē
 0,16129 Ir līberge sie brantē
 0,16130 Daz fur vaste vf stoup
 0,16131 Da lohete holtz vñ schoup
 0,16132 Beide hutte vñ stal
 0,16133 Wart zv aschē vber al
 0,16134 Do kartē sie gein syeon
 0,16135 Des wondē die vō ylion
 0,16136 Daz sie ledic werē
 0,16137 Vō sorgē vñ vō swerē
 0,16138 Als ez vinsť nacht wart
 0,16139 Do hettē sie ir segel vmbe gekart
 0,16140 In eiñ kvrzen wile
 0,16141 Karten sie wider die mile
 0,16142 Die sie hettē vber geruret
 0,16143 Ir schif wurdē gefuret
 0,16144 Aber an die aldē habe
 0,16145 Da sie gefarē warē abe
 0,16146 Da enwas niemā
 0,16147 Er schutte sinē halsb̃g an
 0,16148 Sich wapente ir iegelich
 0,16149 Vñ bereittē sich
 0,16150 Als sie bi ǃ nacht
 0,16151 Mit gewalt vñ mit macht
 0,16152 Die stat zv troyge woldē han
 0,16153 Sie hettē es drīne keinē wan
 0,16154 Ir dehein newiste
 0,16155 ǃ crichē arge liste
 0,16156 Do sie begūden nahē
 0,16157 Ein groz fur sie sahē

0,16158 Vor dem rosse brīne
0,16159 Da warē drizzic inne
0,16160 Rittere v̇borgē v̇ v̇holen
0,16161 Den daz ros was bevolē
0,16162 Ð was synō genant
0,16163 Ð hette daz fur durch daz enprant
0,16164 Daz sie quamē da engein
0,16165 Da daz fur vz schein
0,16166 Da was die mvre zv brochē
0,16167 Ez was also vor sprochē
0,16168 Ir volc hie zv karte
0,16169 Do enwas vf ð warte
0,16170 Noch vf den erkere
0,16171 Dehein wechtere
0,16172 Des ritē sie an sorge darin
0,16173 Synon ð luchte in
0,16174 Do sie in warē kvmē
0,16175 Vñ ez die drizzic v̇nvmē
0,16176 In dem rosse hettē
0,16177 Waz wolt ir daz sie tetē
0,16178 Vz dem rosse sie tratē
0,16179 Als ez was geraten
0,16180 Da wart leng̃ niht gebeit
0,16181 Als ez vf was geleit
0,16182 Besatztē sie die portē
0,16183 Ot in den wortē
0,16184 Daz ir dehein da enbiñ
0,16185 Dar vz mochte entrinnē
0,16186 Sie hettē die gazzen gezalt
0,16187 Vñ lagē gestalt
0,16188 Beide vf vñ nið
0,16189 Vñ fort vnd wið
0,16190 Sie hettē hute v̇bal
0,16191 Da enwas hus noch sal
0,16192 Noch dehein kemēnatē
0,16193 Sie werē alle v̇ratē
0,16194 Da wart gerant vñ getrat
0,16195 Sie slieffen alle in ð stat
0,16196 Al da sie slieffen
0,16197 Mit sw̃ten sie v̇ sie lieffen
0,16198 Sie slugē vñ stiezzē
0,16199 E sie dar abe liezzē
0,16200 So v̇los man vñ wip
0,16201 Vñ ir kint dar zv dē lip
0,16202 Da wart gestalt sulche not
0,16203 Sie lagē alle samt tot
0,16204 Die in der stat waren
0,16205 Sie zvgē sie mit den harē

0,16206 Da warē zv houwē
 0,16207 Ritt^z vñ frouwē
 0,16208 Mit frundē vñ mit magē
 0,16209 Die edeln furstē lagē
 0,16210 Tot da iemerlichen
 0,16211 Vñ die armē mit dē richen
 0,16212 Ez mochte got erbarmen
 0,16213 Den wibē an den armē
 0,16214 Da sie die kint trugen
 0,16215 Zv tode sie sie slugē
 0,16216 Hus vñ palas
 0,16217 Vñ swaz da gesezis was
 0,16218 Vō blute ez allez vol floz
 0,16219 Dehein mensche es genoz
 0,16220 Ob ez zv dem bethus floch
 0,16221 S^z in dar inne bezoch
 0,16222 Dem mvste er den lip lazzē
 0,16223 Gazzē vñ strazzen
 0,16224 Fluzzē alle vō blute
 0,16225 Sie en mochtē vor hute
 0,16226 Zv dehein^z flucht kvmē
 0,16227 Des wart in allē ^z lip genvmē
 0,16228 Die stat totē fol lac
 0,16229 Vñ als ez quam an dē tac
 0,16230 Ir iegelich roubete vñ nam
 0,16231 Allez daz im zv quam
 0,16232 In welichē endē man ez fant
 0,16233 Silb^z gesteine golt gewant
 0,16234 An golde vñ an gewande
 0,16235 Ziereit mani^zg hande
 0,16236 Piam⁹ floch in daz bethus
 0,16237 Do konde im sin got phebus
 0,16238 Zv deheinē statē gestan
 0,16239 Er mvste da den lip lan
 0,16240 Sin tocht^z cassandra
 0,16241 Lief im als schrigēde na
 0,16242 In ein bethus da bi
 0,16243 Da klagete sie palladi
 0,16244 Ir not vñ ir swere
 0,16245 Daz ez so kvmē were
 0,16246 Nv enweiz ich waz me sagē
 0,16247 Wen da was not vñ klagē
 0,16248 Vō mănē vñ vō wibē
 0,16249 Sie enwistē wa bliben
 0,16250 Sie liffē her vnd dare
 0,16251 Swa man ir ieren wart geware
 0,16252 Do en mochtē sie niet des gegebē
 0,16253 Si mvstē lazzen daz lebē

- 0,16254 Sie lieffen zv dem vberistē hobe
 0,16255 Da man vnden vñ oben
 0,16256 Maniĝ kamerē was gewō
 0,16257 Daz was ī dem gesezze zv ylion
 0,16258 Da lieffē die frowē inne
 0,16259 Vñ die kvnegīne
 0,16260 Eneas vñ anchises
 0,16261 Folgetē in vn̄ddes
 0,16262 Vñ antenor đ alde
 0,16263 Vñ hizzē in daz sie balde
 0,16264 Her vor gingē
 0,16265 Sie soldē wol gedingē
 0,16266 San bi disen worte
 0,16267 Ecuba gehorte
 0,16268 Daz die stat v̄ratē was
 0,16269 Sie sprach “pfi dich eneas
 0,16270 Phi din ere phi din lebē
 0,16271 Du hast magē vñ nebē
 0,16272 Vil vbel mite gefarn
 0,16273 We wie manic mv̄t barn
 0,16274 Vō dinē schuldē tot lit
 0,16275 We đ vnseligē zit
 0,16276 Da du inne wurde geboren
 0,16277 Du hast alle die v̄lorn
 0,16278 Die du behalden soldes han
 0,16279 Wie hast du armer sus getan
 0,16280 Eya troyge reine
 0,16281 W̄ ist đ dich nv weine
 0,16282 Sint dine lute
 0,16283 Hie ligent hute
 0,16284 Alsus iemliche erslagē
 0,16285 Die dine ere solden tragē
 0,16286 Die hant dich leiđ geualt”
 0,16287 Sie klagete vil vñ schalt
 0,16288 Idoch bat sie eneam
 0,16289 Daz er pollixenā
 0,16290 Neme an sine hute
 0,16291 Polixena die gute
 0,16292 Die was sere v̄zaugē
 0,16293 Eneas troste die mauget
 0,16294 Vn̄ddes ersluc pirrus
 0,16295 Piamvm ī dem bethus
 0,16296 Daz daz blut vf dē lector spranc
 0,16297 Da man irn gotē vffe sanc
 0,16298 Menelaus ouch q̄
 0,16299 Da er vant frowē helenā
 0,16300 Were er schiere niht comē
 0,16301 Sie hettē ir den lip genvmē

- 0,16302 Andromache v̄ cassandra
0,16303 Die wurdē wol behut da
0,16304 Vñ ayace orleo
0,16305 Ð behutte sie so
0,16306 Daz ir deweder hete
0,16307 Dehein vngerete
0,16308 Grozzē schadē sie tatē
0,16309 In dē kemēnatē
0,16310 Brachē sie die zirde abe
0,16311 Vñ namē die habe
0,16312 Swa si sie funden
0,16313 Da die gote stundē
0,16314 Gezieret harte reine
0,16315 Mit golde vñ mit gesteine
0,16316 Den namē sie ir zierheit
0,16317 Vñ lizzē in ir gotheit
0,16318 Sie lizzē den got v̄ namē daz golt
0,16319 V̄ daz gesteine dar in geuult
0,16320 Bethus vñ palas
0,16321 Vñ allez daz dar inne was
0,16322 Daz wart allez v̄kart
0,16323 Vnz in ð schatz all wart
0,16324 Als ich ytim hore sagē
0,16325 Zv samne hizzē sie ez tragē
0,16326 Beide schatz vñ gewant
0,16327 Vñ swaz man zirdē irgen vant
0,16328 Daz hizzē die behalden
0,16329 Die ez vō rechte soldē walden
0,16330 An eime houffē ez allez lac
0,16331 Ir gwin vñ ir beiac
0,16332 Daz teiltē sie gliche
0,16333 Da nam ir iegeliche
0,16334 Weð mīner noch vort
0,16335 Den nach dem w̄de v̄ nach ð gebort
0,16336 Ouch wurdē sie in ein
0,16337 Daz vō den fieren was dehein
0,16338 Antenor noch polidamas
0,16339 Anchises noch enenas
0,16340 Sie enbehildē daz lebē
0,16341 Ouch wart in gegebē
0,16342 Als ez gesworn hete
0,16343 Diomedes ð stete
0,16344 Vñ ð wise vlixes
0,16345 Ajax zvrnte vn̄ddes
0,16346 Vzzer mazzē sere
0,16347 Daz helena genesen were
0,16348 Er wolde sie ġne han erslagē
0,16349 Kvme binnē drin tagē

0,16350 Vlixes daz zv samne treip
 0,16351 Daz er mit gemache bleip
 0,16352 Cassandra quā gande
 0,16353 Agomēnō wande
 0,16354 Daz im ǣ clarē svnen schin
 0,16355 Blicte vñǣ die ougē sin
 0,16356 So wol was sie getan
 0,16357 Er wolde sie zv wibe han
 0,16358 Mit ir ginc dimena
 0,16359 Vñ ir gellin ethra
 0,16360 Ir itweǣ harte schone was
 0,16361 Die eine nam achamas
 0,16362 Die andn demophon
 0,16363 Hern pⁱamis son
 0,16364 Helen⁹ ǣ wissage
 0,16365 Ǧ was zv strite ein zoge
 0,16366 Des genoz er da ǣ zageheit
 0,16367 Daz im nie geschach leit
 0,16368 Adromacha hectoris wip
 0,16369 Die behuttē ouch irn lip
 0,16370 Sie warē gut beide
 0,16371 Des blibē sie ane leide
 0,16372 Vō cassandren vñ heleno
 0,16373 Wurdē die crichē gebetē so
 0,16374 Daz ir mv^t ecuba
 0,16375 Irn lip behilt da
 0,16376 Vm hectoris svne zwene
 0,16377 Daz was vnwene
 0,16378 Daz ez so geschec
 0,16379 Wen daz mit grozǣ flehe
 0,16380 Ǧ cassandren hete behat
 0,16381 Agomēnon dar vmbe bat
 0,16382 Durch cassandren eine
 0,16383 Genasen alle gemeine
 0,16384 Die frowē vō ylion
 0,16385 Des half agomēnon
 0,16386 Wen man durch sine bete
 0,16387 Harte gne da tete
 0,16388 Den frowē wart fride gegebē
 0,16389 Vñ was allez wordē ebē
 0,16390 Sie woldē zv lande keren
 0,16391 E sie kvmē werē
 0,16392 Vz ǣ portē
 0,16393 Sie sahē vnd horten
 0,16394 Ein weter harte swinde
 0,16395 Daz mer vō dem winde
 0,16396 Sluc vf vnd nider
 0,16397 Sie kartē in die stat wiǣ

0,16398 In eime mande ez nie gelac
 0,16399 Beide nacht vñ tac
 0,16400 Tegeliche starc ez was
 0,16401 Do saugete calcas
 0,16402 Ir priſt vñ ir wiſſage
 0,16403 Daz in ð helle hete klage
 0,16404 Megeſa vñ allecto
 0,16405 Diſe furie zwo
 0,16406 Vñ theſifone der mite
 0,16407 Durch ir driger vnsite
 0,16408 Was vō winde vñ vō waze
 0,16409 Vf dem mere die v̄maze
 0,16410 Daz ich ez vch geſagē niet enkan
 0,16411 Weð wip noch man
 0,16412 Sie habē dar vmbe zorn
 0,16413 Daz achilles hette v̄lorn
 0,16414 Dē lip durch polixenā
 0,16415 Vñ ir niemā dē lip nam
 0,16416 Ne were des niht geſchen
 0,16417 Sie enhattē nīm mer geſehen
 0,16418 Schone wet̄ zv irre vart
 0,16419 Do pyrro daz zv wizzē wart
 0,16420 Durch ſinē vater achillen
 0,16421 Vñ durch ð frowē willē
 0,16422 Suchete er die maget ſan
 0,16423 Sie hettē bi ð zit wan
 0,16424 Daz ſie hetē ſulchē gewalt
 0,16425 Wen ſie queltē ð w̄ gequalt
 0,16426 Sie mochtē ouch ruwe gebē
 0,16427 Die crichē begūdē ð ane ſtrebē
 0,16428 Als in calcas hette geſagit
 0,16429 Daz in wurde die maget
 0,16430 Sie ſuchtē her vñ dare
 0,16431 In eime gaden wart ir gewar
 0,16432 Ð vngetruwe antenor
 0,16433 Ð zoch ſie mit dem arme h̄ for
 0,16434 Agomēnon zv im nam
 0,16435 Die ſchonē polixenam
 0,16436 Vñ entwurte ſie pyrro
 0,16437 Vlixes rit im do
 0,16438 Daz er ſie hin wec truge
 0,16439 Vñ zv tode ſluge
 0,16440 Vf ſines vať grabe
 0,16441 “Wir mvzzē dirre rede kvmē abe
 0,16442 Daz iſt alſo gut bezite
 0,16443 Als man lenger bite”
 0,16444 Sin rat ð geſchach
 0,16445 Da vō quam groz vngemach

0,16446 Vñ groz leide
 0,16447 Als ich dar nach bescheide
 0,16448 Do leitte sie pyrrus hin
 0,16449 Swie sie schrige ođ grin
 0,16450 Des nam ē deheine war
 0,16451 Sie sprach do er sie leitte dar
 0,16452 “Edel man pirrus
 0,16453 Wie leit ir mich sus
 0,16454 Wa mite han ich dit ṽscholt
 0,16455 Ich was ũwme vať vil holt
 0,16456 Hat in min bruđ erslagē
 0,16457 Lebet ich im̃ ich wolde ī klagē
 0,16458 Ez en tu dēne min svnde
 0,16459 Ich enwiste noch enkvnde
 0,16460 Vō warheite wizzē
 0,16461 Waz mir si gewizzē
 0,16462 Ach ich arme svnderin
 0,16463 Daz ich mit vnerin
 0,16464 Alsus wurde geleit
 0,16465 Ich entet in me dehein leit
 0,16466 An w̃ken noch an wortē”
 0,16467 Die ir rede gehortē
 0,16468 Vñ ir not sahē
 0,16469 Die mvstē enphahē
 0,16470 Iã vnd ruwe
 0,16471 Die frische rose nvwe
 0,16472 Vñ ir varwe die vō ir schein
 0,16473 Die warē glich vñ ein
 0,16474 So schone maget so schone kint
 0,16475 Be wewete nie đ win
 0,16476 Noch enbe luchte nie die s̃vnē schin
 0,16477 Pirrus liez alle rede sin
 0,16478 Er leite sie zv dem grabe w̃t
 0,16479 Vñ zvckete sin s̃wt
 0,16480 Vñ sluc ir daz houbēt abe
 0,16481 Vf sines vať grabe
 0,16482 Daz grap wart vō blute rot
 0,16483 Do die maget was tot
 0,16484 Ir muť ecuba
 0,16485 Stalte groz wūder da
 0,16486 Sie beiz vñ cram
 0,16487 Allez daz ir zv quam
 0,16488 Zv handē ođ zv mvnde
 0,16489 Đ crichē dehein enkvnde
 0,16490 Vor ir nieren bestan
 0,16491 Sie liz vnđ si gan
 0,16492 Mit eiñ mezzar daz sie truc
 0,16493 Einē kvnic si zv tode sluc

0,16494 Vn zwene grefen dar mite
0,16495 Ouch engalt sie irre vnsite
0,16496 Man mochte wūđ schowē
0,16497 Sie begriffen die frowē
0,16498 Vñ būden si zv eiñ phale
0,16499 Vñ wurfen alle zv male
0,16500 Vf sie mit steinē
0,16501 Ir fleisch mit irme gebeine
0,16502 Wart so gar zvr slagē
0,16503 Man sol lange dar abe saugē
0,16504 Daz sie den lip also ųlos
0,16505 Vñ so bittern tot kos
0,16506 Noch wart sie bestat
0,16507 Ein teil verre vō đ stat
0,16508 In eime hartē schonē grabe
0,16509 Noch hat die stat namē dar abe
0,16510 Vnselic stat alle ųkart
0,16511 Wēne da begrabē wart
0,16512 Die edel kvneginne
0,16513 Vur kart vz irn sinne
0,16514 Also ųlos sie den lip
0,16515 Sie was iedoch ein vrumic wip
0,16516 Ir was ir leit alzv leit
0,16517 Des gwan sie sulche tobeheit
0,16518 Vō anđs deheiñ schande
0,16519 Des geschach in dem lande
0,16520 Wūderliche geschichte
0,16521 Als ich vch berichte
0,16522 Sich hup ein harte groz strit
0,16523 Ayax sprach zv đ zit
0,16524 Von salemine
0,16525 “Ich vñ die mine
0,16526 Wollē han palladiū
0,16527 Ich han pris vñ rum
0,16528 Vñ rittliche ere
0,16529 Hie begangē mere
0,16530 Dāne ein anđ habe getan
0,16531 Des wil ich diz bilde han”
0,16532 Do sprach diomedes
0,16533 “Wer stat vch des
0,16534 Ez ist vch allē wol kvnt
0,16535 Ich bin dicke wordē wunt
0,16536 Zv sturme vñ zv fechte
0,16537 Ist ez iemānes vō rechte
0,16538 Nach sime ųde
0,16539 Ich wene ez mir ųde”
0,16540 Thelamō sprach sine wort
0,16541 “Uwer rede ist vngehort

0,16542 Sol ez iemānes sin
0,16543 Nach siñ w̃de so ist ez min”
0,16544 Do sprach vñddes
0,16545 Ð wise vlixes
0,16546 “Mir ist vil vngemach
0,16547 Daz ũw hute dehein beiach
0,16548 Daz ez sin wesē solde
0,16549 Ob ich es niht enwolde
0,16550 So tet er affechte
0,16551 Swelich ũw es gedechte
0,16552 Ich sage vch war ṽbe ez min ist
0,16553 Ich han mit miñ list
0,16554 Daz bilde gwūnē
0,16555 Man mag es mir wol gūnen
0,16556 Ez wart mir gesant vz d̃ stat
0,16557 Do hette ich ez wol behat
0,16558 Wen daz ichz durch truwe tete
0,16559 Mit rate vñ mit miñ bete
0,16560 Vñ mit miñ lere
0,16561 Hat ir dise ere
0,16562 Hie zv troyge beiaget
0,16563 Daz golt daz ir h̃ren traget
0,16564 Die guldinē vingerlin ā d̃ hāt
0,16565 Vñ daz schone sidē gewant
0,16566 Vñ daz edel gesteine
0,16567 Vñ die linwat kleine
0,16568 Vñ daz silb̃ daz ir hat
0,16569 Daz gap vch allez min rat
0,16570 Ich eñwizze es vch niet
0,16571 Ich weiz wol daz ich eine riet
0,16572 Des wir alle riche sin
0,16573 Dar vmbe ist diz bilde min”
0,16574 Ajax sprach “ich wil vch wern
0,16575 S̃w sich den torē lezzet schern
0,16576 Der ist selb̃ ein tore
0,16577 Ez horte min ore
0,16578 Vñ ez hant mī ougē gesehē
0,16579 Des min m̃vt wil iehē
0,16580 Wir kvmē alle
0,16581 Vō ũwme rate zv schalle
0,16582 Vñ zv bosme worte
0,16583 Min ore daz horte
0,16584 Daz wir swurē meineit
0,16585 Ez ist mir ouch vil leit
0,16586 Daz ez min ouge ie gesach
0,16587 Vñ min mvnt ie gesprach
0,16588 Daz ir mich hiezzet sprechē
0,16589 Mag ich ez gerechē

0,16590 So sol ez vch geruwē
 0,16591 Daz ir mit vntruwē
 0,16592 Mit dehein anđ wisheit
 0,16593 Mich also v̄re hat v̄leit
 0,16594 Mir hat ein tore des geschorn
 0,16595 Daz ich durch in han gesworn
 0,16596 Daz ich mein eidic bin
 0,16597 Hat ir kvnst ođ sin
 0,16598 Daz ist vbel an vns schin
 0,16599 Sint wir truwelos sin
 0,16600 Des en lazze ich mich niet an
 0,16601 Wende ich baz dienen kan
 0,16602 Mit miñ massēnige
 0,16603 Was ich zv cornācige
 0,16604 Vñ zv trace gesant
 0,16605 Da nam ich allez daz ich fant
 0,16606 Polimestor wol entsub
 0,16607 Daz ich im vf hub
 0,16608 Allez daz er hete
 0,16609 Sine spise sin gerete
 0,16610 Ď kvnic vō frixen lande
 0,16611 Harte wol erkande
 0,16612 Die stetekeit min
 0,16613 Er weste wol daz ich sin
 0,16614 Dehein gnade newolde han
 0,16615 Er en mochte mir niht wiđstan
 0,16616 An sinē danc ich vf las
 0,16617 Swaz in sime lande was
 0,16618 Gargarie vnd arysan
 0,16619 Copsin̄ arisban
 0,16620 Dise kvnicriche
 0,16621 Twanc ich gewelticliche
 0,16622 Manige ere ich da nam
 0,16623 Swaz so mir zv quam
 0,16624 Daz was allez v̄lorn
 0,16625 Ich brachte vch dānē daz korn
 0,16626 Vñ kvwe vñ swin
 0,16627 Vñ fleisch vñ win
 0,16628 Erweiz vñ bonē
 0,16629 Des sol man mir nv lonē
 0,16630 Ane diz han ich vil getan
 0,16631 Des wil ich diz bilde han
 0,16632 Wil ez mir vlixes nemē
 0,16633 So lazze man vns bezemē
 0,16634 Vf dem creizze
 0,16635 Nv zv ageleizze
 0,16636 Behertet ers da so uure ez hin
 0,16637 Seht wa ich gereit bin

0,16638 Hette achilles daz lebē
 0,16639 Dem solde manz vō rechte gebē
 0,16640 Ð brach die bge v̄ twāc die lāt
 0,16641 Die kvnige ē drīne v̄bwant
 0,16642 Die stete er v̄brāte
 0,16643 Ð kvnic forbāte
 0,16644 Vō sinē hēdē tot lac
 0,16645 An ands gut beiac
 0,16646 Sine tocht̄ er nam
 0,16647 Diomedeam
 0,16648 Vñ ands manige schone maget
 0,16649 Ð pist̄ crises noch klaget
 0,16650 Vm die tochter sin
 0,16651 Syre vñ iherapolyn
 0,16652 Die wuste er eine
 0,16653 Wir genvzzē es alle gemeine
 0,16654 Daz enelyacas
 0,16655 Vnś geleite her was
 0,16656 Ez wer im liep ođ leit
 0,16657 Ouch quam sin ī erbeit
 0,16658 Ein stat heizzet pedason
 0,16659 Die gwan er v̄ erion
 0,16660 Dānen was brises
 0,16661 Ytis bereitet mich des
 0,16662 Daz sich đ vor leidē hinc
 0,16663 Do er im die lute abe vinc
 0,16664 Vñ im sine tocht̄ nam
 0,16665 Ypodomiam
 0,16666 Manic ere vns vō ime wart
 0,16667 Do wir warē vf đ vart
 0,16668 Do wir her quamē
 0,16669 Den sic wir hie namē
 0,16670 Vō siñ manheit
 0,16671 Vlixes sprichet wisheit
 0,16672 Ð wil ich geswigē
 0,16673 Ich wil da hin nigē
 0,16674 Da achilles ist begrabē
 0,16675 Vō dem wir alle sin erhabē
 0,16676 An gute vñ an ere
 0,16677 Ob er in liebe were
 0,16678 Diz palladiū were sin
 0,16679 Nv ist des niht nv ist ez min”
 0,16680 Manige rede vñ manic wort
 0,16681 Wart da vō in zwein gehort
 0,16682 Die nvwit ne v̄stiez
 0,16683 Agomēnon do enthieze
 0,16684 Vlyxi er solde ez hā
 0,16685 Des wolde er ime bi stan

- 0,16686 Da en were dehein furste
 0,16687 Ð ez wið redē turste
 0,16688 Sint daz er were
 0,16689 Ir aller richtere
 0,16690 Daz entet ē vm ands niet
 0,16691 Wen daz er pirro daz riet
 0,16692 Daz helena sins bruð wip
 0,16693 Vor im behilde irn lip
 0,16694 Hie hup sich maniĝ leige
 0,16695 Ruf vñ geschreige
 0,16696 Dē crichē was allē leit
 0,16697 Daz agomēnō dar ane streit
 0,16698 Daz vlixes daz bilde hete
 0,16699 Sie sprachē war vmbe ē daz tete
 0,16700 Wen ez baz gezeme
 0,16701 Daz ez ajax neme
 0,16702 Des were er harte wol wert
 0,16703 Do begreif ajax sin swt
 0,16704 Mit beidē sinē handē
 0,16705 Vñ sprach ich wil diz andē
 0,16706 Einewis oð andwis
 0,16707 Er si tump oð wis
 0,16708 Sw durch rittlichē rum
 0,16709 Wolle diz heilictum
 0,16710 Behten oð behalden
 0,16711 Ð lazze es heil waldē
 0,16712 Er trete her v berede ez hie
 0,16713 Do en lac sin arm nie
 0,16714 Vnz er ein rum gwan
 0,16715 Da enwas nie dehein so kvne mā
 0,16716 Ð sin torste erbitē
 0,16717 So ginc er vmbe schitē
 0,16718 Mit sus getanē leidē
 0,16719 Wart die rede gescheidē
 0,16720 Daz ir iegelich vor floch
 0,16721 Swa so ajax nach zoch
 0,16722 Des gwan er grozze fintschaft
 0,16723 Vō vlixē vñ sin rittschaft
 0,16724 Vñ vō agomēnone
 0,16725 Vil grozz vñ ouch me
 0,16726 Hie en hore ich itim niht me sagē
 0,16727 Des morgūs do ez begūde tagē
 0,16728 War ajax fundē
 0,16729 Wol mit tusent wūden
 0,16730 All zv houwē v zv schit
 0,16731 De nekvnde bi ð zit
 0,16732 Nieman rechte vstan
 0,16733 Wer daz hette getan

0,16734 Doch enwart ez so niht v̇swigē
 0,16735 Des wart vlixes gezigē
 0,16736 Vñ ouch menelaus
 0,16737 Dar vmbe vehete si pyrrus
 0,16738 Als ez quam vf den tag
 0,16739 Bi einzeln stuckē da er lag
 0,16740 Pirrus in zv samne las
 0,16741 Do weinte allez daz da was
 0,16742 Pirrus niht enwest
 0,16743 Wie er getete daz beste
 0,16744 Ouch en weste er waz sprechē
 0,16745 Er wolde in ġne rechē
 0,16746 Ob er weste an weme
 0,16747 Ė mochte an disme noch an deme
 0,16748 Deheine rechte schult habē
 0,16749 Doch liez er in begrabē
 0,16750 Also fliche
 0,16751 Daz dehein sin gliche
 0,16752 Nie newart bestat baz
 0,16753 In ein guldin vaz
 0,16754 Wart ayax geleit
 0,16755 Daz was priamo bereit
 0,16756 Ċ solde dar ine sin gelegē
 0,16757 Dar in legete man dē degē
 0,16758 Vlixes binnē fier tagē
 0,16759 Sint daz ayax was ěslagē
 0,16760 Entorste me zv lichte kvmē
 0,16761 Im hette ġne dē lip genvme
 0,16762 Pirrus vñ sin her
 0,16763 Des hup er sich bi nacht vf daz mer
 0,16764 Mit allē sinē mānen
 0,16765 Alsus quam er dānen
 0,16766 Diomeidi er daz bilde liez
 0,16767 Daz da palladiū hiez
 0,16768 Des namē hūdt ritt̃ ware
 0,16769 Wol gewapent v̇ wol gare
 0,16770 Beide nacht vñ tag
 0,16771 Alda ez behaldē lag
 0,16772 Bi đ selbē stunde
 0,16773 Cassand^a clagen begūde
 0,16774 Vñ hette daz geweinet
 0,16775 Daz ir mv̇t was gesteinert
 0,16776 Vñ irme vȧt daz houbet abe
 0,16777 V̇ ir swest̃ erslagē vf dem grabe
 0,16778 Ouch hette sie mer for gesehen
 0,16779 Daz agomēnō solde geschen
 0,16780 Zv agomēnone sie sprach
 0,16781 "Vch nahet groz vngemach

0,16782 Ob ich ez sprechē turste
0,16783 Ez ist simelich furste
0,16784 Dem ir getruwet harte wol
0,16785 Als frūt frunde sol
0,16786 Swie ir in zv frūde hat erkorn
0,16787 Ir hat sin den lip v̄lorn
0,16788 In uwers selbes hus
0,16789 Daz min vaʒ in dem bethus
0,16790 Vor dem altare wart erslagē
0,16791 Daz wil phebus niht v̄tragē
0,16792 Er richet in harte schiere
0,16793 Die armē troyre
0,16794 Die w̄dent alle gerochē
0,16795 Diz hāt vnse gote gesprochē
0,16796 Pallas v̄n apollo
0,16797 Des w̄dē die alle vnfro
0,16798 Die ez hant geratē
0,16799 Als die selbe tatē”
0,16800 Die crichē erbibetē v̄bal
0,16801 Ir iegelich erforhte sinē val
0,16802 Sie wūdtē sich sere
0,16803 Vō wem ir richtere
0,16804 Den lip solde v̄liesen
0,16805 Sie kvndē es niht erkiesen
0,16806 Noch wizzē vō rechte
0,16807 An wen sie des dechte
0,16808 Antenor bat mit flehē
0,16809 Die crichē vmbe die vehē
0,16810 Die sie vn̄d in hetē
0,16811 Daz siz durch got tetē
0,16812 V̄n lizzen sie zv gan
0,16813 Als er es sich hete vn̄dstan
0,16814 Diz dinc er also lange treip
0,16815 Vnz ez in gutē bleip
0,16816 V̄n als ez zv gute quam
0,16817 Mit im er sie heim nam
0,16818 V̄n gap in alles des gnvc
0,16819 Des die erde ie getruc
0,16820 Spise manighande
0,16821 Sine schuzzelē er vmbe sande
0,16822 Zam vnd wiltbrat
0,16823 Als ir dicke gesehen han
0,16824 In d̄ grozzē h̄ren hobe
0,16825 Beide zv rume v̄n zv lobe
0,16826 Als er in gnvc hette gegebē
0,16827 V̄n ez allez was ebē
0,16828 Vn̄d den crichē in rede was
0,16829 Daz her eneas

0,16830 Polixenam die schone maget
0,16831 In des tages hette vsaget
0,16832 Do sie antenor
0,16833 Vz ð kamerē zvge her vor
0,16834 Da sie was inne
0,16835 Diz duchte sie vmine
0,16836 Do sie gwünē die stat
0,16837 Des tages in ecuba bat
0,16838 Daz er sie naher ime nam
0,16839 Des barg er polixenam
0,16840 Des schuldigete in agomēnō
0,16841 Vñ pirrus achilles son
0,16842 Ez was in bedē vil zorn
0,16843 Sie zigē in er hete gesworn
0,16844 Daz er nimer mere
0,16845 Dehein hande swere
0,16846 Den crichē me getete
0,16847 Daz er die maget hete
0,16848 Vor in vborgē
0,16849 Ez solde im kvmē zv sorgē
0,16850 Ir iegelich im zv rechte vant
0,16851 Er solde rumē daz lant
0,16852 Er hette gesworn mein eit
0,16853 Des wart im da vf geleit
0,16854 Sie woldē ez in niet erlazze
0,16855 Er vure sine strazze
0,16856 Er were mein eidic
0,16857 Des wart er vil leidic
0,16858 Iedochc im ein frist wart
0,16859 Vnz er sich bereitte zv ð fart
0,16860 Vñ sine schif dar mite
0,16861 Noch dāne kvnde siñ vnsite
0,16862 Pirrus niht vgezzen
0,16863 Daz ð helt vmezzē
0,16864 Ajax also er mordet lac
0,16865 Sine ritter vnz an dē drittē tac
0,16866 Mit andn sinē magē
0,16867 Vf ime lagen
0,16868 Vñ hettē vf sime grabe
0,16869 Ir har geschorn alliz abe
0,16870 Vō den grozzē leidē
0,16871 Wēne er so was vscheidē
0,16872 Hettē sie sich gequalt
0,16873 Vñ so sere vstalt
0,16874 Daz ir iegelich
0,16875 Eime toren was glich
0,16876 Ir dehein sin vgez
0,16877 Sie klagetē baz vñ baz

0,16878 Sie westē wol ane wan
 0,16879 Ez hette agomēnō getan
 0,16880 Vñ sin bruð menelaus
 0,16881 Diz klagete pirrus
 0,16882 Vñ allez daz folc daz da was
 0,16883 Sie hizzē sie plistenidas
 0,16884 Daz was ein vngetruwe dīt
 0,16885 Die daz ergeste ġne rīt
 0,16886 Agomēnō wol sach
 0,16887 Daz im zv rumē gescāh
 0,16888 Sine schif er reitte
 0,16889 Kvme er ir erbeitte
 0,16890 Daz er in daz schif ġ
 0,16891 Sinē bruð er mit ime nam
 0,16892 Vñ do sie mit dē schiffē
 0,16893 Die hinfart begriffen
 0,16894 Vmb allez daz da ie gewart
 0,16895 Werē sie niht vbe gekart
 0,16896 Vō zwein kvninginn
 0,16897 An witzē vñ an sinnē
 0,16898 Biderbe vñ stete
 0,16899 Ajax zwene svne hete
 0,16900 Ivnc vñ kleine
 0,16901 Antides hiez ð eine
 0,16902 Vñ sin mvť glauca
 0,16903 Die and frowe hiez themisa
 0,16904 Vñ ir svn eustatis
 0,16905 Zv irme alð wol wis
 0,16906 Ouch was ir ieglich
 0,16907 Sime vať wol glich
 0,16908 Dise zoch theuces
 0,16909 Vnz sie schilt vñ sper
 0,16910 Mochtē wol geurborn
 0,16911 Daz sie irn vať hettē vñ lorn
 0,16912 Swie iunc sie werē
 0,16913 Ez begūde in vñ mē
 0,16914 An den die daz hettē getan
 0,16915 Hie mvz ich dise rede lan
 0,16916 Vñ griffen an die alde
 0,16917 Die crichē begūdē sich balde
 0,16918 Bereitē zv ð heimfart
 0,16919 Ð wint was in zv gekart
 0,16920 Die svmer wūne was gelegē
 0,16921 Starc wint svr regē
 0,16922 Vbel zit in allē endē
 0,16923 Treip die ellendē
 0,16924 In ir lant zv crichē wið
 0,16925 Eneas bleip da noch sider

0,16926 Die crichē kartē dānen
 0,16927 Mit sinē mannen
 0,16928 Was in kvrzē tagē da vor
 0,16929 Vō troyge gekart antenor
 0,16930 Ich enweiz rechte ī welich lant
 0,16931 Wen ich es gescribē niht fant
 0,16932 Wie daz lant geheizzē was
 0,16933 Itzvnt hette enneas
 0,16934 Sich bereit harte wol
 0,16935 Sine schif warē spise vol
 0,16936 Des begūdē er fragē
 0,16937 Zv frūdē vñ zv magē
 0,16938 Welch ir varē wolde
 0,16939 Er en mochte noch ensolde
 0,16940 Da niht me blibē
 0,16941 "Wie solde ich hie beclibē"
 0,16942 Sprach her enneas
 0,16943 "Da freude vñ wūne was
 0,16944 Da en ist dehein veste
 0,16945 Ylion was die beste
 0,16946 Die hant die crichē zv furt
 0,16947 Quemē h̄ morder in gerurt
 0,16948 Ich enkvnde dehein note
 0,16949 In disme einote
 0,16950 Entsitzē des wil ich varn
 0,16951 Ich wil ez harte wol bewarn
 0,16952 Daz ich eine hie beste
 0,16953 Ir h̄ren ich enweiz niht me
 0,16954 Swer so varē wolle
 0,16955 D̄ w̄de min geselle"
 0,16956 Die wile hette er gesant
 0,16957 Botē hin in daz lant
 0,16958 Da anthenor was inne
 0,16959 Vñ enbot im holde mine
 0,16960 Vñ hiez in vil sere bitē
 0,16961 Sint die crichē werē geritē
 0,16962 Daz er zv ime queme
 0,16963 Vñ sine wort v̄neme
 0,16964 Waz sie woldē ane gen
 0,16965 Ob sie zv troyge soldē bestē
 0,16966 Ođ dannē keren
 0,16967 Sint die crichē hinwec werē
 0,16968 Als er die botschaft v̄nam
 0,16969 Er ilte daz er dare quam
 0,16970 Doch endorfte es in niht erlangē
 0,16971 Er wart wirs enphāgē
 0,16972 Dēne im gelobet were
 0,16973 Eneas schuldigte in se

0,16974 Daz er were truwelos
 0,16975 "Daz ich die crichē zv frūt v̇los
 0,16976 Daz was allez uẇ scholt
 0,16977 Wa mite hette ich daz v̇scholt
 0,16978 Daz in vō vch zv orē quam
 0,16979 Daz ich polixenam
 0,16980 Hette behaldē
 0,16981 Ḋ tufel mvzze waldē
 0,16982 Uwer vntruwe
 0,16983 Nv saget vngetruwe
 0,16984 Sint ich die stat han
 0,16985 Wa turret ir bestan
 0,16986 Keret vz dem lande
 0,16987 Hette ich es deheine schande
 0,16988 Ir gesehet nīm̃ m̃ s̃nē schin
 0,16989 Ir mvzzet ellēde sin"
 0,16990 Anthenor erförhte harte
 0,16991 Mit dē sinē er dānē karte
 0,16992 Also iemliche
 0,16993 Rvmete er daz riche
 0,16994 Er hup sich vf den se
 0,16995 Do enweste er niht me
 0,16996 Als daz daz nie gewart
 0,16997 Wa er sich liezze an die vart
 0,16998 Do folgete er dem winde
 0,16999 Vn ouch sin gesinde
 0,17000 Sie enwistē rechte wa engein
 0,17001 Sie fure uber manigē stein
 0,17002 Vḃ berg vnd grunt
 0,17003 Daz ir schief nie bestunt
 0,17004 E sie quamē in ein lant
 0,17005 Da daz mer was genant
 0,17006 Adriaticū mare
 0,17007 Da wurdē si mit dem hare
 0,17008 Alle begriffen
 0,17009 Vn beroubet in dē schiffen
 0,17010 Ir wart da harte vil erslagē
 0,17011 Daz westē sie weme clagē
 0,17012 Vil groz was ir schade
 0,17013 Idoch quamē sie zv stade
 0,17014 Leidic vñ vnfro
 0,17015 Da gesahē sie einē vels ho
 0,17016 Eben breit gliche groz
 0,17017 In drin endē daz mer drūbe schoz
 0,17018 In and̃sit tygris
 0,17019 Man saget daz daz paradis
 0,17020 Dem waz̃ were harte na
 0,17021 Die herrē blibē alda

0,17022 Vn begriffen den berg
 0,17023 Vn vbetē alle zimerwerg
 0,17024 Vn buwetē in einē mande
 0,17025 Daz anthenor sich v̄wande
 0,17026 Daz alle werlt kvnne
 0,17027 Die burc niemer gwūne
 0,17028 Des vorhter ime kleine
 0,17029 Da was ein riche geine
 0,17030 Ierboin hiez daz lant
 0,17031 Mendeus was d̄ kvnic genāt
 0,17032 D̄ des landes wilt
 0,17033 Anthenorem er wol hilt
 0,17034 Er hette in kvrzer zit v̄scholt
 0,17035 Daz er ime was so holt
 0,17036 Mit geuogē v̄ mit heimelicheit
 0,17037 Daz mere hette sich gebreit
 0,17038 Man hette ez zv troyge wol v̄nvmē
 0,17039 Wie ez antenor was kvmē
 0,17040 Als ez itis hat geschribē
 0,17041 Die zv troyge warē blibē
 0,17042 An den rat sie vielē
 0,17043 Daz sie mit zwein kielē
 0,17044 Rvietē snelliche
 0,17045 In daz selbe riche
 0,17046 Da sie anthenorē fūden
 0,17047 Buwē sie da begūdē
 0,17048 Da gwūnē sie inne
 0,17049 An habe v̄n an gwīne
 0,17050 Daz sie in kvrzē iarē
 0,17051 Wol gerichet waren
 0,17052 Hie kere ich an die strazzē
 0,17053 Die ich han gelazzē
 0,17054 Vō d̄ crichē wiđvart
 0,17055 Als mich itis hat gelart
 0,17056 Waz dē crichē geschach
 0,17057 Weme gemach wem vngemach
 0,17058 Wer in dem mere bleip
 0,17059 Vn wen daz vngewiṡ treip
 0,17060 Vn des meres vnde
 0,17061 In die vnkvnnde
 0,17062 Wer da starp oḡ genas
 0,17063 Wie disme vnt deme was
 0,17064 Beide vor v̄n vort
 0,17065 Vnd hie vnt dort
 0,17066 Als ich es vor bereitet bin
 0,17067 Also sage ich vō in
 0,17068 Sie furē vf dem hohē mere
 0,17069 Ir mernere v̄ ir vere

0,17070 Hettē sie bracht gein ein lant
 0,17071 Da was daz mer genant
 0,17072 Egeū mare
 0,17073 Die sunne schein clare
 0,17074 Ð wint was harte gut
 0,17075 Sie warē des wetters wol gemvt
 0,17076 Vñ des gutes gemeit
 0,17077 Sie furē mit grozē rīcheit
 0,17078 Vō troyrer rīche
 0,17079 Alle gliche
 0,17080 Als daz swarze bi dem wizzē ist
 0,17081 Also wart in kvrzer frist
 0,17082 Ir svzze wet ir freude wart
 0,17083 Vmbe gewant vñ gekart
 0,17084 In ein vngeūte
 0,17085 Daz weter wart hte
 0,17086 Vñ die swarzē wolkē
 0,17087 Nið zv ð erdē solke
 0,17088 Ð himel wart trube
 0,17089 E sich ð wint erhube
 0,17090 So was ð sñē schin ergan
 0,17091 Ð wint liez ouch dare gan
 0,17092 Vñ warf sie vort vñ wið
 0,17093 Die vndē sluc sie vf vñ nider
 0,17094 Ouch schumete ð se
 0,17095 In wart vō starkē regene we
 0,17096 Die donre slege warē groz
 0,17097 Ð blic in vnð die ougē schoz
 0,17098 So daz in daz har vbran
 0,17099 Da newas dehein man
 0,17100 In hette ð regē na ertranct
 0,17101 Vñ ð blic gar besanct
 0,17102 Ð donre erveret
 0,17103 Vñ ð wint vkeret
 0,17104 Vñ daz mer ir schif alzv tībē
 0,17105 Ir was da vil tot blibē
 0,17106 Ouch quam ir vz ein teil
 0,17107 Die selbē hettē vnheil
 0,17108 Mir saget ytis alsus
 0,17109 Daz ajax orleus
 0,17110 Sine schif gar vlos
 0,17111 Arm vñ gnadē los
 0,17112 Vf eiñ dīl er vz swam
 0,17113 Vnz er doch zv stade quam
 0,17114 Da lac er eine vñ schrei
 0,17115 Daz mer er vz dem mēde spei
 0,17116 Zv swollē vñ zv drūgē
 0,17117 Sine gesellē in da vundē

0,17118 Daz selbe daz ir genas
0,17119 Daz merre teil ertrūkē was
0,17120 Die da genasen
0,17121 Die warē zv blasen
0,17122 Zv drügen vñ zv swalt
0,17123 Vñ also sere v̊stalt
0,17124 Houbet buch vñ bein
0,17125 So daz ir dehein
0,17126 Den an̊n bekante
0,17127 E er sich nante
0,17128 Dannoeh enkante er in niet wol
0,17129 Im was wazzers vol
0,17130 Ougē oren nase m̊t
0,17131 Diz weter dri tage stunt
0,17132 An dem fierdē vmbe mittē tac
0,17133 Harte kvme ez gelac
0,17134 Hie zvhet ein an̊ rede in
0,17135 Als ich dar an geleitet bin
0,17136 Also leite ich vch vort
0,17137 Ein furste hete gehort
0,17138 Ein lugēlich mere
0,17139 Wie palimedes were
0,17140 Vō vlixē erslagē
0,17141 Also horte er sagē
0,17142 Durch haz vñ nit
0,17143 Als ir vor berichtet sit
0,17144 Paris hette im dē lip genomē
0,17145 Sime vater waz daz mere k̊mē
0,17146 Ez hettē die crichē getan
0,17147 Des betrouc in sin wan
0,17148 Pamplus was er genant
0,17149 Er hette vber al sin lant
0,17150 Den crichē lage gestalt
0,17151 So groz was sin gewalt
0,17152 Sie mochtē sich des niht bewarn
0,17153 Sie mvstē durch sin lant farn
0,17154 Pamplus hete gehort
0,17155 Daz troyge were zv stort
0,17156 Vñ die crichē wiß karten
0,17157 Des liez er in warten
0,17158 Beide tac vñ nacht
0,17159 Ouch hette er daz vor bedacht
0,17160 Daz er wolde wachē
0,17161 Do liez er fur machē
0,17162 Swēne sie begūdē nehē
0,17163 Daz sie daz fur sehē
0,17164 Vñ sich dar nach berichtē
0,17165 Do quam ez vō geschichtē

0,17166 Daz in den selbē stūden
0,17167 Die c'ichē kǔdē
0,17168 Nierē comē vz dem mere
0,17169 Do gesach ǫ vere
0,17170 Daz vf ein ǫge ein fur bran
0,17171 ǫ berg hiez eboean
0,17172 Da berichtē sie sich nach
0,17173 In was zv dem ǫge harte gach
0,17174 Do was panplus da bereit
0,17175 Daz er gereche sin leit
0,17176 Do sie quamē zv geraht
0,17177 Sie mochtē vor ǫ vinst nacht
0,17178 Einē stic niht gesehē
0,17179 Des mvste in leide geschen
0,17180 Do sie quamē zv stade
0,17181 Sie wondē daz ir schade
0,17182 Gar were ergangē
0,17183 Ein vels hette gehangē
0,17184 Vǫ den stat manic iar
0,17185 Vil groz vñ swar
0,17186 Mit dē sinē paml⁹ vf hub
0,17187 Als er ir dar vnǫ entsup
0,17188 Er stiez den vels daz er viel
0,17189 Do enwas da nieren dehein kiel
0,17190 Noch mensche dar vnde
0,17191 Er sluge in zv grūde
0,17192 Die vorderstē blibē alle tot
0,17193 Die hinderstē hortē dise not
0,17194 Mit schiffen vñ mit schifmānē
0,17195 Kartē sie dānen
0,17196 Pamplus hete einē son
0,17197 Vō dem was man gewon
0,17198 Vbeler tete
0,17199 Vbel wort er hete
0,17200 In dem lande vǫ al
0,17201 ǫ quam zv ein frowē die hiez egyal
0,17202 Er sprach "waz tustu des
0,17203 Daz din man diomedes
0,17204 Ein anǫ wip genomē hat
0,17205 Din wirt nie dehein rat
0,17206 Er hat ir truwe gesworn
0,17207 Du hast din lant gar ǫlorn
0,17208 Er bringet briseidam
0,17209 Die er zv troyge zv wibe nam
0,17210 Er fert ǫ mit ein grozzē schar
0,17211 Frowe nv nim war
0,17212 Daz dir icht missege"
0,17213 Frowen clitemestre

0,17214 Agomēnonis wibe
 0,17215 Swur er auch bi sime libe
 0,17216 Daz er ein anđ wip brechte
 0,17217 Vñ ir vbel zv tune gedechte
 0,17218 Daz sie sich vor sehe
 0,17219 E ir vbel geschee
 0,17220 Frowe egial besante
 0,17221 Ir frunde die sie bekante
 0,17222 Vñ sagete in diz mere
 0,17223 Daz ez in leit were
 0,17224 Sprachē ir mage
 0,17225 Des staltē sie lage
 0,17226 Gein dem b̃ge eboean
 0,17227 Da quamē sie thelefum an
 0,17228 Thelefus satzete sich zv gewer
 0,17229 Egyal mit irme here
 0,17230 Tet dē crichē grozze not
 0,17231 Ouch bleip ir bruđ da tot
 0,17232 Der edele assandrus
 0,17233 Den ersluc theseus
 0,17234 Als diomedes ṽnam
 0,17235 Wi assandrus dar zv quam
 0,17236 Daz er tot was blibē
 0,17237 Er quam vf in getribē
 0,17238 Vñ sluc im slac ṽb̃ slac
 0,17239 Alda er tot lac
 0,17240 Die lute des iahen
 0,17241 Die diz vō ime sahē
 0,17242 Daz im daz liep was
 0,17243 Daz sin swaġ niht genas
 0,17244 Er wolde sine swest̃ zv kebise han
 0,17245 Des w̃tē sie im daz lant san
 0,17246 Des wart er zv leidē
 0,17247 Als ez was gescheidē
 0,17248 Sie tribē in vz dem lande
 0,17249 Er enwiste noch erkande
 0,17250 Dehein bez̃ ende
 0,17251 Des wart er ellende
 0,17252 Clitemestra agomēnonis wip
 0,17253 Die ṽriet im den lip
 0,17254 Harte vnwipliche
 0,17255 Sie hette bosliche
 0,17256 Mit eime ritter getan
 0,17257 Den wolde sie zv adel han
 0,17258 Egistus was er genant
 0,17259 Er enhette burg noch lant
 0,17260 Clitemestra vō disem man
 0,17261 Esyonam ein tocht̃ gwan

- 0,17262 Mit egisto sie riet
 0,17263 Do sich tac vñ nacht schiet
 0,17264 Daz er ging vf den stat
 0,17265 Do agomēnō vz dem schiffe trat
 0,17266 Da mordet er ī vf dem stade
 0,17267 Daz was schāde vñ schade
 0,17268 Daz ein kvnic wol geborn
 0,17269 Vō svlchme ritt was ṽlorn
 0,17270 Ouch was daz iañ harte groz
 0,17271 Daz ein frowe irn genoz
 0,17272 Durch einē bosen ṽkos
 0,17273 Vñ dar zv wart truwelos
 0,17274 Ğ kvnic agomēnō
 0,17275 Hette vō ir einē son
 0,17276 Ğ hiez orestes
 0,17277 Taltibius ṽsan sich des
 0,17278 Ob er mit đ mṽt blibe
 0,17279 Daz er niemer me beclibe
 0,17280 Des brachte er in ydomeneo
 0,17281 Leidic vñ vnfro
 0,17282 Daz sin herre was erslagē
 0,17283 Vñ begūde ez im clagē
 0,17284 Ydomeneo was leit
 0,17285 Daz vō sines wibes bosheit
 0,17286 Agomēnō tot lac
 0,17287 Sin h̃ze es allez erschrac
 0,17288 Orestem er zv ime nam
 0,17289 Vnz er zv korintien heim q̃
 0,17290 Sin wip sie beide wol enphinc
 0,17291 Mit armē sie in ṽbe vinc
 0,17292 Ouch wurdē sie wol enphāgē da
 0,17293 Vō siñ tocht̃ clymona
 0,17294 Ydomeneis wip thesaris
 0,17295 Zoch orestem alle wis
 0,17296 Zv korintē lande im̃ sint
 0,17297 Als er were ir kint
 0,17298 Alsus bleip agomēnō
 0,17299 Diomedes thideusis son
 0,17300 Ğ newiste wa er solde
 0,17301 Zv salemine er kerē wolde
 0,17302 Daz im thelamō riete
 0,17303 Ob er mit bete ođ mit miete
 0,17304 Sin lant mochte wiđ han
 0,17305 Do wart er vō theucro bestan
 0,17306 Vor im er kvme genas
 0,17307 Theucrus ayax bruđ was
 0,17308 Ğ zeich in er hette geratē
 0,17309 Daz sime bruđ den tot tatē

- 0,17310 Agomēnō vñ vlixes
 0,17311 Des karte diomedes
 0,17312 Mit sorge vñ mit trurde
 0,17313 Vz đ geburde
 0,17314 Demophō vñ achamas
 0,17315 Đ ĥre agomēnon was
 0,17316 Die enwistē wi gebarē
 0,17317 Do sie an im gehonet warē
 0,17318 Sie duchte daz schande
 0,17319 Kertē sie vz dem lande
 0,17320 Ane kamph vñ ane strit
 0,17321 Doch en mochtē sie zv đ zit
 0,17322 Egisto niht wiđ stan
 0,17323 Swi gerne siz woldē han getan
 0,17324 Do riet in nestor
 0,17325 Daz sie sich wol vsūnen vor
 0,17326 Waz in gut were
 0,17327 Mit leide vñ mit swere
 0,17328 Karten sie in daz lant
 0,17329 Daz chorintia was genant
 0,17330 Zv troyge dānoch blibē was
 0,17331 Mit sime her eneas
 0,17332 Er were ġne dānē gekart
 0,17333 Do wtē im die vz vart
 0,17334 Die furstē vmezzē
 0,17335 Die vm in warē gesezzē
 0,17336 Die hetē ġne im dē lip genvmē
 0,17337 Sie sprachē ez were vō im kvmē
 0,17338 Daz troyge were vratē
 0,17339 Manic leit sie im tatē
 0,17340 Er hette gehort vnđdes
 0,17341 Daz diomedes
 0,17342 Hete gerumet sin lant
 0,17343 Des hete er zv im gesant
 0,17344 Botē vñ briefe
 0,17345 Vñ bat in durch sine liebe
 0,17346 Daz er im hulfe dānen
 0,17347 Er wolde ime mit sinē mānē
 0,17348 Helfē sin lant behtē
 0,17349 Gein den die ez im wtē
 0,17350 Daz geschach also
 0,17351 Diomedes was fro
 0,17352 Vil balde er dar quam
 0,17353 Daz er eneam
 0,17354 Brechte vz dem lande
 0,17355 An last vñ an schande
 0,17356 Geschach in beidē groz schade
 0,17357 Ir finde bestūdē sie vf dem stade

- 0,17358 Sie satztē sich zv gewer
 0,17359 Vñ behildē daz mer
 0,17360 Vil menliche
 0,17361 Iene vō dem riche
 0,17362 Die wurdē sigelos
 0,17363 Ir dewēđ đ sinē vil ṽlos
 0,17364 Swie schadehaft sie werē
 0,17365 Sie kartē dānē mit eren
 0,17366 Diz mere hin zv crichē schal
 0,17367 Ez ṽnam frowe egial
 0,17368 Hern diomedes wip
 0,17369 Sie dachte e sie lant vñ lip
 0,17370 Vō ir zweier mach ṽlore
 0,17371 Sie wolde daz bewarē vore
 0,17372 Des sante si botē in en gein
 0,17373 Sie dachte sie mochte in zwein
 0,17374 Nicht vor gesitzē
 0,17375 Des wart ez mit witzē
 0,17376 Wol zv samne getribē
 0,17377 Daz er vñ sie mit gnadē blibē
 0,17378 Sus gwan er sin lant wiđ
 0,17379 Eneas vur dānoch siđ
 0,17380 Manigē tac vur sich
 0,17381 Vō veldiche meist̃ heinrich
 0,17382 Hat an sime buche gelart
 0,17383 Von eneas vart
 0,17384 Wa er vñ die sinē hin kartē
 0,17385 Sie blibē zv lampartē
 0,17386 Ydomeneus vō krethe
 0,17387 Oresti gesaget hete
 0,17388 Do er zv sinē taugē was comē
 0,17389 Wie egiste hete genomē
 0,17390 Sime vater den lip
 0,17391 Sin mṽt were ein vbel wip
 0,17392 Sie hete geratē dē mort
 0,17393 Do orestes hete erhort
 0,17394 Wie sin vãt was blibē
 0,17395 Sin h̃ze erschrac ē begūde bibē
 0,17396 Nicht lenġ er beitte
 0,17397 Er samente sich bezitte
 0,17398 Zwe tusent er gwan
 0,17399 Vñ siben hūdert man
 0,17400 Bracht ī forenses
 0,17401 Đ herre vñ orestes
 0,17402 Da warē egisto bede gram
 0,17403 Đ eine daz ē im dē vãt nam
 0,17404 Đ anđ wolde in durch daz bestan
 0,17405 Er hete sine tochter gelan

0,17406 Des kartē sie vō athene
0,17407 Hine zv micene
0,17408 Da was die kvnegīne
0,17409 Clitemestra inne
0,17410 Egistus was da heime nīht
0,17411 Clitemestra sere entriet
0,17412 Doch satzete sich zv were
0,17413 Ir son mit sime here
0,17414 Siñ mṽt sige ane uacht
0,17415 Er gwan die stat mit macht
0,17416 Sine mṽt er viec
0,17417 An einē boum ē sie hinc
0,17418 Als sie was erhangē
0,17419 Er zoch ir mit eiñ zangē
0,17420 Ir lide vō irme libe
0,17421 Ez engeschach nie wibe
0,17422 Vō svne sulche quale
0,17423 Zv dem selbē male
0,17424 E sie vollē were tot
0,17425 Sinē knechtē er gebot
0,17426 Daz sie sie zvgē in die grabē
0,17427 Die vogel soldē ir fleisch habē
0,17428 Ir gebein die hunde
0,17429 In der selben stunde
0,17430 Quam egistus zv gerant
0,17431 Daz er berette daz lant
0,17432 Des wart ̃ arme sigelos
0,17433 Er wart gefangē vñ ṽlos
0,17434 Sine vnrechtē ere
0,17435 Vñ leit grozze sere
0,17436 E er die ougē vurlure
0,17437 Im wart ein tot geleget vure
0,17438 Den er wol mṽste klagē
0,17439 Man bant in nacket zv eiñ phagē
0,17440 Vñ sleifete in durch die strazzē
0,17441 Do enwart er niht gelazzē
0,17442 E im zv fielē die liede
0,17443 Sint hinc man in mit ̃ wide
0,17444 Da er mite gebūdē was
0,17445 Bi die stat mizenas
0,17446 Diz mere wart gemeine
0,17447 Vber al die geine
0,17448 Beide zv hus vñ zv hobe
0,17449 Eteswa quam ē es zv lobe
0,17450 Eteswa zv vbeln worte
0,17451 Zv schadē vñ zv forhte
0,17452 Sin veter vñdes quam
0,17453 Vñ brachte mit im helenam

- 0,17454 Er ǫ arm zv lande
 0,17455 Vō habe vñ vō gewande
 0,17456 In maniĝ not er sint bleip
 0,17457 Sint sie daz weter zv treip
 0,17458 Er quam rechte zv stade
 0,17459 Da agomēnoni Ǳ schade
 0,17460 Sime bruǱ was geschen
 0,17461 Daz wolc lief vz durch besehē
 0,17462 Durch kaffē durch schowē
 0,17463 Helenam die frowē
 0,17464 Ir iegelich sie ĝne sach
 0,17465 Durch die die not alle gescāh
 0,17466 Menelao was zorn
 0,17467 Daz er dē bruǱ hete ǵlorn
 0,17468 Daz claget er vil sere
 0,17469 Ouch saget er zv mere
 0,17470 Daz theucer zv kypre was blibē
 0,17471 Vñ were da wole beclibē
 0,17472 An lande vñ an gesezze
 0,17473 Vñ wie ein slange frezze
 0,17474 Canopū sinē schif man
 0,17475 Da sagete er harte vil van
 0,17476 AnǱ mere er niht ǵgaz
 0,17477 Sint fur er vur baz
 0,17478 Hine gein micenas
 0,17479 Da sin lant bi was
 0,17480 Da enpfinc mā in zv sime rechte
 0,17481 Beide sin geslechte
 0,17482 Sine frunt vñ sine man
 0,17483 Vnz er gut gemach gewan
 0,17484 Vō maniĝ hande sache
 0,17485 Nach sime vngemache
 0,17486 Sint wart groz rede erhabē
 0,17487 Daz orestes in dem grabē
 0,17488 Sine mvǵ gesleiffet hete
 0,17489 Daz man im den tot tete
 0,17490 Rietē sie alle gemeine
 0,17491 Do wiǱret ez eine
 0,17492 Menesteus Ǳ hzoge
 0,17493 Er sprach ez ensolde niemā zv gezoge
 0,17494 Kvmē vmb sulche tat
 0,17495 Durch siñ mvǵ rat
 0,17496 Were sin vaǵ tot blibē
 0,17497 Vñ hete in selbe ǵtribē
 0,17498 Sie hette vō rechte irn lip ǵlorn
 0,17499 Des wart er zv kvnige erkorn
 0,17500 VǱ al sines vaǵ lant
 0,17501 Menesteu⁹ wart mit im gesant

0,17502 Daz er sin geleite were
0,17503 An sines vať ere
0,17504 Des vurte er in gewaldecliche
0,17505 In sines vať riche
0,17506 Hin zv micenas
0,17507 Da sin houbet stat was
0,17508 Orestis swest̃ erigena
0,17509 Egistis tocht̃ die was da
0,17510 Ð was also vil leit
0,17511 Daz orestes zv reit
0,17512 Vñ daz riche enpfinc
0,17513 Daz sie sich vor leidē hinc
0,17514 Ydomene⁹ von crete
0,17515 Der orestem gezogē hete
0,17516 Ð geschuf daz er zv wibe nam
0,17517 Menelais tocht̃ ermionam
0,17518 Die er vō helenā gwan
0,17519 Sines veter̃ tocht̃ man
0,17520 Wart hern orestes
0,17521 Bi den gezitē phlac mā des
0,17522 Bi ð zit̃ q̃ von crete
0,17523 Mit grozme vngerete
0,17524 Vlixes ð wise
0,17525 Vō windē von yse
0,17526 Vō hitze vō meres flut
0,17527 Swarz vñ vnbehut
0,17528 Bleich vñ misseuare
0,17529 Ime selbe vngelich gare
0,17530 Nacket als ein west̃barn
0,17531 Er hete tusent lant eruarn
0,17532 In maniĝ not besliffē
0,17533 In zwiĝ koufmān schiffē
0,17534 Quam er da zv lande
0,17535 Ydomene⁹ wande
0,17536 Do er in zv erst gesach
0,17537 E er im zv sprach
0,17538 Daz er ez niht were
0,17539 Er vagete vō ime mere
0,17540 Er leitte in heim ṽ pflac sin wol
0,17541 Ob ich vō ime sagē sol
0,17542 Waz im vf dem wege gescah
0,17543 So horet wie vlixes sprach
0,17544 "Aiacis mage
0,17545 Hetē mir lage
0,17546 Vf ð strazze gestalt
0,17547 Vñ namē mir mt gewalt
0,17548 Allez daz ich ie gwan
0,17549 Mit dem libe ich kvme entran

0,17550 Sie sprachē war vmbe siz tate
0,17551 Ich hete in ṽratē
0,17552 Panplus ouch mich bezoch
0,17553 Wen daz ich ime kvme enphloch
0,17554 Ich were gewislichē tot
0,17555 Sint hette ich mine not
0,17556 Garwe verwūden
0,17557 Vñ mine gesellē fundē
0,17558 Des schiffet ich nið i ein lant
0,17559 Daz was smirna genant
0,17560 Da geschach mir dehein leit
0,17561 Wen daz ich durch turheit
0,17562 Durch spise daz lant ṽkos
0,17563 Hin zv lotofagos
0,17564 Vō smirna ich karte
0,17565 Daz koste mich harte
0,17566 Dānē wurfē mich die winde
0,17567 Vñ weter swinde
0,17568 Zv sicilien an eine habe
0,17569 Ich mac īmer sin dar abe
0,17570 Leidic vñ vnfro
0,17571 Cycrops vñ lestugo
0,17572 Zwe bruð mich begriffē
0,17573 Vñ namē mir in dē schiffē
0,17574 Daz beste daz sie vūden
0,17575 Daz mochte ich habe ṽwūdē
0,17576 Wen daz ir svne quamē
0,17577 Vñ daz and̃teil namē
0,17578 Daz was olifeus
0,17579 Vnd polifemus
0,17580 Mich vñ die minē sie fingē
0,17581 Vñ hiezzen vns dingē
0,17582 Ṽ hilden vns in fencnisse
0,17583 In kerker vñ in finst̃nisse
0,17584 Wir enhetē silber noch golt
0,17585 Ouch enhetē sie an vns deheine scholt
0,17586 Des enhildē sie vns niht mere
0,17587 In dem kerkere
0,17588 Do wir quamē dar vor
0,17589 Do gesach min geselle alfenor
0,17590 Polifemis swest̃ eine
0,17591 Die luchte im so engeine
0,17592 Daz er des wande
0,17593 Diewile er in einem mande
0,17594 Da gefangē was gewesē
0,17595 Vō ir schone was genesen
0,17596 Die frowe nam ouch sin ware
0,17597 Er treip ez her vnt dare

0,17598 Mit gelubede vñ mit bete
 0,17599 Daz sie sinē willē tete
 0,17600 Ez enwart nie so schiere getan
 0,17601 Wir enhubē vns dānē san
 0,17602 Wir furē dannē bið nacht
 0,17603 Die frowe hete vz bracht
 0,17604 Mit ir vil varnð habe
 0,17605 E wir quemē zv ð habe
 0,17606 Da wir schiffe soldē
 0,17607 Do wart ez vns v̇goldē
 0,17608 Polifemvs was starc
 0,17609 Vñ vbel vñ ark
 0,17610 Er sluc ð minē vil dar nið
 0,17611 Sin swest̃ wat im wið
 0,17612 Sie was vil schone
 0,17613 Doch wart ir daz zv lone
 0,17614 Daz sie enphāgē hete ein kint
 0,17615 Da wart polifem⁹ blint
 0,17616 Den h̃ren ich blante
 0,17617 Da er mir nach rante
 0,17618 Daz ð h̃re blint was
 0,17619 Daz half mir daz ich genas
 0,17620 Sint warf mich des meres vnde
 0,17621 In eine vnkunde
 0,17622 In des kvniges eolis lant
 0,17623 Eine frowē ich da vant
 0,17624 Cyrce geheizen
 0,17625 Die hete mir entheizzē
 0,17626 Queme ich imer dānen
 0,17627 Ich were vor anðn mānē
 0,17628 Der selgeste ð ie gewart
 0,17629 Sie hete ein svndlichē art
 0,17630 V̇ vor anðn wibē ein anð lebē
 0,17631 Circe kvnde trenke gegebē
 0,17632 Svlich zouß sulche spise
 0,17633 Ez enwart nie mā so wise
 0,17634 Der irs dinges enbeiz
 0,17635 Ich han ez v̇suchet biz ichz weiz
 0,17636 Daz spriche ich vōð warheit
 0,17637 Er wart in sulchē stric geleit
 0,17638 Daz er in mvste blibē
 0,17639 Sie kvnde wūð tribē
 0,17640 Noch mer ich vō ir sagē mvz
 0,17641 Sie hete sulchē graz
 0,17642 Svlich gelaz sulche wort
 0,17643 S̃w ez hete gehort
 0,17644 Als ich ez gehort han
 0,17645 D̃ mvste imer da bestan

- 0,17646 Ich geswige all̃ zoberlist
 0,17647 Circe so geardet ist
 0,17648 Si wil man vß man
 0,17649 Niemā sich behutē kan
 0,17650 Er en mvzze da blibē
 0,17651 Mit ir vñ mit irn wibē
 0,17652 Sie gap mir trikē als ich getranc
 0,17653 Ich mvste an minē danc
 0,17654 Gedenkē an ir mīne
 0,17655 Mir stūden mine sine
 0,17656 Sint zv allē gezitē an sie
 0,17657 Ich enmochte ir ṽgezzē nie
 0,17658 Als ich ir spise gaz
 0,17659 Aller ð wibe ich ṽgaz
 0,17660 Ð ich da vor kvnde ie gwan
 0,17661 So ich sie dicker sach an
 0,17662 So ich mir lieb̃ gesach
 0,17663 Waz sol es mer mir geschach
 0,17664 Als manigē waz geschen
 0,17665 Ich wil ir ouch des iehen
 0,17666 Ez enwart nie suz̃ wip geborn
 0,17667 Sie hete ouch mich dar zv erkorn
 0,17668 Vñ sagete daz ich were
 0,17669 Ð beste mīnere
 0,17670 Ð ie bi ir gelac
 0,17671 Ich bleip da manigē tac
 0,17672 Ṽnemet wie ich dānē q̃
 0,17673 Min l̃ze mich mir selbē nam
 0,17674 Des weiz ich wol daz zober list
 0,17675 Gein mānes l̃zen ein wint ist
 0,17676 Ich gehilt mich zv miñ māheit
 0,17677 Vñ liez vō ð weicheit
 0,17678 Die mich ṽleit hete
 0,17679 Swie vñgne ich ez tete
 0,17680 Min l̃ze herte dinc tete
 0,17681 Zouber gift noch bete
 0,17682 Mochtē mich niht enthaldē
 0,17683 Ich liez es got waldē
 0,17684 Vñ karte dānen vorbaz
 0,17685 Vñ q̃ da calipsa saz
 0,17686 Ich hete mich gar des ergebē
 0,17687 Ich wolde imer mit ir lebē
 0,17688 Sie was ouch so getan
 0,17689 Ich wolde imer not han
 0,17690 Durch ire mīne suzzickeit
 0,17691 Hete sie steticheit
 0,17692 An wiplich̃ ere
 0,17693 Sie wart mir ṽmere

0,17694 Wēne sie was falshaft
 0,17695 Des bleip ich da vmbehaft
 0,17696 Do fur ich vurbaz ī dem mere
 0,17697 Do sagete mir der vere
 0,17698 Syrenes werē mir nahe bi
 0,17699 Freget ir waz sirenes si
 0,17700 Daz wil ich vch bedutē
 0,17701 Als ichz vō den lutē
 0,17702 In dem lande v̇nam
 0,17703 Ð ich do zv quam
 0,17704 Syrenes hant sulche gewalt
 0,17705 Ir stime ist vil manic valt
 0,17706 Vnd ir klanc so suzze
 0,17707 Man saget da mvzze
 0,17708 Kerē zv ir stime
 0,17709 Ez flizze oð swimm
 0,17710 Ez si ferre oð na
 0,17711 Swaz irn gesanc gehoret da
 0,17712 Wizzet ir wes ich da genas
 0,17713 Ich stiez vur mine orē was
 0,17714 Daz ich des sanges niht v̇nam
 0,17715 Caribdim vñ scyllam
 0,17716 Do ich sirenes v̇bwant
 0,17717 Zv grozzē sorgē ich fant
 0,17718 Ez en wart nie mā so wis
 0,17719 Ð weste waz caribdis
 0,17720 Vñ cilla were
 0,17721 Des en ste im̃ mere
 0,17722 Mir wart im dem lāde kvnt
 0,17723 Ez si daz mer ane grunt
 0,17724 In eime creizze ez v̇be gat
 0,17725 Daz ez nīm̃ bestat
 0,17726 Einē starkē kyel ez neme
 0,17727 Ob er dar queme
 0,17728 Na bi zehen milen
 0,17729 In eiñ kvrzē wilen
 0,17730 Hete ez den kyel in sich gezogē
 0,17731 Als vō eime snellē bogē
 0,17732 Ein phil mochte geuarn
 0,17733 Mich wolte got da bewarn
 0,17734 Ich kvnde dānē kvmē niet
 0,17735 An vbel ich doch dānē schiet
 0,17736 An minē gesellē mir leit geschach
 0,17737 Da iz mit dē ougē sach
 0,17738 E ich es rechte wart geware
 0,17739 Schoz ir daz merre teil dare
 0,17740 Die mit irn schiffē
 0,17741 Wurdē so begriffē

0,17742 Daz ir nimer mer dehein
 0,17743 Vf dem mere me geschein
 0,17744 Vñ als daz was ergangē
 0,17745 Sint wart ich gefangē
 0,17746 In fenicen lande
 0,17747 An habe v̄ an gewande
 0,17748 Bleip mir ands niet
 0,17749 Wen als ir ā mir hie gesiet”
 0,17750 Do er diz gesaget hete
 0,17751 Ğ kvnic da vō crete
 0,17752 Gab im harte gute gewant
 0,17753 Vñ sante in in sin lan
 0,17754 Harte hubisliche
 0,17755 Do vur er durch ein riche
 0,17756 Da alteon inne saz
 0,17757 Ğ enphinc in vil baz
 0,17758 Dēne er dort enpāgē were
 0,17759 Do v̇nam er daz mere
 0,17760 Daz manic ritt̃ gemeit
 0,17761 Mit grozz̃ cirheit
 0,17762 An spise vñ an gewāde
 0,17763 Lege in sime lande
 0,17764 Die g̃ne zv wibe heten
 0,17765 Penelopen die stetē
 0,17766 Die frowe vlixes wip
 0,17767 Hete behaldē irn lip
 0,17768 Also kvscliche
 0,17769 Daz niemā in dem riche
 0,17770 Nie bie eime worte
 0,17771 Vbel vō ir gehorte
 0,17772 Alteonē do vlixes bat
 0,17773 Daz er mit im in sine stat
 0,17774 Siñ ritt̃ ein teil sente
 0,17775 Daz er iene berēte
 0,17776 In đ herberge
 0,17777 Die durch ir erge
 0,17778 Vmbe sin wip warē kvmē
 0,17779 Als er daz hete v̇nmē
 0,17780 Daz geschach also
 0,17781 Vlixes heim zv lande zo
 0,17782 Er sluc vñ finc
 0,17783 Swaz er đ ie beginc
 0,17784 Die durch sines wibes schāde
 0,17785 Lagē in sime lāde
 0,17786 Sit geschuf ě daz navsicā
 0,17787 Alteonis toht̃ zv wibe nā
 0,17788 Thelemac⁹ sin son
 0,17789 Durch die liebe daz alteon

- 0,17790 Sine ritt^z hete gesant
 0,17791 Im zv hulfe in sin lant
 0,17792 Do erholte sich des
 0,17793 Ð wise vlixes
 0,17794 An gutme gemache
 0,17795 Daz im zv vngemache
 0,17796 Was geschen manigē tac
 0,17797 Nausica eines kindes gelac
 0,17798 Einē son sie gwan
 0,17799 Thelemac⁹ ir man
 0,17800 Hiez daz kint porpori⁹
 0,17801 Vlixes geslechte wus alsus
 0,17802 Hie mvz ich dise rede lan
 0,17803 Vñ an die aldē grede gan
 0,17804 Sagē gemach vñ vngemach
 0,17805 Waz achilles svne geschach
 0,17806 In welchē landē er bleip
 0,17807 Sint sie daz we^z zv treip
 0,17808 Vñ vō ein an^d wurtē zv furt
 0,17809 Pirrus quā an einē furt
 0,17810 Da daz lant moloses hiez
 0,17811 Zv stade er sich da liez
 0,17812 Sine schief warē zv sliffen
 0,17813 Vñ was in dē schiffen
 0,17814 Ð mastboum zv slizzē
 0,17815 Die segel zv rizzē
 0,17816 Die ru^d zv fallē
 0,17817 Sinē gesellē allen
 0,17818 Was not grozz^z ruwe
 0,17819 Nach irre vnruwe
 0,17820 Do quam im ein mere
 0,17821 Daz mvwete in also sere
 0,17822 Als sin vngerete
 0,17823 Einē elder va^z er hete
 0,17824 Ð selbe hiez peleus
 0,17825 Siñ ane acast⁹
 0,17826 Hñ peleū fienc
 0,17827 V̄ nam im al sin dīc
 0,17828 Stete burge vñ lant
 0,17829 Vñ swaz er dar inne vant
 0,17830 Als diz pirrus v̄nam
 0,17831 Do wart er sime anē gram
 0,17832 Ð daz vbel hete getan
 0,17833 Des sante er zwene botē san
 0,17834 Zv tessalie in die geine
 0,17835 Crispus was ð eine
 0,17836 Adrastus ð an^d bote
 0,17837 Die warē gereit zv sime gebote

0,17838 Vñ ritē vz fragē
 0,17839 Zv frūden vñ zv magē
 0,17840 Wie dise vn ere
 0,17841 Vnđ in kvmē were
 0,17842 Zv assandro sie quamē
 0,17843 An dem sie vñamē
 0,17844 Wie dise vehe
 0,17845 Vnđ in geschēe
 0,17846 Assandrus sagete vñ sprach
 0,17847 Wie die fehe geschach
 0,17848 Peleus bat zv einē geziten
 0,17849 Acastū mit im ritē
 0,17850 Vñ sine rittschaft
 0,17851 Zv ein wirtschaft
 0,17852 In ein gebirge da chyron
 0,17853 Zoch achillem peleuses son
 0,17854 Acastis tocht thetis
 0,17855 Peleusis wip die was so wis
 0,17856 Daz sie durch ir sinne
 0,17857 Hiez ein gotine
 0,17858 Durch achillen
 0,17859 Durch sin mvť willē
 0,17860 Vñ durch peleū irn man
 0,17861 Chyron so vil spise gwan
 0,17862 Wer im alle die werlt kvmē
 0,17863 Er mochte ir an spise wol gefrumē
 0,17864 Die wirtschaft also groz was
 0,17865 Do ladete chyron mvsas
 0,17866 Daz warē sengerē
 0,17867 Die quamē dar mit erē
 0,17868 Dar quamē poete
 0,17869 Die man zv gutem wde hete
 0,17870 Daz waren tichtere
 0,17871 Bi đ zit was ir lere
 0,17872 Vil lieb vñ ir list
 0,17873 Als ez hute dis tages ist
 0,17874 Nemeliche dem man
 0,17875 Die ir kvnst erkēn kan
 0,17876 Muse da so svngē
 0,17877 Daz ir stime erklügē
 0,17878 Vber manige mile
 0,17879 Da kvrzetē die wile
 0,17880 Die edeln tichtere
 0,17881 Mit manig hande mere
 0,17882 Da was kvrzewile viele
 0,17883 Vō manig hande seitē spiele
 0,17884 Was die hochzit also gut
 0,17885 Daz acastus dachte i sinē mvt

0,17886 Peleus queme es zv sulcheme lobe
 0,17887 Daz er heime vñ zv hobe
 0,17888 Solde kvmē an grozze w̃t
 0,17889 Immer sint herwert
 0,17890 Nach d̃ selbē hogzit
 0,17891 Truc er zv peleo nit
 0,17892 Dar vmbe hazzet er in noch
 0,17893 Do wiste er ein loch
 0,17894 Vf eime holē steine
 0,17895 Da were peleus eine
 0,17896 Im̃ sint inne
 0,17897 Sint die ṽmīne
 0,17898 Vñd in was geschen
 0,17899 Do sie die stat hetē besen
 0,17900 Vñ diz mere gehort
 0,17901 Do ritē sie wiđ an dē vort
 0,17902 Zv dem h̃ren pirro
 0,17903 Vñ sagetē im also
 0,17904 Als in vor was gesaget
 0,17905 Pirrus sprach "daz si geklaget
 0,17906 Allē den die hie sint
 0,17907 Bereitet die segele an dē wint
 0,17908 Mine schif sint bereit
 0,17909 Wir horē zv eiñ erbeit"
 0,17910 Des vur er nacht vñ tac
 0,17911 Daz er rvwe nie gepflac
 0,17912 E er q̃ da en gein
 0,17913 Vf den stat bi den stein
 0,17914 Da er peleū vffe vant
 0,17915 Des ginc er eine zv han
 0,17916 Vñ steic vñ clam
 0,17917 Vnz er vf den stein quam
 0,17918 Da vant er ein hol
 0,17919 Mosig vñ busche vol
 0,17920 Stille vñ eislich
 0,17921 Vinster vñ freislich
 0,17922 Da vffe vant er einē man
 0,17923 D̃ hete bose phlackē an
 0,17924 Vñ geŵtelee
 0,17925 Cranc vñ vnwehe
 0,17926 Sin har bestrubet vñ ṽkart
 0,17927 Lanc vñ dicke sin bart
 0,17928 Vñ was allez ṽstalt
 0,17929 Er was doch niht als alt
 0,17930 Als in geeldet hete
 0,17931 Sorge vñ vngerete
 0,17932 Als im pirrus zv sprach
 0,17933 Peleus in ane sach

0,17934 Do ersach er in richte
 0,17935 An sime ane gesichte
 0,17936 Vñ an sime gelazze
 0,17937 An libe vñ an mazze
 0,17938 Daz er was sines kides kint
 0,17939 Deweđ e noch sint
 0,17940 Enwart er nie me so fro
 0,17941 Des sagete er pirro
 0,17942 Wie ez im was komē
 0,17943 Als erz ouch vor hete vñomē
 0,17944 Pirrus sprach "des wirt rat
 0,17945 Sint ir noch den lip hat
 0,17946 Vwer lant wirt vch wol
 0,17947 Daz vch vō rechte wđē sol"
 0,17948 Sie redetē vil vñđdes
 0,17949 Manalippus vñ plastines
 0,17950 Acastis svne beide
 0,17951 Ritē vf đ heide
 0,17952 Vñ woldē birsen vñ iagē
 0,17953 Peleus begūdē im sagē
 0,17954 Ez werē sine mage
 0,17955 Pirrus svnđ trage
 0,17956 Sprāc vō deme steine niđ
 0,17957 Vñ ginc zv sinē gesellē wiđ
 0,17958 Vñ schurzete vf sin gewant
 0,17959 Vñ nam ein sper an die hant
 0,17960 Pyrrus lief balde
 0,17961 Hine gein dem walde
 0,17962 Sine gesellē folgetē im na
 0,17963 Er hiez daz sie sin da
 0,17964 Allesament beittē
 0,17965 Vn sich so bereittē
 0,17966 Daz sie im zv helfe quemē
 0,17967 Ob sie dein vbel vñemē
 0,17968 Alleine er do karte
 0,17969 Hine gein đ warte
 0,17970 Da er sich vñwande
 0,17971 Vñ als er quam gande
 0,17972 Do woldē sie beschindē
 0,17973 Einē hirtz ođ ein hindē
 0,17974 Ir itweđ vf đ hindē lac
 0,17975 Pirrus bot in gutē tac
 0,17976 Sie sagetē im gnade
 0,17977 "So vch got gnade
 0,17978 Wēnen get ir sus"
 0,17979 Do sprach er pirrus
 0,17980 "Ich gen da here vō dem stade
 0,17981 Mir ist geschen groz schade

- 0,17982 Ich han mine schif alle vlorn
 0,17983 Do ich gehorte uŵ horn
 0,17984 Were mir noch wirs geschen
 0,17985 Ich woldt vŵ freude sehen"
 0,17986 Vnd als sie lagē
 0,17987 Vn mer begūdē fragē
 0,17988 Do vnamē sie vbel mere
 0,17989 E ein wile were
 0,17990 So hete er sie erstochē
 0,17991 Vn hete sich gerochē
 0,17992 Vn sinē elđ vater
 0,17993 An in vn an irme vať
 0,17994 Als er dannē ginc
 0,17995 Do bequam im ein iūgelinc
 0,17996 Đ was geheizzē cyneras
 0,17997 Acastis bote er was
 0,17998 Vn ginc vō acasto
 0,17999 Vn fragete vmbe pirro
 0,18000 Ob er ieren an deheiñ nehe
 0,18001 Zwene ħren sehe
 0,18002 Mit irn iagēdē hūdē
 0,18003 "Sie hant einē hirtz fūdē
 0,18004 Vn sint hie vor vns vf đ vart
 0,18005 Des bin ich nach in gekart"
 0,18006 "Nv sage mir" sprach pirrus
 0,18007 "Wa ist acastus"
 0,18008 Đ anđ sprach "er ist hie bi
 0,18009 Ich wene er vil nahe si
 0,18010 Ich wene er kvmet iezo"
 0,18011 Er sprach daz wort nie so frou
 0,18012 So gahens er in ī sin ħze stach
 0,18013 Daz er nimer m wort sprach
 0,18014 Harte snel vn gerat
 0,18015 Lief er wiđ vf den stat
 0,18016 Vn zoch ane daz beste gewant
 0,18017 Daz er in dem schiffe fant
 0,18018 Vō phellel vn zindate
 0,18019 Vn lief vil drate
 0,18020 An gewere vn ane swt
 0,18021 Wiđ zv dem holtze wt
 0,18022 Da was acastus sin ane
 0,18023 Daz gewant daz er truc ane
 0,18024 Harte verre ez im engein
 0,18025 In daz buschech schein
 0,18026 Des karte acastus vz dē holtz
 0,18027 In duchte wol er were stoltz
 0,18028 Đ ritt ođ iūgelinc
 0,18029 Đ da vor dem walde ginc

0,18030 Sie gruztē sich mit wortē
 0,18031 Die darzv gehortē
 0,18032 Acastus fragete mere
 0,18033 Wēne ođ wer er were
 0,18034 Er sprach "ich bin vō ylion
 0,18035 Hern p'amus son
 0,18036 Mir ist missegangē
 0,18037 Pirrus hat mich gefangē
 0,18038 Vñ bracht in dise geine
 0,18039 Er liget dort eine
 0,18040 Hie bi an eime phade
 0,18041 Sine schif stant an deme stade
 0,18042 Hine vñ eine mile
 0,18043 Wīr warē durch kvrzewile
 0,18044 Sament kvmē vz dem mer
 0,18045 Des gingē wir beide ane gew
 0,18046 Vñ ane waffen
 0,18047 Nv ist er entslaffen
 0,18048 Ich horte hūde loufē hie
 0,18049 Ouch iagete ich ġne selbe ie
 0,18050 Des duchte mich also wehe
 0,18051 Daz ich hie sehe
 0,18052 Wie die hūde liefen
 0,18053 Als wir beide sliefen
 0,18054 Vns hat đ wint ħ getribē
 0,18055 Wir enwizzē wa wir sin blibē
 0,18056 Ouch enwizzē wir war kerē
 0,18057 Wen daz wir ġne werē
 0,18058 Vz dirre vnkvnde
 0,18059 Vns hat des meres vnde
 0,18060 Also sere vñgan
 0,18061 Daz wir đ spise niht enhan"
 0,18062 Acastus in sere bat
 0,18063 Wisen hin an den pfat
 0,18064 Da her pirrus lit
 0,18065 "Mir ist gesaget manige zit
 0,18066 Vō siñ grozzē frumekeit
 0,18067 Mir ist leiđ vil leit
 0,18068 Daz ich im gefrumē niet enkā
 0,18069 Ich bin ein ařmam
 0,18070 Vñ han anđs dehein gewin
 0,18071 Wē daz ich ein ieger bin
 0,18072 Lichte kvmet daz min rat
 0,18073 Im zv gutē statē stat"
 0,18074 Er ginc vor vñ iener nach
 0,18075 In was beidē vil gach
 0,18076 Do wuchzte pyrrus
 0,18077 Des wonde acastus

0,18078 Daz er pyrro riefē
 0,18079 Da er lege vñ sliefe
 0,18080 Do rief er hin in daz mer
 0,18081 Des lief ein michel her
 0,18082 Vzer den sciffe
 0,18083 Acastū sie begriffē
 0,18084 Sus wart er gefangē
 0,18085 Do ǫ thetis gegangē
 0,18086 Die quam wūdllichē dar
 0,18087 Die solde peleo die lipnar
 0,18088 Vf den stein han getragē
 0,18089 Do vant sie ir bruð erslagē
 0,18090 Vñ hete ouch ands vñomē
 0,18091 Wie ez dar zv was komē
 0,18092 Pirrū bat do thetis
 0,18093 Rechte alle die wis
 0,18094 Daz sie gebitē kñnde
 0,18095 Daz er in ǫ stunde
 0,18096 Irn vať liezze lebē
 0,18097 “Er mac dir harte wol gegebē
 0,18098 Beide silb vñ golt
 0,18099 Ich enhan es niht vm dich vñscholt
 0,18100 Du bist liebes vō mir niht gewō
 0,18101 Doch was dīn vať min son
 0,18102 Ich enwart nie mēschē noch enbin
 0,18103 So holt so dir an in
 0,18104 Also liep so du mir bist
 0,18105 So gib im sines libes frist”
 0,18106 Pyrrus sprach “daz si also
 0,18107 Sendet nach peleo
 0,18108 ǫ mac ez wol gestillē
 0,18109 Daz ich durch sinē willē
 0,18110 In disme lande han getan
 0,18111 Daz wil ich an sinē rat lan”
 0,18112 Do peleus dar quam
 0,18113 Pirrus sine ritť nam
 0,18114 Die wistē die da warē
 0,18115 An witzē vñ an iarē
 0,18116 Vñđ ein anđ sie ez tribē
 0,18117 Daz sie gefrunt alle blibē
 0,18118 Acastus den lip behilt
 0,18119 Peleus sint sines landes wilt
 0,18120 Pyrro wart so vil gegē
 0,18121 Daz ez allez wart eben
 0,18122 Waz sol ich mere
 0,18123 Wen daz acastis ere
 0,18124 Sin riche vñ sin lant
 0,18125 Wart an pirrū sint gewant

0,18126 Hectoris wip adromacham
 0,18127 Er in sin riche mit im nam
 0,18128 Die hete er vō troyge geuort
 0,18129 Do p'amis gesezze wart zv fort
 0,18130 Daz hetē sie also zv tribē
 0,18131 Daz da nirgē was blibē
 0,18132 Stein vf steine
 0,18133 Groz noch kleine
 0,18134 In đ zit pirrus oresti nam
 0,18135 Helenē tocht̃ ermionam
 0,18136 Mit craft vñ mit gewalt
 0,18137 Vñ hete sie bracht ī sin behalt
 0,18138 Daz clagete orestes alle tage
 0,18139 In half sin drowe noch sin klage
 0,18140 Swaz so orestes tete
 0,18141 Pyrrus sie vaste hete
 0,18142 Do vur zv delfos pirrus
 0,18143 Da was sin got phebus
 0,18144 Da wolde er sich er fragē
 0,18145 Vō sinē vať v vō sinē magē
 0,18146 Die zv troyge warē erslagē
 0,18147 Wie er sie solde klagē
 0,18148 Als ez gut were
 0,18149 Ermiona weinte sere
 0,18150 Daz er sie mit im niht en nam
 0,18151 Her hete sie vñ adromacham
 0,18152 Da heime gelazzē beide
 0,18153 Ermiona gedachte ir leide
 0,18154 Sie truc zv andromachē grozzē haz
 0,18155 Die frowe die ṽtruc daz
 0,18156 Ermiona die sante do
 0,18157 Nach irme vať menelao
 0,18158 Vñ fragete in waz sie es tete
 0,18159 Daz sie pirrus gelazzē hete
 0,18160 Mit hectoris wibe
 0,18161 Die dreuwete ir zv dem libe
 0,18162 Ouch were hectoris svn da
 0,18163 Daz kint laomedōta
 0,18164 Đ tete ir dicke grozze not
 0,18165 "Er enlige vō dinē handē tot
 0,18166 Ich enw̃de dir nīm mer holt
 0,18167 Er hat den tot an mir ṽscholt"
 0,18168 Manelaus wolde zv stete
 0,18169 Leistē siñ tocht̃ bete
 0,18170 Des wart andromacha geware
 0,18171 Sie schrei so lute daz dare
 0,18172 Die lute alle quamē
 0,18173 Vñ sie vō dē sorgē namē

0,18174 Ermionē was vngemach
0,18175 Daz ir wille niht geschach
0,18176 Do was dar kvmē vn̄ddes
0,18177 Ir erste man orestes
0,18178 Ð hete v̄nvmē
0,18179 War vmbe ir vāt dar was kvmē
0,18180 Do gelobete er ð frowē
0,18181 Er loste sie vō den rowen
0,18182 Ob sie mit ime wolte kerē
0,18183 Er wolde sie wol erē
0,18184 Daz geschach also
0,18185 Orestes lagete pirro
0,18186 Eine stat er kos
0,18187 Da er reit vō delfos
0,18188 Sin wec in vur in truc
0,18189 Pirrū er zv tode sluc
0,18190 Harte mortliche
0,18191 Vñ furte in sin riche
0,18192 Ermionē ir beið wip
0,18193 Do pirrus v̄lorn hete dē lip
0,18194 Do wart er zv delfos beg^abē
0,18195 Sint wart sin k̄vne vō im erhabē
0,18196 Andromacha vō im gwan
0,18197 Einē svn ð wart ein strēg mā
0,18198 Ð wart witē bekant
0,18199 Sime bruð gwā er sin lant
0,18200 Da zv troygē riche
0,18201 Harte mēliche
0,18202 Diz was hectoris son
0,18203 Dē andromacha vō ylion
0,18204 Zv crichē hete mit ir gefort
0,18205 Do ir lant wart zv stort
0,18206 Nv horet wūðliche dinc
0,18207 Wie ez vlixē erginc sint
0,18208 Vñ wie er sin ende nam
0,18209 Eines nachtes im zv quam
0,18210 In dem finst̄nisse
0,18211 Sines gotes gesteltēnisse
0,18212 Nich vollē gotliche
0,18213 Wē ein teil mēsliche
0,18214 Benið ð gotheit
0,18215 Vber der menscheit
0,18216 Da enzwischē was ez ein
0,18217 Als ez vō disē zwen
0,18218 Weð got noch man
0,18219 Hete ein svn̄den gescheffede an
0,18220 Vlixes selbe iach
0,18221 Des nachtes do erz gesach

- 0,18222 Daz in daz duchte
 0,18223 Daz ez so luchte
 0,18224 Als ez were mitter tag
 0,18225 Do er an dem bette lag
 0,18226 Do wolde er ez begriffē han
 0,18227 Er sprach "vlixes la stan
 0,18228 Du salt din grifē gar lan
 0,18229 Wen du macht min niht gevan"
 0,18230 Ez swememe dare vñ here
 0,18231 Mit eime vil schonē spere
 0,18232 Ez vur vort vnd vure
 0,18233 Vō ð want zv ð ture
 0,18234 Ein merfisch an sinem schafte
 0,18235 Obene ane hafte
 0,18236 "Mit deheīñ liste
 0,18237 Ich daz rechte wiste
 0,18238 Waz daz were
 0,18239 Ich fragete harte sere
 0,18240 Waz wūders daz mochte sin"
 0,18241 Ez sprach "ez wirt dir wol schin
 0,18242 Ich bezeichēne scheidūge
 0,18243 Vñ wandelūge
 0,18244 In dime lande"
 0,18245 Vlixes ð wande
 0,18246 Daz ez ime niet vbel solte wesen
 0,18247 Doch hiez er fragē vnd lesen
 0,18248 Vnð siñ phaffeheit
 0,18249 Ob sich sulicher wisheit
 0,18250 Ir deheiner ane zohte
 0,18251 Ð ime gesagē mochte
 0,18252 Waz daz dinc were
 0,18253 Waz sol ð rede mere
 0,18254 Die wisten rietē im daz
 0,18255 Daz er sich hutte baz
 0,18256 Dēne er vor hete
 0,18257 Im nehete vngerete
 0,18258 An frūden oð an kinden
 0,18259 Daz er ez niht wol vwindē
 0,18260 In deheine wis mochte
 0,18261 So daz ez ime tochte
 0,18262 Er hete zv kindē deheinē wan
 0,18263 Vō den ime mochte misseگان
 0,18264 Er was vbels niht vō in gewō
 0,18265 Er hete ouch niht wen einē son
 0,18266 Der thelemacus hiez
 0,18267 Den selbē er vurē liez
 0,18268 Harte v̄re in daz mer
 0,18269 Vñ hiez in haldē in ein̄ gewer

0,18270 Mit sulch̃ hute
 0,18271 Daz er in niet en mvte
 0,18272 Do machte er eine veste
 0,18273 Daz er wol weste
 0,18274 Were alle die werlt dar komē
 0,18275 Sie en mochtē sin da niet han genomē
 0,18276 Da obene gesaget ist
 0,18277 Mit welcher not mit welch̃ list
 0,18278 Vlixes vō circen schiet
 0,18279 Des en wiste er niet
 0,18280 Sint er vō ir comē was
 0,18281 Daz sie eines kides vō im genas
 0,18282 Eines svnes sie gelac
 0,18283 Darzv horte manic tac
 0,18284 E er queme zv sinē tagē
 0,18285 Vñ er horte sagē
 0,18286 Vō sime vať vlixē
 0,18287 Er enbeite niet me
 0,18288 Er wolde nach im in sin lant
 0,18289 Thelogon⁹ was er genant
 0,18290 Vñ was ein wol geschaffē mā
 0,18291 Er hete einē gutē mantel an
 0,18292 Vñ einē harte schonē roc
 0,18293 Wol gewūdē was sin loc
 0,18294 Gele vare crusp har
 0,18295 Er was alt funfzehē iar
 0,18296 Vñ eime risen glich
 0,18297 Er gurte ein swt vmbe sich
 0,18298 Vñ nam an die hant einē schaft
 0,18299 Da was vō phellel vf gehaft
 0,18300 Ein harte frisch vane
 0,18301 Da was ein meruisch ane
 0,18302 Mittē dar in gesnitē
 0,18303 Vñ mit golde wol vn̄ britē
 0,18304 Ð visch tet daz kvnt
 0,18305 Daz sin lant ī dem mere stūt
 0,18306 Thelogon⁹ ð helt gemeit
 0,18307 Saz vf vñ reit
 0,18308 Cyrce stalte grozze not
 0,18309 Sie bat vñ gebot
 0,18310 Daz er geselleschaft neme
 0,18311 Die ime wol gezeme
 0,18312 Ez were krump ođ recht
 0,18313 Er enwolde rit̃ noch knech
 0,18314 Er hup sich eine an die vart
 0,18315 Deheine ruwe ime wart
 0,18316 E er an die stat quam
 0,18317 Da er vlixem v̇nam

0,18318 In ein burc er in vant
0,18319 Da was er vil vmbekant
0,18320 Als er quam vur daz tor
0,18321 Do clopfete er da vor
0,18322 Vn sprach "tut vf die portē"
0,18323 Die in da vor hortē
0,18324 Die woltē in niht in lazzē
0,18325 "Ritent uw strazzē"
0,18326 Sprach d̃ torwarte dar in
0,18327 Er sprach "wizzet ir wer ich bin
0,18328 Ich bin vlixes svn"
0,18329 "Ir sit mir vil vngewon"
0,18330 "Tut vf balde"
0,18331 "Daz uwer d̃ tufel walde"
0,18332 "E ich hinen scheide
0,18333 Ez wirt vch zv leide
0,18334 Ob ir niht gne vf tut
0,18335 Tut vf balde ez dunket mich gut"
0,18336 Do sprach d̃ da inne
0,18337 "Habet uwer sinne
0,18338 Ir gebietet vns an not
0,18339 Vwer vor varn gebot
0,18340 An dirre stat nie dehein
0,18341 Mir ist die rede als ein stein"
0,18342 Thelogon erzvrnte daz
0,18343 Er trat zv d̃ portē baz
0,18344 Vn stiez vn dranc
0,18345 Daz d̃ torwart her vur spranc
0,18346 Vn wolde in abe tribē
0,18347 Des mvste er tot bliben
0,18348 Er sluc in zv hant dar ni d̃
0,18349 Vn spranc zv d̃ portē wi d̃
0,18350 Die da warē binnē
0,18351 Do sie des wurdē innē
0,18352 Vn sulch vnlust geware
0,18353 Do hubē sie sich dare
0,18354 Ir en was dehein so starc
0,18355 Noch so vbel noch so arc
0,18356 Getraf er in mit dem sw̃te
0,18357 Daz er sin niht me gte
0,18358 Da dranc er eine
0,18359 Wi d̃ sie alle gemeine
0,18360 Vnz er quam an die gewer
0,18361 Do bestunt in ein her
0,18362 Den er allē wi d̃ stunt
0,18363 Ouch wart er sere gewūt
0,18364 Swie gewūt so er was
0,18365 Vil lutzel ir genas

0,18366 Swelche ir ime zv quam
 0,18367 Er en blibe gewūt ođ lam
 0,18368 Sin vater vlixes
 0,18369 Vnđ quam sere des
 0,18370 Do er daz horte sagē
 0,18371 Daz sin svn sie hete erslagē
 0,18372 Vñ gewunt sere
 0,18373 Er wande ez thelemacus were
 0,18374 Den er hete vsant
 0,18375 Er nam eine glevien ī die hant
 0,18376 Vñ vmbe sich sin swt
 0,18377 Er lief gein đ portē wt
 0,18378 In ein rippe er in stach
 0,18379 Daz daz sper vor dem stiche brach
 0,18380 Thelegonvs denete ouch sinē schaft
 0,18381 Vf sinē vať mit sulch kraft
 0,18382 Daz er an đ erdē bleip
 0,18383 Dē schaft er also sere treip
 0,18384 Daz er andsit vz swanc
 0,18385 Me den einer ellē lanc
 0,18386 Daz blut im beđsit vz wiel
 0,18387 Vlixes aber dar niđ viel
 0,18388 Als er vor hete geschē
 0,18389 Also was ime geschehē
 0,18390 Vlixes do zv dē sinē sprach
 0,18391 Do er sinē tot sach
 0,18392 Nv aller erst se ich wol
 0,18393 Daz ez mir kvmē sol
 0,18394 Als mir vur was komē
 0,18395 Mir hat ein man dē lip genomē
 0,18396 Daz nie schoń man enwart
 0,18397 Vō siń geburt vñ vō siner art
 0,18398 Vñ vō sinē magē
 0,18399 Begūde er fragē
 0,18400 Do berichte in thelogon?
 0,18401 Beide so vñ sus
 0,18402 Vō magē vñ vō frūdē
 0,18403 Do rettē sie zv kvndē
 0,18404 Vnz ir itweder vnam
 0,18405 Wie sin vnselde quam
 0,18406 Thelogon? weinē begūde
 0,18407 Vñ sprach "owe đ stunde
 0,18408 In đ ich armer wart geborn
 0,18409 Wie han ich dem den lip vlorn
 0,18410 Vō dem min lip kvmē ist
 0,18411 Liebe vater daz du bist
 0,18412 Vō mir alsus erslagē"
 0,18413 Vlixes sprach "liebez kint

0,18414 Die vnse gote sin
 0,18415 Die woldē daz ez gesche
 0,18416 E ich circen sehe
 0,18417 Vō ð ich dich gewūnē han
 0,18418 Svn ez was inteile vns getan”
 0,18419 Do sante er nach thelamaco
 0,18420 Ð wolde thelogono
 0,18421 Den lip ġne han genvmē
 0,18422 Do wart ez kvme vnđkvme
 0,18423 Vnđ in beidē
 0,18424 Wart ez doch gescheidē
 0,18425 Vlixes ð enstatte es niet
 0,18426 Mit gutē wortē er ez schiet
 0,18427 Ouch v̄schiet er alzv̄hant
 0,18428 Daz mere quam in daz lant
 0,18429 Alle die ez v̄namē
 0,18430 Leidic sie dare quamē
 0,18431 Vlixes wart so wol bestat
 0,18432 In eiñ siner houbet stat
 0,18433 Vñ also herliche
 0,18434 Daz nie dehein sin gliche
 0,18435 Mochte vf der erdē
 0,18436 Baz bestat w̄den
 0,18437 Thelemacus behilt sin lant
 0,18438 Thelogon⁹ wart gesant
 0,18439 Wiđ zv siñ mv̄t lande
 0,18440 Mit golde vñ mit gewande
 0,18441 Vñ mit groz̄z richeit
 0,18442 Heim er in sin lant reit
 0,18443 Alsus hat ir v̄nvmē
 0,18444 Wie ez den vō troyge ist kvme
 0,18445 Vñ wie ez den crichen quam
 0,18446 Wie ir igelich sin ende nam
 0,18447 Da heime vñ in ellende
 0,18448 Hie ist des buches ende
 0,18449 Ir hat diz getichte wol gehort
 0,18450 Ez tichte vō fritslar herbort
 0,18451 Ein gelarter schulere
 0,18452 Ez en ist nicht achbere
 0,18453 Daz er icht dichtē kan
 0,18454 Doch so nimet er sis an
 0,18455 Mit andern tichteren
 0,18456 Der schar wil er merē
 0,18457 Er gert anders lobes niet
 0,18458 Alsus endet sich diz liet